

Bibliothèque numérique

medic@

**Glisson, Francis / Regemorter,
Ahasuerus. De Rachitide sive morbo
puerili, qui vulgo "the rickets" dicitur,
tractatus, opera primo ac potissimum
Francisci Glissonii, conscriptus,
adscitis in operis societatem Georgio
Bate et Ahasuero Regemortero**

Londini : Laurenti Sadler : R. Beaumont, 1650.



(c) Bibliothèque interuniversitaire de médecine (Paris)
Adresse permanente : <http://www.bium.univ-paris5.fr/histmed/medica/cote?71768>

DE
RACHITIDE
SIVE
MORBO PUEIRILLI
qui vulgo

The Rickets dicitur, 1768

Tractatus;


Operā primō ac potissimum
FRANCISCI GLISSONIK
Doctoris & publici Professoris Medi-
cinæ in almâ Cantabrigiæ Academiâ,
& Socii Collegii Medicorum
Londinensium, conscriptus :

Adscitis in operis societatem 1768
GEORGIO BATE,
&
AHASUERO REGEMORTERO

*Medicina quoque Doctoribus, & pariter Sociis
Collegii Medicorum Londinensium.*

*LONDINI, Typis Guil. Du-gardi; Impensis Laurentii Sadler, &
Robertii Beaumont: apud quos veneunt in vico
vulgè-vocato Little Britain 1650.*







Placet nobis, ut Tractatus de *RACHITIDE*,
sive Morbo Puerili, qui vulgo
the Rickets dicitur, imprima-
tur.

Jo. Clerk Praes.

Mauritius Williams Eq.

Aur. Censor.

Georgius Ent Censor.

Ioannes Micklethwait
Censor.

Ahasuerus Regemorter
Censor.

A 3

Ad



Ad Lectorem Praefatio.

Ante quinquennium, (Lector benevole!) nonnulla hunc affectum spectantia in privatis conventibus (quos aliquot Medici exercitationis in Artis operibus gratiâ interdum habere solemus) multò invicem scriptis chartis communica vimus. Quum ea viam ad ulteriore rem conditionis tum curationis hujus morbi indaginem quodammodo stravissent; operæ pretium postea visum fuit chartas illas ad incudem denuo revocare, & (excerptis ex iis quæ huic usui essent accommodata) integrum de hoc affectu tractatum concinnare. Cura ista communi suffragio concredita fuit Drⁱ Glissonio, Drⁱ Bate, & Drⁱ Rege-mortero, quibus primò placuit ne-gotium hoc secundūm futuri Tractatūs

Præfatio.

Statūs partes inter se dividere, singulīsque proprium suum pensum assignare. Sed cùm Dr. *Giffoni* suam partem (quæ investigationem Essentiæ hujus morbi comprehendebat) accuratè utriusque iudicio contexuisse, atque in ea multa à communibus Medicorum placitis (licet fortè minùs à veritate) aliena in medium attulisset; mutavimus consilium, primāque totius operis stamina ipsi soli pertinenda commisi-
mus, nè partes nimium heterogeneæ fibique difformes tandem exsurgerent. Accepit conditionem, eâ tamen lege, ut dum in hac Sparta ornanda occupatus esset, exterius duo sappiūs cùm ipso convenirent, & symbola sua ex propriis circa hunc affectum observationibus in subtegmen conferrent, quæque illius studio delineata & constructa proferrentur, horum examen tum iudicium, mox ut sub manibus nascebantur, subirent. Atque ità tan-

A 4

dem

Præfatio.

dem hoc qualemque opus ad umbilicum perductum est, idque jam in publicum producimus nequaquam impulsi scribendi prurigine (quod Epidemicum hujus ævi est cacoethes) sed eo tantum fine, ut cum nobis solis nati non simus, haec qualiacunque quæ cum ad tenellæ ætatis (in qua magna ex parte præsens, totum verò futurum genus humanum conclusum est) salutem, tum Reipublicæ literariæ incrementum utcunque facere possent, communia redderemus; quo etiam aliorum doctissimorum ingenia ad similes in essentias morborum eorumque caussas inquisitiones faciendas, & nostras hasce Lucubrationes examinandus perfectioresque aliquando redendas invitaremus. Cæterum obscura hujus Affectus essentia, & nostrum in hoc novo stadio percurrendo ausum, veniam (vel tacentibus nobis) apud te posulant, & ut defectus

Præfatio.

fectus, lapsus, errorésque horum conatum mitiori perstringantur censurâ, jure merítisque efflagitant. Denique noli à nobis hîc expectare pictum sermonem, & Rhetorum flosculis conspersum;

*Nobis non licet esse tam disertis,
Qui musas colimus severiores.*

Neque etiam materiæ conditio patitur ejusmodi fucum : isto modo
Ornari res ipsa negat, contenta doceri.

Vale,(Amice Lector !) atque eo animo hæc evolve, quo Tibi damus, hoc est, candido & benevolo.

F. G.

G. B.

A. R.

Nomina

Nomina eorum D^rum qui scriptis
chartis observationes suas in prima
nostra super hoc affectu exercitatione
contulerunt.

D^r F. GLISSON. D^r T. SHEAFE.
D^r G. BATE. D^r A. REGEMORTER.
D^r R. WRIGHT, *defunctus*. D^r N. PA-
GET. D^r J. GODDARD. D^r E. TRENCH.
Collegii Medicorum Londinensium
Socii.


Elenchus

L.G.

B.C.

R.A.

Motus





Elenchus Capitum, brevisque synopsis
Articulorum præcipuorum in
singulis contentorum.

CAP. I.

Antiquitas & prima origo hujus morbi, nomen ejusdem, hujusque derivatio. Pag. 1
Morbum hunc esse. B. I.

Morbum hunc esse.	p. 1
Primus ejus locus natalis.	p. 3
Nomen vulgare.	ibid.
Nomen huic morbo, appositè quadrans.	p. 5

CAP II.

*Anatomicæ observationes collectæ ex inspe-
ctione & dissectione corporum hoc morbo extin-
ctorum.*

Observata quæ citra dissectionem de- nudato defuncto exterius occur- runt.	p. 10
Quæ aperto Abdomine.	p. 12
Quæ aperto Thorace.	p. 13
Quæ aperto Capite , observantur.	p. 15

C A P. III.

*Ad faciliorem inventionem essentiae morbi,
supposita quadam proponuntur. Primum, de
Essentia*

Elenchus Capitum.

*sanitatis. Secundum, de Essentia morbi.
, de triplici divisione sanitatis & morbi.*

*Explicatio tertie divisionis ususque ejusdem.
Descriptio constitutionis naturalis, ejusdem ex-
altatio. Quartum suppositum de combinatione
trium constitutionum in iisdem partibus. p. 17*

*Divisio constitutionis, in qua consistit
Essentia sanitatis & morbi, in natura-
lem, vitalem, & animalem, hujusque
divisionis explicatio. p. 19*

*Descriptio constitutionis naturalis .
p. 23*

C A P. IV.

*Essentiam hujus morbi non consistere in con-
stitutione Animali, nec Vitali, sed Naturali, non
qua Organica, sed qua Similari. Limitationes tres
proponuntur. p. 26*

*Primam ac radicalem hujus morbi
essentiam consistere in frigida ac hu-
mida intemperie cum defectu ac tor-
pore spirituum insitorum concurren-
tibus in constitutione insita partium
primo affectarum. p. 35*

C A P. V.

*Examen sententiae propositae per partes. 1º.
morbam esse intemperiem frigidam. Object. &
Resp. 2º. Esse humidam. 3º. Consistere in spi-
rituum inopia. Object. et Resp. 4º In spirituum
torpore. p. 37*

Plura

Elenchus Capitum.

Plura concurrere ad tempora
calidum insitum constitu
quām solum spiritum insitum. p. 44

C A P. VI.

- Pars primò in hoc morbo affecta.* p. 48
 Non Cor aut Cerebrum. p. 48
 An Hepar sit subiectum primæ essentiæ
hujus morbi? *ibid.*
 Argumentorum quæ Affirmativam
suadeant, solutio. p. 49
 Negativa asseritur. p. 53
 An Pulmones sint subiectum primæ
essentiæ hujus morbi? p. 56
 Negativa asseritur. p. 57
 Partes primò affectas esse spinalem me-
dullam calvariam egressam; Nervos
omnes ab eadem productos; deniq;
omnes partes membranosas ac fi-
brofas ad quas nervi isti deferun-
tur. p. 58
 An ossa inter eas accensenda? p. 59
 Negatur. *ibid.*

C A P. VII.

- Secundaria hujus morbi Essentia.* p. 62
 Tonus Partium in quo consistat. p. 63
 Tonum Partium in hoc affectu esse vi-
tiatum, & esse quidem
 1^o. Nimis laxum. p. 64
 2^o. Nimis flaccidum. p. 65
 3^o. Nimis molle. *ibid.*
 4^o. Nimis

Elenchus Capitum.

4^o. Nimis lubricum interné. p. 66
 Dari internam & similarem quandam
 incorporibus naturalibus lubricita-
 tem, et si ea à Philosophis prætermis-
 sa sit. p. 66

Eam lubricitatem esse vel Oleosam seu
 pinguem, Aquosam, spirituosa, m
 salinam, & forte terrestrem. p. 68
 Partes primò affectas internā lubricita-
 te aquosa præter naturam esse affe-
 ctas. p. 69

Tonum partium in hoc affectu vitiatum
 non esse causam morbificam. p. 71
 Neque esse merum symptoma. ibid.
 Sed morbum esse. p. 71

Et quidem partem totius affectus. p. 74
 Quæ à primaria affectus essentiâ de-
 pendet, adeoque esse partem essen-
 tiæ secundaria. ibid.

Magnam esse dependentiam toni vitiati
 à prima hujus morbi essentia. p. 77

C A P. VIII.

*Essentia secundaria hujus morbi in constitu-
 tione vitali.* p. 80

Divisio Constitutionis vitalis in Ori-
 ginalem & Participatam. ibid.

Subjectum Constitutionis vitalis ori-
 ginalis non Corpus. ibid.

Sed spiritum vitalem.

C A P.

C A P . I X .

Vitiata generatio spirituum vitalium in hoc morbo; et an id vitium sit pars ejus essentiæ secundarie?

p. 84

C A P . X .

Vitiata distributione vitalium spirituum in hoc affectu; et an sit pars essentiæ ejus secundaria?

p. 90

Vitia distributionis tria. p. 90
Circuitum sanguinis non esse difficultem in hoc morbo. ibid.

Duae caussæ præcipuae celeritatis circuitus sanguinis. p. 93

Quatuor caussæ impellentes sanguinem,
& qualiter haec se habeant in praesenti affectu. p. 94

De irritatione Arteriarum ejusque caussis. p. 99

De renixu partium contra pulsum. ibid.

Ejus species, & caussæ. p. 103

Deficere irritationem pulsus in hoc affectu. p. 104

C A P . XI .

Inæqualitas distributionis, in hoc affectu.

p. 106

Ea probatur. p. 107

Et phænomenis quibusdam ulterius confirmatur. p. 108

C A P .

Elenchus Capitum.

C A P . X I I .

- Vitia Constitutionis vitalis participatae in hoc affectu.* p. 112
 In quibus consistat constitutio vitæ participatae. *ibid.*
- Explicatio primæ ejus partis, quæ est unio sanguinis arteriosi cum substantiâ partium solidarum. p. 113
- Explicatio secundæ ejus partis, quæ est calor vitalis in partibus solidis excitatus. p. 116
- Conditiones caloris vitalis secundum naturam se habentis. p. 117
- Explicatio tertiae partis constitutionis vitæ participatae quæ est vivificatio & exaltatio constitutionis naturalis. p. 120
- Quænam sit adæquata cauſsa & subiectum omnium naturalium facultatum? p. 121
- Vitia facultatum naturalium in hoc affectu. p. 122

C A P . X I I I .

- Vitia Organica constitutionis insitæ in hoc affectu.* p. 123.
 Quinque summa capita vitiorum Organicorum in hoc morbo. *ibid.*
- Communem eorum omnium cauſsam ferè esse *ἀλογοθερίας* seu improportionatam nutritionem partium. p. 124

a

Duæ

Elenchus Capitum.

- Duæ causæ hujus alogotrophiæ desig-
nantur. p. 125
 Cur partes primariò affectæ hic exte-
nentur? p. 126
 Cur caput præsertim cerebrum, & He-
par nimium in hoc affectu augean-
tur? p. 127
 Protuberantiae ossium in hoc affectu
causæ. p. 128
 Ossa in multis cum Parenchymatis vis-
cerum convenire. p. 129
 Ossa non omnino Arteriis destitui. *ibid.*
 Medullam non esse ossium alimentum;
sed quoddam eorum excrementum
seu fecrementum. p. 131
 Vitiatorum Dentium in hoc affectu
causæ. p. 136
 Curvitas ossium causæ. p. 138
 Inflexionis Articulorum causæ. p. 143
 Inflexionis spinæ causæ. p. 145
 Angustiæ & Acuminationis Pectoris
causæ. p. 147

C A P. X I V.

- Essentia secundaria hujus morbi in constituti-*
one Animali. p. 163
 Descriptio constitutionis animalis ma-
gis conformis opinioni veterum de
facultate animali. p. 164
 Descriptio ejusdem sec. aliquorum ne-
otericorum opinionem de facultate
animali. *ibid.*

Elenchus Capitum.

- Vitia constitutionis animalis in hoc
affectu. p. 167
Cur sensus non æquè hic lædatur ac
motus? p. 170

C A P . X V .

- Rachitidis Causæ, & 1^o quæ ad Parentes
attinent. p. 171
Duo summa cauſarum hujus morbi
genera. p. 172
An & quatenus morbus hic dici possit
hæreditarius? ibid.
Morbum hæreditarium esse propriè vel
impropriè sic dictum. ibid.
Utrumq; rursum duplēcēt esse. p. 173
Cur Infantes rarissimè hunc affectum
ante partum incurant. p. 176
Cur ii, qui ante partum hoc morbo
correpti fuerunt, gravius ac pericu-
losius laborent. p. 175
Enumeratio cauſarum quæ ex parte
Parentum hunc morbum produ-
cunt. p. 176
1^o. Quæ ante conceptionem à virtu to-
tius corporis Parentum procedunt,
ad 4 Clases reductæ. ibid.
1. Ad intemperiem frigidam & humili-
dam materiæ ex quâ semen genera-
tur, ejusque cauſæ. p. 177
2. Ad inopiam spirituum insitorum in
istâ materiâ, ejusque cauſæ. ibid.
a 2 3. Ad

Elenchus Capitum.

3. Ad Torporem materiae istius. p. 178
Hujus caussæ. p. 179
4. Ad vitiosas dispositiones Parentum
qui ipsi forte in sua pueritia hoc
morbo laboraverint.
- II^o. Vitia in ipsis partious genitalibus
Parentum residentia quatenus pos.
sint esse caussæ ante conceptionem.
p. 181
- Caussæ ex parte matris hunc morbum
post conceptionem producentes. p.
182

C A P. X V I.

- Causæ hujus morbi Pueris post partum inci-*
dentes. p. 184
- An morbus hic sit contagiosus? Ne-
gativa asseritur. p. 185
- Quid potissimum requiratur ad mor-
bum propriè contagiosum constitu-
endum. p. 186
- Caussæ post Partum hunc morbum in-
vehentes ad 2 Clases reductæ. p. 187
- De Aëre, & extrinsecus occurrentibus,
quatenus possint esse caussæ hujus
morbi. p. 188
- De Cibo & Potu intusque assump-
tis. p. 192
- De Motu, Quietè, Actionibus, & Exer-
citiis. p. 193
- De somno & vigiliis. p. 194
- De

Elenchus Capitum.

- De Excretis & retentis præter natu-
ram. p. 195
 Plures dari species excretorum quām
 vulgo statui solet. p. 196
 Singulas tamen excretorum species
 nondum nobis esse satīs notas. p.
 197
 Caussæ internæ hujus morbi. p. 198
 Quomodo Bilis possit esse hujus morbi
 caussa. p. 200
 Quomodo Melancholia hujus morbi
 caussa esse possit. p. 201
 Quomodo Pituita hujus morbi caussa
 esse possit. p. 202
 Quomodo sudor excedens vel defici-
 ens, ut & indebita transpiratio hujus
 morbi caussa esse possit. p. 203

C A P. XVII.

- Morbi antecedanei, qui hujus morbi caussæ esse
 possunt.* p. 204
 Tria horum morborum genera. *ibid.*
 Qui morbi huic sint affines & conge-
 neres. p. 205
 Quomodo morbi emaciantes corpūs-
 que quovis modo extenuantes possint
 esse hujus morbi caussa. p. 207
 Tria genera morborum corpus extenu-
 antium. p. 208
 Pueros rarissimè à soporosis affectibus

a 3

in

Elenchus Capitum.

in hunc morbum incidere, & cur?

p. 210

Qui morbi sint, qui frequentius solent torperem huic morbo proprium invehere.

p. 211

CAP. XVIII.

Cur ætate grandiores non æquè ac pueri huic morbo sint obnoxii?

p. 212

Juniores pueros frigidiori temperamento esse præditos quam seniores.

& cur? p. 213

Plura requiri ad constitutionem temperamenti calidi, quam spiritum insitum, & calorem insitum. p.

214

Differre revera intemperiem humidam quæ pueris, ab illa quæ senibus contingit, & quomodo. p. 215

Quæ ætas juniorum rarius, quæ frequentius huic affectui sit obnoxia.

p. 216

Cur Infantes recens nati rarissime afficiantur? ibid.

Lac muliebre saluberrimum Infantibus alimentum. p. 217

Exceptis certis casibus. p. 218

Cur Infantes à nono mense ad sesquiannum ætatis indies hoc morbo frequentius infestentur? p. 219

Error

Elenchus Capitum.

Error Nutricum quæ debiliores infantes præmaturè vestibus induunt, notatur. Et, quando Fasciæ Infantibus fint exuendaæ, ostenditur. p. 222

Cur morbus hic frequentissimè pueros post sesquiannum ætatis usque ad secundum cum dimidio affligat?

p. 223

An ætate grandiores unquam in hunc affectum incident?

Affirmativa afferitur sub certis limitationibus. p. 224

Historia morbi adultis apud nos interdum contingentis huic puerili morbo multum adsimilis. p. 226

Observatio Trigenarii morbo huic perquam simili laborantis. p. 227

C A P. X I X.

Cur in Anglia frequentius hic morbus occurrat quam in aliis regionibus? & An sit Anglis vernaculus? p. 230

Quatuor conditiones, ut morbi dicantur propriè vernaculi. p. 231

Qui morbi impropriè dicantur vernaculi. p. 233

Morbus propriè dictus vernaculus quotuplex. p. 234

Angliæ temperies frigida & humida. p. 237

a 4

Anglix

- Anglia regio admodum prolixa,
p. 239
 Diurna pax occasio est effeminatio-
nis corporum incolarum. p. 241
 Morbus hic longius latiusque exten-
ditur quam vulgo credi solet. p. 242
 Mollior vitae ratio tractu temporis fa-
milias enervare solet. p. 243
 Morbus hic non propriè dici potest
Anglis vernaculus. p. 244

C A P . X X .

Differentia morbi Rachitidis. pag. 245

1. Differentiae, ratione plurium vel pauciorum partium essentiæ secundariae hujus morbi. p. 247
- Quæ partes essentiæ secundariae sint inseparabiles à primariâ essentiâ hujus morbi. p. 248
- Quo ordine Organica vitia huic morbo superveniant. ibid.
2. Differentiae à magnitudine. pag. 250
3. Differentiae à vehementiâ morbi. p. 251
4. Differentiae à viribus ægrotantis. ibid.
5. Differentiae à Temporibus morbi. p. 252

Approbatio

Elenchus Capitum?

Approbatio divisionis Temporum morbi sec. Galenum, & ejusdem de- fectus notatus.	p. 253
Nova Augmenti divisio.	<i>ibid.</i>
Duplex declinatio morbi.	p. 254
Differentiae respectu caussarum.	pag. 256
Differentiae à morbis complicatis.	pag. 257
Qui morbi quandam dependentiam ab hoc morbo ejusve caussis habeant.	<i>ibid.</i>
Morborum horum caussarum p.	258. & 259

C A P. XXXI.

Signa morbi Rachitidis, & 1 ^o Diagnistica.	p. 261
Signum Pathognomonicum latius ex- tenditur quam vulgo solet.	p. 262
Eius in hoc sensu definitio.	p. 263
Quinque Fontes signorum diagnosti- corum hujus morbi.	p. 265
Signa ad actiones animales spectantia.	<i>ibid.</i>
Signa quae spectant ad irrationalem partium nutritionem.	p. 268
Signa quae respiciunt Respirationem.	
Signa quae spectant ad vitalem in- fluxum	p. 272

Elenchus Capitum.

fluxum. p. 274
 Signa quædam vaga. ibid.

C A P. XXII.

- Signa differentiarum Rachitidis, sive Dia-
critica.* p. 275
 Signa præsentis Rachitidis in princi-
pio adhuc existentis. p. 277
 Signa reliquorum Temporum hujus
morbi. p. 278, 279
 Signa morbi nativi impropriè sic dicti.
p. 280
 Signa hujus morbi ex integro post
partum contracti. p. 281
 Signa morborum qui cum hoc affectu
complicati solent, & quandam de-
pendentiam ab eo ejusve caussis ha-
bent. p. 283, & 284
 Aliorum morborum complicatorum
signa. p. 284, 285, 286

C A P. XXIII.

Signa prognostica in morbo Rachitide. pag.
287

C A P. XXIV.

- Methodus ad Praxin, tum Indicationes in
genere.* p. 294
 Quid Experientia, quid Ratio? ibid.
 Quid Indicatio? p. 295
 Quid Indicans? p. 296
 Quid

Elenchus Capitum.

Quid Indicatum?	p. 298
Cognatio officii medici cum actione Indicata.	p. 300
Collatio utriusque cum Scopis medi- cis.	p. 301
Ad quam intellectus operationem In- dicatio pertineat.	p. 308
Differentiae Indicationum.	p. 313
Duo Indicata abstracta generalissima, <i>viz.</i> Conservatio, & Correctio p. 314.	
Tria generalia Indicantia.	p. 318

C A P. XXV.

<i>Curativa Indicationes.</i>	p. 320
-------------------------------	--------

C A P. XXVI.

<i>Indicationes Præservative.</i>	p. 324
-----------------------------------	--------

C A P. XXVII.

<i>Indicatio Conservativa, seu Vitalis.</i>	p. 328
Indicationem vitalem esse in plures species divisibilem.	p. 329
Esse quoq; divisibilem in partes.	p. 331

C A P. XXVIII.

<i>Usus rectaque administratio Indicationum præ- dictarum.</i>	p. 335
Quæ comprehendantur sub usu Indica- tionum.	<i>ibid.</i>
De Consensu & Dissensu Indicatio- num.	<i>ibid.</i>
Circumstantiarum actionum Indica- tarum	

Elenchus Capitum.

- tarum inventio. pag. 337
 An morbus vel ejus causa prius à me-
 dico invadi debeat? P. 341
- C A P. XXIX.**
- Materia medica propositis Indicationibus re-
 spondens, & primò x̄epeγiūn.* P. 344
 De Aurium scarificatione. *ibid.*
 Conjectura nostra cur concha Auris
 præ cæteris ejus partibus in hoc af-
 fectu scarificetur. p. 346
 Utilitas scarificationis Aurium in hoc
 affectu. p. 347
 Fonticuli utilitas in hoc affectu. p. 348
 Ad hoc remedium non adscendendum
 nisi necessitas urgeat. *ibid.*
 Modus commodus Fonticulum ad nu-
 cham excitandi. p. 349
 Hirudinum usus plùs nocere quàm
 prodesse videtur. p. 350
 Cucurbitulæ cum scarificatione impro-
 bantur ut noxiæ: sine scarificatione,
 ut inutiles. *ibid.*
 Nisi alterutras efflagitet alius aliquis
 complicatus affectus. p. 351
 Vesicatoria interdum utiliter hīc adhi-
 bentur. *ibid.*
 Horum commoda in hoc casu. p. 352
 Et incommoda. p. 353
 Ligaturarum usus in hoc morbo cu-
 rando. *ibid.*
- Cau-

Elenchus Capitum.

Cautiones observandæ in harum usu.	
pag.	354
Fasciarum usus & modus eas concin-	
nandi.	<i>ibid.</i>
Ocrearum fibulatarum cum Ferulis	
constructio.	P. 355

C A P. XXX.

<i>Materia φαρμακευτικὴ, & 1° Eluentia primas</i>	
<i>vias.</i>	p. 358
Remediorum Pharmaceuticorum di-	
visio.	<i>ibid.</i>
Enematum usus, eorumque Formulæ	
quædam.	P. 359
Emeticorum utilitas.	p. 360
Cautiones circa horum usum obser-	
vandæ.	P. 362
Formulæ quædam eorum.	P. 363
Cathartica Lenitiva, & cautiones cir-	
ca eorum usum.	P. 364

C A P. XXXI.

<i>Præparantia, eorumque usus.</i>	p. 367
Horum genera.	<i>ibid.</i>
Quæ evacuatio magis, quæ minus præ-	
parationem exigat.	<i>ibid.</i>
Quæ præparatio quibus humoribus	
debeat.	<i>ibid.</i>
Viarum præparatio.	<i>ibid.</i>
Præparatio respectu Partium.	P. 368
Conditiones Præparantium in hoc	
affectu.	P. 369
	Per

Elenchus Capitum.

Per Epicrasin humores esse in hoc affe-	
ctu exigendos.	p. 369
Simplicia Præparantia:	p. 370
Composita.	p. 371

C A P. XXXII.

<i>Evacuantia Electivæ.</i>	p. 372
Quæ sint rejicienda.	<i>ibid.</i>
Rhabarbari in hoc affectu excellens utilitas.	p. 374
Purgantia electivè simplicia.	<i>ibid.</i>
Composita quædam.	p. 375

C A P. XXXIII.

Alterantia specifica.

Oppositio inter mōrum & hæc speci- fica.	p. 379
Quæ ex specificis sint nobiliora.	p. 381
Apozemata specifica & cerevisiæ me- dicatæ.	p. 382
Juscula & Panatellæ.	p. 384
Pulveres & Electuaria.	p. 385

C A P. XXXIV.

<i>Corrigentia symptomata.</i>	p. 387
Fluxū Alvi curatio.	p. 388
Cautio in restrictione sudoris immodi- ci.	p. 392
Sudoris immodici curatio.	p. 393
Cautiones circa chalybis usum in hoc affectu.	p. 394
Dentitionis laboriosæ, & Dentium do- loris curatio.	p. 396

C A P.

C A P. XXXV.

<i>Remedia externa.</i>	p. 398
Exercitii modi seu genera, horumque divisio.	p. 399
Varii Decubitūs mores, & in quibus casibus singuli noxii vel utiles sint.	p. 399, &c.
Decubitūs præ cæteris exercitiis in cer- tis casibus prærogativa.	p. 401
Cunarum agitationis usus.	p. 402
Gestationis in ulnis, & similiū usus. <i>ib.</i>	
Lusuum sedentariorum usus.	p. 403
Incessūs usus.	p. 404
Artificialis corporis suspensionis usus.	p. 405
Frictionis usus.	p. 406
Contrectationis Abdominis usus.	p. 407
Frequentis Adnascentiæ Hepatis in hoc affectu caufsa.	<i>ibid.</i>

C A P. XXXVI.

<i>Extrinsicus applicanda.</i>	p. 409
Horum divisio, & variæ formæ.	<i>ibid.</i>
Liquores.	<i>ibid.</i>
Olea.	p. 41
Unguentorum in hoc affectu compo- nendi ratio & formulæ.	p. 411
Externa Hypochondriis appropr.	p. 412
Externa Pulmonibus dicata.	p. 414
Spinæ remedia externa.	p. 415
Errata.	

Errata.

Pag. 1. l. 12. *lege accensere*. 2. 25. possint. 6. 19. fin aliret
 7. 18. Latinum. p. 9. in marg. Frequens. 11. 11. qui. 13. 2. negemus. 13. 8.
 tensionis. ibid. 22. occurrant. 16. 9. exiliores. ibid. 11. oculati. 19. 22. ad-
 mittat. 20. 9. quin. 23. 10. referuntur) organizationem. 24. 14. vitalis seu
 animalis, &c. 24. 4. aptæ. 26. 2. & 3. prima, secunda, tertia causa. ibid. 1. 4.
 Adde IV. 32. 22. fint. ibid. 28. inaequalitas. 47. 13. facta debitæ, &c. 52. 4.
 ducant. 53. 7. avocationem. 55. ult. durante. 56. 14. videntur. ibid. l. 19.
 frictione. 57. 27. deles ut à longè à primâ morbi essentia. 61. 21. necessario.
 67. 22. illinuntur. ibid. ultim. partium. 70. 28. afflumantur. 71. 22. ubi
 ibid. 27. merum. ibid. l. ult. ladente. 74. 24. secundarie. 76. 3. omnino-
 de. 77. 6. devolvetemur. 78. 27. dependeat. ibid. ult. secundarie. 85. 17.
 vitales. 87. 1. D. spiritu. 92. 15. copiâ 93. 17. non opponi, &c. 96. 12. par-
 ciùs. ibid. 24. morati. 102. 9. contusio. 115. 11. solidarum. 123. 11. co-
 lor. 125. 17. decrecunt. 130. 16. ramificatione. 132. 3. exfundationibus. 142.
 16. D. angularis. 148. 5. infertur. 149. 7. constituant. 150. 26. hypochon-
 diis subgendentur. 151. Figura metu not 2. & infima 3. 152. 7. 6. distat. 154
 22. crassis. ibid. 27. D. à. 160. 18. evincitur. ibid. l. ante penult. contineret.
 161. 1. carum. 167. 24. fatigant. 169. 6. prebeat. 171. 13. Pax. 178. 18. ibid.
 ult. cam. 172. 8. influunt. ibid. 18. procedamus. 175. 20. affectiones. 178
 19. affectum. 182. in marg. l. 16. faciunt ad improbum, &c. ibid. l. 17. refer-
 tot. 19. 3. 14. afflumpta. 194. 1. hinc. 207. 11. atterunt. 222. 5. inefficacior.
 ibid. l. 13. induunt. 237. 24. pleraque alias. 249. 2. morbus. ibid. 3. morbos
 262. 14. corum. ibid. 17. 20. ovipositor. 263. 3. apparens in vel circa. &c. 268.
 4. prægressa. 275. 1. 5. sequuntur. 278. 5. coloris. 283. 1. 2. aliquantò. 290. 20.
 id. c. 298. 24. nostrâ. 305. 4. D. non 306. 2. propositione fique. 316. 5. non
 tamen &c. 323. ante penult. Hac. 324. 14. in primis. ibid. ult. secundum.
 347. 17. reducat. 348. 9. alligant. 349. 15. sensum. 354. 2. liberam. 361. in
 marg. adhibenda in &c. 363. 8. in primis. ibid. 25. 3. ibid. 29. Alari. ibid.
 penult. l. 3. ij. 365. penult. folut. 366. 1. cerevisiati. ibi. 3. &c. ibid. l. 3. Poma.
 ibid. l. 4. N. 371. 6. macis. ibid. l. ult. exacinar. 372. 10. decubung. ibid. l.
 22. partim. 376. 11. mehotakan. 377. 1. dulc. ibid. l. 19. libj. 382. 4. morbi.
 385. 2. zjj. 388. 1. 9. zjj. ibid. l. 13. exhibeatur. ibid. l. 14. 2. 1. 3. 388. 11.
 4. 11. in marg. affectu. ibid. 21. baccar. 413. 2. generalis. ibid. 6. D. ad: ibid.
 21. anserin. 415. 3. Oli. viol. ibid. 25. 3. v.



C A P. I.

*Antiquitas & prima origo hujus morbi, nomen
eiusdem hujusque derivatio.*

NOvos nonnullos morbos veteribus planè ignotos, varios Europæ tractus paucis abhinc retrò seculis invasisse certissimum est; (sive id vicissitudini terum, sive peccatis hominum & corruptis moribus tribuamus) ut Luem Venereum, scorbutum, Plicam Polonicam & similes, quorum numero hunc ipsum, de quo acturi Morbum sumus, affectum accersere licet. Etenim si hunc esse omnes Infantium & Puerorum morbos novum, cùm à Veteribus tum Neotericis in libris suis de Infantum Morbis descriptos examinare libeat, nullum inveniemus qui hujus idæam & conditionem satè exactè exprimat. **Licet**
B **enim**

enim aliquid commercii & affinitatis habere videatur cum febre lenta, cum tabe, cum macie Infantum, & hydrocephalo, revera tamen planè diversus specie est ab his affectus. Multos quippe reperias hoc morbo graviter afflictos absque febrili intemperie, aut ullâ causâ suspicionis ejusdem: similiter etsi tabes frequenter ante obitum huic morbo superveniat, rarissimè tamen primam ejus invasionem comitatur. Quod ad maciem attinet, licet partes nonnullæ in hoc affectu extenuatae perpetuò observentur, non tamen id omnibus ex æquo perinde, ut in vera macie accidit, sed partescirca caput & faciem floridæ, & bene pastæ ad extremum ferè vitæ diem cernuntur. Denique hydrocephalus sæpe quidem cum hoc affectu complicatur; nonnullos tamen ab hoc morbo extintos dissecuimus, quibus cerebrum satís firmum fuit, neque superfluo sero irriguum. Conjectarunt aliqui morbum hunc propaginem quandam esse seu fructum Luis Venereæ aut scorbuti à parentibus ad liberos propagatum. Non equidem negamus quin parentes Lue Venereæ aut scorbuto laborantes, posse prolem non modo Lue Venereæ aut scorbuto, sed & hoc etiam morbo simul affectam edere, atque hoc nonnunquam contigisse observatum est; ut plurimum tamen morbus hic nihil habet in propria sua essentia cognationis aut familiaritatis.

tis cum ipsis morbis, neque similem curationem postulat, strumosam quoque affectionem cum hac aliquoties complicatam observavimus: sed & hanc quoque ab illa & illam ab hac frequentius bene distinctam vidi-
mus.

Sed quorsum huic inquisitioni diutiis immoramus: cum qui velit attentiū signa hujus affectionis suo loco proponenda contemplati, facillimē sibi persuadeat, morbum esse planē novum, neque unquam fuisse à veteribus aut neotericis in libris suis practicis de morbis Infantium hactenus divulgatis de-
scriptum.

Innotuit autem primum hic morbus (quantum quidem ex aliorum relatione, diligenti facto examine, colligere potuimus) in occidentalibus Angliae tractibus, in Comitatu scil. Dorset & Somerset, triginta circiter retro ab hinc annis. Ab eo tempore paullatim ejus notitia ad alia quoque loca derivata est, Londinum putà, Cantabrigiam, Oxoniū, immo omnes penè Australes & Occidentales Angliae partes: In Septentrionalibus autem Comitatibus multò rariū hic morbus occurrit, & vixdum vulgo communiter est factus notus.

Cæterū nomen morbi vulgo receptum apud eos, quibus is familiaris, est the Rickets: Quis verò primus morbum hoc

B 2. nomine

Antiquitas ejus,
primusque
locus nat-
alis.

Nomen
Vulgare,

(4)

nomine donaverit valdè est incertum, ut & quā occasione id factum, casuē an con filio.

Utcunqne nomen impositum sit, apud omnes obtinuit, ut in tanta varietate locorum, nondum alio nomine appellatum fuisse, aut etiamnum appellari intellexerimus.

Admiratione autem dignum est, quòd cùm morbus recens sit, & non ità pridem nomine donatus, neque in locis adeò diffitis aut in accessis vigens, nemo hactenus inventi potuerit, qui sciret aut ostenderet, vel primum nominis autorem, vel ægrotum cui primum nomen morbi accommodatum fuit, vel locum peculiarem ubi id factum, vel modum etiam quo indè in vulgus dispersum fuit. Populus nomen morbi nactus quasi renaviter gestâ acquiescit, neque ulterius se sollicitum vult de nominis autore aut re ipsâ.

Quandoquidem autem Latinæ Græcæque Linguæ periti exspectant fortè à nobis nomen, cuius aliqualis ratio reddi possit, varia nos huic morbo coaptavimus, quæ tamen singula recensere non erit forsitan operæ-premium; regulas tamen quas in nomine designando nobis ipsis proposuimus, commemorare non erit fortè inutile. Prima ergò erat ut nomen morbi notabilem aliquam ejus conditionem comprehenderet. Secunda, ut id satis

Regulæ
obseruatæ
in novâ
hujus
morbi de-
nominati-
one.

Iatis esset distinctum ab aliorum morborum & symptomatum nominibus. Tertia, ut esset sati familiare, pronunciatu facile, memoriæ quoque accommodatum, non nimis longum, neque operosiùs decompositum.

Dùm hisce regulis satisfacere satagimus, Nomen aliquis nostrum casu quodam in nomen in- huic mor- cedit quod sibi & cæteris quoque postmo- bo apposi- dum arrisit. Fuit autem *rōos pax̄ītūs*, vel etiam tè qua- drans.

pax̄ītūs (siquidem illa terminatio non planè abhorret à communi genere) morbus spina- lis, item *rōos tūs pax̄eas*, morbus spinæ dorsi. Est enim spina dorsi inter partes primò in hoc morbo affectas princeps. Deinde nullus aliis morbus aut symptomata nomen hoc ei præripuit: Præterea nomen hoc familiare est ac facile. Denique videmur hoc nomine Anglicum nomen tanto populi consensu rece- ptum, viz. **the Rickets**, à barbarie libera- re. Absque enim torsione vocis nomen **Rickets** à voce *pax̄ītūs* vel *pax̄ītūs* deduci promptè potest, modò habeatur ratio mu- tationis quæ propter vulgarem pronunciati- onem accidere solet vocabulis quando ab una ad aliam linguam tranferuntur.

Dicas eos qui primò nomen Anglicum (**the Rickets**) imposuerunt fuisse forte planè rudes & Linguæ Græcæ imperitos, aut nè cogitasse quidem de Græca voce *pax̄ītūs* aut faltem non intellexisse spinam dorsi esse par-

Objectio

Reffons. tem principem inter primò affectas in hoc morbo. Respondemus nostrâ nihil interesse sive rudes fuerint, sive de Græca voce non cogitârint, sive non intellexerint quæ sit pars princeps inter primò affectas aut secus: gratis tamen hæc asseruntur. Multos enim novimus tunc temporis, cum morbus hic primò affulsiit noménque accepit, doctos sanè Græcaeque Linguae peritos in illis locis extitisse, quibus etiam non adeò difficile erat observare insignem spinæ in hoc affectu debilitatem, indeque nomen ei assignare, licet fortè vulgus nomen id datum nonnihil errore pronunciationis, ut solet, perverteret, idque voce jam receptâ, *the Rickets*, exprimeret. Verùm hoc nos non solitos habet, sive hoc ità sit, sive secus, perinde esto. Si ità se res habeat, nomen propositum omnino (ut patet) congruum erit, sed & finaliter fortasse non minus appositè quadrabit. Etenim finge te incidere in nomen quoddam, non tam consilio quam casu receptum, ità tamen aptum ut vix excogitari possit ipso consilio aliud nomen commodius, aut rationi magis consonum.

Quid ageres: vocem receptam extirpares, ut novam nihilo meliorem substitueres? Injurius certè fores erga morem loquendi, verba usu valent, neque temere sunt innovanda, quin potius nomen receptum confirmares, sed tanquam

tanquam novum, & ab eo tempore à nova origine deducendum. Id enim foret saltem quasi surculus afficitius novæ stirpi insertus, qui ob affinitatem cum radice haud difficulter coalesceret. Vel si hoc non placeat, suppone, si libet, nos jam de novo fingere Anglicum hujus morbi nomen, idque deducere à voce Græca *ράχιτης* vel *ράχιτις*: Nomen sanè Anglicum hinc resultans foret, **the Rachites**. Quantillum jam interest inter hoc nomen & prius receptum, **the Ricketg**? certè tantillum, ut vulgaris pronunciatio de tam exigua differentia non multùm soleat esse sollicita. Sed tædet diutius immorari in hisce trivialibus. Esto ergo Græcum morbi nomen *ῥάχιτης* vel *ῥάχιτης* (si modò vox hæc admittatur esse communis generis) vel *ῥάχεας*; Latinè Morbus Spinalis, vel Spinæ Dorsi: item fictâ voce Latinâ Substantivâ ex Græca Adjectiva Rachitis—idis Anglicum usitatum, **the Ricketg**, retineatur, vel ejus loco in curiosorum gratiam substituatur, si libet, **the Rachites**. Atque hæc de nomine.

C A P . I I .

*Anatomicæ observationes collectæ ex inspecti-
ne & dissectione corporum hoc morbo
extinctorum.*

PRiusquam auspicamur indaginem de na-
turâ hujus morbi ejusque caussis , visum
est nonnulla certa & indubitata , utpote sen-
tibus obvia, præmittere, quæ tum realem exi-
stentiam ipsius morbi demonstrant, tum fun-
damenti loco esse possint, cui sententia nostra
& judicium nostrum de novo hoc morbo
superstruatur. Neque enim quenquam exi-
stimare volumus , nos de morbo aliquo
imaginario seu fictilio hic tractare, multò
minùs exspectare ut opinio nostra gratis &
absque examine recipiatur. Quin potius id
agimus ut materia discursus nostri sit, quan-
tum quidem fieri potest, in ipso limine nota
& comperta, ut illa quæ proposuerimus per
hæc quæ sensui obvia sunt, prout occasio tu-
lerit, confirmemus, lectörque his instructus
fiat competens nostri ratiocinii arbiter, su-
úmque de singulis judicium interponere va-
leat facilius. Testamur itaque plures nostrûm
variis corporum hoc morbo occumbentium
dissectionibus interfuisse , eaque quæ longâ
experienciâ frequentique dislectione haete-
nus observavimus, quæ nempe propriis ocu-
lis

Ils vidimus, manib[us]que tractavimus summatim ac fideliter hoc capite narraturos.

Interea tamen duo hic præmonenda sunt. Prius est, ut in memoria habeat lector, defunctos quos dissecuimus gravissimè ante obitum hoc morbo affictos fuisse, siquidem ipsi magnitudini morbi maxima ex parte succubuisse supponuntur: nè igitur exspectet in aliis corporibus adhuc vivis sive recens affectis, sive saltem ad *auxilium* nondum provectis, eam morbi magnitudinem aut symptomatum quæ hic depingitur. Morbus enim omnis ad statum usque intenditur & tum quoq[ue] succumbente demum naturâ in deterius indies ruit. Posterius est ut animadvertis lector, morbos ferè omnes tractu temporis alios diversi generis sibi adsciscere, ideoq[ue] morbos chronicos plerumque ante obitum esse complicatos. Nè ergò putet quicquid in defunctis corporibus etiam ab hoc morbo extinctis præternaturale reperitur, ad hunc affectum necessariò pertinere; fortè etiam magis id alium morbum huic ante mortem supervenientem quæcum hunc ipsum respiciat. Et profectò Anatomici frequenter ad hanc cautionem non sat[is] attenti, graviter in suis observationibus lapsi sunt, dum quæ ad aliū morbum spectant, alteri cum quo ante obitum complicatus erat adscriperunt. Hunc ergò errorem quod præcaveamus, non temere

Freyne A-
natomico-
rum er-
ror.

ex

ex unius aut alterius corporis inspectione pronunciandum est, at multiplici sedulóque facto experimento distinguendum priùs est, quæ perpetuò, quæ plerumque, quæ frequenter, quæ raro in disiectis ab eodem morbo cumbentibus occurrant. Enimvero sciendum est quicquid non perpetuò adest in corporibus apertis eodem morbo extinctis, ad primam id, intimámque ejus essentiam spectare non posse, ut etiam neque illud quod in variis corporibus reperitur, quibus morbus abest. Neque enim morbus ipse existere potest separatus à sua essentia, neque essentia à morbo. Verùm de his satís. Progressiamur jam ad ipsas observationes.

Observati. Onum Anatomicarum to corpore occurrunt, & ea quæ non nisi disiecto priùs corpore se offerunt.

Iº. Prioris generis sunt haec, quæ statim denuo defuncto exterius occurrunt.

1º, Irregularis seu irrationalis partium proportio. Caput nempe justo majus, faciesque habitior respectu reliquarum partium: Atque hoc quidem in omnibus hoc morbo extinctis quos hactenus vidimus apparuit, unico tantum excepto, qui simul cum hoc affectu suppuratos habuit pulmones, Phthisique confessus est. Hic vero habuit etiam per totum ferme morbi decursum caput masculum

juscum, faciemque pleniorum; atqui per quatuordecim circiter dies ante obitum subito collapsæ sunt partes carnosæ circa caput, faciesque Hippocratica redditæ est, non sine omnium assistentium propter subitam mutationem admiratione.

2º Membra externa, muscularaque totius corporis graciles, & emaciati, quasi atrophiam vel tabe absunt cernuntur. Atque hoc (quatum quidem scimus) perpetuo observatur in iis quæ ab hoc affectu intereunt.

3º Cutis universa, tum vera, tum membrana carnosa & adiposa, flaccida & quasi pendula, laxæque instar chirothecæ apparet, ita ut multò plus carnium eas continere posse putas.

4º Circa articulos, præseptim in carpis & talis protuberantiae quedam existant, quæ si aperiantur, non in partibus carnosis aut membranosis sed in ipsis ossium extremis, præcipue in eorum epiphysibus radicari deprehenduntur. Quod si forte hæc ossium prominentias limâ radas, facile percipies eas esse ejusdem similaris substantiæ cum cæteris ossium partibus.

5º Articuli, artus habitusque omnium externalium partium minùs firmi ac rigidi, minùs inflexibilis sunt, quam aliæ solent observari in defunctis, & speciatim collum post mortem vix riget à frigore, aut saltem multò minùs

minus quam in aliis cadaveribus.

6º Pectus exterius macrum, & valde angustum, praesertim sub alis, & a lateribus quasi compressum conspicitur, sternum vero non nihil acuminatum, instar carinæ navis, aut pectoris gallinæ.

7º Costarum extrema quibus cum cartilaginibus sterni committuntur nodosa sunt, quemadmodum de articulis carpi & tali dicimus.

8º Abdomen exterius quidem respectu nempe partium continentium macrum est, interius vero respectu contentarum non nihil prominens, tumiduscum & tensum sentitur. Atque haec observavimus noncum referatis ventribus.

IIº Aperto abdome hec porrò notavimus.

1º Hepar in omnibus a nobis dissecatis iusto majus, alias autem non male coloratum, neque valde induratum aliquo vitio notabili contaminatum. Excipienda hic volumus nonnulla corpora in quibus ante obitum alii morbi cum hoc implicati fuerunt, quemadmodum in hydropico & extremè tabido meminimus.

2º Lienem ut plurimum (quantum nempe hactenus nobis vidisse licuit) non contemendum, sive magnitudinem, sive colorem & substantiam ejus species, quamvis propter compli-

complicationem cum aliis morbis aliter accidere posse non negamus.

3º Aquam serosam in cavitatem abdominis elapsam aliquoties vidimus, sed neque frequenter neque eam valde copiosam.

5º Ventriculum & intestina nonnihil ultra morem sanorum flatibus repleta, quæ ex parte caussa esse potest tensioni hypochondriorum suprà memoratæ.

5 Mesenterium aliquando inculpatum aliquando glandibus justo majoribus, si non strumis affectum. Cæterùm de pancreate nihil certi hic pronunciamus; suspicamur tantummodo posse hic nonnunquam obstructiones, si non scirrum, accidere. Sed aliis hoc relinquimus inquirendum.

6º Renes, ureteres, vesicam, nisi aliis adfuerit morbus, satis sanos. Notamus in genere de visceribus omnibus in hoc ventre contentis, quòd licet partes ea continentes, ut suprà monuimus, multum extenuatae & emaciatae occurrunt, ipsa tamen æquè magna ac plena, si non majora & pleniora, ut de hepate dictum, quam in sanis deprehenduntur.

IIIº *Detracto sterno in thorace hæc sese ostentârunt.*

1º Adnascentia quædam pulmonum cum pleurâ quæ in omnibus quos hæc tenus dissecuimus plus minusve adfuit. Arbitramur tamen contingere posse hunc affectum sine hujus-

hujusmodi coalescentia, licet ea in progressu morbi plerumque ante obitum superveniat.

2º, Pulmonum infarctus non minus frequentes, praesertim in ipsis partibus adnascen-tibus : Tumores item eorum duri à sanguine crassiori, viscidiori, & nonnihil nigricante nati, modò in uno, modò pluribus pulmonum lobis, non tamen hi semper conspicuntur, frequenter quoque abscessus, & empyemata.

3º, Aliquis nostrum testatur se semel vidisse glandulas strumosas, tam numerosas, ut viderentur æquare, si non superare magnitudinem ipsorum pulmonum : sitæ autem fuerunt utrinque inter pulmones & mediastinum, & à thymo usque ad diaphragma pro-tensa.

4º, In cavitate thoracis vidimus aliquando aquas serosas collectas, & frequentius quidem quam in cavitate abdominalinis, non tamen in omnibus.

5º, Vedit & aliquis nostrum affectum hunc complicatum cum magno empyemate, simûlque phthisi : Amoto sterno, pulmones sinistri lateris toti abscessu occupati sunt, atque undique pleuræ adnati, compresso leviter tumore, pus copiosum, subflavum, crassum, & factidum per tracheam arteriam in ipsum os effluxit. Eorum membrana exterior quam firmiter pleuræ adnati sunt, crassior apparuit solito

lito, eaque mediante lobi istius lateris ita coaluerunt, ut vix in lobos distinguere potuisse: eadem etiam membrana tum pulmones, tum ipsum abscessum involvit, quâ aperata in conspectum venit magnitudo abscessus, qui adstantium aestimatione continuuit ad minimum lib. ii. puris: tantum abscessum in tantillo corpore meritò quis miretur? sed is totum ferme sinistrum latus occupavit, parenchyma pulmonum istius lateris corruptum erat, semiputridum, & pure quasi intertextum.

6º Thymus in puerili aetate semper magnus solet deprehendi, & forte adhuc major in iis qui ex hoc morbo intereunt.

I Vº. *Cranio orbiculatum serrâ circumscisso, ejusque operculo sublato, hæc observavimus.*

1º Duram matrem firmius, atque in pluribus locis quam solet in adultis, cranio adhaesisse: forte idem observari potest in aliis pueris hoc morbo non affectis, licet, ut opinamur, non tantopere, siquidem certum est in recens-natis multas esse, & arctas connexiones pericranii cum dura matre, quæ, postea abrumptur vixque notari possunt.

2º Inter duram & piam matrem, atque in ipsis ventriculis cerebri, serofas aquas in non nullis à nobis dissectis reperimus, unde patet affectum hunc cum hydrocephalo complicari posse.

3º Cere.

3º Cerebrum in aliis à nobis dissecatis satis firmum & inculpabile neque illuvie se rosa inundatum deprehendimus.

4º Et ultimò observavimus jam aliquoties in corporibus novissimè à nobis apertis, carotides justā proportione ampliores fuisse, similiter quoque venas jugulares; arterias verò venásque ad exteriōres partes delatas multò exiliores debito exstitisse.

An verò hoc perpetuum sit in hoc affectu nondum, ut occultati testes afferere possumus: suspicamur quidem ità se rem habere perpetuò, sed non venerat nobis in mentem id antea ab initio nostrae Anatomicæ circa hoc subjectum indaginis scrutari.

His jam præmissis ad morbi hujus essentiām investigandam properamus.

CAP.

C A P . III.

*Ad faciliorem inventionem essentiae morbi, sup-
posita quedam proponuntur. Primum de essentia
sanitatis. Secundum de essentia morbi. Tertium
de triplici divisione sanitatis & morborum. Ex-
plicatio tertiae divisionis ususque ejusdem. De-
scriptio constitutionis naturalis, ejusdem exalta-
tio. Quartum suppositum de combinatione trium
constitutionum in iisdem partibus.*

Quò clariùs in hujus affectū essentia in-
vestiganda procedamus, supposita se-
quentia utiliter præmitti posse duximus.

I. *Essentiam sanitatis consistere in aliqua con-
stitutione corporis secundum naturā.* Hæc autem
cum duplex sit genere, altera *essentialis* & ne-
cessaria, respiciens τὸ ἔστε simpliciter, quæ
durante vitâ sub variis affectionibus immo-
bilis & immutabilis permanet, consistens in
indivisiibili; altera *accidentalis*, respiciens τὸ
bene esse, quæ respectu totius animalis mobilis
& mutabilis est, magnāmq[ue] latitudinem ha-
bet, & adesse atque abesse potest sine totius
interitu; non consistit sanitas in priori, sed
posteriori constitutione.

II. *Essentiam morbi similiter non consistere in
constitutione essentiali.* Sic enim mox sequere-
tur interitus totius; sed in *accidentali* constitu-
tione

Primum
de essentia
sanitatis

Secundum
de essentia
morbi,

C

tione

tione, tali videlicet, quæ respectu totius ad-
dese vel abesse potest sine ejus interitu. Dix-
imus (non sine ratione) hanc constitutionem,
in qua sanitas & morbus fundantur, esse mo-
bilem & accidentalem respectu totius ; po-
test enim hæc ipsa esse essentialis respectu ali-
cujus partis, verbi gratiâ ; abscisso digito ori-
tur morbus in numero deficiente partium, qui
quidem respectu totius fundatur in constitu-
tione accidentalî ; nam potest vel adesse ille
digitus vel abesse sine totius interitu ; at vero
respectu ipsius membra amissi fundatur in
constitutione essentiali ; posito quippe hoc
morbo interit essentia istius digitii.

Tertium
De tripli-
ci divisi-
one sani-
tatis &
morbo-
rum.

III. Constitutionem, in qua consistit essentia tum
sanitatis tum morbi, triplicem modum divisionis
seu distinctionis in discipline methodo admittere.
Primus est paullò *crassior* & resolvitur in par-
tes planè concretas, procedit nempe *natura roris*
secundùm partium divisionem à capite ad
calcem. Secundus purè *abstractus* est, & ri-
matur omnia elementa constitutionis mobilis,
unde morbi dividuntur in similares, organi-
cas & communes, deinde variè subdividuntur
in intempories, vitia figuræ, superficie, cavi-
tatum & meatum, magnitudinis, numeri,
sitûs & continuitatis. Tertius modus quasi
medius est, & licet hactenus neglectus sit, su-
um tamen usum non contemnendum habere
posse in morborum tractatione, causarumque
mor-

morbificarum investigatione spondere aude-
mus; estque in constitutionem *naturalem*, *vi- Explicatio
talem & animalem.* *tertiae di-
visionis.*

Prima est propria & insita cuiusvis partis, ei *Eius pri-*
competens absolute & sine dependentia ab aliis *mum*
partibus quoad esse simpliciter: Hæc post mor-
tem aliquandiu adhuc superest donec per
putredinem, ambustionem, simplicem exsic-
cationem, mummificationem, petrificationem,
similisque violentas caussas dissolvitur. Con-
stitutio hæc quoad suum esse simpliciter, non
dependet à membris influxum præstantibus;
at quoad suum tum *conservari* tum *operari* ab
iis dependet: Nam post mortem cessante in-
fluxu vitali (quiebus quasi sal & condimen-
tum est) brevi perit, & dum vivit animal,
variè hæc ab influxibus afficitur, unde ejus
actiones vel promoventur vel impediuntur.

Secunda est constitutio vitalis, que per conti- *Secun-
nuum illum influxum à corde per arterias in uni-* *dum mem-
versi corporis partes producitur.* Hæc et si gra-
dus admittit & secundum magis & minus sæ-
penumero variet, & interdum quoque quan-
dam eclipsin pati videatur, ut in lipothymia,
syncope &c. à primo tamen ad ultimum vi-
tæ terminum (saltem in suo fonte & aliis non-
nullis partibus) perseverat.

Tertia est constitutio animalis qua à cerebro *Tertium*
per nervos in organa sensus & motus derivatur. *mem-
Hæc saepè in variis partibus planè deest su-* *brum.*

C 2 perfite

persestite illarum vitâ; quinimo posset simul in omnibus partibus diu deficere, nisi respiratione, quae ad vitam absolutè necessaria est, ab ea dependeret. Hæ ergo constitutiones eam connexionem inter se servant, ut secunda prioris, & tertia secundæ existentiam semper et continuè in parte præsupponat, non autem vice versâ itâ absolutè inter se dependent; quia (ut modò diximus) prior aliquandiu sine secunda, & secunda ferè omnino sine tertia subsistere queat. Atque hæ tres constitutiones in plerisque corporis partibus manifestè percipi possunt; non tamen in omnibus eas inveniri dicimus. *Naturalis* quidem & *vitalis* nulli parti deest; *Animalis* autem in omnibus (licet de dentibus ambigi possit) cartilaginibus, fortè ligamentis, & nonnullis parenchymatis, ut *Hepatis* *Lienis*, &c. deficit. Quibus ergo facultas *naturalis*, *vitalis* *animalis* communicatur, iis omnibus triplicem hanc constitutionem inesse asserimus. Etenim quamvis dictæ facultates quoad actum primum dicantur ab anima dependere (quæ relatio non spectat ad artem medicam) quoad actum tamen secundum necessariò radicantur in aliqua materiali constitutione partium ad quas pertinent. Nam quod dicunt aliqui facultatem vitalem à corde, animalē à cerebro ad cæteras partes derivari, non id itâ accipiendo est, quasi ipsæ facultates

ates vago modo transeant à parte ad partes
(à nullo quippe intellectu concipi potest ac-
cidentis de subiecto in subiectum migratio)
sed quòd cum & in spiritu vitali facultas vita-
lis à corde ad partes derivetur, aut saltem ex
aliquo motu cordis & arteriarum in partibus
ipsis excitetur, & similiter facultas animalis
vel in, & cum spiritu animali per nervos de-
scendat, vel motu aliquo nervorum in cere-
bro in partibus producatur. Utrovis modo
id fiat, necesse est fateamur aliquam altera-
tionem, sive ex spiritibus dictis, sive ex moti-
bus in ipsam partem recipientem imprimi.
Quæ alteratio ut hic conceditur esse radix
facultatis, seu vitalis, seu animalis in respecti-
vis partibus, ità est constitutio mobilis, si-
quidem variè immutari, intendi & remitti
potest sine totius interitu; & est constitutio in
qua consistere potest vel sanitas vel morbus,
quandoquidē ubi illa alteratio partibus qui-
bus debetur defecerit, aut alio modo quam
oportet administrata fuerit, actio exinde
læsa necessariò sequetur; sin rectè perficiatur,
integra sanitas ex parte istius constitutionis
adesse dicitur. Cùm ergò præter constitutio-
nem naturalem & insitum duo genera altera-
tionum, alterum ab influxu cordis, alterum ab
influxu cerebri in plurimis partibus invenian-
tur; & cùm dictæ alterationes, quatenus
ipsæ vel perfectiores vel imperfectiores sunt,

C 3 facultates

facultates in respectivis partibus (saltem quoad actum secundum) constituant perfectores vel imperfectiores, adeoque actiones exinde lœsæ vel integræ edantur, necesse est triplicem hanc constitutionem plurimis partibus inesse, dictaque genera alterationum esse constitutiones medicas in quibus *sanitas* & *morbis* fundari possit.

*U*isus dictæ divisionis. Quod dicta divisio seu distinctio non sit planè utilis ex eo liquet quod Practici in suis methodis recte moneant, in morbis obscurioribus diligentius observandas esse facultates quarum actiones lœsæ deprehenduntur, ut inde quasi manu ducamur ad originem morbi inveniendam; si verò tanti momenti sit impeditas in morbis facultates annotasse, certè non minoris erit ipsas constitutiones à quibus dictæ facultates immediate dependent, accuratè considerasse.

*N*on coinqcidit cum prioribus. Sed nè quis putet hanc tertiam divisionem propemodū coincidere cù secunda, observare poterit, si diligenter rem perpendere velit, quodvis membrum hujus divisionis quodam modo includere omnia mēbra proximè præcedentis: nempe constitutionem naturalem continere primariò quidem constitutionem similarem, secundariò autem & in ordine ad totum animal comprehendere quodam modo conformatiōnem & continuitatē; similiiter constitutionem vitalem & animalem suo

suo modo participare de omnibus membris divisionis dictæ clarius est quām ut egeat probatione. Monendum tantum (quod & modò innuimus) naturalem constitutionem primariò & præcipue respicere temperamentum, qualitates communes (quas aliqui vocant modos materiæ) & spirituum copiam peculiarēmque eorum dispositionem (quæ ad formam totāmque substantiam à nonnullis referantur) organi rationem verò & continuitatem quasi secundariò & in ordine ad totum animal respicere, vixque aliter ab his lœdi. Non dissimulandum tamen vitiari interdum constitutionem naturalem, quatenus merè organica est, ut in obstructionibus meatuum naturalium, exempli gratiâ, ubi calculus in meātu ureteris aut urethræ impactus est, similibusque casibus. Atqui hoc accidit ei maximè quatenus meatus ordinatur in usum totius; ut plurimum autem vitia organica in constitutione naturali minoris notæ sunt quām vitia similia.

Atque hæc de triplici hac constitutione in genere considerata sufficiant. Pauca nunc & paucis in specie de iis dicamus.

Constitutio naturalis quæ propria & insita
cujusque partis est, describi potest quod sit Descriptio
constituti-
modus quidem essendi naturalis, partibus onis natu-
insitus, iis competens, quatenus suis tempe- ralis.
ramento & qualitatibus communibus, sua

C 4 sufficienti

sufficienti portione ac convenienti dispositi-
one spirituum insitorum, suaque justâ con-
formatione & continuitate constituantur ap-
tè ad actiones naturales concurrente unâ in-
fluxu vitali (& fortè animali) perfectas e-
dendas. Itaque ubi adfuit in parte aliqua ju-
stum temperamentum, convenientes qualita-
tes communes, justa proportio ac dispositio
spirituum insitorum, demum justa ejus con-
formatio & unitas, atque naturalis ejus actio,
nihilominus læditur, concludere licet eam
non lædi ex parte constitutionis naturalis, sed
ratione causæ concurrentis, scilicet influxū
seu vitalis, seu naturalis, seu utriusque. Enim-
vero naturales actiones in animalibus prop-
ter vitæ conjugium ad eminentiorem condi-
tionem (quām alijs per solam naturalem
constitutionem attingerent) evehuntur. At-
que hinc contingit, quod et si constitutio na-
turalis in mactatis animalibus aliquandiu
post mortem illæsa permanet, attractio ta-
men, retentio, coctio alimenti, & expulsio
excrementi planè cessent. Et in morbis quo-
quæ sæpe illæsâ primò constitutione natura-
li, actio tamen naturalis læsa editur ob solum
defectum concursūs influxūs vitalis debiti:
similiter aliquando constitutione naturali,
& vitali integris, læditur tamen actio ali-
qua naturalis ob defectum concursūs ali-
cujus animalis debiti; sed hoc ferè accidit in
solis

foliis partibus nervosis, fibrosis, & membranosis, præsertim ubi cavitatem formant, non verò in partium parenchymatis. Ut in paralyfi frequenter excrementa indebet retinentur cæteris constitutionibus sanis ex solo stupore intestinorum. Itaque in hisce casib[us] non statim, quod actio aliqua naturalis læsa sit, concludendum est constitutionem naturalem esse vitialem primò, sed diligenter investiganda est ipsa constitutio primò læsa, quæ mali radix seu prima essentia æstimanda est; similiter læsa actione aliquâ vitali non statim inferendum, constitutionem vitalem primariò vitiari; siquidem interdum à constitutione naturali, aut fortè animali prima origo rectius deducetur. Exempli gratiâ, Digitus aliquis ex intenso frigore sphacelo correptus esto: in hoc casu quidem verum est vitalis sanguinis influxum planè intercipi; origo tamen interceptionis in naturali constitutione ipsius partis ita refrigeratae quærenda est; similiter in convulsione fortè nonnihil impeditur aut turbatur circuitus sanguinis: at prima læsio adscribenda est constitutioni animali, non vitali. E contrâ in febre caput petitur, sed fons mali fortè in constitutione vitali reperietur: Item eliquantur fortè carnes omnésque vires naturales dejiciuntur, sed radix mali in constitutione vitali non in naturali invenietur: Adeò ut quælibet constitutio ex tribus dictis possit

possit esse in aliis atque aliis morbis modò
primâ, modò secundâ, modò tertiatâ actionum
læsarum causâ.

Quantum
trium
constitu-
tionum
conveni-
entia in
iisdem
partibus.

Non modò plurimas alias corporis par-
tes (imò simpliciter omnes sensibiles) quæ
influxum non præstant, neque ei deferendo
inserviunt, sed præterea & cor ipsum & ar-
terias omnes & cerebrum & nervos omnes
triplicem hanc constitutionem naturaliter
admittere, ità ut cerebrum (præter vitium in
naturali sua constitutione) à Spiritu vitali qui
per arterias venásque defertur, benè affecto
juvari, malè affecto lædi possit: Cor similiter
ab influxu animali per nervum recurrentem
sexti paris; arteriæ quoque ab influxu ani-
mali per nervos modo fortè hactenus in
comperio; denique nervi à Spiritu vitali per
arterias deducto.

C A P . I V .

*Effentiam hujus morbi non consistere in constitu-
tione Animali nec Vitali, sed Naturali, non quâ
Organicâ, sed quâ similari: limitationes tres
proponuntur.*

His jam præsuppositis inquirendum est in
qua constitutione partium prima radix
seu essentia hujus affectus statuenda sit. Sit
ergò prima conclusio.

Prima

Prima radix hujus affectus non est in constitutio- Prima
nione animali, seu illâ que à cerebri influxu in conclusio-
partes dependet. Equidem fatemur nervos Essentiam
omnes qui extra calvariam è spinali medulla hujus
procedunt, laxos & debiles in hoc affectu re-
periri; non tamen id videtur hic primariò à morbi non
defectu influxus cerebri oriri; quod sic pro-
bamus, 1º. Laxitas & debilitas nervorum pri-
mariò à cerebro proveniens, semper ferè
somnolentiam comitem secum trahit; At-
qui in hoc affectu symptoma hoc non solet
observari nisi raro & per accidens contin-
gens. 2º. Nunquam quod meminimus, Pa-
ralysin, aut Apoplexiam huic affectui su-
pervenisse novimus; deberet autem neces-
sariò, saepius (saltem in morbo confirma-
to) evenire, si laxitas, & debilitas hæc ner-
vorum à defectu influxus cerebri originem
duceret. 3º. In multis post mortem dissecatis,
cerebrum satis firmum, & inculpabile de-
prehendimus. 4º. Ut plurimum hoc affectu
laborantes ingeniosi sunt pro ratione ætatis,
quod Cerebri vim & vigorem luculenter at-
testatur.

Secunda conclusio. Prima radix hujus af- Secunda
fecitus non est in constitutione vitali, seu illâ que Non in
à cordis influxu in partes dependet. Inæqualis
quidem distributio sanguinis ferè (si non
omnino) perpetua in hoc affectu observari
potest; at prima tamen ratio hujus inæquali-
tatis

tatis non inæqualitati influxus cordis vel arteriarum, sed inæquali receptioni & aptitudini ad recipiendum in partibus ipsis adscribenda est: Etenim Cor & Arteriæ ex parte suâ indiscriminatim sanguinem cum spiritibus in partes quaquaversum diffundunt. Quod si contingat arteriam alicujus partis ob torporem istius partis, aut partium vicinarum impediti in actione sua, necessum est eò diminutè sanguinem transmittat, adeoque inæqualiter respectu cæterarum partium expeditè sanguinem recipientem. Itaque in hoc casu inæqualitas hæc distributionis primò & per se dependet à præexistente vitio extra arteriam ad naturalem constitutionem partium pertinere.

Objectio. Sed objiciat aliquis: *Licet fortè inæqualitas prædicta non dependeat à Corde, accidere tamen posse ut debilis pulsus sufficiat distributioni sanguinis per circulos minores in partibus interioribus, dum non aquè sufficiat isti muneri obeundo per circulos majores in partibus exterioribus longius à corde caloris fonte remotis.*

Respons. Respondemus, tanti momenti penè aliquem è nobis fuisse olim hanc objectionem ut tam inæqualitatem influxus vitalis ad primam hujus morbi essentiam pertinere existimaverit, primorūmque adeo symptomatum rationem ab ea conatus fuerit deducere. Post secundas verò cogitationes, re penitus examinata

minatâ, visum est ipsi, hanc inæqualitatem influxus vitalis non ad primariam, sed secundariam morbi essentiam referre. Sed ad *Argumentum solvendum* redeamus. Et *primo* quidem concedimus in hoc affectu distributionem sanguinis vitalis esse inæqualem; atque in partibus interioribus, & capite esse liberaliorem, in exterioribus parciorēm. Concedimus *secundō* posse circulationem sanguinis in interioribus partibus servari, nullo etiam apparente pulsu in partibus exterioribus; sed hoc contingit solum in extrema virium vitalium vel debilitate vel oppressione, ut in lypothymia, & validiori paroxysmo hysterico, in quo affectu nonnullæ pro mortuis habitæ revixisse denuo visæ sunt. Concedimus *tertiō* circulationem sanguinis liberaliorem esse posse in internis quam externis partibus, quin & in una aliqua externa parte præ cæteris, ut in inflammatione alicujus extermi membra accidit.

His jam concessis, asserimus, in *casu primo* inæqualitatem distributionis sanguinis non primò dependere à debilitate virtutis pulsificæ quatenus cor spectat: Atque in promtu ratio est. Cor quippe, ut suprà diximus, ex se indiscriminatim unoque tenore sanguinem in Aortam protrudit, etiam tum quando ejus pulsus maximè debilis est. Aorta quæ recepit exonerat se quâ potest expeditissimè, atq;
hinc

hinc sit quòd sanguinis diffusio inæqualiter peragatur, prout faciliùs sanguis ex uno ramo & difficiliùs ex alio impellitur. Inæqualitas tamen hæc non cordi primò, & per se, sed partibus recipientibus, arteriisque particularibus transmittentibus adscribenda est. Affectus enim quivis in corde primarius necessariò universalis est, & omnibus corporis partibus communicatus: quapropter et si hanc inæqualitatem circulationis sanguinis in secundaria hujus morbi essentia concedamus, à primariâ tamen excludimus.

Porrò in *casu secundo* proposito dicimus magnam esse disparitatem inter casus extremae necessitatis, & casus ordinarios; neque profectò scimus an in dictis casibus circuitus in interioribus, ut ut detur, sit alicujus momenti. Et quod ad præsens negotium attinet, negamus in hoc affectu eam esse cordis debilitatem, ut pulsus in externis deficiat; imò nondum observavimus quenquam hoc morbo laborantem facilè in ecstasim aut lipothymiam incidisse, quod promtè contingere, si radix morbi in ipsius cordis debilitate stabiliretur. Præterea cùm viderimus ægros in tenellula ætate, sine lapsu virium ferre interdum liberalem sanguinis è fœtis aurium venulis eductionem, imò & nonnunquam repetitis vicibus id actum cum emolumento:

molumento: Denique cùm & purgationes, pro ratione ætatis, optimè tolerent, non nobis liquet quì prima morbi radix vitalis constitutionis debilitati attribui possit.

Tandem in *casu tertio* evidenter patet primam radicem inæqualis circuitus sanguinis esse dispositionem aliquam partis externæ, ut in membro inflammato, laborante nimisrum privato morbo, plenior & impetuosior accidit pulsus ob calorem arteriæ adventitium, à parte scilicet externâ plus æquo calefactâ impressum.

Quandoquidem ergò essentia hujus affectus neque in animali neque in vitali constitutione partium primariò fundetur (ut modò li. ostendimus) sequitur (quæ Tertia Conclusio esto) *Essentiam primariam sive primam radicem hujus affectus consistere in constitutione propriâ, sive insitâ partium.* Cùm verò constitutio naturalis (ut suprà diximus) partim in communibus qualitatibus & temperamento, partim in justa copia & dispositione spirituum insitorum, partim in organica constructione & continuitate consistat, proximum est, ut in qua, è dictis, constitutione, & an in una aliqua, an pluribus vel simul omnibus fundetur, investigemus. Sit ergò Quarta conclusio.

Affectus hic non radicatur in organica partiam constitutione. Quamvis enim tractu temporis

Tertia
consistere
in natura-
li.

Non in
constitu-
tione na-
turali quâ
organica.

temporis ipsa organa secundum suam confirmationem, quantitatem & situm variis modis afficiantur, ut sati liquet ex aucta capitis hepatis &c. mole, ex tumoribus ossium ad carpos, talos & extremitatis costarum; ex obstructionibus variis, externarumque partium extenuatione; cum tamen haec omnia ab aliori adhuc origine dependeant, ut ut in morbo confirmato varieque jam decomposito necessariò haec etiam admittamus; in originali tamen essentia, ob sequentes rationes, censemus rejicienda.

Primò quod prædictæ lœsiones organicae non statim in initio morbi appareant, sed postea paulatim succrescant; & licet forte horum nonnulla ab initio radicem in corpore posuisse dicantur, nondum tamen vel sensu immediatè percipi possunt, vel ulla actiones manifestè laedunt, adeoque ad primam morbi essentiam nequeunt pertinere.

Secundò, quid prædicta vitia organica non sunt præcipuorum symptomatum que ab initio in hoc affectu elucent causæ sed effectus potius. Etenim aucta moles capitis, hepatis &c. protuberantiae ossium, maciesque partium externalium, rectius ad inæqualitatem nutritonis ut earum caussam referuntur, quam ut è contrà inæqualitatē nutritionis illis adscribi possit. Nam ubi pars aliqua nimio opere excrescit, aliisque debito incremento defraudatur

datur, necesse est ut non modò adsit, sed & præexistat inæqualis atque improportionata nutritio, quà illa plùs, hæc minus justo alatur. Cùm autem inæqualis nutritio sit actio læsa, adeoque symptoma præsupponens morbum aliquem præexistentem, ipsa tamen (quemadmodum jam diximus) præcedat, ut causa, dicta vitia organica, manifestum est dicta vitia organica non esse primam radicem hujus morbi. Quod attinet ad obstrunctiones, quæ revera plerumque cum hoc morbo conjunguntur, illas nihilominus à primâ essentiâ morbi excludere par est, quod neque morbum specificent, nec ab illis ratio symptomatum reddi possit, neque certam aliquam determinatamque partem nobilem perpetuò obsideant. Conijiciat fortè aliquis, qui ad auctam magnitudinem jecoris respexerit, id perpetuò in hoc affectu esse obstructum, indeque vitiatâ sanguificatione cætera mala derivari; sed si tumor hic hepatis ex obstructione ejus semper continget, necessariò affectum hunc comitaretur perpetuò pallor faciei, cachexia, & tractu temporis ipse hydrops, quintam color hepatis semper vitius deprehenderetur, tumorésque duri & nodi in ejus substantiâ, præsertim in morbo in veterato, illoque qui ægrum interimit per dissectionem observarentur; at cùm hæc non itâ frequenter (nendum semper) in defunctis

D

oc-

occurrant, aucta ejus moles ad irregularem nutritionem potius referenda est. Porro non dissimulamus in iis quos affectus hic è medio sustulit, ut plurimum, nos per anatomen observâs obstrunctiones, tumores varios, nondisque in pulmonibus; sed attestamur quoque infantes aliquos puerosque nos vidisse levius hoc morbo affectos, in quibus nulla suspicio fuit vitiatorum pulmonum; nulla quippe tuis sis adfuit, nulla respirationis læsio, quæ necessariò individua obstruktionis in pulmonibus comes est.

Tertiò quod sufficiens ratio omnium symptomatum huic morbo proprietorum, ex aliis fontibus clarius faciliusque derivari possit; ut mox videbimus.

Atque ita satis probavimus affectum hunc quoad primam suâ essentiam non consistere in organica partium naturalium constitutione. Eadem argumenta efficacius evincant (pluraque accumulare licet, si necesse id foret) affectum hunc non fundari in naturalium partium continuitate, ut pluribus verbis non opus sit id comprobare.

Conclusio quinta. *Affectus hic fundatur primariò in similari constitutione partium naturalium, adeoque quoad radicalem essentiam morbus est similaris.* Cùm autem morbus similaris, quâ talis, non perpetuò simplex sit, sed aliquando variè compositus (intemperies

ries nempe vel simplex vel composita, & hæc quidem talis fit non solum ex primis qualitatibus inter se, sed forte adjunctis una qualitatibus occultis, aut, quod nobis magis arridet præsertim in præsenti negotio, certa quadam proportione & modificatione spirituum insitorum) compositum hunc esse morbum judicamus, primamque ac radicalem ejus essentiam, consistere afferimus in frigida ac humida intemperie cum defectu & torpore spirituum insitorum in constitutione insita partium primò affectarum concurrentibus. Sed priusquam ad ulteriorem hujus sententiae explicationem procedamus, præmittendæ sunt aliquot ejus limitationes:

Sit prima. *Esse quasdam corporis partes ab hoc morbo primariò, esse alias secundariò affectas:* & videntur quidem nobis partes exteriores priùs affici quàm cerebrum & viscera, ut fusiùs diducemus ubi de partibus affectis acturi sumus.

Sit secunda. *Solas partes primariò affectas laborare notabili frigidâ intemperie tum inopia ac torpore spirituum:* Nam cerebrum & viscera moderatè forte caleant, satisque spiritibus abundant ob copiosum vitalem influ-xum, atque excedere in iis possit humiditas ob nimium alimentum affusum: reliquæ autem externæ frigidâ ac humidâ intemperie ac torpore spiritus naturalis, &c. semper afficiuntur,

Limitati-
ones tres.
1.

2.

untur, unde eas primariò h̄ic affici solāsque esse sedem primæ hujus morbi essentiæ assērimus.

3°. Sit tertia. *Non omnes partes externas & primò affectas ex aquo laborare intemperie frigidâ & humidâ, vel inopia ac torpore spirituum, &c.* Etenim ligamenta, tendines & nervi, ex natura sua frigidiora sunt minūsque humida, partes musculofæ sive carnosæ humidiiores potius sunt, at minūs frigidæ, partes cutaneæ ferè medio modo se habent, omnes tamen dictæ partes plūs minūs à naturali temperie versus frigidam & humidam recentunt. Et similiter licet aliæ partes è dictis majorem spirituum copiam & activitatem postulent quam aliæ, omnes tamen, habitâ justâ proportione ad copiam & activitatem singulis respectivè debitam, deficiunt justâq; proportione destituuntur.

C A P.

C A P . V .

Examinatio sententia propositae per partes, 1°.

Morbum esse intemperiem frigidam. Object.

*& Resp. 2°. Esse humidam. 3°. Consistere
in spirituum inopia : Object. Resp. 4°. In
spirituum torpore.*

Sed propriū jam examinemus essentiam propositam, & per partes asseramus :

1°. Laborare partes primò affectas intēperie frigidā probatur: 1°. Ex imminuta partium dictarum nutritione. Ut enim calor insitus ad justitiam intensus plurimūm conducit ad promovendā coctionem & appositionē alimenti; itā si is remissior æquo sit, eandem facilē remoratur ac imminuit. 2°. Evincitur eadem intemperies ex tarditate & ineptitudine ad motum: tum ex aversatione motūs quietisq; affectatione. Nam quemadmodum activitas agilitasque corporis calori, itā tarditas ejus ac ignavia frigori magnā ex parte adscribitur, supposito nimirum, ut prius, non ab animalis influxūs vitio hanc ignaviam dependere. 3°. Confirmatur ulterius quod hic morbus sēpe morbos acutos sequatur, qui non raro (post absuntum caloris insiti subiectum) in intemperiem frigidam terminantur:

Morbum
esse intem-
periem
frigidam.
1°.

D 3

tur:

tur: præterea & morbos chronicos corpus extenuantes sæpius excipiat, & ejusmodi qui quovis modo intemperiem frigidam post se relinquere proni sunt, ut obſtructions pertinaces, cachexiam, ſcorbutum, &c. Adhæc quod intempeſtivam impetiginis aut ſcabiei ſuppreſſionem ſequatur, ut frequenter obſervavimus, quando rursus erumpente ſcabie atque pruritu excitato, indeque aucto in externis membris calore tales pueros facile reſtitutos vidimus; quod deriue ſæpe eveniat, post affiduum uſum ciborum frigidorum, crassorum, viſcidorum, crapulam, otium, ſimilēſque cauſas evidentes, calorem inſitum ſeu immiuentes ſeu obruentes. 4° Confirmatur quod auxilia quæ calorem in externis partibus excitant augent & fovent, ut variæ corporis agitationes, frictiones, illationes, &c non minimam partem curatio- nis hujus affectū præſtent. Hisce omnibus in cumulum conjectis ſatis conſpicuum fit, in morbi hujus primariā eſſentiā frigidam intemperiem conſtitutionis inſitae partium pri- mò affectarum contineri.

Objectio

Objectio hīc ſpeciosa occurrit. *Febriculam, præſertim lentam aut erraticam frequenter con- jungi cum hoc affectu, quæ non videtur conſistere poſſe ſimul tempore cum intemperie frigidâ: Cen- fetur enim ab omnibus febris omnis calida intem- peries ē diametro eſſentiæ dictæ oppoſita.*

Respon-

Respondemus (nè quid hìc de essentia febris interponamus) largimur, quantum ad præsentem quæstionem spectat, febrem esse intemperiem calidam: non tamen consistit hæc primò in constitutione partium insitâ, sed in constitutione vitali, nempe in calore influente præternaturaliter affecto. Febris enim non privatus aliquis morbus est, sed universalis & à corde per arterias in & cùm spiritu vitali sive nimirum accenso sive aliter vitiato diffunditur. Neque respicit præternaturalis hic calor intemperiem insitam aliter, quâm ut causa potens eam variè immutare, sed sensim & paullatim. Nam primò calor influens manifestè est calor actualis, at verò calor constitutionis insitæ tantùm potentialis: quare asserimus intemperiem frigidam respectu caloris insitî & potentialis consistere simul posse cum intemperie calida respectu caloris actualis & influentis. Enimvero calor actualis non ità directè adversatur frigidæ intemperiei, quæ talis dicitur ob defecatum caloris potentialis, quin satis diu cùm ea consistere possit permanente caufsa. Exempli gratiâ, calor actualis consistit in calfactâ aquâ simplici, aquâ hordei, in Julapiis variis & similibus, licet tum etiam potentiatâ, frigidis. Adeò ut calida actu, & calida potentiatâ non gradu, sed specie inter se differant, neque sint itâ è directo contraria ut statim se

D 4 mu-

mutuò è subjecto exterminent. Porrò secundò intemperies influens calida non tam corrigit insitam intemperiem frigidam, quām per accidens auget, dissipando scilicet ac absumendo spiritus insitos, in quibus potissimum calor insitus & potentialis residet: Ad eum planè modum quo calor actualis ab igne profectus potentialem vini calorem imminuit. Unde febris cuiusvis generis huic morbo superveniens plus damni quām emolumenti ægris adferre solet.

^{2°.} II^o Afferimus in partibus primariò affectis simul adesse intemperiem humidam, hoc patet ex laxitate et mollitie dictarum partium: atque signum hoc eò fortius rem evincit, quod dictæ partes extenuatae sint, ut nisi redundaret in iis humiditas, rigiditas quædam et asperitas tactum ferirent; deinde rarissimè intemperies frigida sine humida diu persistit: demum juvantia et lædentia idem attestantur, siccantibus quippe juvantur, humectantibus læduntur.

^{3°.} III^o Afferimus partibus primò affectis inesse spirituum insitorum inopiam. Probatur hoc primò iisdem ferme argumentis quibus supra intemperiem frigidam adstruximus. Nam I^o. inæqualis et imminuta nutritio in partibus primò affectis non modò temperamenti frigiditatem, sed et unà inopiam spirituum insitorum arguit; aliter enim defectus hic nutritionis

tionis facile corrigeretur. Etenim frigiditas cum qua non conjungitur spirituum defectus, aut humor peccans impactus, ejus caussa, facile excutitur, citiusque quam in praesenti solet affectu, ut videre est in partibus hyberno tempore perfrigeratis, verbi gratia, ex nivium contrectatione, partes quippe sic perfrigeratae, modo ritè tractentur, intra aliquot horas ad pristinum redeunt temperamentum; Ubi vero adest intemperies cum materia ejus causâ conjunctâ, aut simul adest defectus spirituum insitorum, talis sanè intemperies haud ita facilè aut citò removetur. Verum in praesenti affectu non semper saltem caussari possumus materiam conjunctam aut impactam alicujus notæ in partibus primò affectis, cum eæ flaccidiores, inaniiores & plus æquo extenuatæ observentur, cumque hic affectus longè distet à morbo virgineo & cachexiâ, in quibus ut plurimum, non inopia spirituum, sed conjuncta materia frigidam intemperiem fovet: quare rectè inferre licet pertinaciam hujus mali maximè dependere à spirituum insitorum defectu. 2º. Idem codem modo probatur secundo argumento supra allato pro intemperie frigidâ, nempe ab ignavia & aversatione motu. Activitas enim non tantum à temperie, sed vel maximè à copiâ spirituum dependet: Ut videre licet in viris robustis

&

& sanis, spiritibus refertis, qui hyberno tempore rigente gelu promptiores longè & alacriores ad violenta exercitia conspicuntur, quam aestate, quando spiritus insiti nonnihil exsoluti esse solent. 3º. Febres morbique longi & extenuantes, ut intemperiem frigidam saepe inferunt, ita & evidenter minuunt dissipantque spiritus insitos. Hisce mediis addimus illud argumentum à constitutione parentum deductum. Firmiores (experiens teste) ac solidiores parentes laboribusque assueti raro proferunt liberos huic morbo obnoxios; debiliores è contra, cachectici, aut aliter valetudinarii, otiosi, molles, delicati, Veneri nimiæ, præmaturæ aut decrepitæ indulgentes, gonorrhæâ laborantes, &c plerūq; liberos in hoc malum propensos generant: nimirum, quod seminalia principia minus justâ spirituum copiâ imbuta sint. Procedendum jam foret ad assertionem quartam, nisi quod hic occurrat remora removenda.

Object.

Objiciat quippe aliquis insitam intemperiem frigidam subordinari spirituum inopiae, non vero contradistingui; ut hic supponitur. Nam paucitas spirituum ipsa causa videtur frigidæ intemperiei, insitusque calor sive intensior, sive remissior sequi videtur respectivè proportionem spirituum insitorum; quippe qui in iisdem ut primo

primo subjecto radicari creditur?

Respondemus primò, Calorem insitum *Resp.*
revera fundari atque primò subjectari in spi-
ritibus insitis. Porrò ut calor insitus in duas
partes distinguitur, calorem scilicet nativum
& acquisitum; ita & spiritus insitus duplex
est concipiendus, primogenius sive seminalis
in spermate à parentibus derivatus, & acqui-
sitius ex perfectè assimilato alimento con-
tractus. Prior spiritus, caloris insiti nativi est
basis, posterior caloris insiti acquisitum. Non
hosce calores spiritus inter se esse specie
planè distinctos volumus; sed origine tan-
tum ac perfectionis gradu, quod, ut variam
fortiantur appellationem, sufficit. Nam in
nutritione assimilatio alimenti procedit us-
que ad identitatem specificam, non individu-
alem, quamquam aliàs quoque gradum per-
fectionis originalis non attingat. Propterea
nobis hìc satis fuisse visum est nominasse ca-
lorem insitum & spiritum insitum sine ulte-
riore distinctione; idéoque concedimus ca-
lorem insitum fundari & subjectari primò in
spiritibus, eundemque nihil aliud esse quam
modificationem quandam dictorum spiritu-
um quam à calore vitali irradiati placidè ni-
tuntur se diffundere atque ampliare ditiones
suas, attrahendo, retinendo, assimilando si-
milia sibi alimenta, excernendo excrementa,
disponendo denique acquisita in sedes debi-
timidice
tas.

tas. Dicimus quoque nixum hunc (in quo caloris essentiam ponimus) cum sit diffusus, non nihil dissipare atque absumere spiritus insitos, qui hujus effectus causa vulgo nomine humidi radicalis à calore continuè depasti appellantur.

2°.

Atque huc usque argumento cedimus. Verum 2° loco afferimus calorem insitum à calido temperamento insito differre; quod nimirum calor insitus sit tantum una pars calidi temperamenti insiti. Non enim solus spiritus, sed & sulphur & sal aut bilis forte, suum calorem contribuunt ad constitutionem totius calidi temperamenti insiti, cuius calor insitus est una tantum pars. Quapropter falso in argumento proposito suggeritur solam caufsam calidæ intemperie esse copiam spirituum, frigidæ eorundem paucitatem. Nam ibi carnium infantis plures continent spiritus insitos quam libri carnium juvenis: notissimum tamen est temperamentum juvenis longè calidius esse quam infantuli. Calidum ergo temperamentum non dependere potest à sola copia spirituum, nec frigidum à sola eorum inopia. Quinetiam in multis morbis calida intemperies consistere potest cum pauitate spirituum, ut in Hectica tertii gradus; similiter frigida cum competenti alias spirituum copia, ut in morbo Virgineo.

Dicimus

Dicimus tertio, ut copia vel inopia spirituum non perpetuo sufficiens causa est determinationis temperamenti ad calidum aut frigidum; ita vicissim, neque calidum, neque frigidum temperamentum certò & necessariò demonstrat copiam vel inopiam spirituum quemadmodum ex instantiis datis liquet: ita ut nec temperamentum certum sit signum quantitatis spirituum, nec quantitas spirituum certum signum temperamenti; & propterea de industria non sine justa causa separatim hæc ut contradistincta consideranda & examinanda veniunt, si certam & inconfusam horum notitiam assequi liber.

3°.

Respondemus 4^o quod etsi, ut concessum, calor insitus in spiritibus insitis subjectetur, non tamen secundum solam copiam vel inopiam spirituum intenditur is vel remittitur: Spiritus enim ut ut satis copiosi, si tamen nimis fixi sint, torpidi, & quasi gelu quodam constricti, nullum calorem insitum alicujus notæ proferunt. Exempli gratiâ, albumen ovi spiritibus copiosis turget, torpens illi tamen, adeoque ejus insitus calor inde tam exiguis est, ut non aggrediatur pulli formationem, priusquam vel per incubationem vel alium consimilem calorem exciteatur. Licet ergo certò concludere considerationem inopiæ spirituum satis distinctam esse à temperamenti frigidi insiti consideratione,

4°.

ratione, contra quam videtur ab objecto Argumento insinuatum. Porrò ex hoc quarto responsi articulo resultat quarta assertio de essentia proposita, videlicet,

4^{to}. Præter intemperiem & inopiam spirituum addendum esse torporem quendam eorum ut distinctam quoque partem essentiæ morbi. Torpor hic insitorum spirituum maximè elucescit ex imminuta nutritione & aversatione motus non proveniente primò ex defectu influxūs cerebri, ut suprà probatum est. Item ex eo manifestè cernitur, quòd ea omnia quæ torporem spirituum insitorum excutiunt, nec tamen eos planè discutiunt, plurimùm conferunt ad hujus morbi curationem: Ut exercitia cuiusvis generis gradatim aucta, frictones, inunctiones, &c. Et interius calefacientia, purgantia, incidentia, aperientia benigna. Quod autem torpor hic satis fit distinctus ab inopia spirituum, præter id quod suprà in tertio responsi Articulo diximus, satis ex eo liquet, quòd sàpe cum inopia spirituum conjungatur nimia excitatio torpori contraria: ut frequenter accidit in febre hecticâ, in fluxibus colliquantibus & similibus morbis, in quibus ut ut adsit spirituum penuria, torpor tamen nullus comitatur, quin contrà nimia illa excitatio & propensitas ad motum coercenda est.

E contra

E contra copiosi spiritus cum torpore consistere possunt, ut in tritico aut farina ejus. Nam et si parum spirituosum videatur, quod ejus spiritus adhuc in sua fixatione ac torpore delitescant, re ipsa tamen abundant in eo spiritus & simplici fermentatione evocari, atque ad suam manifestandam activitatem excitari possint: quemadmodum cerevisiae fortiores ex eo confectae declarant. Similiter ex uvis immaturis succus recenter expressus sat's mitis & blandus est, continens interim spiritus copiosos, qui postea, actâ debitâ fermentatione, in vino generoso se produnt.

Concludamus ergo torporem quoque spirituum in hoc affectu distinctam considerationem demererri.

Cap.

C A P . V I .

Pars primò in hoc morbo affecta.

Proposuimus suprà primam hujus morbi essentiam ; inquirendum jam restat in primum subjectum in quo ea radicatur.

Non Cor
& Cere-
brum.

Cor & Cerebrum videntur hic rectè excludi ob rationes suprà adductas, quas brevitatis studio repeterem omittimus.

Hepar & Pulmones nondum ab omni suspicione hujus vitii exempti sunt. Examinabimus ergo seorsim hæc viscera, & primò quidem quærimus,

An hepar
sit subje-
jectum
prime
essentia
hujus
morbi?

An hepar sit subjectum prima essentiae hujus morbi?

Præcipuum pro affirmativa argumentum est, quod morbus hic videatur provenire ex laesa sanguificatione, cuius officina (sistem probabilitè) jecur existimatur. Læsam autem sanguificationem esse primam hujus morbi originem multis indicis manifestum reddi videtur. 1º. quod hic morbus plerumque subsequatur ejusmodi alios morbos magnos, sive acutos sive chronicos, qui utcunque vim sanguificam hepatis multum prius labefactarunt. 2º. quod morbus hic non modò ab externis, sed & ab internis caussis dependeat, ab humoribus nempe vi-

tiosis

tiosis. Cùm autem vitiosi humores in & cum massa sanguinis in hepate generentur, videtur prima morbi essentia huc referenda. 3º. Observatur hepar perpetuò in hoc affectu majus debito, quod manifestè hepar esse affectum testatur. 4º. Medicamenta interna quæ sanguinem depurare apta nata sunt, ad curationem requiruntur, & exhibita multùm juvant. 5º. Missio sanguinis è venis aurium (non infimum ad morbum hunc debellandum auxilium) satis supérque arguit vitium aliquod sanguinis adesse, quod hepatis constitutioni, quæ sanguificat, videtur esse tribendum. Argumenta hæc tanti sunt momenti penes nonnullos celeberrimos medicos, ut primam essentiam hujus morbi soli hepatici adscripserint.

Nos verò satis ad hæc responderi posse existimamus, si prius quidem quæ rectè dicta aut ulterius in hanc rem dici possunt, concesserimus, deinde quæ invalidâ consequentiâ inferuntur, restrinxerimus.

1º. Ergò concedimus in hoc affectu massam sanguinis vitiatam esse, indéque continuum fomitem huic morbo subministrari. Concedimus quoque impræsentiarum hepar esse officinam sanguificationis: negamus verò omnia virtus sanguinis à vitiosa constitutione hepatis sanguificâ dependere. Nam 1º sanguis vitiari potest à vitiosis ingestis ali-

E mentis

earum
solutionis

mentis, jecore aliàs integro; similiter si coctio prima in ventriculo ex quavis causâ extiterit imperfecta, non plenè ea per secundam coctionem corrigi potest in hēpate etiam quām maximè sano. Præterea, etiam si generatio vitiosi sanguinis soli hepati adscribenda esset, ad ejusdem tamen generati conservationem aliæ partes necessariò concurrerent, putà Renes, Lien, Pancreas, Uterus, &c. Immo & videtur negari non posse omnes partes, quas sanguis suo circuitu perluit eum variè alterare, dum qualitates suas ei pro capitate subjecti imprimunt: nam ea agentia naturalia sunt, quæ agunt ex necessitate & continuè sine interveniente otio quantum quidem possint: si ergò hæ malè sint affectæ, sanguinem eas permeantem magis vel minus inquinant, ut videre licet in contagio ex contractu externo ad partes internas communicato. Quinetiam magna pollutio interdum à partibus cæteris morbosis insinuatur sanguini, hepate interim salvo, ut nonnunquam in hydropicis post mortem dissectis observatum est, in quibus hepar satis sanum integrumque deprehensum est. Porrò concedimus vitia sanguinis frequenter à laesa constitutione sanguifica hepatis originem ducere, illamque laesam constitutionem esse morbum hepatis, negamus verò hunc esse morbum de quo agimus, cùm totâ specie ab ea differat.

Eadem

Eadem enim læsa constitutio hepatis æquè adultis ac pueris & infantibus communis est; hic verò morbus solis infantibus & pueris proprius est. Tandem concedimus vitiosam constitutionem hepatis generando vitiosum sanguinem posse caussam communem & fomitem huic morbo aliquando subministrare: negamus verò eam esse morbum ipsum de quo verba facimus, aut ullam partem primæ essentiae ejusdem. Aliud enim est producere caussam morbi communem, aliud esse de prima morbi essentia: negamus etiam eam esse continentem caussam hujus morbi, aut esse caussam sufficientem per se solùm, aut esse semper caussam: Nam vitiosa constitutio hepatis, qualiscunque ea supponatur, non producit hunc affectum in adultis, neque fortè semper in puerulis. Atque hæc in genere ad argumentum respondemus: ad confirmationes ejusdem simili methodo jam procedimus.

1º Ergò concedimus hunc morbum sæpe sequi alias morbos sive acutos sive chronicos. Sed non tam quòd constitutionem sanguificam hepatis læsissent, quàm quòd partes externas, spiritibus insitae exhaustis, frigidas & torpidas reliquissent: quamvis facile quoque admittamus læsum hepar fomitem mali ex vitiosa sanguificatione præstare posse.

E 2 2º Con-

2º Concedimus hunc affectum non tantum dependere à causis externis, sed & ab internis, vitiis nempe ipsius sanguinis: quod verò vitia illa omnia in hepate originem ducent, planè negamus ob rationes modò allatas.

3º Concedimus in hoc morbo auctam esse molem hepatis; atqui eam esse primam morbi essentiam negamus ob rationes suprà notatas, ubi vitia organica à prima hujus morbi essentia rejecimus. Admittimus tamen hunc similésque morbos in secundaria hujus affectū essentiā, ut postea videbimus.

4º Concedimus medicamenta interna tum alterare tum depurare posse sanguinem, verùm in præsenti affectū eo nomine potissimum ad curationem conducunt, quod faciliunt distributionem sanguinis ad membra externa, attenuando ejus partes crassiores & incidendo viscidiōres, quodque simul copioſo & benigno ſpiritu sanguinem imprægnant, unde fit, ut infici partium priùs languantium ſpiritus foveantur, augeantur, & exfuscentur. Interim agnoscimus generale beneficium quod toti corpori accedit ex depuratione sanguinis ſive per feces, vomitum, miſtionem, ſive alios qualescumque evacuationis modos. Tantum id est quod affirimus, magis specificam partem curationis à medi-

medicamentis prædictis præstari per viam alterationis, quemadmodum dictum est.

5^o Et ultimò concedimus sectionem venarum in auribus sanguinem nonnihil attenuare & ad ejusdem renovationem conduce-re, nec non ad ejus distributionem ad partes externas, & evacuationem à partibus internis ejus copiâ oppressis, adeoque ad totam curationem multum facere : Negamus tamen rectè ex eo inferri primam morbi essentiam in hepate radicari. Atq; ità satisfactum putamus rationibus in confirmationem hujus sententiæ adductis. Argumenta jam nonnulla quæ contrarium suadeant in medium proferamus.

1^{um}. Prima essentia morbi morbum speci-ficat; atqui læsa constitutio sanguifica (qualis ^{Negativa}
qualis ea concipiatur) morbū hunc non speci-ficat. Enimverò cùm morbus hic ad solos in-fantes & pueros pertineat, oportet eos, qui contraria sententiam amplectuntur, certum aliquem modum læsæ constitutionis sangui-ficæ hepatis designare, qui soli teneræ ætati sit proprius : Atqui nulla læsio sanguificæ constitutionis hepatis fingi potest, quæ non sit quoque communis adultis ; quare si in eâ consisteret prima hujus morbi essentia, ob-servaretur saltem aliquando hic morbus in adultis, quod tamen nunquam à quopiam factum.

E 3

2^{um}

^{2^{um}}. Subjectum primæ essentiæ morbi afficitur tamdiu illâ essentiâ quamdiu affectus durat. Neque enim morbus existere potest absque sua prima essentia, neque potest illa essentia de parte in partem migrare. Si ergo hepar sit subjectum primæ essentiæ hujus morbi, per totum ejus decursum afficeretur; quod tamen non credibile videtur, cum in defunctis ex hoc morbo & dissectis, jecur, exceptâ ejus auctâ mole, sâpe secundum cæteras conditiones inculpabile deprehendatur.

^{3^{um}} Si hepar sit subjectum primæ essentiæ hujus morbi, necesse est, ut indies aucto morbo gravius & evidenter affligatur & certè ante obitum manifestis stigmatibus notetur. Quandoquidem enim omnis morbus naturæ partis, quam obsidet, contrarius fit, eam quotidie magis magisque atterit damnisque novis auget: & licet principia morborum sâpe satis sint obscura, progressu tamen temporis (& maximè si ad extremum vitæ diem perennant) evidentissima vestigia partibus primariò obsessis imprimunt; adeò ut vix fieri possit quin in dissectis primo intuitu deprehendantur: Quamvis etiam ubi in morbum aliquem chronicum per dissectionem corporis ex eo defuncti inquisitio instituitur, sâpe ejus investigatio difficilis reddatur ob alios morbos ante obitum supervenientes vel alias

com-

complicatos ; pars tamen primò affecta nuncquam non graviter & manifestè lœsa observari solet. Cùm ergò in iis, quos hic morbus è medio sustulit, sæpe satis firmum, exceptâ mole austâ, vel certè non insigniter lœsum deprehendatur, facile erit inferre, non id esse subjectum primæ essentiæ hujus morbi.

4^{um}. Si hepar esset subjectum primæ essentiæ hujus morbi, laboraret intemperie frigidâ & humidâ, tum inopiâ & torporè spirituum insitorum ut ex suprà-dictis satis liquet. Atqui in præsenti affectu hepar non semper laborat intemperie frigidâ, ut nec inopiâ ac torpore spirituum insitorum. Etenim in hoc affectu cùm sanguis vitalis parcùs ad membra externa distribuatur, sit, ut uberius, quâm par est, ad viscera, præsertim cerebrum, & hepar, affundatur ; & cùm hic sanguis, qui per viscera tam propinquâ Cordi circulatur, sit valdè calidus & spirituosus, utpote è foco & fonte spirituum vitalium jam jam profectus, fieri non potest ut frigidam intemperiem aut defectum spirituum in partibus, quas tam copioso affluxu alluit, permittat.

5^{um}. In hoc affectu sæpe videmus colorē faciei satis floridum genâsque rubentes, quod in frigida hepatis intemperie aliquamdiu durant contingere vix potest.

E 4 6^{um}. A

6^{um}. A laesa constitutione hepatis sanguisca reddi non potest sufficiens ratio symptomatum huic morbo proprietorum. Cacotrophia quidem, seu vitiosa nutritio, & atrophia seu diminuta nutritio fortè non injuriâ hepatis culpæ sæpius attribuuntur: alogotrophia vero, seu improportionata nutritio, ad hepar immediatè referri non potest. Hepar enim universis partibus æqualiter & sine discrimine sanguinem conficit, neque uni parti uberiori, alteri parciùs eum dispensat. Porrò debilitas omnium muscularum, aversatio motûs, affectatio quietis, cum hepate nihil commercii habere videtur; quare neque hepar primam hujus morbi sedem agnoscimus.

7^{um}. Hic morbus in robustioribus pueris curatur aliquando solo exercitio, iusu, jactatione & frictione corporis, quibus excitatur in externis partibus calor, spiritus novi suscitantur, excutitur eorum torpor, et alimentum uberiorius ad membra externa attrahitur, quæ certè beneficia magis propriè ad partes externas quam ad hepar accommodantur.

Atque hac questione sic solutâ, pergitimus ad alteram; *Utrum* viz. *Pulmones sint subjectum prime essentiae hujus morbi?*

Symptomata, quæ affirmativam suadere videntur,

An pul-
mones
sint sub-
jectum
prime
essentiae
hujus
morbi.

dentur, sunt angustia pectoris frequens, difficultas spirandi, asthma, tussis, inflammatio pulmonum, eorum tubercula, tumores duri, apostemata, denique phthisis. Verum primum angustia pectoris non statim ab initio morbi oritur, & propterea nequit de prima essentia hujus morbi testari. Similiter difficultas spirandi & asthma non perpetuo hunc affectum comitantur, ideoque ab iis indicium partis primæ affectæ desumi non potest. 3º Tussis modò adest, modò abest, sæpiusque variè intenditur & remittitur, dum essentia morbi in eodem statu persistit; quod & plurimis ex prædictis quoq; symptomatibus contingit. 4º Inflammatio pulmonum non frequenter hic adest: atque ubi accidit, morbus acutus est, non chronicus, quemadmodum hic, de quo agimus; ut à symptomate tam raro & tam fugaci nihil certi de parte primæ affectæ concludere liceat. 5º Tumores duri pulmonum, tubercula, apostemata, ut & strumæ possunt præcedere, concomitari & subsequi hunc affectum; sed morbi hi planè diversi sunt generis ab eo, de quo sermo est; quin & adultis æquè ac puerulis communes sunt. Tandem phthisis non nisi post diutinam morbi hujus durationem supervenire solet ut ea longè à prima morbi essentiâ remota esse manifestè appareat, adeoque parùm aut nihil

nihil conferre possit ad partem primò affectam detegendam. Adhæc inseparabilia illa & cunctis notissima symptomata hujus morbi, putè impotentia partium externalium ad motum & inæqualitas nutritionis, nullâ ratione à pulmonibus affectis deduci possunt: quare viscus hoc pro prima hujus morbi se de admittere non possumus. Atque ità tandem ad partes primò affectas indigitandas devenimus.

Partes
primò af-
fectae
qua?

Primum locum mereri videtur spinalis medulla calvariam egressa: secundum, nervi omnes ab eadem producti, tertium, omnes partes membranæ ac fibrosæ ad quas nervi isti deferuntur. Et in hisce partibus primam hujus morbi essentiam radicari statuimus, neque alias partes his associare opus esse existimamus. Enimvero mollities, laxitas, atque atonia totius spinæ extra calvariam, omnium nervorum indè ortorum, omnium fibrarum universi corporis, adeoque impotentia ad motum, segnities quietisque affectatio, quæ à primis etiam hujus morbi initio se produnt, satis supérque evincunt partes hasce frigiditate, defectu ac torpore spirituum esse affectas; atque hinc contingit extenuari eas minùsque quàm par est, ali. Etenim torporem suum extremitatibus arteriarum non nihil communicant, unde affluxus sanguinis qui ad eas distribuitur, imminuitur,

itur; & quia frigidiores sunt defectūq; spiritu-
um laborant, affusum sanguinem imperfecti-
ūs coquunt, ut eas minūs debito, minūsque
cæteris partibus nutritri adeoque extenuari
necessē sit. Primam ergo hujus morbi ef-
fentiam jure meritōque partibus hisce solis
adscribimus.

Dubitari tamen hic potest, annon ossa ^{An ossa}
etiam inter partes primo affectas numerari ^{inter eis}
debeant, cùm tumores ossium variis in locis ^{accensentur} da?
præsertim in epiphysibus ossium ad carpos
& in extremitatibus costarum, ubi cum sterni
cartilaginibus committuntur, statim à prima
invasione morbi obseruentur? Responde-
mus negari quidem non posse dictos ossium
tumores cum ratione auctæ magnitudinis,
tum ratione figuræ vitiatae revera morbos
esse, adeoque ossa vel ad effentiam morbi
primariam vel secundariam referenda esse
concedimus: At verò ea non pertinere ad
effentiam morbi primariam ex eo liquet,
quod dicti ossium tumores à prima hujus
morbi effentia dependeant, eamque præxi-
stere supponant. Oriuntur enim ab inæqua-
li partium nutritione quæ symptoma est
primæ effentiæ hujus morbi. Quomodo au-
tem inæqualis nutritio ab effentia prima hu-
jus morbi dependeat, suo loco pleniūs ex-
plicandum; ubi nempe ratio effentiæ secun-
dariæ reddenda est. Hic tantum ostende-
mus

mus illos ossum tumores recte deduci ab inaequalitate nutritionis, quando videlicet eam nimium est aucta in partibus tumentibus respectu cæterarum. Id hoc argumento probatur, quoniam partes ossum protuberantes quam similares ejusdem planè sint speciei cum cæteris ossum partibus; quare necesse est, ut per eandem viam generationis proveniant, quam cæteræ augentur & crescunt. Quandoquidem ergo reliqua ossa augeantur nutritione, id est, per intus assumptum alimentum sibiique assimilatum, pari certè quoque ratione & hæc ossa incrementum suum (et si ~~ab~~ & præter modum mensuramque) acquirere judicandum est. Dicas tumores fere ex vitioso succo non alimentario & legitimo solere generari. Fatemur quidem id plerumque verum esse, sed plerumque tantum. Nam & quidam tumores ex legitimo & alimentario succo proveniunt, ut carunculæ, fungi & strumæ fortè non nullæ; sed & hi quoque tumores multum differunt à præsenti ossum protuberantia. Etenim tumores isti, quos excrescentias appellare consuevimus, aliquid extra habitum partis & quid toto genere præter naturam præ se ferunt: ast hi tumores non excrescent extra habitum partis, neque aliud præter naturam includunt quam solam magnitudinem improportionatè auctam, vi-

tiatamque

tatāmque indē figuram affectarum partium.
Nam aliās non essent hæ protuberantiae
eiusdem speciei cum reliquo osse, cui con-
tinuantur, quod sensuum experientiae re-
pugnat.

Si igitur dentur tumores nonnulli (etiam
inter istos qui planè præter naturam sunt &
extra habitum partium consistunt) ex suc-
cis alimentariis geniti, certè multò minùs
intellectu difficile est, protuberantias hasce
ossum è legitima ossium materia à facul-
tate insitâ nutritivâ generari formarique.
Atque hoc clarè eo confirmatur quòd ofsa
secundūm naturam similarem legitimè ne
quaquam producantur ex materiâ illegiti-
mâ, hoc est, indispositâ & dissimili materiæ
aliorum ossium similarium. Ex quolibet
ligno non fit Mercurius. Agens naturale
disponit materiam priusquam formam in-
troducere potest. Materia sic disposita le-
gitima quoque necessaria est. Materia au-
tem ossium protuberantium manifestè est
disposita; aliter enim non reciperet actu
formam ossis specificam. Porrò quòd à fa-
cultate nutritiviā hi ossium tumores generen-
tur, etiam evidens est, quòd nulla alia in cor-
pore nostro detur vis ossifica præter illam
nutritivam facultatem ossibus ipsis insitam,
& quòd tumores hi generentur & augeantur
per intus assumptum alimentum, & ab ipsis
ossibus

ossibus assimilatum ; licet forte respectu totius ossis haec alimenti receptio sit inaequalis, causaque sufficiens erroris nutritivæ factus, quo ex una parte pleniùs atque in tumorem, ex aliâ parciùs ista ossa augeantur.

C A P . VII.

Secundaria hujus morbi essentia.

Absolutis primâ ac radicali hujus morbi essentiâ, tūm partibus primò affectis, examinanda jam porrò venit essentia, si quæ sit secundaria, quæ nempe morbum hunc immediatè consequitur. Atque hic in memoriam revocanda est triplex constitutio superiùs asserta, *Naturalis*, *Vitalis*, *Animalis*, & per hasce singulas constitutiones procedet examen. Et primò quidem consideremus naturalem constitutionem. Hanc suprà consistere docuimus in Temperamento, qualitatibus communibus, copiâ & dispositione spirituum insitorum, in organizatione, & continuitate : Et quidem in temperamento & copiâ ac dispositione spirituum insitorum primam morbi essentiam fundari adstruximus : reliquæ autem partes hujus constitutionis, putâ , qualitates com-

communes, organizatio, & continuitas superunt adhuc percurrentae.

Per qualitates communes easdem propè intelligimus quas alii nonnulli modos matem, alii qualitates secundas appellare consueverunt. Vocamus autem has *communes*, quod nulli soli elemento aut formæ adstringantur, sed quodammodo expatientur per omnia corpora eaque ferè plus minusve afficiant. Eiusmodi sunt, Densitas, raritas ; consistentia, fluiditas, tenacitas, friabilitas ; laxitas, tensio ; (seu potius tensitas, ut distinguatur habitus ab actione) flacciditas, turgescentia & rigiditas ; mollities, durities ; laevitas, asperitas. Sed animus non est singulas qualitates communes exactè enumerare, neque etiam jam citatas ulterius prosequi, nisi quatenus præsens occasio postulaverit.

E qualitatibus nonnullis communibus inter se complexis videtur *Tonus* partium resultare. *Tonus* enim *partium* propriè consistit in debito tenore sive mediocritate inter certas communes qualitates oppositas, ut inter densitatem & raritatem, &c. Quod si recessus fiat à justâ mediocritate versùs alterutrum extremerū, tonum plus minus vitiari necesse est. Duo ergò hic circa *Tonus* partium inquirenda videntur : primum, An in hoc affectu tonus partium sit ullo modo vitiatus : deinde

Tonus

partium

in quo

consistat,

an

an Toni vitia pertineant ad secundariam huius morbi essentiam.

Quod ad primum attinet, non opus erit singulas partes toni sigillatim percurrere; satius erit eas saltem examinasse, quae criminis suspectae videntur.

**Laxitas
Toni.**

1^o Ergo occurrit evidens *Laxitas Toni* in hoc affectu: differt autem haec Laxitas tum ab infirmâ cohærentiâ partium, tum à Paralyticâ resolutione. Nam infirma cohærentia sive labefactata tenacitas partis facile quidem sit *occasio laxitatis*, cum partem tendi vix ferat; at verò potest pars simul & laxa & satius esse tenax, ut in fidium chordis videre est, quæ remissæ laxantur, servatâ interim tenacitate suæ substancialiæ. Et frequenter in dissectis observavimus partes ipsas laxas satius fuisse tenaces, idque aliquoties in hoc ipso morbo. Quare distincta qualitas est haec laxitas à virtutâ partis tenacitate. Neque etiam minus differt ab illâ resolutione partium quæ occurrit in membris Paralyticis. Etenim Paralysis consistit primò in laesâ constitutione animali: haec vero laxitas radicatur in constitutione naturali. Neque enim hic adest vera Paralysis sive respectu motus, sive respectu sensus partium; neque etiam cerebrum primariò hic affectum est, ut supra demonstravimus. Porro quod in hoc affectu adsit laxitas nimia partium primò affectarum

ad eò

zdeò manifestum est, ut supervacaneum du-
camus id ulterius comprobare. Nam &
ipsis sensibus obvia occurrit, & propterea
eam infrà inter morbi signa retulimus. Sive
enim sit pars essentiæ sive secus, modò in
sensum manifestè occurrat, rationem signi in-
duit respectu aliarum partium essentiæ à sen-
su remotiorum.

II^o In hoc affectu non tantùm *laxitas* in Flacci-
Tono adest sed & *flacciditas*. Qualitas autem
hæc aliquid amplius comprehendit ultra me-
ram & simplicem laxitatem: connotat enim
insuper inanitionem quandam unde partes in
fe quasi subsidunt. Talis autem inanitio &
subsidentia partium primò affectarum in hoc
morbo sensu quoque dignoscuntur, ut ulte-
riori probatione non sit opus.

III^o. *Mollities* quoque in Tono partium
primò affectarum in hoc morbo nominari
potest. Evidenter contingit interdum ut mol-
lities cum prædictis qualitatibus non coinci-
dat; sed quid aliud includat aut excludat, ut
in Tumore suppurrato adest mollities, sed abs-
que laxitate toni, inanitione aut subsidentiâ.
In dato etenim casu mollities dēpendet max-
imè à terminationis modo & læsâ tenacitate
partium. Ast in hoc affectu ferè coincidit cum
laxitate ac flacciditate antè memoratis, ut non
opus sit eam accuratiùs quàm nomine tenus
distinguere.

F Accidit

Lubricitas
interna.

IV. Accidit insuper & aliud vitium in Tono partium primò hoc morbo affectarum, & est nimia *Lubricitas interna*. Miretur fortè aliquis quid sibi velint illa verba, Lubricitas interna. Fatemur equidem nos defectu vocabulorum coactos esse hanc appellationem fingere. Enimvero cùm in natura ejusmodi qualitas revera existat quæ hactenus & à Philosophis & à Grammaticis neglecta nomine caruit, eam nos nobis libertatem sumsimus, ut propter magnam affinitatem, quam cum superficiali corporum lubricitate habet, nomen idem cum distin^{tivo} *interna* Epitheto adscriperimus. Duplicem ergò in corporibus naturalibus, agnoscimus lubricitatem; Alteram *externam* & superficialem, quæ quidem consistit in l^avore & æqualitate superficie, cuius ratione subjectum ejus alia corpora quæ contingit facile sine multâ attritione ac renitentiâ præterlabitur. Atque huic lubricitati contraria est asperitas superficialis. Sed hæ duæ qualitates huc non spectant, cùm sint organicæ, neque ullo modo ad Tonum partium pertinent. Altera lubricitas, cuius mentionem facere occipimus, consistit in *interno* illo, profundo, & simili l^avore & æqualitate corporis, cuius ratione tota subjecti ejus substantia facilè alia corpora intro-subeuntia sine multâ attritione ac renitentiâ præterlabitur.

E:

Et huic quoque lubricitati datur interna asperitas contraria. Quod autem detur talis lubricitas interna & similaris, ut et asperitas ei opposita innumeris ferè instantiis facile monstrari potest. Etenim mucilagines penè omnes lubricæ sunt, idque non tantum quoad extiam superficiem, sed & intus & universam substantiam in qualibet earundem particulâ, adeò ut, secundùm definitionem corporis similaris, quælibet particula ratione hujus qualitatis sit similis roti, ideoque qualitas hæc interna est & similaris, pérque totam intimam subjecti substantiam diffusa. Similiter asperitas ejusmodi similaris & interna observari potest in fructibus immaturis, per totam nempe earum substantiam carnemque internam protensa. Adeptâ verò justâ maioritate in locum jam dictæ asperitatis plerumque succedere solet lubricitas talis qualiter modò descripsimus. Notandum hic venit, corpora hæc internè seu similariter lubricrica, si fortè illinentur superficiebus corporum alias asperis, lubricitatis quendam gradum, quamdiu adhærent, iis eatenus conciliare; similiter eadem intus assumta ut succos, lubricos, mucilaginem althææ, &c. lubricitatem quandam internis corporis meatibus communicare; quin non tantum meatibus cavitates internas spectantibus, sed plus minusve ipsi substantiæ partim corporis si-

Afferitur
ejusmodi
lubricitas;

F 2 milari

milari, quam ipsam quoque sanguis lubrico
isto succo imprægnatus perluit.

Ea multi-
plex est.

Est autem hæc interna lubricitas multiplex.
Oleosa seu *pinguis*, *Aquosa*, *Spirituosa*, *Salina*, &
fortè *terrestris*. *Oleosa* maximè conspicua est
in pinguedine animalium imprimis juniorum,
& in oleis multis expressis, præsertim humi-
dioribus & frigidioribus, ut & temperatis;
quemadmodum cernere licet in oleis semin.
papav. semin. pepon. 4. semin. frigid. maj.
amygd. dulc. lini, & similium. *Aquosa* non
nihil reperitur in ipsâ aquâ simplici, licet ob
fluiditatem minus emineat: item evidentissi-
mè observatur hæc lubricitas in mucilagini-
bus, &c. *Spirituosa* fortè nunquam sola oc-
currit, atqui cum aquosâ mixta frequentissi-
mè, ut in spermatibus omnium ferè anima-
lium, & fructibus maturis. *Salina* quoque
simplex rara est, quamvis eam sali tartari
inesset quis contendat. Salina autem mixta
frequens obvia est, ut in sapone & sale tar-
tari cum aqueis & oleosis soluto. *Terrestris*
(etiam mixta) vix observatu digna est, nisi
quatenus concurrat ad aliqualem fluidorum
inspissationem, ut in luto argillaceo & terrâ
fullonum solutâ. Verum nos hic maximè re-
spicimus ad lubricitatem aquosam ut quæ
sola in affectu, de quo agimus, criminis rea
esse potest.

Talem lu-
bicitatem
in hoc af-
fectu, oc-
currere.

Atque hæc in genere de lubricitate interna
seu

seu similari sufficient. Inquirendum jam por-
rò restat, utrum partes primò in hoc morbo
affectae internā seu similari lubricitate a-
quosā ultra debitam proportionem affician-
tur. Et primò quidem videtur omnino ve-
risimile adesse talem nimiam lubricitatem in
partibus dictis, quod humiditas in iis nimium
abundet, quæ lubricitati dictæ semper favet,
sive cum calore sive cum frigore conjun-
gatur. Nōrunt omnes spermata animalium
quanto magis humida sunt quam animalia
ex iis producta, tanto quoque magis esse lu-
brica: similiter carnes animalium juniores
præ senioribus magis esse lubricas. Cùm
itaque adeò intimè connectantur humiditas
atque hujus generis lubricitas; cùm etiam in
partibus primò affectis manifestum sit nimi-
am adesse humiditatem, facile certè concedi
potest in iisdem partibus lubricitatem unà
nimium abundare. Atque ad hoc non parùm
facit torpor spirituum in hisce partibus.
Etenim spiritus ubi exaltantur nonnihil acri-
moniæ & asperitatis contrahunt, ut cernere
licet ex collatione musti cum vino vinoso
veteri aut cum spiritu vini vel aquâ vitæ.
Musti quippe spiritus verè dici possunt tor-
pidi ac sopiti, si conferantur cum spiritibus
vini veteris; & quanto sunt torpidiores, tanto
quoque plus lubricitatis, tantoque minus
acrimoniæ ac asperitatis in se continent.

F 3

Unde

Unde patet torporem illum spirituum in partibus primò affectis favere etiam nimiae lubricitati : Torpor enim spirituum in dictis partibus ejusdem ferè gradus est cum torpore spirituum in musto. Et quia in partibus primò affectis spiritus deficiunt, patet hanc lubricitatem esse nimis aqueam lubricitatem. Porrò laxitas, flacciditas, & mollietas, huc insuper conspirare videntur. Nam fructus immaturi ut duri sunt, ità dum maturescunt, molliores evadunt, simùlque lubricitatem internam acquirunt, similiter relaxantibus balneis laxantur partes, & unà magis lubricæ evadunt. Item lubrica intus assumenta, ut mucilago althææ, &c. non laxant modò partes, sed & meatus lubricant, unde in calculo cum successu propinantur. Præterea hæc partium primò affectarum lubricitas multùm confirmari videtur eò quòd in hisce post mortem dissecatis manifesta lubricitas intus tactu deprehenditur, atque ex iis compressis mucilagineus quidem crux intùs eas obliniens digitis emungatur. Tacemus quòd cutis externa ut plurimum in hoc affectu lubrica, raro aspera ad tactum occurrat. Notatu faltem dignum est, nimis lubrica medicamenta seu exterius admoveantur, seu interius assumentur plus danni quam emolumenti in hoc affectu adferre solere. Atque ità absolvimus priorem

qua-

quæstionem de modo, quo tonus partium in Eam esse
hoc affectu vitiatur. Sequitur altera venti- partem
landa. essentiæ
hujus morbi.

An Tonus eo modo quo dictum fuit vitiatus sit
pars essentiæ hujus morbi?

Supponimus hic quod quidquid in cor-
pore vitiatum reperitur, sit vel causa morbi
ficta, vel symptoma, vel morbus ipse; adeo-
que hic morbus vel simplex, vel composi-
tus, vel compositi pars aliqua, eaque vel
primaria vel secundaria.

I^o. Dicimus tonum vitiatum suprà pro- Non'cauf-
positum non esse propriè morbi causam. At- sam.
que hoc vix indiget probatione. Tonus enim
dictus est constitutio præter naturam in ipsis
partibus radicata, quâ ratione evidenter
à causâ morbificâ propriè dictâ distinguitur.
Licet enim morbus alius alterius causa esse
possit, non tamen vel tunc, propriè appellat-
tur causa morbifica, sed morbus primarius,
alterque, quem producit, secundarius. At
verò ubique uterque in unum morbum to-
talem coalescit, prior erit pars essentiæ pri-
maria, posterior verò pars essentiæ secun-
daria.

II^o. Afferimus tonum partium descriptum Non
non esse meum symptoma. Neque enim is symptoma
sub excretis & retentis, neque sub actione
laesa, neque sub qualitate aliquâ mutata non
laudentes actionem comprehendi potest. I^o.

F 4 Tonum

Tonum vitiatum non contineri sub excretis et retentis, vel sub actione læsi, eadem operâ probari potest hâc ratione, quòd illa symptomatum genera nè constitutiones quidem corporis sint; at dictus tonus vitiatus extra controversiam est constitutio præter natu-ram mutata, quemadmodum suprà liquidò demonstravimus. 2º. Quòd tonus dicto modo vitiatus non contineatur sub qualitate mutatâ non lædente actionem adeò evidens est, ut probatione non egeat. Nam laxitas & flacciditas motum partium lædit, & lubricitas nimia debitæ irritationi vitalium spirituum impedimento est, ut postea patebit.

Objici potest quasdam nudas qualitates mutatas, quæ in genere symptomatum continentur, posse etiam actiones lædere; ut color mutatus in cuticulâ ingratum aspectum intuenti præbet, adeóque deformitatem & defectum debitæ pulcritudinis parit.

Respondemus, colorem mutatum cuticulae quatenus pulcritudinem ejus (quæ propria cuticulæ actio est) vitiat, in rigore sub notione morbi (in latâ acceptione) caderet. Verùm cùm actio hæc cuticulæ sit tantum objectiva & ad extra, & cùm is color mutatus nullam actionem internam istiusque individui lædat, medici, qui in morbi definitione ad actiones internas ejusdemque individui tantum respiciunt, eum è classe morborum

borum solent excludere. Vel si contingat colorem partis vitiatum alicubi lædere actionem internam (quod in solâ corneâ evenire compertum) omnino eum pro morbo cordatores habent, licet forte secundariô. Quare, ut in viâ, à quâ paullulùm digressi sumus, redeamus, cùm tonus vitiatus lædat, ut diximus, actiones internas, non pertinet propriè ad istam speciem symptomatis, quæ qualitatis mutatæ nomine appellari solet.

III^o. Dicimus tonum hunc vitiatum, cùm nec causa sit morbifica, nec symptoma, & tamen sit quid præter naturam, necessariò esse morbum ipsum. Porrò idem confirmatur manifestè ex ipsâ morbi definitione. Est enim tonus hic vitiatus constitutio præter naturam, actionē internam lædens primò seu immediate, est ergò morbus. Cui enim cōpetit definitio, ei & cōpetit definitū. Quod sit constitutio præter naturam liquet ex eo, quod solidis corporis partibus inhæreat. Quod idem quoq; actionem internam lædat, ex eo patet, quod datis solâ laxitate, flacciditate, & lubricitate partium ultra modum, mox nullâ aliâ accedente caussâ debilitetur agilitas, vigorque corporis respectu motûs, segnitiéisque quædam in spirituum vitalium irritatiōne emergat. In agilitate res est manifesta, cùm corpora firma atque tensa cæteris partibus agiliora sint & è contrâ, in segnitie quo-

que

que irritationis idem evenire, postea suo loco videbimus, si quidem impræsentiarum nihil aliud allaboramus probare, quām tonum vitiatum in hoc affectu esse morbum.

IV. Dicimus Tonum hunc vitiatum in præsenti affectu non esse morbum quendam simplicem, seorsim & per se existentem, sed itā esse cum essentiā primariā in iisdem partibus conjunctum atque compositum, ut tota essentia morbi (de quo agimus) ex pluribus morbis (in se quidem si separatim considerantur, simplicibus) unitis dicatur conflari, adeoque tonum vitiatum esse tantūm partem totius affectū. Atque hoc non aliā indiget probatione, quām quod in iisdem planè partibus essentia prima superiùs proposita, dictusquē tonus vitiatus comperiantur. Morbus enim compositus is propriè dicitur, qui ex pluribus simplicibus in eadem parte conjunctis conflatur.

V^o. Afferimus Tonum vitiatum non modo esse partem totius essentiæ, sed talem esse partem quae nonnihil dependet à primariā essentiā, adeoque esse partem essentiæ secundariam.

Priusquam procedamus ad hujus propositionis probationem duo concessa præmitenda sunt.

Concedimus i^{mo} Tonum dictum in aliis fortè casibus ab aliis etiam caussis & immediate

diate vitiari posse, licet id non eveniat in præsenti morbo. Nam tonus partium insitus laxari potest primariò in constitutione animali idque subitò, ut in Paralyysi videre licet. Tensitas enim naturalis (& non tantum animalis) membra paralyticorum laxatur, & quidem subitò citraque notabilem alicujus partis primariae essentiæ prædictæ interventum. Similiter in Lipothymia laxitas omnibus partibus & languor subitò contingit. In neutro casu possimus laxitatis causam referre ad frigidam ac humidam intemperiem constitutionis insitæ, cum illa non adeò subitò tam insigniter immutari possit. Quod illi (ut hoc obiter moneamus) considerent, qui qualitates hasce communes semper secundas & à solis primis dependentes esse volunt. Immo è contrà in isto casu observent frigidam ac humidam intemperiem laxitatem eam subitò introductam paullatim postea consequi. Porro quod ad flaciditatem partium attinet (quæ subsidentiam respicit quâ differt flaciditas à laxitate, ut latius suprà ostendimus) ea immediatè produci potest à largis evacuationibus, ut fluxu alvi, sudoribus, similibusque supra modum profusis, nondum insigniter immutato temperamento, quamvis non diffiteamur hoc facile & ut plurimum consequi. Tandem lubricitas interna manifestè à frigiditate separari

ri potest, licet difficulter ab humiditate.

Concedimus II^o in præsenti morbo nè quidem omnimodo Tonum vitiatum dependere ab essentiâ primâ datâ, neque omni ex parte eidem subordinari. Nam I^o qualitates toni hîc vitiati nonnihil etiam debent cōmunibus caussis, scil. tum sibi, tum primâ essentiæ datæ cōmunibus. Nam humectantia nimium, unâ eadémque operâ & humiditatem nimiam, & laxitatem producere apta natâ sunt. Similiter ab evacuationibus nimiis inopia spirituum & simul flacciditas emergunt. Item à nimiūm lubricis seu extrâ applicatis seu intro assumtis, aut utrisque, interna lubricitas simul cum intemperie humida intenditur. Tanta enim concatenatio est totius essentiæ hactenus propositæ cum cōmunibus caussis, ut vix quidquam intendat primam essentiam morbi, quin simul plūs minus influat in tonum vitiatum.

His concessis, dicimus nihilominus in præsenti affectu maximam esse dependentiam toni vitiati ab essentiâ primâ hujus morbi superiùs datâ; quo solo respectu, tonum vitiatum ad essentiam secundariam hîc retulimus. Si cui placeat contendere tonum dictum alio respectu clariùs ad essentiam secundariam esse rejiciendam, quod putet primariam essentiam cujusvis morbi similarem necessariò & semper fundari in solis primis qualitatis.

qualitatibus; aut quòd opinetur qualitates in quibus tonus consistit esse perpetuò secundas, easque primas solas (ut umbra solet solem) consequi; sciat is nos hic de industria questiones hasce declinâsse, nè in enormem digressionem devolvemur.

Restat igitur solum probandum magnam esse dependentiam toni vitiati à prima hujus morbi essentiâ. Idque per partes satagemus. Incipiemos à laxitate. Concessimus equidem laxitatem interdum subito posse produci, atque in eo casu humidam intemperiem saepius eam consequi, nempe ubi laxitas primariò dependet à vitio constitutionis aut animalis aut vitalis; in praesenti tamen affectu cum nec constitutio animalis nec vitalis primò afficiantur, necesse est eam ab aliis causis promanare. Porro, ea quidem est conditio laxitatis ac tensitatis, ut subitis alterationibus obnoxiae sint. Fila enim barbiti in momento ferè tendi iterumque laxari possunt; idem quoque fibris partium à nonnullis causis accedit. Verum in hoc morbo laxitas gradatim ac sensim obrepit; oportet itaque hic eam à causâ aliquâ sensim ac gradatim auctâ oriri, regi, ac modificari. Etsi ergo modò concessum fuerit laxitatem nonnihil debere communibus morbi causis; regitur tamen ac modificatur ejus augmentum potissimum à primaria hujus affectu essentiâ.

Depen-
dentia to-
ni vitiati à
primâ hu-
jus morbi
essentiâ.

essentiâ. Nam humectantia licet una laxent, vix tamen amplius laxant quam humectant, siquidem maximâ ex parte humectando laxant. Cùm itaque communes causæ hujus morbi potissimum mediante essentiâ morbi primâ in Tonum influant, & cùm neque constitutio animalis neque vitalis hic causæ vicem sustineant, rectè inferre licet laxitatem toni maximè dependere à primâ essentiâ hujus morbi. Id ulterius confirmatur, quod in humidâ intemperie ex se insit tendentia quædam corporis ad diffluendum, adeoque ab eâ necesse est laxari fibras partium; præterea defectus spirituum eorundemq; torpor vigorem partis minuendo ejus tonum remissiorem efficiunt. Concludamus ergo in hoc affectu laxitatem morbosa maximè dependere à primariâ morbi essentiâ. Quod ad flacciditatem attinet, quatenus comprehendit laxitatem, ab iisdem causis oritur quibus laxitas: quatenus verò ulterius subsidentiam quandam & inanitionem includit, evidenter dependet à defectu & torpore spirituum infitorum; quorum copiâ & vigore auctis flaccidens membrum facile redditur turgidulum. Interim non negamus quin simul ista subsidentia ex parte dependent ab extenuatione & atrophiâ partium.

Denique quomodo lubricitas à caussis hisce proveniat satis à superiùs-dictis manifestum redditur. Ut

Ut tandem huic rei finem imponamus, observare licet in ulteriore confirmationem eorum quæ jam diximus, eam esse toni morboſi dependentiam ab eſſentiā primā datā, ut pari ferè paſſu per totum morbi decurſum ſimul intendantur ac remittuntur. Etenim in principio Pueri hoc morbo laborantes, tantum tardius incedunt dum parūm adhuc laxatus eſt partium tonus; in progreſſu vix pedibus aut ſegniter admodum ſe committunt; deinde ſedentes ſolūm aut gestati ludunt; poſtea vix erecti ſedent; demum morbo jam ad ſummu[m] gradum pertingente debile col lum vix ſuſtinet capitiſ onus, ut ſa[me] ante obitum cernere licet; quæ omnia ut eſſentiā morbi primariam gradatim auſtam, itā & unā toni vitia pari paſſu intensa attestantur. Atque itā hiſce omnibus recte perpen-ſis, referimus tonum vitiatum ad eſſentiā hujus morbi, no[n] primariam ſed ſecundariam, & per conſequens concludimus, quod quidem erat in quaſtione, tonum illum morboſum eſſe partem eſſentiæ hujus morbi ſecundariam.

CAP.

C A P . V I I I .

Essentia secundaria hujus morbi in constitutione vitali.

Suprà proposuimus illam partem essentiæ secundariæ hujus morbi quæ fundatur in constitutione naturali insitâ, quatenus comprehendit qualitates communes: adhuc restant ejusdem vitia organica, ut & continuitatis, si quæ talia reperiantur, examinanda. Verum cùm nulla vitia continuitatis propria in hoc affectu occurrant, & cùm vitia organica partim ab essentiâ suprà datâ, partim à vitali constitutione lœsâ dependeant, videtur jam proximo loco accedendum ad ipsa vitia constitutionis vitalis.

Constitutio vitalis commodè dirimitur in *originalem* seu illam quæ influit, & *participatam* seu illam quæ influxu producitur.

Prima ejus species hujusque *subjectum* *constitutionis vitalis originalis* subjectum sunt ipse spiritus in sanguine arterioso excitati. Dices cor potius videri esse subjectum hujus constitutionis. Atqui aliter se res habet. Ipsum enim cor per arterias coronarias recipit vitales spiritus cum sanguine arterioso è sinistro suo ventriculo delatos: absurdum autem est statuere cordis parietes esse primum subjectum caloris vitalis, & interim

terim illas eundem ab arteriis accipere. Dicendum ergo solidam substantiam cordis esse quidem primum præcipuumque subjectum suæ constitutionis naturalis & insitæ, sed cum ipsa recipiat vitales spiritus (ut dictum) non potest censeri subjectum primum constitutionis vitalis, quæ per istos spiritus ei imprimitur, diutiisque non permanet quam cordis substantia spiritibus vitalibus perfunditur. Neque enim ullibi absque spiritu vitali subsistere potest vita. Quare substantia cordis eatenus de vitali constitutione participat, quatenus alluitur spiritibus vitalibus; & per consequens constitutio illa in cordis substantiâ non est originalis & influens, sed participata seu ex influxu producta. Hoc etiam eo confirmatur, quod vitalis calor sanguinis in cavitatibus seu ventriculus cordis (qui calor pars saltem est constitutionis vitalis) longè intensior ac major est quam in ipsis parietibus cordis; ut quivis in vivis animalium dissectionibus vulnerato cordis ventriculo immissoque mox dígito observare potest. Longè enim auctiorem calorem sentiet in sanguine, quam in ipsâ ventriculi substantiâ quomodo cunque tractatâ. Adhac constitutio vitalis quid transiens est & in ipso motu ac fieri consistit, in spiritibus ergo mobilibus & evanidis (quales sunt vitales in sanguine arterioso contenti) radicatur.

G

nim

nim abscisso aliquo membro in momento ferè extinguitur vita, & per consequens vitalis constitutio; naturalis autem (ut suprà monuimus) aliquandiu (licet non ità exaltata quemadmodum ubi vitalis superest) post mortem permanet. Et tollitur quidem subitò vita vitalisque constitutio in prædicto casu non à causâ aliqua positiva contrariâ, sed à purâ putâ privatione causæ conservantis ac continentis. Hoc confirmatur evidentissimè, quod subitò intendatur, remittatur, & alteretur constitutio vitalis in omnibus partibus pro modulo constitutionis vitalis excitatæ in ventriculis cordis. Sic in Lipothymia, deficiente corde, subitò vita partium languet ; ast ubi per spiritum aliquem cardiacum ventriculi cordis spiritibus aliquantum refecti sunt, mox vitalem constitutionem in omnibus partibus subitò nonnihil reparari cernimus. In suppressione anhelitus subita mors sequitur intercepto torrente vitalis sanguinis à dextro ad sinistrum ventriculum. In venæflectione aut aliâ aliquâ sanguinis nimiâ profusione ex solo defectu spirituum vitalium Lipothymia contingit. Cum itaque constitutio vitalis in quibusvis partibus solidis sit transiens & evanida, & cum ea dependeat à proportione spirituum vitalium in eas è ventriculis cordis influentium, rectè inferre licet eam in solidis partibus non esse originalem

sed

sed participatam. Verum in ipsis spiritibus vitalibus, quorum ministerio vitalis constitutio universis partibus impertitur, oportet sit originalis: nullum enim aliud originale ejus substantium in corpore invenire est.

Concedimus tamen solidam substantiam cordis per suam constitutionem naturalem (vitali praesertim irrigatam) esse adjuvantem causam excitationis vitalium spirituum in sanguine ventriculis suis concluso, licet non sit primum substantium ejusdem vitalis constitutionis, quemadmodum modò abundè probavimus. Atque haec impræsentiarum in genere sufficient de utraque vitali constitutione, originali & participata, & ad probandum illam propriè spiritibus vitalibus, hanc solidis partibus ut immediatis subjectis inhærentia esse attribuendam. Examinanda jam restant tria vitiorum genera ad hanc constitutionem pertinentia: quorum duo priora spectant originalem, tertium spectat participatam. Primum vitium ad generationem vitalium spirituum, secundum ad eorum distributionem, tertium ad participationem constitutionis vitalis pertinet. De quibus ordine proposito inquiremus.

G 2

Cap.

C A P. IX.

Vitiata generatio spirituum vitalium in hoc morbo; & an id vitium sit pars ejus essentia secundaria?

VItales spiritus primò excitantur seu gerantur intra ventriculos cordis, nempe in ipsa massa sanguinis, & propriè sanguinem arteriosum à venoso discriminant. Foventur autem & conservantur jam geniti intra cavitates arteriarum, dum in habitum partium distribuuntur. Immo non tantùm in arteriis foventur, verùm & in illis rectè dispositis fortè nonnulli novi (quamvis minùs efficaciter quàm in corde ipso) excitantur.

Hoc Præmonito,

Statuimus 1º in ipsâ substantiâ cordis nullum occurrere vitium generationi spirituum vitalium repugnans quod propriè pars sit essentia vel secundaria hujus morbi. Nam cor ipsum ex parte sui rectè in hoc morbo suo officio fungitur, & si quid imperfectum accidat in generatione spirituum vitalium, non cordi propriè, sed ineptitudini materiæ ad formam spirituum vitalium subeundam adscribendum est. Quemadmodum nempe ingestus cibus,

si

si crudior sit quām par est, frustrare potest perfectionem coctionis, sano aliqui existente ventriculo, itā & ineptus sanguis ad cordis ventriculos delatus actionem cordis ut ut ex se integrum, quoad effectum tamen & opus imperfectam reddere potest ; in quo casu vitium non cordi ipsi, at materiæ indispositioni jure meritōque attribuere solemus. Dicas, Febrim cum hoc morbo aliquando complicari, & tum quidem ipsum cor ineptè vitales spiritus generare. Verū febris illa morbus est diversi generis, nullōque modo aut totum aut pars essentiæ hujus.

II^o. Dicimus Arterias minores in partes primariò affectas insertas, re ipsâ nonnihil ex viciniâ & contactu ab iis refrigerari & torpore affici, adeoque spiritus vitalis in se contentos ineptè conservare, unde eorum constitutio vitalis nonnihil imperfecta reditut priusquam in partes ipsas effunduntur. Atque hoc Arteriolarum vitium bono jure ad vitalium spirituum generationem adscribi videtur. Etsi enim non sit arteriarum munus spiritus vitales secundūm primarium vocis sensum generare ; eo ipso tamē quodjam genitos conservare teneantur, tali nimirum conservatione quæ continuatam quandam corundem generationem quodammodo includit, earum virtus hoc respectu ad vitalium spirituum generationem rectè referri possunt.

G 3

Nam

Nam vitalis constitutio (ut suprà ostendimus) affectio quædam transiens est, quæ, dum durat, est quodammodo in continuo fieri, quæque instar flammæ, ubi continua ejus reparatio suppressa est, subitò extinguitur. Propterea sunt Arteriæ quasi cor continuatum omnibus corporis partibus, quibus spiritus contentos effundunt; & quæcunque spirituum vitia ante eorum in habitum partium effusionem accidunt, cum ea necessariò ad originalem constitutionem vitalem spectent, neque alioquin ad spirituum distributionem adscribi possint, ad ipsam eorundem generationem referenda sunt, generationem scilicet quasi continuatam in arteriis, quæ continuè à momentanea extinctione præservantur.

Porrò hoc vitium vitalium spirituum est constitutio vitalis & originalis læsa, & cum sit quid præter naturam, actionem primò lœdens, à quo emanat constitutio participata similiter læsa, cumque dependeat merè ab essentiâ primariâ superiùs dictâ & in iisdem partibus complicetur, pars erit essentiæ secundariæ hujus morbi.

III^o Dicimus materiam vitalium spirituum, viz. sanguinem venosum suis spiritibus naturalibus imprægnatum in circuitu rediuntem à partibus primò affectis versus cor, nonnihil ab iis ineptum reddi ad formam vitalis

talis spiritūs admittendam. Etenim necesse est sanguinem dum partes intemperie frigidā, penuriā ac torpore spirituum insitorum labo- tantes transit, afficiatur quoque indē aliquali frigiditate, torpore, & fortè crassitie ac visci- ditate ultra debitum naturae gradum. Nam quemadmodum sanguis suas qualitates par- tibus, quas permeat, nonnihil imprimit; itā vice versā partes ipsæ suas quoque sanguini transfluenti quantum possunt impertiunt. Sed & hic unā concedendum est impressam hanc à partibus primò affectis indispositionem (præsertim ubi levior est) in redditū ad partes internas, priusquam cordis ventriculos attin- gat, à calore earum multūm corrigi, & inter- dum omnino superari; vel si quid supersit istiusmodi contractivitii, aboletur id ferē sem- per in totum longitudine itineris ante sanguini- nis redditum ad sinistrum cordis ventriculum, dum per dextrum & parenchyma Pulmo- num delabitur. Hoc etiam vel hinc confir- matur, quod si persisteret indispositio ista donec sanguis ad sinistrum ventriculum re- direct, tota massa sanguinis arteriosi crudior & imperfectior foret, & cùm ab Aortā ad om- nes partes sanguis hic imperfectis spiritibus vitalibus refertus transmitteretur, omnes pár- tes corporis plūs minūs afficeret, quod ra- rissimè in hoc morbo observatum. Caput enim, multaque viscera, utcunque ex his ali-

G 4

qua

qua solito majora reperiantur spiritu, spiritu tamen vitali integro irrigari videntur. Sed et si, ut diximus, levior sanguinis indispositio corrigatur ante redditum in dextrum ventriculum, ubi tamen gravius vitium ei inuritur, non planè ex omni parte superari potest, unde Pulmones in hoc morbo sæpius gravissimis malis affliguntur. Enimvero, cùm sanguis minùs spirituosus adeóque minùs permeabilis, frigidiorque ac crassior aut viscidior continuè per Pulmones trajicitur, vix fieri potest, quin is tractu temporis debiles Pulmonum partes plùs minùs inficiat & obstruat, unde difficilis respiratio, tussis pertinax, tumores duri, inflammations, abscessus, phthisis, proveniunt; febres quoque tum erraticæ tum hecticæ hinc ortum suum ducere possunt. Verùm cùm labes ista à partibus primò affectis repente introducatur, credibile est eum (et si pulmones sæpe ut diximus ab eo afficiantur) antequam sanguis ad ventriculum sinistrum pertingat plenique superari. Atque hinc ratio reddi potest cur caput partésque vicinæ satis floridæ conspiciantur, quod nempe in illis neque naturalis neque vitalis constitutio sensibiliter læsa sit, cùm spiritus vitales perfecti in sinistro ventriculo geniti & ab eo distributi floridum istum colorem in facie excitent, cùm è contrà pulmones sæpe supradictis vitiis laborent

borent nondum superato sanguinis vitio antequam dextrum ventriculum & venam arteriosam subeat.

Porro imperfecta hæc productio vitalium spirituum in dextro ventriculo cordis ob sanguinis venosi affluentis cruditatem pertinet omnino ad essentiam secundariam hujus morbi, ejusque pars est censenda. Nam est constitutio vitalis vitiata, à quâ in Pulmonibus actiones lœduntur, & dependet planè ac omnimodo ab essentiâ primariâ datâ, neque iuterim subsistit in solidâ cordis substantiâ, ut eo nomine novi morbi nomen mereatur.

Hic obiter notamus, Practicos in curatione hujus affectûs semper remedijs suis admiscere illa quæ Pulmonibus prospiciant, nec præter rationem; cum è modò dictis liqueat quanto in periculo continuè id viscus versetur. Atque hæc sufficient de vitiis in generatione vitalium spirituum; sequuntur jam via distributionis eorundem.

C A P.

C A P . X.

Vitiata distributio vitalium spirituum in hoc affectu; & an sit pars essentia ejus secundariæ?

*Vitia distributio-
nis tria.*

Vitiata hæc distributio videtur in tribus consistere; nempe in ejus *imminutione*, *tarditate*, & *inæqualitate*. *Distributio sanguinis* & *spirituum imminuta*, ut & *tarda*, in una aliqua parte (& fortè in omnibus primò affectis) deprehendi potest; *inæqualitas* verò in una aliqua observari minimè potest, cùm ea resultet ex collatione variæ velocitatis ac tarditatis, magnitudinis ac parvitatis torrentis sanguinis respectu aliarū atq; aliarū partium. *Imminutio* ac *tarditas distributionis*, cùm ab iisdem ferè caussis in præsenti morbo dependant, simul tractari possunt, & cùm istæ differentiæ simpliciores sint *inæqualitate*, earum tractatio meritò præmittenda videtur.

Circutum sanguinis non esse difficultem in hoc morbo. Primò autem concedendum est transitum sanguinis per partes primò affectas non admodum difficultem esse in hoc affectu. Licet enim frigida intemperies, inopia ac torpor spirituum, videantur difficulter admittere sanguinis transitum per partes istis qualitatibus

bus affectas; revera tamen aliæ qualitates conjunctæ, putà humiditas, laxitas, flacciditas, mollities ac interna lubricitas, tantùm ad minimum possunt ad facilitandam quantùm prædictæ ad impediendam ejus permeationem. Immo, si justa instituatur aestimatio, fortè plus possunt. Verùm id hìc non asserimus, majorem solum transitūs difficultatem pernegamus. Enimvero, si libeat componere corpora mollia cum duris, laxa cum strictis, humida cum siccis, lubrica cum asperis, facile in illis percipere licet circulationem sanguinis longè esse expeditiorem quām in istis. Atque hoc manifestum est in junioribus animalibus in quibus priores dominantur qualitates. In recēns-natis licet cor tenellum sit, arteriæ minus firmæ, virtus pulsifica adhuc imbecillis, circuitus nihilo minus sanguinis promptè & facile exercetur, quæ in senioribus non sine validiori pulsu nixuque cordis & arteriarum peragitur. Deinde, Hippocratis & Galeni sententiâ, puerorum corpora maximè sunt permeabilia, ob humiditatem scilicet, laxitatem & mollietatem. Præterea, si attendamus ad formacionem pulli intra ovum, res reddetur oppidò manifesta. Post paucos ab incubatione dies, cor pulli evidenter pulsare cernitur, sanguinisque sui circuitum inchoare. Quod si tunc temporis consideremus fragilitatem ipsius cordis,

cordis, & quām infirmē ejus partes inter se cohāreant dum interim circulationem sanguinis suo modo peragit, necesse est concedamus in istā informi massā humiditatem, mollietatem, internāmque lubricitatē motum istum facilitare. Objiciat fortè aliquis in modō citatis casibus libertatem & promptitudinem circulationis sanguinis non tam ab humiditate, mollietate & lubricitate, quām à spirituum insitorum copiā dependere. Nam in cachexia, morbo virgineo, hydrope, carnes satīs molles sunt, humidae & fortè lubricae, cūm interim circuitus sanguinis satīs difficilis sit. Respondemus, revera illā corpora quæ ex inopiā spirituum insitorum tenera & mollia redduntur, aptiūs cæteris paribus circulationem sanguinis admittere. Verūm non simpliciter verum est, corpora magis spirituosa semper faciliorem circuitum sanguinis obtinere. In Piscibus enim sanguis longè faciliūs circuitum suum obit quām in animalibus terrestribus, ut liquet ex tenerā & fragili constitutione eorum cordis & arteriarum; Ii tamen minori copiā spirituum insitorum gaudent. At quia perpetuò in aquis degunt, humidiiores ac magis lubricae sunt eorum carnes. Unde evidentissimē patet quanti momenti ad circuitum sanguinis facilitandum sit interna lubricitas & humiditas. Porrò quod attinet ad cachexiā & morbo

morbo virgineo laborantes, concedimus quidem in iis circuitum esse difficilem; non tamen solum ob defectum spirituum insitorum, sed & ob pertinaces obstructiones in universo corpore existentes. Quare concludendum videtur non obstante frigidâ intemperie, inopiâ, ac torpore spirituum, quæ ad difficultatem circuitus faciunt, modum tamē ei ab humiditate, mollitie ac lubricitate interna adeò imponi, ut ad justam, si non nimiam, facilitatem circulatio sanguinis reducatur. Sed si tanti momenti sint humiditas, interna lubricitas & mollitie ad facilitandum sanguinis circuitum, videtur certè distributio ejus per partes affectas celerior non tardiore expectanda. Respondetur facilitatem transitus sanguinis opponi tarditati motus, aut parvitatи ductus. Potest enim motus facilis simul tardus esse, & in ductu quoque parvo. Venerum facilitas h̄ic directe opponitur difficultati, sive luctae & labori qui in hoc casu, si circuitus esset difficilis, accideret arteriæ, dum sanguis permeat. Quod autem arteriæ in partes primò affectas parvum laboris in sui sanguinis circuitu exequendo subeant, Paulò post demonstrabitur; h̄ic tantum afferimus facilitatem transitus sanguinis non satis arguere vel motus celeritatem, vel ductus amplitudinem. Enimvero duæ potissimum causæ concurrunt ad accelerandū decursum

Duæ
causæ
celeritatis
circutus
sanguinis.
fan-

sanguinis per habitum partium. Altera est aptitudo partis recipientis, sive ejus per quam sanguis permeare debet, atque haec causa merè passiva est & ignava; altera est impulsus tum cordis & arteriæ, tum ipsius sanguinis arteriosi se expandere annitentis. Haec causa activa est ac vegeta; cessante quippe hoc impulsu, distributio sanguinis mox omnino cessaverit, utcunque alias supponatur transitus facillimus. Patet ergo impulsum hunc esse principem atque activam causam tum celeritatis ac tarditatis, tum quantitatis distributionis sanguinis. Quapropter causæ illæ quæ impulsum hunc quovis modo aut promovere aut retundere queunt, accuratus hic veniunt examinandæ: ab his enim dignoscere licebit utrum reipsa distributio sanguinis in partibus primis affectis sit parcior aut tardior debito.

**Quatuor causæ im-
pellentes
sanguinis.** Ad incitationem impulsus dicti hæ causæ potissimum concurrunt. 1^o. *Copia & activitas vitalium spirituum in sanguine contentorum.* 2^o. *Cordis integra virtus.* 3^o. *Arteriarum robur, calor, & magnitudo debita.* 4^o. *Irritatio tum cordis tum arteriarum sive extrinsecus sive intrinsecus facta.* Has ordine percurremus, ut qualiter se in praesenti affectu habeant innotescat.

Prima. 1^o. Quod ad copiam & activitatem vitalium spirituum attinet, suprà monstravimus in hoc morbo

morbo frequenter excitari spiritus vitales imperfectos in dextro ventriculo cordis: cùm ergò sanguis hisce imperfectis spiritibus imbutus in pulmones impellendus sit, necesse est distributio illic ob defectum activitatis spirituum aliquantum ignavior ac parcior sit. Deinde cùm sanguis vitalis, ut suprà quoque monstravimus, in arteriis, quæ in partibus primò affectis terminantur, non nihil refrigeretur, necesse est transitum ejus per dictas partes segniorem quoque esse & diminutiorem.

IIº. *Virtus cordis*, nisi fortè per accidens ex complicatione aliús morbi, vix solet in hoc morbo observari læsa.

IIIº. *Arterias* quod attinet, non possumus defectum notabilem in eorum *robore* accusare. Atqui in *calore* tum *magnitudine* eorum manifestè occurrit vitium.
 1º in *calore*. Arteriæ in partes primò affectas insertæ, necessariò ab illarum intemperie frigidâ, simili quoque intemperie nonnihil afficiuntur. Nam cùm intemperies partium primò affectorum activa sit diúque permanens, fieri non potest quin plus minus conformem qualitatem in partes adèo vicinè conexas introducat. Etenim agentia naturalia corpora quæque intra sphæram sūæ activitatis posita maximèque illa quæ proxima sunt, assimilare satagunt. Si quis autem ambigat an

an ista arteriarum frigiditas retardare ac imminuere possit sanguinis per partes primò affectas decursum, consideret frigiditatem ex se inimicam esse cuivis motui. Frigoris quippe suâ naturâ est sedare impetus, densare, ignaviam, somnolentiam, stuporem ac immobilitatem inferre, atque ubi intensior est, congelare ac mortificare partes. Necesse est ergò remoram iniiciat torrenti sanguinis per partes eâ qualitate affectas transeunti. Præterea obseruavimus sæpius in venæ sectione frigente membro sanguinem tardiùs ac porciùs effluxisse; calefacto verò eo, aut frictione aliisque motu aut medio excitato pulsu sanguinem liberaliùs egressum esse. Adhæc frigida admota manifestè conferunt ad fistendum sanguinem è quacunque parte præternaturaliter erumpentem, ut è contra calida eundem proritant.

Objici potest ab externo frigore sæpe intendi pulsum; ut ex contrectatione nivium videmus non modò pulsum, sed & calorem auctum in manibus tractantium.

Respondemus frigida per se semper mouere transitum sanguinis per habitum partium; ex accidente verò si quæ tandem provocent (quod indicto casu contingit) arteriarum pulsus ad fortiores iectus instituendos, posse circuitum sanguinis eatenus intendere. Verum in prælenti morbo id nullatenus continet.

git. Quippe, (ut suprà ostendimus) circuitus sanguinis in hoc affectu, ut cunque imminuitur aut retardetur, manet satis facilis & expedita, neque indè ulla irritatio pulsus exsurgit, ut paullò post clarius videbimus. ^{II^o} In magnitudine arteriarum defectus quidam notatur. Nam cum ex modo dictis liqueat arterias ad partes affectas delatas non nihil frigidiores fieri debito, facilè credere licet eas simul graciliores reddi; sic in membro quovis refrigerato cernimus venas & arterias solito esse exiliores; & negari non potest actuale frigus semper coarctare vasa. Sed & plus quam probabile est potentialem quoque frigiditatem (qualis fortè potius dicatur esse illa quæ est intemperiei insitæ) venas & arterias exiliores reddere. Sic videmus frigidas complexiones, tum frigidas & humidas, minores venas ac arterias obtinere quam calidas. Obesa corpora, foeminæ, pueri, strictiora vasa quam macilenta, viri, adulti, possident. Præterea calor ipse expansiva qualitas est, ut ampliora, frigus contractiva est, ut angustiora vasa præstet. Denique observavit è nobis aliquis in hoc ipso affectu se aliquoties comprehendisse, in dissectis post mortem, venas ac arterias ad partes quidem primò affectas tendentes graciliores debito; verum arterias carotides & venas jugulares improportionatè amplias: & credibile est hoc perpetuò observari

H

servari

servari potuisse, si in mentem dissecantium
hoc ipsum attentiū contemplari venisset.
Sed hoc non peremptoriē afferimus, ast ul-
teriori inquisitioni relinquimus. Interim cū
ex dictis satīs pateat circuitum sanguinis in
partibus primō affectis esse imminutum, con-
sentaneum quoque rationi est vasa quoque
earum esse angustiora. Et cūm sinistre ven-
triculus cordis in Aortam tantam effundat
quantitatem quae omnibus partibus sufficiat,
cūmque tot partes primō affectae diminutē
istum sanguinem absorbeant, credibile est
per alias partes & nominatim per caput ac
hepar liberaliū solito eum distribui, adeo-
que vasa harum partium nonnihil dilatari &
ampliari: Circa sanguinis in hoc affectu im-
minutum circuitum, hoc unicum experimen-
tum addimus. Injectā ligaturā sive in bra-
chio sive in cruribus puelli hoc morbo graviter
afficti, non itā expeditē venæ ultra liga-
turam intumuerunt, neque habitus partis
sanguine satur itā turgidulus & coloratus il-
lic apparuit ac in sanis solet fieri. Unde ma-
nifestē liquet inferendum esse sanguinis tran-
situm per istas partes esse ignaviorem ac mi-
norem debito. Ut fluvius aggere stipatus
citiū aut seriū inundat ripam pro variā velo-
citate ac magnitudine torrentis; itā hic quo-
que contingit. Reditus sanguinis per venas
ad interiora vi ligaturæ sistitur; quod si is
rapidus

rapidus esset, brevi replete venas & habitum partium ultra ligaturam, quemadmodum alias in sanis accidere videmus: cum autem segniter adinodum ac tardè eas repleat in hoc affectu, statuendum est omnino circulationem sanguinis in istis partibus imminutum esse ac tardum, arteriæque in dictas partes insertas tum frigidiores tum graciliores esse debito, ut satè supèrque evicerimus arterias partium primariò affectarum laborare vitio in deficiente magnitudine.

IV^o. Quod tandem attinet ad *irritationem* *Quarta cordis & Arteriarum* (quæ fortè præcipua causa est multorum in pulsibus differentiarum) manifestè hæc languida & inefficax in arteriis partium primò affectarum deprehenditur. Non animus est impræsentiarum discursum instituere de naturâ, caussis, differentiationis, & affectis irritationis in pulsibus: in genere tantum notamus eam esse posse vel naturalem, vel violentam, & utramque esse vel universalem vel particularem, simûlque oriri posse vel ab extra vel ab intra; denique esse vel nimiam vel deficientem. In præsentis affectus tractatione satis erit si non nulla delibemus de irritatione particulari arteriarum, caque deinde ad præsens negotium accommodemus. Afferimus itaque 1^o Arterias cum nixu quodam sanguinem extundere in substantiam seu habitum partium;

De irritatione pulsu.

H 2 partes

partes verò istum sanguinem recipientes nonnihil contraniti; propter hunc autem renixum arterias ad fortiores nixus seu pulsus instituendos proritari: tantique momenti esse istum renixum ad fortiorum reddendum pulsum, ut ubi renixus languidus est, vix fieri possit ut pulsus sit fortis; ubi verò renixus plusculum intenditur, ita tamen ut nixum arteriarum non planè vincat, pulsus robustior reddatur, modò aliunde non intervenerit impedimentum. Atque hoc variis instantiis illustrare possemus, paucas annotabimus. Hiberno tempore pulsus pleniores, duriores, robustiores, & constantiores sunt quam aestate. Certum autem est tum temporis partes corporis externas frigore constrictas firmiores & minus permeabiles esse, adeoque sanguini in suâ circulatione earum substantiam permeare contendenti, fortius quam alias eas reniti; unde arteriae, ubi nihil aliud interveniens prohibet, necesse habent fortius se movere, fortiusque sanguinem impellere, si suo officio in circuitu sanguinis perficendo defundantur sint. Hinc tum irritantur arteriae istae nisi planè supprimantur, aut aliunde sopiantur, indeque paullatim fortiores ictus instituant; simûlque à spirituoso sanguine coarctato & pro ampliore loco colluctante plusculum incalescunt, atque aliquantum ampliantur, & nonnunquam victâ nonnihil reni-

renitentiâ sanguinem in partes uberiore ac rapidiore torrente quâm priûs effundunt. Hoc amplius confirmatur à calore ex concretatione nivis adacto. Licet enim initio mox frigeant manus, paullô pôst tamen plus satîs incalescunt, simûlque sanguine, quem intensus rubor indicat, suffunduntur. Näm ex contactu nivis primò partes densantur, ac fortius circuitui sanguinis resistunt, arteriæ quoque tunc in illis partibus contrahuntur: Atqui, nisi prævaleat frigus usque ad omnimodam spirituum in istis arteriis contentorum suppressionem, & ad ipsarum arteriarum stuporem, aut saltem torporem, arteriæ istæ paullatim irritantur, sanguisque cohibitus fortius luctatur pro majori loco, adeoque demum ex luctâ utriusque incalescunt arteriæ simûlque ampliantur, & aucto pulsu sanguinem copiosius in partem priûs perfrigeratam extrudunt. E contrâ, æstate, ubi minor occurrit in sanguinis transitu renitentia, pulsus flaccidior, languidior, ac mollior contingit. Unde patet defectum debitæ irritationis à languidâ partium sanguinem ab arteriis recipientium renitentiâ profectum, pulsuum vigorem imminuere.

II^o Idem adhuc evidenter cernitur in aucto pulsu à motu corporis, nam in motu violentiore omnes ferè musculi tensi sunt, unde transitui sanguinis plusculum renituntur;

H 3 tur;

tur; hinc arteriæ ad luctam irritantur, earum calor intenditur, adeoque pulsus frequentiores, fortiores ac pleniores eduntur.

III^o. Inflammatio alicujus partis ut mani, festè irritat ejus arterias, ità & vehementiorem pulsationem & liberaliorem sanguinis affluxum in eâdem promovet. Idem quoque de dolore dicendum.

IV^o Huc etiam referenda contusio alicujus partis. Nam pars contusa difficulter affluentem sanguinem admittit: hinc irritantur arteriæ, fortius pulsant, partemque contusam iis contranitentem in tumorem attollunt. Plurimis aliis exemplis idem demonstrari posset, nisi hæc abunde viderentur sufficere.

De renixu
contra
pulsum.

Notandum porrò est renixum partium in sanguinis ab arteriis receptione factum, satis magnum esse posse, neque tamen satis efficaciter arterias irritare: in quo casu retundit ac remittit potius impetum torrentis sanguinis quam intendit. Etenim renixus iste per se retundit aut impedit decursum sanguinis per substantiam partium; quatenus vero una proritat arterias ad fortiores iectus instituendos, per accidens torrentem ejusdem promovet. Quare cogimur hic in aliam digressionem vel inviti delabi, distinguendo inter renixum partium qui irritat, & eum qui non, vel parum irritat. De priori sufficiente instantie modò

modò allatæ, de posteriori paucas in medium adducemus.

I^o Ergò, datur *renixus planè suppressens*
torrentem sanguinis. Talem efficit ligatura ^{Species} *renixū*.
 fortis, quæ planè intercipit pulsum in parti- ^{Prima.}
 bus ultrà consistentibus, neque tamen arte-
 rias citra se irritat, quod omnem vim arteriæ
 ultra ligaturam supereret, actionemque ejus
 penitus abrumpat. Idem cernitur in parti-
 bus ex frigore demortuis, aliisve de caussis
 sphacelo corruptis; quin forte in contracturis
 & schirrhis nonnullisque cicatricibus con-
 firmatis.

II^o Occurrit *renixus comprimens arterias vel Secundi,*
ex compressione arteriarum. Hic accidit in li-
 gaturâ mediocri. Item in compressione arte-
 riæ à tumore in partibus vicinis aut proxi-
 mis ut à tuberculo crudo; item in com-
 pressione à qualicunque externâ cauſâ. Mul-
 ta quæ spectant ad morem decubitus dextri
 præsertim & sinistri huc referantur; sic in
 tumoribus dextrum latus spectantibus sinister
 decubitus fæpè ægrius toleratur ob com-
 pressionem partium sanarum à tumenti-
 bus, &c. Atque hæc compressio, ut ut cir-
 cuiti sanguinis resistit, non tamen videtur
 magnopere arterias irritare, quod non minùs
 vim ipsam pulsificam intercipiat quam ejus-
 dem actionem minuat. Quamvis forte in
 pulmonibus nonnunquam irritet ob calorem

H 4 eorum

eorum alias eminentem, non secus ac fieri solet in partibus dolentibus aut inflammatis.

Tertia.

III^o Datur *renixus ex parte reprimens circuitum sanguinis, sed absque compressione arteriarum, neque tamen in totum eum suppressiens, neque admodum arteriam irritans.* Talis occurrit in obstructionibus ab humoribus lentis, frigidis, crassis, humidis, qui, et si non nihil liberum sanguinis transitum impedire possint, parum tamen arterias irritant, quod unà temporem quendam, aut saltem frigidam intemperiem iis inferant, ut & sanguini in iis contento. Idem ferè dicendum est de membris paralyticis, nisi quod in his evidenter torpor arteriis eorum introducatur, sanguinisque transitus minus in iis retardetur.

*Defectus
irritationis
in hoc
morbo.*

Porrò afferimus II^o Partes primò affectas non satis in hoc morbo irritare arterias, quibus sanguis per eas distribuitur. Nam et si in hisce partibus, cum ob earum soliditatē, tum ob frigiditatem, concedamus aliqualem renixum, debilis tamen admodum est is sanguinisque atque parum irritans. 1^o Quod in istis partibus cum frigidā conjungatur intemperies humida, quae per se temperat ac lenit qualcumque irritationem. 2^o Quod adsit inopia insitorum spirituum, qui alioquin, ubi suppetunt, dare & tovere solent arteriarum sanguinisque in iis contenti vigorem.

3^o

3^o Quòd istæ partes torpeant, ut hac ratio-
ne ineptæ sint quæ arterias excitent. 4^o Quod
laxæ, flaccidæ, ac molles sint, ad cōque magis
pronæ sint facilè recipere quod arteriæ im-
mittunt, quām eas obnitendo laceſſere. At-
que arterias non fortiter & cum notabili ro-
bore sanguinem in hasce partes protrudere,
vel hoc indicio manifestum est, quòd eæ post
influxum spirituum & languinis, permaneant
adhuc laxæ, molles & flaccidæ, cùm è con-
trà pulsus fortes soleant partes aliæs flaccidas
subitò plenas, turgidulas ac rigidiusculas
reddere. 5^o Quòd partes primò affectæ lu-
bricitatem similarem possideant. Quemad-
modum enim externa seu superficiaria lubri-
citas quodvis præterlabi finit sine attritione;
itâ quoque interna seu similaris lubricitas
permeationem sanguinis facilitat, ut cum
minimâ luctâ ejus circuitus obeatur. Con-
cludendum ergò est arteriarum irritationem
in hoc affectu esse deficiente, adeoque fe-
gniter ad modum & inefficaciter excitari ar-
terias ad pulsum validum efficiendum.

Tandem per pensis omnibus quæ adduxi-
mus de cauſis activis & impellentibus san-
guinem in circuitu suo, satiſ eluceſcit sanguinis
circuitum in hoc affectu, licet satiſ facilis &
expeditus fit, esse tamen diminutum & fe-
gnem per partes primò affectis, tum ob i-
gnaviam sanguinis arteriosi in dictarum par-
tium

tium arteriis contenti, tum ob deficientem calorem atque exilitatem istarum arteriarum, tum denique ob earundem inefficacem irritationem. Atque hæc dicta sunt de duabus prioribus vitiis pertinentibus ad distributionem sanguinis in hoc affectu, diminutione scilicet ac tarditate distributionis; restat jam ut breviter expendamus inæqualitatem ejusdem.

C A P. XI.

Inæqualitas distributionis sanguinis in hoc affectu.

INæqualitas hæc æstimanda est ex collatione magnitudinis ac velocitatis torrentis sanguinis factâ in diversis partibus. Si enim circuitus sanguinis secundùm geometricam proportionem sit vel æquè diminutus & tardus, vel æquè magnus & velox, æqualis ille ex scopo præsentis inquisitionis reputandus est: E contrâ, si in aliis partibus minor & tardior, in aliis major & velocior sit, inæqualis & impropportionatus censendus est. Atque hic est status præsentis disquisitionis.

Ex supra-dictis liquet distributionem sanguinis per partes primò affectas esse admodum parcam & tardam. Tantùm ergò restat con-

considerandum an per cæteras partes uberi-
ore ac concitatiore motu vehatur.

Afferuimus antea radicem hujus mali non fundari in ipso corde, neque cor ipsum præsertim quo ad sinistrum suum ventriculum ex ^{Iniquilitas distri-}
^{butionis}
se primò malè affici. Credibile est ergò cor ipsum (nisi fortè alijs morbus vel conjunga-
tur vel superveniat) rectè suo officio defungi, sufficientēmque sanguinis quantitatem pro
unā vice per quemlibet iustum in Aortam ex-
pellere. Cùm ergò diminutè (ut suprà pro-
batum est) sanguis ad partes primò affectas ab Aortâ dispensetur, necesse est superfluam portionem ad alias partes non sic affectas distribuatur. Nam alias Aorta non satis se ex-
pediret, nec sanguinem à corde receptum sa-
tis exoneraret, sed à copiâ ejus infarciretur, &
opprimeretur, hæcque repletio levi occasi-
one ad sinistrum usque ventriculum cordis redundaret, febrimque accenderet: & ag-
noscimus quidem ob hanc ipsam causam, inter alias, febrim in hoc affectu frequenter,
ac facilè accendi. Verùm cùm illa febris sit
alijs morbus conjunctus, & ab hoc diversus
ac separabilis, & cùm saepius morbus hic si-
ne febre occurrat, necessariò concedendum
est sanguinem, quò diminutiùs ad partes pri-
mò affectas distribuitur, eò copiosius ad par-
tes cæteras affundi, saltem tunc, ubi febris ab-
est. Nam cùm ea quantitas sanguinis, ut
modò

modò diximus, in Aortam excludatur quæ toti corpori sufficiat, & cùm tota ea in variis partes distribuenda sit ; sequitur planissimè, quò minus in unam partem, eò uberioris in aliam dispensari.

Atque ità ex dictis percipere licet inæquilitatem distributionis sanguinis ex solâ ejusdem diminutione in partibus primò affectis suprà asserta (probabiliter ad minimum) inferri. Ex diminuto nempe ac tardo decursu sanguinis per partes primò affectas, affluxum ejusdem tum uberiorem & concitatiorem ad partes interiores non sic affectas rectè colligi. Videamus jam an cætera phænomena huc spectantia huic ratiocinio respondeant.

1º. Manifestum videtur ex suprà-allatis, Caput, Cerebrum, Hepar, cæteraque viscera, non istâ frigidâ intemperie, neque illo torpore ac inopiâ spirituum insitorum labrare, quibus premuntur partes primò affectæ. Nam viscera & partes distæ non recipiunt nervos suos à spinali medullâ extra calvariam, ut in eadem conditione cum cæteris partibus involvantur. Porrò istæ partes, quantum ex tactu judicare licet, moderatè exteriùs faltem calent; & quantum ex visu, colore naturali ac florido conspicuntur. Præterea pleniores ac habitiores occurunt quam partes primò affectæ.

Adhæc, Pueri hoc morbo afflicti moderatè appetunt,

appetunt, ingesta alimenta non malè coquunt, & circa caput sensus obtinent satis acutos; vident, audiunt, gustant, olfactiunt, non hebetius quām alii, & quoad ingenium, sēpe coetaneos superant, nisi aliunde quid obstet. Quæ omnia collecta satis supérque attestantur in istis partibus, aut non, aut saltem parum admodum dominari vel frigidam interperiem, vel torporem & inopiam spirituum insitorum. His jam concessis necesse est liberaliorem sanguinis ad dictas partes distributionem unà concedamus. Quod enim ad calorem attinet, suprà monstravimus eum tūm ampliare, tūm proritare arterias ad fortiori pulsationem edendam ; & copiam spirituum suprà quoq; monuimus non modò fovere vim pulsificam arteriarum, vigorēmque sanguinis in iis contenti conservare, sed & nonnihil concitare ac irritare utrumque, idque eò efficaciùs, quò minus spiritus insiti torpore affecti sunt.

2^o. Nisi istæ partes pleniore circuitu sanguinis irrigarentur, molliores, laxiores ac flaccidiores quām reipsâ sunt, occurrerēt, non secūs ac partes primò affectæ obseruantur. Etenim deficiente aut languente in quavis parte pulsu, pars statim redditur laxa ac flaccida, ut omnibus partibus in Lipothymia contingit. E contrà, ubi pulsus fortis est, pars, ad quam pertinet, rigidiuscula ac turgida

dula deprehenditur. Pulsus enim plenior, statim partes prius præ inanitione concidentes replet ac infarcit, ut solutâ Lipothymia restitutóque pulsu, partes corporis prius languidæ laxæque, non modò benè coloratæ, sed & vegetæ ac turgidulæ redduntur. Cùm ergò istæ partes, illâ mollitie, laxitate & flacciditate non affectæ sint, dicendum est eas pleniori pulsu perfundi.

3^o. Ipsa magnitudo harum partium aucta præ partibus primò in hoc morbo affectis testatur eas liberalius alimento suo, nempe sanguine (qui commune ac ultimum partium alimentum censetur) irrigari. Etenim vix alias ulla ratio sufficiens fingi potest, cur, cùm partes primò affectæ emaciatae, hæ pleniusculæ & habitiores (præsertim cerebrum & hepar) inveniantur. Idem & confirmat floridus harum partium color. Pulsu enim in quavis parte languente, nonnihil de nitore coloris in istâ parte mox decedit.

4^o. Observatae sunt in hoc affectu Arteriae Carotides, tum venæ jugulares quæ ad cerebrum & partes circa caput pertinent, ampliores; quæ autem vasa ad partes primò affectas feruntur, exiliores debito: unde liquidò inferre licet sanguinem inæqualiter ad istas partes dispensari. Atque hic oramus atque obtestamur eos quibus occurrit opportunitas dissecandi corpora ex hoc morbo defuncta

defuncta, ut accuratiū velint explorare arteriæ in partes ossium protuberantes inferante liberalius quoque & commodius effundant sanguinem in istas, quām in cæteras ossium partes parcias nutritas, & annon istarum partium arteriæ paullò ampliores sint quām harum. Licet equidem hoc scrutinum, cùm ob exilitatem dictarum arteriarum, tum earum insertionis obscuritatem, ut & ossium duritiem, difficillimum esse agnoscamus.

5^o. Juvantia & lædentia huc quoque spectant. Nam frictionibus motu & agitatione variâ corporis, atque exercitiis, corroborantibus illitionibus, similibusque mediis quæ calorem in dexteris membris cæterisq; partibus primò affectis fuscitant, pulsusque irritant ac quocunque modo augent, unde distributio sanguinis proprius ad æqualitatem reducatur, manifestè juvantur pueri hoc morbo afflicti; contrariis læduntur. Similiter medicamenta intus assumpta quæ distributionem sanguinis ad partes primo affectas promovent (qualia sunt moderatè calida, benigna & naturæ familiaria, atque ita attenuantia, incidentia & deobstruentia, ut simul spiritus nequaquam dissipent sed fovent augeantq;) conferunt multum ad hujus morbi curationem; contraria verò eundem aut gignunt aut genitum intendunt. His
bono
ce

ce omnibus consideratis, concludendum est distributionem sanguinis in hoc affectu esse irregularem & inaequalem. Atque ita tandem absolvimus disquisitionem de virtutis in distributione vitalis sanguinis ; restant jam si quae sint, virtus constitutionis vitalis participatae in hoc morbo examinandæ.

C A P . XII.

Vitia constitutionis vitalis participatae in hoc affectu.

DIximus supradictam originem constitutionis vitalis in sanguine arterioso, & præsertim in spirituosa ejusdem parte fundari : sed quoniam partes solidæ quoque non nihil de naturâ vitæ verè participant, iis vitam participatam, sive constitutionem vitalem participatam meritò adscribimus.

- In quibus
constitutio
constitutio
vitæ parti-
cipatae.*
- Consistit autem hæc *constitutione* *vite parti-
cipatae* in tribus,
- 1^o. *In Unione quâdam sanguinis arteriosi cum
substantiâ solidarum partium quas permeat.*
 - 2^o. *In calore vitali in istis partibus exi-
tato.*
 - 3^o. *In vivificatione & exaltatione consti-
tutionis naturalis, omniumque facultatum natura-
lium istarum partium.*

I^o Quod

1^o. Quod ad *Unionem illam sanguinis arteriosi* attinet, jure ea prima pars vitæ participata reputanda est. Ideo enim partes solidæ de naturâ vitæ, sive de constitutione vitali participare dicuntur, quod in se vitales spiritus contineant. Neque etenim absque spiritu vitali consistere potest vita. Quando ergo vitalis spiritus in & cum sanguine arterioso ad partes solidas per arterias distribuitur, atque hæc partes istum sanguinem in suam substantiam imbibunt, fit, ut partes dictæ cum spiritibus vitalibus uniantur, sicque eæ de naturâ vitæ participant.

Porro cùm hæc unio non sit permanens sed transiens & in motu consistat, videtur ea in ipso congressu & mutuo amplexu spiritus insiti naturalis & influentis vitalis consistere. Conditiones autem quæ requiruntur ut hic congressus sit naturalis, sunt,

1^o. Ut sit utrinque moderatus, non impetuosus.

2^o. Ut sit utrinque validus, non languidus aut torpidus.

3^o. Ut sit utrinque amicus & gratus, non hostilis & infensus; ut sit tranquillus, non tumultarius; nec nimis sit lubricus, neque nimis asper.

4^o. Ut non desinat in dissipationem omnimodam spirituum, quin magis in eorundem sedationem aptamque dispositionem pro re-

I

ditu

ditu per venas. Fortè plures istiusmodi con-
ditiones addi possunt ; sed cùm ad hunc
affectum maximā ex parte parūm pertineant,
ab ulteriori earum examine hīc supersede-
mus. Notamus tantūm in hoc affectu con-
gressum mutuum & unionem vitalis & insitae
constitutionis per spiritus suos non contin-
gere cum eo vigore, activitate, & oblecta-
mento utrinque , quibus aliās perfici solet in
sanis. Atque hoc vix eget ullā probatione,
cùm ex suprà-dictis pateat non tantūm con-
stitutionem insitam partium primò affecta-
rum laborare frigidā & humidā intemperie,
inopiā & torpore spirituum, sed & sanguini-
nem ipsum vitalem nonnihil refrigerari ac
torpidiorē redi in extremitatibus arteriarum,
priusquam in partes primò-affectas effunda-
tur; ut necessū sit unionem illam cum
sufficienti neque vigore , neque voluptate
peragi. Enimvero, ubi spiritus vitales vi-
gorosi cum spiritibus insitis pariter vigorosi
congreduintur, non sine luctā quadam
blandā & delectante uniuntur. Sive, ut
exemplo hoc rem illustremus, spiritus insiti,
tanquam sponsa, simul & alliciunt & quo-
dammodo repellunt spiritus vitales qui hīc
quasi sponsi personam agunt : verūm vitales
spiritus calore suo stimulati & pulsuum vi-
gore impulsi, audaciūs & confidentiūs paul-
lò insitos invadunt, eorūmque fines ac ter-
minos

minos penetrant subeūntque, dum inter-
rim spiritus insiti (ut ut modestè quasi reni-
tentes ac reluctantes) non sine voluptate
quadam eos excipiunt. Ipsa enim voluptas
corporea in luctâ quadam amatoriâ funda-
tur, princépsque pars ipsius vitæ in istius-
modi concertatione de unione mutuâ utri-
usque spiritûs consistit. Eo enim fine tum
generantur, tûm distribuuntur vitales spiritus,
ut demum pervadant constitutionem insitam
solidam partium, eâsque suâ vitali virtute
profundè imbuant : atqui cùm non possint
hi itâ penetrare sine nixu & renixu, necessa-
riò accidit, ut vigor istius luctæ sive nixûs &
renixûs major minórve sit pro copiâ, calore,
& activitate spirituum inter se concertan-
tium. Quoniam igitur spiritus naturales, tum
vitales in hoc affectu nonnihil frigidiores,
pauciores, minûsque activi sint, necesse est
eorum congressum & unionem ignaviorem,
minûsque debito esse delestantem. Adhæc
notandum est in hoc affectu (quod & suprà
latiùs ostendimus) transitum sanguinis arte-
riosi per partes primariò affectas nimis faci-
lem esse & lubricum, unde hâc etiam ratione
congressus iste & unio spirituum in istis par-
tibus ignavior redditur, minûsque jucundus.
Præterea exhalationes calidæ, licet revera-
parciùs ut plurimùm in hoc affectu excitentur,
excitatæ tamen, ob mollitatem, laxita-

I 2 tem,

tem, internámque lubricitatem partium pri-
mò affectarum citius quām par est exspirant,
unde istas partes magis frigidas & flaccidas
relinquunt.

Secunda
pars vitæ
participa-
tæ.

II^o Quod attinet ad *calorem vitalem solidis*
partibus communicatum (qui secunda pars est
constitutionis vitalis participatæ) partim de-
pendet is ab unione prædictâ, sive incorpo-
ratione sanguinis arteriosi cum solidis partibus,
partim verò consistit in motu seu nixu quedā
expansivo (consimili isti nixui expansivo
qui est ipsius sanguinis arteriosi) excitato in
ipsis solidis partibus. Primum admodum ma-
nifestum est : necesse enim est sanguinem
arteriosum calore vitali imprægnatum , ubi
intra solidas partes recipitur, iis cum substan-
tia suum calorem quoque impertire. Secun-
dum etiam non difficulter evincitur. Etenim
si calor vitalis in sanguine arterioso radica-
tus consistat in motu quodam seu nixu istius
sanguinis uniformiter diffuso simūlque non-
nihil cohibito, fieri non potest quin consimi-
lem nixum in solidis partibus, quas pervadit,
excitet, cùm causæ naturales semper agant
ad extremum suarum virium, & quantum fi-
eri potest , per viam assimilationis. Si quis
dubitet an essentia vitalis caloris consistat in
tali nixu uniformi diffusivo, moderatè cohi-
bito & intrinsecus provéniente, sciat essenti-
am caloris in genere consistere in motu vel
nixu

nixu rarefactivo nonnihil cohibito, ut clarè demonstrat Vice-Comes Verulamius in novo suo Organo. Hoc autem dato, calor vitalis, cùm in se veram naturam caloris contineat, necessariò quoq; erit talis nixus rarefactivus nonnihil cohibitus. Verùm ut hic calor in genere restringatur ad vitalem, plures conditiones addendæ sunt; quas tamen hic, nè in enormem digressionem provehamur, neque enumerare neque prosequi accuratiùs possumus. Interim ut materiam & modum habeamus inquirendi, utrùm calor vitalis in hoc affectu sit secundùm naturam modificatus nécne? visum est sequentes conditiones paucis proponere.

1 Quò calor vitalis dicatur naturalis seu secundùm naturam, requiritur ut ejus origo sit interna, nempe in ipso sanguine arterioso, & per implantationem ac unionem ejusdem, ut superius dictum, ad partes solidas deriveatur. Ut enim quid dicatur naturale, necesse est id sit ab interno principio: licet quoque quæcunque fovent, augent, vel excitant moderatè internum principium, posse eo respectu hanc appellationem subire concedamus.

2 Requiritur, ut calor iste sit moderatus, non remissior aut intensior æquo, sed gradu apto partibus dispensatus.

3. Requiritur, ut sit quodammodo unifor-

Conditio
nes caloris
vitalis se
cundum
naturam
se habentis

I 3 roris

mis suique similis in partibus eadem constitutione similari gaudentibus, modò æquè distent à fonte caloris, pariterque ab aliis caussis concurrentibus & vicinis affectæ sint. Veùm in partibus longius à fonte caloris distantibus, pariter tamen alias, quemadmodum dictum, affectis, ut uniformiter diminutior sit: similiter in partibus quoad constitutionem insitam frigidioribus, ut sit proportionaliter quoque remissior. Denique in partibus ab aliis caussis diversimodè affectis, ità ut una multò intensius caleat quam altera, requiritur, ut inter partem calidiorem & frigidorem calor paullatim seu gradatim, & quasi uniformiter remissior (si à parte calidiore versus frigidorem palpando procedas) deprehendatur: & eò usque etiam uniformitas quædam vel in hac difformitate seu disparitate caloris, dummodo intra naturæ limites manerit, observari potest. Partes enim proximæ sive immediate se mutuo tangentes, non naturaliter se habent, ubi altera præ alterâ impensè calet. Enimvero cum calor hic vitalis consistat in nixu rarefactivo nonnihil cohibito, si is multum inæqualis & difformis sit in partibus juxta invicem positis, fiet, ut pars illa quæ violentius nititur, conetur unâ se divellere ab ista quæ minus nititur, eritque adeò nixus iste præternaturalis dolorem inferens. **Consistit c-**
nim

nim dolor in solutione continuitatis nondum facta, sed in fieri.

4. Ut hic calor non actuet aut promoveat actionem aliis cuiusvis qualitatis noxiæ conjunctæ. Quamvis enim in hoc casu noxia qualitas conjuncta præcipue peccet, potiorēque partem culpæ mereatur, calor tamen in totum excusari non potest. Nam calor acris & malignus connotant alias qualitates conjunctas præter nudum calorem, ipse tamen calor vitalis quatenus intendit ac stimulat actitatem istarum qualitatum conjunctarum quo potentiū laedant, ex parte reus est censendus eorundem noxiæ actionis.

5. Ex parte renixū requiritur quoque moderamen, tūm ratione sedationis spirituum vitalium excusitorum, tūm ratione permeationis sanguinis arteriosi, tūm ratione transpirationis exhalationum non sedaturum.

6. Est proportio quædam observanda inter nixum vitalis caloris expansivum & renixum eum coërcentem. Non modò igitur excessus alterutrius in se vitium est, sed & si alter alteri sit improportionatus, eo ipso quoque vitiosus est censendus.

7. Rhythmus & ordo quidam tūm in nixu tūm in renixu est observabilis. Neque enim eodem continuo tenore procedunt, at micando quasi modò intenduntur, modò remittuntur:

I 4 mittuntur:

mittuntur: & intenduntur quidem maximè in diastole arteriarum, ubi sanguis suis cancellis angustioribus non contentus, de ampliore loco luctetur, adeoque arterias distendit donec competens ejus portio in habitum partium excedat & inibi digeratur, tunc quippe locus non adeò in angustias sanguinem cogit, quin per tantillam temporis morulum ab impetuoso suo motu supersedeat. Atque inter causas pulsationis hæc micatio sanguinis arteriosi non infimæ est potæ. Ut hæc jam ad præsens negotium applicemus, è conditionibus modò propositis secunda sola in præsenti affectu videtur manifestè desiderari. Calor enim vitalis non moderatus hic, sed deficiens, remissiorque gradu naturali & justo deprehenditur. Nam cùm partes primum affectæ frigidâ ac humidâ intemperie, in opia, ac torpore spirituum laborent, necesse est eas (ut suprà quoque ostendimus) calorem sanguinis arteriosi priùs quam in earum substantiam effunditur, non nihil retundere, unde partes istæ remissiorem vitalis caloris gradum, quam iis debetur, participant. Atque hæc dixisse sufficiat de calore vitali partibus communicato.

Tertia
pars.

III^o Quod ad ultimam partem vitæ participatæ attinet, quæ quidem dependet à duabus prioribus, quæque prima est intentione naturæ, licet ultima executione, dicimus eam finem

nem quodammodo esse tūm constitutionis vitalis originalis,tum distributionis ejusdem, ut & unionis prædictæ calorisque partibus communicati. Non enim suā solā gratiā excitantur in sanguine arterioso vitales spiritus, neque suo tantūm commodo in partes distribuuntur, iisque uniuntur ; ast maximè,ut vivificant & nobilitent insitam solidarum partium constitutionem earūmque adeò facultates accēuent & exalent. Quemadmodum enim calor per se tantūm potentia est visibilis,niſi lumine irradietur; ita & facultates illæ insitæ attrahendi, retinendi, coquendi, excernendi, & formandi, quasi mortuæ sunt & merè potentiales, quando affluxu vitali non actuantur & vivificantur. Hoc clarissimè videre est in lipothymia ; nam deficiente vitali influxu, subito labascunt ac languent omnes istæ facultates.

Verūm cùm facultates omnes fundentur in aliquā constitutione, quæ earum & causa & subjectum est, quæri posset, in quā constitutione partium prædictæ facultatēs fundentur; Respondemus quo ad potentiam naturam eas radicari in constitutione insitā quam prius descripsimus ; verūm quo ad actuatam & jam vivam factam essentiam dependere eas quoque ab influxu vitali. Atque in genere pronunciamus constitutionem vitalem participatam , quam prius in tribus

con-

confistere afferuimus, cum constitutione insitâ conjunctam, esse integrum & adæquatam tum caussâ tûm subjectum omnium istarum facultatum. Operosior autem digressio foret, quâm nostrum institutum patitur, inquire in specialem modum, quo istæ constitutions hanc vel illam facultatem in specie determinatam producant. Impræsentiarum tantum breviter percurremus vitia prædictarum facultatum quæ in hoc affectu occurunt.

I^o Vis Formatrix hîc errat ob inæqualem affusionem vitalis sanguinis in diversis partibus, de qua suprà differuimus. Hinc caput & Hepar in nimiam molem excrescunt, partes primò affectæ extenuantur, ossium extrema protuberant, quin etiam aliquando, quæ alias recta forent, ossa incurvantur.

II^o Coctrix debilis est in hoc morbo in partibus primò affectis, ob insitam intemperiem frigidam, ob inopiam & torporem spirituum, ob lubricam unionem spirituum vitalium cum constitutione insitâ, & ob debilem calorem vitalem impressum.

3^o Attractrix, retentrix, & expultrix videntur haud multûm à naturali conditione recedere: attractrix tamen aliquantò segnior est debito, retentrix ob internam lubricitatem nonnihil infirmior, expultrix verò concitator justo ob eandem caussam.

Atque

Atque ità tandem absolvimus examen vi.
tiorum constitutionis vitalis in hoc affectu.
Constitutio animalis jam proximè consideranda
foret, nisi quòd nonnulla vitia constitutionis
insitæ, nempe ejus vitia organica, quæ non-
nihil dependent à vitiis quibusdam recitatis
constitutionis vitalis, hunc locum, ut sibi
magis proprium, vindicarent.

C A P. XIII.

*Vitia Organica constitutionis insitæ
in hoc affectu.*

Cum vitia organica in hoc affectu pertine-
ant ad constitutionem partium insitam,
immediatè quidē ea post vitia similaria ejus-
dem constitutionis justā methodo tractanda
forent: verūm, ut suprà monuimus, quòd
eorum ratio & causa maximè à vitiis consti-
tutionis vitalis modò notatis petenda sit, co-
acti fuimus præmittere horum tractatum, il-
lorūmque adeò considerationem in hunc lo-
cum reservare.

Vitia Organica in hoc morbo reducuntur
commodè ad hæc capita.

1. *Ad certarum partium extenuationem & maciem, videlicet partium primò affectarum.*

Quinque
capita vi-
tiorum or-
ganico-
rum in hoc
morbo.

2. *Ad*

2. *Ad aliorum partium magnitudinem præter rationem auctam, ut cerebri, totius capitis, & Hepatis.*

3. *Ad protuberancias sive tumores certorum ossium, ut ossium ad carpos, ad talos, & extremitates costarum.*

4. *Ad certorum ossium incurvationem, ut frequentius accidit ossibus cubiti & tibiae, non nunquam ossibus femoris & humeri.*

5. *Ad pectoris acuminationem & angustiam.*

Atque hæc vitia infrà inter symptomata & signa hujus morbi memorantur, non quidem quod re ipsa mera sint symptomata, sed quod in sensu incurvant, adeoque signorum vicem commodè suppleant; tum ratione partium essentiæ morbi altius latentium, tum ratione causarum ejus abditarum. Quicquid enim ipsum sensu percipitur, & præter se aliquid obscuri menti repræsentat, rationem habet signi. Revera enim hæc vitia sunt partes essentiæ ipsius morbi & quidem secundariae, cum sint vitiosæ constitutiones organorum actionem lædentes, & dependeant ab aliis partibus essentiæ morbi.

Communi-
nis eorum
causa.

Communis causa ferè omnium modò recitatorum affectuum videtur esse *inæqualis & improportionata nutritio, sive ἀλογεψία partium.* Hæc autem in hoc morbo à duabus præfertim causis dependet. Prior est dispar & inæqualis

æqualis constitutio insita partium irrationaliter nutritorum. Disparitas inter constitutiones insitas partium primò affectarum, & capitis ac viscerum ex supra-dictis nullo negotio colligi potest, ut non mereatur ulteriore inculcationem. Posterior causa, quæ certè non minoris est momenti, est ipsa inæqualis distributio sanguinis arteriosi ad partes, ut dictum, inæqualiter nutritas. Quòd sanguis in hoc affectu inæqualiter distribuitur supra monstravimus: hic tantū inferimus indè sequi necessariò inæqualem nutritionem partium. Omnia animalia quòd pleniore vivitu utuntur (nisi aliud interveniat impedimentum) eò habitiora tūm pinguiora cernuntur: subtrahā verò debiti alimenti quantitate accrescunt, atque indies extenuantur. Cur non idem animalium partibus accidere judicemus ? Sanguis, aut saltem aliquid in sanguine contentum pro ultimo alimento partium omnium agnoscitur. Ubi ergò id liberalius uni parti & alteri parcius dispensatur, minimè certè mirum est, si una pars in justo majorem molem excrescat, dum altera interim extenuatur. Sed hæc in genere dixisse sufficiat.

In specie,

I^o. Afferimus in hoc affectu partes primò affectas indies macrescere et emaciari. Neque exspectanda est hujus assertionis probatio, cum quotidiana experientia idem oculis attestetur

stetur. Verùm cur ità extenuentur istæ partes, rationes exigamus.

*Cur exte-
nuentur
partes
in hoc af-
fectu?*

1^a Dicitur à primaria essentiâ morbi, ab intemperie frigidâ nempe, à penuria & ignavia spirituum insitorum in prædictis partibus. Hinc enim attrahtrix, retentrix, & coatrix suo mumere parùm efficaciter in illis defunguntur.

2^a Dicitur à laxitate, mollitie, & internâ lubricitate earundem partium: hinc enim earum expultrix concitatior est debito, transpiratio nimis facilis ac dissipativa, circuitus sanguinis nimis lubricus, retentrix debilis alimentum citius & facilius elabi patitur quâm par est; atque hic idem penè hisce partibus accidit quod intestinis in Lienteriâ. Ut ut sit, impensa excedunt vestigalia, & per consequens istæ partes extenuantur.

3^a Dicitur ab inæquali distributione, & quidem diminutâ in partibus primò affectis, de quâ fatis supérque suprà dictum est.

II^o Afferimus in hoc affectu magnitudinem capitis & præsertim cerebri, ut & magnitudinem Hepatis esse præter rationem auctam. Aliquando conjungitur Hydrocephalus, quem tamen nullam hujus morbi partem, ast diversi generis existimamus: licet nonnunquam hunc affectum posse occasionem ministrare hydrocephalo supervenienti concedamus. Porro vidimus aliquando, su-

per-

pervenienti huic morbo tabe, eaque diu continuata, faciem partesque circa caput non nihil ante obitum fuisse extenuatas. Non tamen id evenisse à morbo de quo agimus; ast à Tabe huic accidente. Interim ut ratio reddatur magnitudinis supra modum auctæ in prædictis partibus, notemus

1^o Partes ad caput & viscera ferè omnia pertinentes, nervos ab illâ parte spinalis medullæ quæ intra calvam concluditur, recipere, & propterea non necesse esse hasce partes infelici conditioni partium primò affectarum subjici. Quare nulla ratio nos cogit asserere, hasce auctas partes vel intemperie frigidâ vel penuria & torpore spirituum affici, vel attractricem, retentricem, aut coctricem facultatem indè vitiatam obtinere; & per consequens, partes hæ eximuntur omnino à primâ cauſâ modò recitatâ extenuationis in reliquis partibus primò affectis.

2^o Notemus neque laxitatem, flacciditatem, molliciem aut internam lubricitatem in dictis partibus supra modum auctis dominari, neque has qualitates (quemadmodum accedit partibus primò affectis) expultricem debito concitatiorem præstare, adeoque metuendum esse exportationem superare importationem, quod in partibus extenuatis contingere docuimus.

3^o Notemus sanguinem in circuitu suo
quod

quò parcilius ad partes primò affectas distribuitur, eò liberalius haſce auctas partes rigare. Hoc superiùs probavimus, neque pluribus hic in eam rem opus. His ergò notatis, evidens occurrit ratio, cur prædictæ partes irregulariter augeantur: Etenim si in iis attractrix, retentrix & coctrrix non debilitentur secundum primam annotationem, & expultrix non sit justo concitator sec. secundam, atque interim copiosius alimentum iis affundatur sec. tertiam, necesse est earum molem improporionatè excrescere. Nam ubi abundat alimentum neque suo officio defunt facultates, fieri non potest quin plenior partium nutritio subsequatur.

III^o Afferimus, protuberantias sive tumores ossium in carpis, talis, & extremitatibus costarum duplici nomine vitiatum organum efficere, ratione scilicet tum magnitudinis, tum figuræ. Partes utroque modo vitiatæ oculis obviæ sunt, ut frustra alia sit exspectanda probatio. Sed cur ossa ad istum modum, in istis locis, sic protuberant? Arduum certè est hujus rationem reddere, neque fortè audemus. polliceri nos omni ex parte curiosis satisfacturos. Itaque loco responsionis sequentes observationes non plenè inutiles in medium proferimus.

Protuberantiam
ossum in
hoc affectu
causæ.

1^o Ossa in multis cum Parenchymatis vi-

viscerum convenient. Nam 1^o constant ex materia quādam similari à sanguine perlante secretā , nec laboriosa assimilatione opus habente,& omnino facilem nutritionem, donec ad ~~anūm~~^{anūm} incrementi pervenerint, videntur admirere; nutriti porrō usque dum ad extremam fortē siccitatem per ætatem perducantur,& extenuationi notabili vix videntur esse obnoxia: ita & parenchymata similia sunt per secretionem à sanguine ferè solam congesta, & facilè crescunt, ægrè rarōque extenuantur. 2^o Ossa simili ferè modo, quo parenchymata, aluntur. Per arterias recipiunt sanguinem, per venas superfluam portionē amandant, ac loco vasorū tertii generis, quibus exterminant excremēta, cavitatibus & cellulis donantur. Dubiter fortē aliquis de arteriis ossium , cùm tam dura & rigida pars inepta videatur intra quam pulsent arteriæ: Concedimus quidem minūs apta esse ossa pro arteriarum pulsatione ob duritiem suam & rigiditatem , adeoque agnoscimus ea non aliquam notabilem arteriarum ramificationem in se admittere; verū si quis indē inferre velit nullas planè introadmitti arterias, nā ei nos omnino repugnantes habebit.

Sunt etenim partes vivæ , nutriuntur , crescent, facultatibus attractrice, retentrice, contractrice ac secretrice gaudent. Deinde sanguinem ea intra se recipere quem non possunt

Ossa non
omnino
Arteriis
destitui.

K

nisi

nisi per arterias, patet ex eorum cruentatione
sive fracta sint, sive rasa, aut alio quovis
modo divisa in vivis adhuc animalibus. In
junioribus animalibus, spongiosa ossium
substantia ipsaque medulla sanguine suffusa
cernitur, & maxima pars cavitatum earum
non tam medullâ, quam sanguine referta est.
In majoribus animalibus observare licet ve-
nas tûm arterias per membranas ipsam me-
dullam involventes distributas: quæ omnia
satis arguunt distributionem sanguinis ad
ipsa ossa. Verum natura sagax (quæ in
omnium partium formatione commodissimè
omnia concinnat) prospiciens hic arterias
venasque propter duritatem ossium non posse
convenienter longiori carnificatione per sub-
stantiam ossium disseminari, numerosas eas,
at valde exiguae & plerumque capillares
mediante periostio hinc inde sparsim in fo-
raminula ossium vix conspicua ejaculatur.
Immo in majorum animalium diu elixatis
ossibus foraminula hæc insertionis vasorum
satis facile in extima superficie detracto pe-
riostio cerni queunt. Sed hæc sufficient
dicta de venis arteriisque ossium, cum res
hæc minus pertineat ad nostrum scopum.
Quod ad vasa tertii generis attinet, quan-
doquidem ossium excrements non planè
inutilia erant futura, neque commode extra
corpus exterminari poterant, natura, loco
vasis

vasis ter:ii generis conceptacula quædam
(cavitates nempe, & cellulas) construxit, in
quæ ossium excrements, partein scilicet pin-
guem quæ planè inutilis est ad ossa nutrienda,
reponeret. Aliqui quidem medullam esse Medullam
proximum ossium alimentum existimant; sed non esse
perperam, cùm hæc, ut modò diximus, planè ossium
incepta sit ad ossium generationem & nutriti-
onem. Ossa enim non tantum durissima &
solidissima atque ex se albioris coloris, sed &
constant ex substantiâ quadam terrestri satis
tenaciter cohærente; quæ conditiones longè
absunt à medullâ. Hæc quippe in igne tota
conflagrat & in flamas abit; ossa verò, nisi
ratione medullæ, vix flammam concipiunt,
sed in terrestrem substantiam ferè tota calcin-
nantur. Deinde nullâ arte ad illam firmi-
tudinem, quam in ossibus cernimus, perduci
potest medulla. Porro medulla ad modera-
tum ignis calorem liquecit & dissolvitur;
ossa verò ardentissimas ignis flamas sine
ullâ eliquatione sustinent. Præterea ossa per
diurnam elixationem non in medullarem
substantiam, sed gelatinam quandam resol-
vuntur. Tandem ossa in pulverem communū
possunt; non sic medulla. Certum ergò est
medullam non esse ossium alimentum, sed
quoddam eorum excrementum sive potius
secrementum, utile id quidem, suisque adeo
conceptaculis asservandum. Ossa enim na-
Sed quæ od-
dam eorum
excremen-
tum seu
secremetum

K 2

turā

turā suā alioquin sicciora, frigidiora, & asperiora, minūs apta forent motui, nisi medullæ seu exundationibus seu exhalationibus humectarentur & lubrica redderentur, blandaque ejus calore foverentur. Hæc omnia uno ferè sequenti experimento confirmantur. In animalibus junioribus æstimatā magnitudine ossium, minus medullæ inest ossibus, plus sanguinis, quām in grandioribus. In fœtū nondum edito, vixdum vestigia medullæ à sanguine distinctæ observantur. Post partum verò indies medullaris substantia augetur, & minus minūsque sanguine suffusa cīque permista conspicitur: in ætate demum consistente ossa medullâ ferè purâ & sincerâ, sanguine vix conspersâ, repletur; in senectutis verò progressu credibile est ossa indies minūs minūsque irrigari sanguinis circuitu, & fortè ipsam medullam tandem cefante ferè nutritione ossium potius imminui quām augeri: quo respectu limitandum fortè est experimentum propositum. 3º Ossa (exceptis fortè dentibus) nervis carere & vel non, vel parūm certè, neque aliter quām ratione periostii aut fibrarum ejus in osseum foramina immissarum sentire creduntur. Similiter Parenchymata viscerum videntur potius per suas membranas & vasā quām per suam substantiam sensum illum, quem obtusum habent, obtainere.

Ex

Ex his colligimus ossa in hoc affectu non multum aliter affici respectu nutriti-
onis quam parenchymata viscerum. Su-
prà monstravimus ossa non esse numeranda
inter partes primò affectas, ut neque paren-
chymata dicta: hic modò ulterius asserimus
osleum genus sive ossa universa simul sum-
ta non parciùs fortè in hoc morbo ali, quam
aliás in sanis solent. Si enim per modum
congestioni similem ut parenchymata, atque
adeò facilè alantur, si possideant arterias et
venas ad se deductas, et cellulas ac cavitates
ad sanguinem recipiendum, si non sint in nu-
mero et conditione partium primò affecta-
rum, neque nervos à spinali medullâ recipi-
ant; credibile omnino est non male ea posse
alimentum suum recipere, retinere, ac co-
quere. Porrò si consulere libet experientiam,
Pueri hoc morbo laborantes habitâ ratione
ætatis ac magnitudinis partium aliis ferè
ponderosiores sunt, utali quoties observavi-
mus, quod certè ex parte adscribendum vi-
detur ossium magnitudini. Quamvis hic
magis frequentes, certas, et diligenter ex-
pensas optemus observationes, quas alii oc-
casionem nacti sibi poterunt subministrare:
interim opinamur ossa in genere non admo-
dum parcè in hoc morbo nutriti. Dicat ali-
quis, quæ hactenus dicta sunt spectare ossium
nutritionem in genere, non verò ex iis redi-

K 3 rationem

rationem eorum protuberantiae. Non id dissimulamus; atqui, cum vitia haec ossium dependeant ab eorum inaequali nutritione, ut supra probavimus, non inutile hic propone-re duximus aliqualem rationem nutritionis eorum in genere. Pergimus jam proprius ad praedictos ossium tumores. Atque obser-vamus

II^o Tumores istos ossium non esse hete-rogenei generis respectu ceterarum partium ejusdem ossis, sed esse partes planè similares & cum ceteris homogeneas, neque ex parte constitutionis similaris, sed tantum ex parte magnitudinis & figuræ esse vitiosas.

Hinc sequitur III^o Has protuberantias non ex materia ossium illegitima, aut per vir-tutem aliam, quam è quâ & per quam alia essa, generari.

IV^o Tumores dicti producuntur ex in-aequali nutritione ossium, putâ ex liberaliore nutritione protuberantium partium & parci-ore ceterarum partium ejusdem ossis. Atque has tres ultimas observationes satî supér-que probavimus supra, ubi de partibus affe-ctis actum.

V^o Observamus Epiphyses ossium in ta-lis & carpis, fortè etiam in nonnullis aliis locis, moliores ac spongiosiores esse reliquis partibus eorundem ossium. Quin fortè ma-jores arterias & venas in se recipiunt, licet hoc

hoc nondum fatis exploratum habeamus. Extremitates etiam costarum multò magis spongiosæ sunt & molles quām cæteræ earum partes. Unde inferre licet molliores istas & spongiosiores ossium partes posse facilius ac liberalius sanguinis circuitum admittere, adeoque pleniūs nutriri quām cæteras earum partes. Dicas, istarum partium mollitatem & spongiositatem non minus in pueris sanis quām hoc morbo affictis reperi. Concedimus id quidem, sed necesse interim est partes, quarum substantia compacter est, quæque difficilius sanguinis circuitum admittunt, leviori de caufsa affici atque obstrui, quām eas partes quæ facilius recipiunt & apertiores sunt. Sanguis autem in hoc affectu frigidior, viscidior, paullōque crassior debito externis partibus affunditur; quæ ergo partes ineptiores sunt ad ejus transitum admittendum, eaē promptè nonnihil obstrui parciūsque nutriri possunt. Sed cur in sanis dictæ partes molliores & spongiosiores non item liberalius nutriantur cùm largius quoque vel in sanis, ut dictum est, sanguinem recipient? Respondemus, quia in sanitate ut istæ partes liberalius per arterias sanguinem recipiunt, ita & liberalius per venas eundem remittunt, quod certè modum ponit nimio earum alioquin futuro incremento. In hoc affectu vero eadem partes, ob

K 4

fri-

frigiditatem, crassitatem, ac viscitudinem affusi sanguinis, parcius forte aut tardiis eum remittunt quam iis affunditur, adeoque ex sanguinis copia plusculum excrescunt istae partes, dum ceterae ossium partes ob angustiam cavitatis arteriae, forte vix satis copiosè sanguine rigantur quo ex aequo debitoque nutriantur & crescant. Atque hinc (saltem probabiliter) deducimus inaequalitatem nutritionis ossium in hoc morbo. Conditio autem sanguinis qua in hoc morbo apta est ullas partes per quas transit obstruere, videtur peculiariter osseum genus respicere. Nam in visceribus, exceptis pulmonibus, rarius sanguis obstructiones parit, ut neque in partibus primò affectis; cuius rei forte interna lubricitas est causa: Ut ut sit, osseum genus, sive quod incapax sit internæ lubricitatis; sive quod succus nutritius in massâ sanguineâ peculiariter aptus sit in partibus tantopere fixis concrescere; sive quod idem sit naturâ suâ ossibus affinis; osseum (dicimus) genus obstructionibus facile in hoc affectu infestatur, indéque id inaequaliter nutriti contingit.

Denitionis vitia huc etiam referenda sunt, cum ea quoque maxime dependere videntur ab hac inaequali ossium nutritione. Etenim si æqualiter dentes nutrimentur, uniformis essent substantiae, neque frustulatim, ut frequenter hic accidit, exciderent. Partes quippe

Vitiorum
rum Den-
tium in
in hoc
affectu
causæ.

pe similes, quando æqualiter nutriuntur, non adeò interruptam atque inæqualem consistentiam acquirunt, ut facile frustulatum comminuantur. Quare cùm dentes sint partes substanciali simili naturaliter gaudentes, si æqualiter nutrimentum uniformem & aqualem consistentiam haberent, & vel integri in alveolis suis perstiterent, vel integri exciderent, vixque alia ratio sufficiens videtur reddi posse quamobrem ex unâ parte magis quam ex aliâ frangerentur & per frusta exciderent. Concedimus quidem friabilitatem huc multum conducere, sed & istam friabilitatem magnâ ex parte à prædictâ inæquali nutritione dependere arbitramur. Solent enim alias dentes satis firmam, solidam, ac sibi cohærentem consistentiam obtinere; & certè ex materia satis viscidâ præsertim in hoc affectu videntur confici; siquidem hic massa sanguinis justo viscidior & crassior ferè deprehenditur, ut facile non sit hanc friabilitatem dentium defectui visciditatis materiae, at multò probabilius inæqualitati nutritionis adscribere. Concludimus ergo, protuberantias ossium, tum vitia dentium oriri ab inæquali nutritione istarum partium, proveniente à peculiari dispositione sanguinis obstructivâ, ossa præsertim respiciente. Procedimus jam ad ossium incurvationem in hoc morbo.

IV^o In

IV. In hoc affectu frequenter solent ossa nonnihil incurvari, præsertim Tibiæ & Fibulae; Item ossa Cubiti, Ulna & Radius, aliquando ossa Humeri & Femoris; Articuli etiam nonnulli inclinantur, nunc introrsum, nunc extrorsum: tota spina etiam sæpe inflectitur, interdum in modum literæ S in torquetur, partim scilicet antrorsum, partim retrorsum, aut etiam partim dextrorsum, partim sinistrorsum.

*Curvitatis
ossum
causæ.*


Curvitatem hanc ossum aliqui adscribunt eorum flexibilitati. Aiunt enim in tam tenella ætate ossa ipsa ex se non esse adeò inflexilia rigidaque, ut proiecta; itaque accidente hoc affectu fortè planè flexilia gradu aliquo reddi: Invehuntur ergo in nutrices, quæ infantes puerosque præmaturè suis pedibus committunt, existimantes eorum ossa ab onere sustentati corporis flecti. Alii similiter imperitum nutricum fasciandi modum accusant.

Verum his ex omni parte assentiri non possumus. Et primò quidem ossa in Pueris hoc modo affictis magis flexilia minùsque friabilia & rigida esse quam in aliis planè negamus. Probavimus enim suprà ossa in hoc affectu quoad similarem naturam non differre ab ossibus sanorum. Præterea, nemo hactenus fide dignus testatus est se vidisse in hoc morbo ossa flexilia. Adhæc, si daremus in


in tam tenellâ ætate ossa fortè non nihil inflecti posse, non tamen manerent flexa ut plumbeum aut cera, sed suæ libertati permissa redirent denuo ad propriam partium positionem. Non enim constant ex materiâ ductili, adeòq; vel inter flectendum frangerentur, vel certè niterentur repetere pristinum partium situm. Quod ad nutricum vel imperitiam vel incuriam attinet, licet eam ex omni parte non excusemus, vix tamen meritò hanc curvitatem iis imputare possimus. Videmus pauperum liberos minori curâ tractari, pedibusq; citius committi quam generosorum; illorum tamen liberi rarius hoc vitio infestantur quam horum. Præterea nutrices novimus, quæ, summâ etiam adhibitâ diligentia, tûm in fasciandis, tûm in alio quovis modo tractandis infantulis quos lactarent, non tamen potuere hanc ossium curvitatem praecavere. Nobis igitur alia hujus curvitatis causa exquirenda est.

Comparemus ergo ossa, quibus curvitas accidere solet, *columnæ*; & certè sat satis appositè, cum, si erigantur, columnam quodammodo referant; atque indè demonstrationem rem hanc explicantem & illustrantem deducimus. Esto ergo columna ex tribus lapidibus A B C sibi invicem impositis exstructa. Supponimus talem quæ ab omni latere perpendiculariter sit erecta, ejus-


(140)



ejusdémque altitudinis. Si ergo à dextro latere immiseris cuneum inter lapides A B per lineam F D necessariò caput columnæ, supremus nempe lapis A inclinabitur versus D angulumque in D conficiet, & altitudo columnæ à dextris erit elatior quam à sinistris. Similiter si alterum impuleris cuneum per G E inter lapides B C amplius adhuc incurvabitur columna, fieri que angulus in E. Stat ergo jam columnæ inclinata ad levam in hunc modum ABC FGD E. Quò autem ex pluribus lapidibus columnæ exstruitur, si inter quosvis duos, ut dictum, cuneus ab uno solo latere interponatur, non columnæ speciem, at portionem arcus referet; quemadmodum in seq. figurâ AB fit conspicuum.



Ut



Ut ergò hæc ad præsens negotium accommodemus; si ossa prædicta ab altero latere pleniùs alantur, adeoque secundùm istud latus magis excrescant quām secundūm oppositum; necesse fit illa eo ipso incurvari. Nam hīc eodem modo se habet plenior istius lateris nutritio ad incurvandum os, quo se habet cuneus ita immislus ad columnam incurvandam, nisi quod cuneus certis tantū locis lateris columnæ infigatur, plenior verò nutritio lateris ossis fiat ex æquo ferè secundūm totam ejus longitudinem. Etenim alimentum intra os assūmtum quā parte liberaliùs admittitur, ea id suffaciendo, ad modum cunei columnæ intrusi in longitudinem auctiorem protendit; quā parte verò parciùs, ea id minùs protendit, unde necessariò accidit os incurvari versùs latus quod pari passu cum altero non elongatur.


Porrò

Porrò si productio unius lateris columnæ non accidat tantum in uno vel duobus locis ejusdem, ast in pluribus, ut in tertiat figurâ, tūm eò propriis ejus inclinatio accedit ad figuram portionis circuli, seu arcūs. At verò si secundūm totam longitudinem dictum latus ex æquo ultra oppositum produceretur, ex æquo certè versus oppositum latus inflecteretur, atque exacte segmentum circuli seu arcūs sine ulla angulis effingeret; simili planè modo incurvatio ossium in hoc affectu oritur; à majore nempe elongatione lateris pleniūs nutriti: cùm enim illa elongatio per intus assumptum alimentum secundūm omnes partes istius lateris accidat, non exspectanda est angularis angulosa figura, aut ex multis rectis angulatim connexis composita, ast arcuata, in quā convexa pars constituitur à latere pleniūs, concava à latere parciūs nutrita. Quando autem contingit unam aliquam partem lateris convexi ossis curvi magis improportionatè nutriti respectu lateris oppositi, ex illâ certè parte os convexum magis quam ex cæteris prominebit. Atque ita ex inæqualitate nutritionis, rationem curvitatis ossium in hoc affectu reddidimus. Addamus, coronidis loco, in hujus rei ulteriore confirmationem observationē à curatōne hujus curvitatis ossium deductam. Solent medicastræ nostræ fricare quotidie latera ossium

ossium cava, non convexa, illamque frictionem multum conducere aiunt ad curationem, hanc vero potius nocere. Certum autem est frictionem liberalius evocare succum in massâ sanguineâ nutritum ad partem sic fricatam. Quandò ergo partem cavam, quae parcius debito alitur, fricueris, non mirum est si id profuerit, cum eo alimentum copiosius alliciatur, & calor partis quoque excitetur atque augeatur; neque est contraria mirum si ossis pars gibba frictione amplius laedatur, cum ea alimentum ad partem, prius nimis opere nutritam, pleniussim attrahatur. Praeterea unguenta quae possunt fovere calorem insitum & nutritias facultates roborare, post frictionem, parti ossis cavae adhibita magis convenient, parti vero convexae ligatura strictior & reprimens nonnihil ossis prominentiam utiliter solet adaptari: ea nempe potissimum ratione, quod à tali ligaturâ arteriae capillares, quae ad illud ossis latus sanguinem seu succum nutritum advehunt, constringantur, ejusque adeo nutritio immunitur. Atque haec sufficient dicta de ossium, in hoc affectu, curvitate.

Huic insuper Titulo adjicimus opportune *Inflexionem articulorum nonnullarum*, ut Inflexionis Articulorum causæ genuum & talorum, quae frequenter in hoc affectu occurrit, modò introrsum, modò extorsum facta. Atque haec inflexio quoque videtur interdum non incommodè referri ad in-

inæqualitatem nutritionis. Etenim si ex inæquali nutritione accidat, ut alterum latus Tibiæ, putà exterius, præ altero ità elongetur ut nonnihil attollat exteriorem sinum epiphysenos ossis Tibiæ præ sinu interiore, necesse est articulum genu exteriùs flecti; & è contrà elato sinu interiore & depresso exteriore, eundem articulum interiùs flecti: Ut per sequentes figuræ redditur conspicuum.



In articulo genu A B, sinus appendicis tibiæ B, in priori figurarum pari, elatior est sinu altero ejusdem appendicis; unde os femoris C interius nutat, & similiter os tibiæ D: articulus verò A B exteriùs non-nihil truditur. In secundo verò figurarum pari omnia contraria observantur. Articulus A B interius flectitur, quod sinus appendicis tibiæ A elatior sit sinu ejusdem B; unde necessariò attollit interius & inferius capitulum ossis femoris, adeoque os femoris exteriùs, articulus verò interius inclinatur.

Idem in Talis quoque, necnon in vertebris dorsi contingere potest, si ossa articulo connexa ab altero latere altiora sint quam ex adverso. In Talis verò, cum illic præter os Tibiæ Fibula quoque per Articulum committatur, fieri potest, ut Fibula inferius longior extet Tibiâ, siveque articulum Tali exteriùs flectat; & è contrâ si accidat Tibiam Fibulâ esse longiorem, interius flecti articulum necesse est. Quamvis hic concedamus non adeò frequenter ejusmodi inæqualitatem longitudinis inter Tibiam & Fibulam eveneri.

Porrò existimamus præternaturalem spinæ inflexionis spinæ causâ, inflexionem rariùs accidere ab inæquali altitudine laterum ossium vertebrarum, frequentius verò ab aliâ causâ, quam jam pro-

L sequemur.

quemur. Diximus suprà totam spinam in hoc affectu esse debiliorem, puerosque hoc malo afflitos non modò ad motum, sed & ad insistendum pedibus, immo & ad erigendam spinam ob debilitatem esse ineptiores. Quando ergò corpus ipsis quomodo cunque erigitur, quærunt sustentaculum, spinamque modò antrorsum, modò retrorsum, modò dextrorsum, modò sinistrorum flecti permittunt, quò onus corporis rebus ambientibus pro levamine incumbat. Hinc sæpe fit, ut ligamenta vertebrarum spinae à parte lateris frequentius prominentis laxentur atque elongentur, à parte verò oppositā contrahantur; ita ut tractu temporis secundū rectam & naturalem lineam spina erigi non possit. Atque h̄c sanè nutricum negligentiam & incuriam minimè excusare possumus, quod non sat̄ attētē obseruent in quam potius partem infantes, quos lactant, corpus suum inclinare proni sint, quò in oppositam id sedulō dirigere satagant. Similiter etiam quando nutrices pr̄ematurē infantes debiliores, & sine debitā curā pedibus committunt, fieri potest, ut, cū motus tonicus musculorum sit impar sustentationi corporis, pueri sive genu sive talum ad alterum latus inflecti finant; unde ligamenta articuli ab externā aut internā ejusdem parte extenduntur, & per consequens ligamenta lateris

Incuria
nutricium
notatur.

lateris adversi contrahuntur, quo necesse est articulum aut extrorsum aut introrsum flecti. Quamvis ergo supra negavimus curvatem ossum hinc dependere, concedimus tamen articulorum distortionem in infantibus debilioribus ex tali nutricum incuria accidere posse. Concedimus insuper ex constanti inepta fasciatione, ossa, quae alias forent recta, posse incurvari: hanc tamen causam rariorem in praesenti affectu esse existimamus, ut fusi supra declaravimus. Procedimus jam ad angustiam & acuminatem pectoris in hoc morbo.

Notamus hanc angustiam & acuminatem pectoris non statim ab initio morbi appearere, sed confirmato demum morbo supervenire, paullatimque intendi, donec diu per severante morbo evidens ea & insignis observetur, quando pectus antrorsum refert carinam navis, aut pectus Gallinæ. Hujus vitiæ figuræ pectoris, quod alias secundum naturam latum, non à lateribus coarctatum, & antrorsum planum non acuminatum foret, ad 4 causas reducimus; quarum tres priores minus efficaciam huc contribuere, ultimam vero totum ferè negotium absolvere agnoscimus. Cum tamen tres priores aliquid saltem huc contribuant, eas quoque hic ordine recitabimus.

Sit 1^a. In hoc affectu os sterni ex auctâ mole

Angustiæ
& Acumi-
nationis
Pectoris
causa.

mole Hepatis nonnihil elevatur sive antrorsum truditur, unde nonnulla portio dictæ vitiæ figuræ constituitur; atque insuper ex eâdem elevatione ossis sterni nonnulla contractio costarum versùs spinam inseritur, quâ altera pars confit istius vitiosæ figuræ. Hanc contractionem costarum sic demonstramus. Sit



circulus A B C D. Supponitur is confici ex materiâ flexili, sed non æquè extensibili, verbi gratiâ, ex osse Ceti. Quando ergò distenduntur latera A C ab invicem,

itâ ut linea distantiæ inter A C producatur in longum, pari tunc ferè passu latera D B istius circuli necessariò contrahuntur, & eâdem operâ linea lateralis distantiæ à D ad B abbreviatur; ex circulo enim formatur figura ovalis, ut qui experiri velit deprehendet. Mutabitur quippe figura in cum ferè modum quem sequens figura exprimit;



in qua linea distantiæ inter A & C protensa repræsentatur, simul que linea D B abbreviata apparet, circulūque redditur ovalis; neque pluribus ad hoc probandum est opus.

Sciendum jam est costarum paria opposita, præsertim superiora quæ maximè pectus efformant, mediante, à parte posticâ, spinâ; à parte anteriore, sterno, rudem quan-dam figuram circularem exprimere. Ne-que quenquam mouere debet, quòd non constituent circulum exæclum & perfectum, cùm demonstratio nostra non minus pro-cedat in circulari figurâ utut imperfectâ quàm in perfectissimâ, modò ejus partes un-dique cohærent, non sint intortæ, sint flexi-les, sed non facile extensiles; quæ conditions abunde conspiciuntur in figurâ modò propo-sitâ costarum.

Si ergò in hoc affectu os sterni antrorum non nihil elevetur, quò cedat hepatis moli, necesse est costas propriùs ad se invicem ver-sus spinam adduci, quò necesse est pectus lateraliter coarctetur, minutâ ejus latitu-dine.

Dicat aliquis; si elevatio ossis sterni conduce Object.
ret ad coarctandam latitudinem Pectoris, id po-tissimum præstaret circa costas inferiores, quan-doquidem ab inferiore parte elevatio hæc sterni incipiat, verùm contraria evenire compertum est: si quidem coarctatio pectoris maximè accidit circa alas & mox infra claviculas; inferiores vero costæ videntur ad latera expandi potius quàm constringi.

L 3 Respondemus


Resp.

Respondemus inferiores 5 costas non articulari cum sterno, neque integrum circum conficere, adeoque nullo modo spectare ad demonstrationem propositam : illarum verò distentionem aliunde, nempe à plenitudine hypochondriorum, de quā proximè dicemus, dependere. Notandum queque est nos hanc non præcipuam causam vitiatæ figuræ statuere, immo tantillum solummodo eò conferre aestimamus. Atque sic procedimus ad secundam causam hujus figuræ vitiatæ, quam etiam leviusculam censemus,

Sit II^a Causa : In hoc affectu hypochondria plena & tensa perpetuò ferè deprehenduntur, nimirum tum ob magnitudinem Hepatis, tum quod omnia ferè viscera in infimo ventre contenta satìs ampla sint, quandoquidem in iis, ut antè dictum, prima essentia hujus morbi non radicetur ; tum denique quod intestina & ventriculus plus minus ferè flatibus distendantur. Jam verò ex illâ plenitudine & tensitate hypochondriorum colligere æquum est costas in hoc affectu plusculùm quam par est, deorsum trahi. Nam maxima tensitas hic observatur in musculis obliquis quæ hypochondris subtendantur : Musculus autem obliquè descendens habet capita dentata 6^æ 7^æ 8^æ & 9^æ costis affixa, & pars quoque tendinis lati obliqui ascendentis implantetur cartilaginibus costæ 9^æ 10^æ &

11^æ

11^a. Quare cùm dicti musculi perpetuò ferè nimium tensi in hoc affectu deprehendantur, necesse est eos nonnihil deorsum trahere di-ctas costas; & cùm omnes costæ firmiter inter se per musculos intercostales connectantur, accidit omnes costas in hoc affectu pluscu-lum deorsum trahi. Jam verò quòd costæ ita detractæ nonnihil coarctent pectus ex seq. figurâ demonstratur.



sec. angulum rectum, sed angulum infrà costam esse paullò recto minorem, adeò ut si costa paullulùm sursum trahatur, ejus articulatio cum spinâ propius ad lineam rectam accedat. Supponimus etiam articulationem costæ ipsius sive cum spinâ, sive cum sterno manere stabilem, & non trahi sursum (nè quis erret) sed medias tantum costæ partes inter articulationes dictas. Dicimus ergò è contrà, quò magis deorsum trahitur costa, eò acutiorem cum spinâ angulum confidere. Quapropter pars costæ maximè à spinâ dorfi A B distans (nempe D in singulis figuris) ut deorsum træcta acutiorem angulum cum spinâ constituit, ità quoque minus quàm ante à spinâ distet, & latitudinem Pectoris angustiorem reddit. Nam latera pectoris tunc quidem latissima erunt, quando costæ maximè eriguntur super spinam secundùm lineam rectam. Nam pars costæ D tunc maximè distabit à spinâ dorfi A B, quemadmodum cernere licet, si conferantur 1^a & 2^a figura cum 3^a, siquidem in fig. 3^a exprimitur costa erecta ad angulum rectum cum spinâ, & tunc pars costæ D evidenter magis distat à spinâ dorfi A B, quàm in primâ vel secundâ figurâ; ut intuenti sit conspicuū: in 2^a verò figurâ costa cum spinâ supponitur valdè acutum angulum confidere, & pro proportione pars ejus D (ut videtis) minus distat à spinâ, quàm eadem

eadem pars D in primâ figurâ, cuius angulus minùs acutus supponitur : & adhuc multò minùs ea distat à spinâ quàm in tertîâ figurâ, cuius articulatio ad angulum rectum erigitur. Inferimus ergò costas, quando sursum trahuntur, ampliare nonnihil pectus laterali-
ter; quando verò deorsum trahuntur, idem à lateribus coarctare.

Hoc ipsum ulteriùs confirmatur eo, quòd quo tempore pectus dilatatur, nempe ubi inspiratio peragitur, costæ nonnihil sursum, vi musculorum intercostalium, trahuntur ; & quo tempore pectus contrahitur, nempe ubi exspiratio peragitur, eadem costæ nonnihil deorsum, ope muscularum obliquorum ab-
dominis, retrahuntur. Id quivis in se ipso alióve experiri potest præsertim in magnis inspirationibus & exspirationibus. Percipiet enim liquidò in magnâ inspiratione costas si-
mul elevari nonnihil sursum, unâq; ampliare latitudinem pectoris ; in magnâ verò exspira-
tione costas nonnihil deorsum, cādémque operâ introrsum contrahi. Neutrum horum contingere possit, nisi talis esset costarum positus, ut eæ inferiùs respectu spinæ confi-
cerent acutum angulum, magisque depresso
adhuc acutiorē, & per consequens magis tunc coarctarent pectus ; & è contrâ sursum motæ propiis accederent ad angulum re-
ctum cum spinâ, adeoque pectoris latera ex-
tenderent.

tenderent. Concludimus ergò ex plenitudine & tensitate hypochondriorum in hoc affectu costas nonnihil deorsum trahi, pectusque à lateribus coarctare ; licet concedamus, ut supra monuimus, causam hanc non tantum valere, ut ei magnam hujus vitii partem tribuamus.


Sit III^a Causa hujus vitiæ figuræ pectoris *Adnascientia lateralis Pulmonum cum Pleura*, quæ in hoc morbo confirmato frequentissimè observatur. Certè ejusmodi Adnascientia nonnihil restringit atque impedit motum costarum extorsum, quo pectus laterali dilateretur. Etenim si costa, ubi adnascientia subest, conaretur se à centro Pectoris fortius dimovere, periculum esset nè quodammodo aut adnascentes Pulmones, aut Pleuram ipsam à costis dolorificè divelleret. Quamvis autem Pulmones ad ingressum aëris facilem secundūm omnes sui partes extensionem admittant, ubi tamen ii subsidunt vel crassi, humoribus infaciuntur (quod frequentissimè in hoc casu accidit) vix notabilem distentionem sine aut vasis alicujus, aut membranæ, aut ipsius parenchymatis solutâ unitate admittunt. Porro dum consideramus pulmones in sanis rarissimè à Pleuræ laterali ter adnecti ; & non nisi in istis partibus Thoracis quæ minus erant motui ad considerabilem distantiam exponendæ, nempe dorso,

dorso, sterno, mediastino, & fortè mediā parte diaphragmatis &c, existimamus sane id non inconsultò à providâ naturâ factum, nè scilicet eorum connexiones vel dilatationi Pectoris officerent, vel pulmones ipsos istiusmodi calamitatibus obnoxios redderent. Ut ut sit, concipi vix potest, quin præternaturalis illa Pulmonum coalescentia cum pleurâ plūs minūs impedit ac remoretur liberam costarum expansionem versùs latera, adeoque aliquantillùm saltem conduceat ad angustiam Pectoris promovendam.

Sit IV^a Causa figuræ vitiatæ prædictæ, *Inequalis nutritio certarum partium costarum præalii.* Atque hanc quidem caussam longè cæteris tribus efficaciorem ad hoc symptoma efficiendum dicimus. Quod ut monstruem, Afferimus 1^o septem costas superiores potissimum, si non solas, hanc Pectoris figuram constituere. Etenim quinque inferiores, ut non immediatè cum sterno committuntur, ità neque possunt sternum ullo modo acuminare aut elevare. Adde quòd, cùm in integros circulos (ut suprà monuimus) non coeant, facilè mobilis est earum figura, ut plūs minūs cedat plenitudini hypochondriorum. At verò septem costæ superiores per suas cartilagines cum ossibus sterni articulantur, unde fieri fortè potest, eas ossa sterni, quæ tangunt, nonnihil antropum

sum attollere, quando quinque inferiores contactu sterni privatæ id efficere non pos-
sint. 2^o Afferimus costas omnes & non tan-
tum 5 inferiores, sed & 7 superiores in-
æqualem in hoc affectu nutritionem admit-
tere, atque ab unâ parte uberiùs ali, adeó-
que ab illâ magis sec. longitudinem produci
quàm ab alterâ parciùs nutritâ : & quidem
amplius crescere eâ parte quâ cum sterni
cartilaginibus committuntur, alterâ verò
parte nempe versus capitulum, quo sinubus
dorsi conjunguntur, minùs tardiùsque elon-
gari. Ratio est, quòd anterior pars cuiusvis
costæ mollior ac spongiosior sit quàm ejus-
dem posterior, ut in quovis animali cuilibet
licitum est experiri. Cùm ergò (ut è suprà-
dictis elucescit) partes ossium molliores in hoc
affectu faciliùs recipient alimentum & auge-
antur quàm partes duriores & solidiores,
sequitur anteriores costarum partes quòd
molliores sint, magis produci, quàm poste-
riores. 3^o Afferimus in corpore figurâ cir-
culari sive annulari donato (qualem paria
costarum 7 superiorum sibi mutuò oppo-
sitarum mediante osse sterni & spinâ dorsi,
suo modo, licet imperfectè, constituunt) si
una pars annuli magis prolongetur quàm
altera, necesse est vel reliquas partes ejusdem
huic incremento cedere, vel illam partem sic
inæqualiter elongatam aut exterius promi-
nere,

nere, vel interius plicari, aut sursum vel deorsum, & sive aliquo, sive pluribus ex his modis inflecti. Hoc sic demonstramus. Sit



circulus vel annulus
A B. Supponantur
partes ejus anteriores
ab A ad B elongari,
reliquæ autem ejusdem
partes nempe C
D E manere in situ
suo neque omnino

cedere elongationi dictæ. His positis, necesse
est portionem circuli elongatam, nempe A B
vel antrorum elevari, vel introrsum deprimi,
vel sursum vel deorsum vel variè inflecti.
Nam aliàs distantia inter terminos chordæ F
non sufficeret ad istam portionem circuli jam
elongatam immutatâ arcu figurâ continen-
dam. Etenim termini isti tantùm sufficie-
bant priùs, elongato ergò arcu, & non elon-
gatâ chordâ, aut terminis & extremitatibus
chordæ, fieri non potest, ut arcus eodem
modo se habeat ad chordam quo priùs. Mu-
tabitur itaque factâ flexione vel antrorum,
vel introrsum, vel sursum, vel deorsum, vel
pluribus ex his modis, quemadmodum per
figuras seqq. videri licet. Prima figura
Arcum extrorsum prominentem refert.
² introrsum, ³ variè inflexum sive plicatum
& intortum. Et prima quidem admodum

ap-



appositè figuram Pectoris in hoc affectu vitiatam exprimit. Etenim monuimus supra costas cum sterno & spinâ articulatas annulum quendam imperfatum conficere, easdémque in hoc affectu celerius ali & elongari à parte anteriori quam à posteriore, ergo quad causam planè & plenè convenit hoc symptoma. cum figurâ illâ primò descriptâ. Præterea,

supposuimus partes circuli C D E manere stabiles; id quoque in hoc affectu accommodari potest lateralibus & posterioribus partibus costarum. Cum enim hæ multò minus crescant quam anteriores, certè planè stabiles aestimandæ sunt, habito respectu ad merum excessum incrementi in parte anteriori. Nisi quis fortè dicat, vel costarum latera & partes posteriores expandendo se, vel articulos earum, quibus cum vertebris dorfi committuntur, permittendo costas

re-

retrosum flecti, augmentationi isti excedenti nonnihil cedere. Verum neutrum horum verè dici potest. 1^o Enim laterales & posteriores partes cuiusvis costæ ut duriores ac solidiores, ita & rigidiores ac robustiores sunt anterioribus; absurdum autem est existimare partes debiliores ejusdem costæ posse flectere partes firmiores, aut partes minùs flexiles cedere partibus faciliùs flexilibus. Quare partes laterales & posteriores costatum non ita flecti possunt ut cedant partibus earundem anterioribus elongatis. 2^o Quod ad articulos costarum matinet, certè ille articulus, quo committitur costa cum vertebrâ thoracis, nullo modo pati potest costam sic retrosum flecti, quò cedat ejusdem elongationi; idque non tantum quòd is duplex sit, nempe cum sinu vertebræ & processu ejusdem transverso, adeoque ad motum retrosum permittendum maximè ineptus, sed vel maximè quòd decuplo fortior sit anteriore articulo, quo eadem costa cum osse sterni committitur. Articulus autem decuplo robustior, simûlque duplex, atque ita duplex formatus, ut planè ineptus redditus sit ad motum retrosum patiendum, nullo modo concipi potest retrosum cedere, nè articulus decuplo debilior nonnihil antrorsum flecteretur. Concludendum ergo partes costarum laterales & posteriores non cedere earum


earum inæquali productioni quæ anterius contingit, & per consequens eas hoc respectu stabiles esse habendas, adeoque necesse esse illam elongationem inæqualem immutare earum figuram à parte anteriore, idque eas illie inflectendo aut sursum vel deorsum, aut introrsum, vel extrorsum seu antrorsum, aut multifariam.

Non potest fieri hic flexio Costarum sursum vel deorsum, quod costæ propter suam latitudinem ineptæ sint ut alterutro modo inflectantur. Adde quod musculis intercostalibus firmiter in suo situ cohibeantur ut sine viislis musculis illatâ vix aut nè vix quidē possint vel sursum vel deorsum incurvari.

Quod illa elongatio non possit vel certè ægerrimè possit plicare costam introrsum, eo evincetur, quod magnitudo Hepatis tali motui repugnet. Probavimus enim suprà ejus magnitudinem nonnihil attollere os sterni extrorsum seu antrorsum. Deinde ipsa figura costæ circularis plicationi introversum faciendæ evidenter obluctatur. Denique quod ista elongatio non multifariam flectat costas, etiam hinc inferri potest, quod ejusmodi inflexio figuram compositam inferret, aliquamque simplicium figurarum antè rejectarum necessariò continet.

Quapropter concludimus necesse esse inæqualem illam costarum à parte anteriori elonga-

elongationem immutare eorum naturalem figuram antrorum seu extrorum, os sterni elevando & pectoris figuram (alioquin ferè planam) anteriùs accuminando. Modum exprimunt sequentia schemata.



M

Sit A Os sterni: B vertebræ dorsi. C & D D binæ costæ oppositæ, quas annulum quendam, ut hic cernitur, constituere diximus. Si ergò partes costarum anteriores, nempe inter C & A & inter D & A elongantur, neque tamen partes inter C B & D B quidquam huic

elongationi respondeant vel ei cedant, necesse est anteriùs figuram annuli mutari. Cùm ergò ut suprà monstravimus, costa in-epta sit ad flexionem sursum, deorsum vel introrsum, necesse est eam prominere extor-sum seu antrorsum, ut exprimitur in 2^a figura, ubi sternum A propter elongationem par-tis costæ C A & D A antrorsum propulsum & acuminatum exhibetur, quæ ipsa est figura vitiata pectoris in hoc morbo.

Præter causas angustiæ pectoris hactenus memoratas, addere hic possumus *imminutum incrementum costarum inter C & B tum inter D & B.* Debita enim Pectoris latitudo à justo istarum partium costarum incremento & elongatione maximè dependet. Si enim istæ partes costarum ad justam longitudinem accrescant, fieri non potest quin pectus ad latera justâ ferè proportione dilatent, subdu-cto tantum tantillo angustiæ quod priores causæ solæ ei poterant inducere. Nam quò magis istæ costarum partes elongantur, cò etiam magis pars lateralis costæ D & pars C distabit à spina dorsi B, pectusque adeò la-tius reddetur. E contrà ubi reliquo corpore aucto istæ partes costarum vel parùm vel non aequè augentur, necesse est eas lateraliter minùs distare à centro pectoris quam par est, ideoque pectus ad latera angustare. Siquidem latera costæ C & D cò minùs di-stant

stant à spinā dorsi & centro pectoris, quō minus elongantur costarum partes inter C B & D B, ut cuivis attendenti patet. Atque hæc sufficiente dicta de causis Angustiæ pectoris & Acuminationis ejusdem in hoc affectu; quibus etiam tandem finem imponimus huic disquisitioni de vitiis Organicis in hoc affectu evenientibus.

C A P. XIV.

Essentia secundaria hujus morbi in constitutione animali.

Finito jam examine *constitutionis naturalis* & *vitalis* in hoc affectu lœfæ, restat ut inquiramus in *constitutionem animalem*. Et suprà quidem asseruimus nullum hic occurtere vitium primarium, & quod pars sit essentiæ primariæ hujus morbi. An verò in ea adsit aliquod vitium secundarium, nunc venit dispiciendum.

Quandoquidem autem tum veteres tum neoterici qui de Facultate Animali scripsérunt, nè mentionem quidem fecerint *constitutionis animalis*, nèdum ejusdem descriptiōnem tradere aggressi sint; jure meritóque ea à nobis illam agnoscentibus exspectabitur. Et cùm aliqui viri cordati nonnihil dissentiant

M a ab

ab istâ descriptione quæ deduci potest à veterum & communi sententiâ de facultate animali, rémque illam secus explicantes aliam descriptionem paullò diversam substituant; utramque hîc in medium proferre visum est.

Descriptio constituti- onis ani- malis ma- gis con- formis o- pinioni veterum. Secundùm priorem sive veterum vulgòq; receptam opinionem & descriptionem facultatis animalis, constitutio animalis est *Affectio illa corporis que in generatione & mou- debito spirituum animalium consistit.* Per motum autem debitum spirituum animalium intelligi volunt excursum eorum à cerebro per nervos instar fulminis, atque iterum eorum ad cerebrum recursum, quò ei renuntient quid ab externorum sensuum organis percipiatur.

Alter eju- dem con- stitutionis descrip- tio. Alii verò, ut diximus, rem hanc aliter explicant. Concedunt quidem constitutionem animalem includere generationem & distributionem spirituum animalium; ast illum pernicem motum fluxūs & refluxūs spirituum animalium, fulminis instar, in nervis aiunt esse inconceptibilem, &, si non inutilem, saltem tamen esse minimè necessarium ad facultatem animalem stabilendam. In ejus autem locum substituant inter vigilandum motum quendam contractivum & tonicum, sive nixum motivum ipsius substantiae cerebri, spinalis medullæ, nervorum inde ortorum, partiumque in quas distribuantur. Atque hunc motum sive nixum

de M

nixum *tensitatem* quendam in partibus prædictis producere dicunt, vi cuius alterationes ab objectis quibusvis istis partibus impressæ communicantur cerebro. Quemadmodum enim in Citharâ, ubi fides sunt debito modo tensæ, si in alterutrâ extremitate quam levissimè plectro percutiantur, motus iste in momento, saltem Physico, excurrat ad alteram extremitatem; itâ quoque afferunt moto aliquo nervo extra cerebrum debitè tenso, motum istum ob continuitatem & tensitatem dictarum partium ad cerebrum ipsum extendi, ibidemque impressionem quandam suæ causæ conformem signare. Inter dormiendum verò existimant cerebrum, spinalem medullam, & plerosque nervos non-nihil laxari. Et quidem, simpliciter semperque aiunt anteriores connexiones spinalis medullæ cum cerebro durante somno laxas manere: concedunt verò connexiones posteriores cum cerebello aliquando tensas esse, ut in Noctambulonibus, atque itâ externa objecta quodammodo percipere, sed non per sensum communem judicata, sed tanquam à memoriâ ad phantasiam reflexa. Neque etiam necesse esse arbitrantur inferiores omnes partes spinalis medullæ adeoque nervos inde ortos perpetuò inter dormiendum laxari; cùm aves plurimæ pedibus insistentes dormiant; cùm respiratio per somnum

M 3 aliquo-

aliquorum nervorum tensitatem supponat; denique, cum, ubi primum obrepit somnus, superiores nervi ferme laxentur prius quam inferiores. *Insomnia* autem quod attinet, opinantur ea oriri ex varia & fortuita agitatione & mixtione diversorum *sigillorum* seu *impressionum* in memoriam reconditarum, quae jam denuo percipiuntur ob retentam aliquam tensitatem in nonnullis cerebri partibus. Ubi vero in profundiore somno nulla observantur insomnia, totum quoque cerebrum laxari affirmant.

Sive jam prior sententia, sive haec posterior veritati magis consentanea sit, nihil nos impræsentiarum moramur; neque hanc item suscipimus hic determinandam, cum utrovis modo facultas animalis functionem suam exerceat, ab iisdem caussis, & ferè similiiter vitium secundarium in animali constitutione per hunc morbum eveniat. Nam 1^o Quod ad *generationem spirituum animalium* attinet, sive prior sive posterior sententia asseratur, perinde erit; quod in cerebro, in quo utraq; opinio supponit generari spiritus animalis, nihil vitii (nisi forte alius conjungatur morbus) deprehendamus. Supradictum enim ostendimus ipsum caput non esse inter partes primò affectas annumerandum, neque ejus actiones internas & proprias in hoc affectu vitiari. Deinde 2^o quod ad *distributionem spirituum*

spirituum animalium attinet, sive ea perficiatur prorsum & retrorsum rapido illo motu instar coruscationis fulminis, sive motu tantum prorsum facto eoque paullatino & placido, idem ferè vitium in hoc affectu occurrit.

Etenim 1º cùm suppositus ille rapidus ^{Vitia con-}
motus spirituum animalium fiat transitu per ^{stitutio iis}
partes primò affectas, viz per spinalem
medullam extra calvariam, per nervos indè
ortos, & per partes, in quas ii nervi distribu-
untur, & cùm hæ omnes partes in hoc affectu
laborent intemperie frigidâ, tum paucitate ac
ignaviâ spirituum insitorum, necesse est de-
bitam istius motûs velocitatem nonnihil re-
tardari. Frigida enim intemperies, ut &
torpor ac inopia spirituum, cuivis motui (ex-
cepto constrictivo) repugnant. Dicat aliquis
sententiam priori loco propositam supponere
eximiam activitatem & subtilitatem spiri-
tuum animalium, quibus hanc repugnantiam
facile possint superare. Verùm, ut ut ità sit,
cùm partes, quas permeant, reagant, suámque
frigiditatem & torporem iis communicare
satagent, necesse est eas activitatem illam
spirituum nonnihil retundere, subtilitatem
minuere, expeditumque illum transitum ali-
quantum remorari. Quare suppositâ hâc
sententiâ ut verâ, vitiabitur in hoc affectu
constitutio animalis ex parte motûs rapidi
spirituum diminuti, idque secundariò, cùm

M 4 motus

motus hic non retardetur vitio primario spirituum animalium, ast vitio partium primò affectarum, quemadmodum dictum. Similiter in modo posterius proposito, in quo motus spirituum supponitur placidus & tranquillus, necesse est eas, dum tardiusculè per partes primò affectas transmituntur, labem aliquam à vitiatâ constitutione insitâ istarum partium contrahant, ob easdem rationes proximè præcedenti articulo allatas. Erit ergò secundum hanc quoque opinionem vitium secundarium in distributione spirituum animalium.

Tandem quod ad tensitatem ipsius substantiæ cerebri, spinalis medullæ nervorum & nervosarum partium inter vigilandum attinet, quæ in posteriori sententiâ antè propositâ supponitur, necesse est defectum aliquem debitæ tensitatis in spinali medullâ extra calvam, in nervis inde ortis, tum in partibus ad quas distribuuntur in hoc morbo adesse. Etenim 1^o Intemperies frigida & humida debitæ isti tensitati adversatur. Ità quoque & torpor ac inopia spirituum insitorum; quibus certè partes affectæ inertes redduntur minùsque aptæ ad animales actiones obeundas; contrà quām evenit, quandò prædictæ partes debitam suam tensitatem obtinent. 2^o Ex supra-dictis liquet Tonum harum partium in hoc affectu nonnihil vitiari propter

ter nimiam laxitatem, flacciditatem, molli-
tatem, & internam lubricitatem, quæ quali-
tates justam earundem partium tensitatem
evidenter labefactant. Quamvis ergo
cerebrum in hoc affectu debitum fortè in-
fluxum ex parte suâ præbent, vix tamen, &
nè vix quidem fieri potest, ut sufficienti gra-
du tensitatem suam spinali medullæ extra
calvam nervisque indè ortis, &c, ob intem-
periem, torporem & inopiam spirituum in-
sitorum, tum tonum earum partium vitia-
tum, ut dictum, communicet. 3º Sympto-
mata in hoc morbo animalem facultatem
spectantia idem luculentissimè confirmant.
Etenim pueri hoc morbo afflicti ab ipso ejus
principio minus robustè (si cum aliis coæta-
neis conferantur) se movent atque excent,
minusque delectantur lusibus masculis, ast in
progressu morbi motum ferè omnem conci-
tatiorem aversantur, pedibus insistentes
vacillant, quæruntque sustentacula, vix aliter
incidentes erecti; neque ludere delectantur
nisi sedentes aut recumbentes, vel brachiis
molliter gestati; denique spina debilis ema-
ciato corpori erecto, vel oneri grandiusculi
capitis vix sufficit sustentando. Quæ omnia
fatis supérque demonstrant tensitatem par-
tium motui inservientium esse minus in hoc
affectu rigidam quam inter vigilandum ex
æquo requiritur. Si ergo ista debita inter vi-
gilandum

gilandum tensitas sit pars constitutionis animalis, quod h̄ic supposuimus, eadem certe vitiata constituit necessariò morbosam affectionem in constitutione animali: & cum hoc vitium non primariò ab ipso cerebro, sed ab insitâ constitutione partium primò affectarum dependeat, secundarium vitium respectu animalis constitutionis jure meritō censendum est.

**Cur sensus
non æquè
h̄ic lœda-
tur ac mo-
tus.**

Occurrit tamen h̄ic scrupulus: Quæret aliquis cur sensus quoque in hoc affectu non pariter lœdantur ac vis motiva? In promptu est ratio. Longè major tensitas, robur, & vigor nervorum ad facultatem motivam quàm sensitivam exercendam requiritur. Ad sensationem enim levissimus ferè motus tonicus nervorum sufficit, non item ad motum. Sic observare licet in motu cuiusvis articuli musculos eum moventes admodum duros, tensos, ac rigidos esse: verū remis sā illā duritie, rigiditate ac tensitate sensationem nihilominus facilè peragi. Neque obstat, quòd aliquando in Paralyſi sensus non nihil stupeat permanente motu: Paralyſis enim affectus est ab hoc planè diversus. In ea quippe vitium primarium in ipsā constitutione animali refidet, fieri ergò potest, ut non minùs sensum quàm motum afficiat. Præterea quando fortè nervus cutaneus debito cerebri influxu caret, is verò qui ad muf-

nebanus

musculos istius partis fertur, eo fruatur, fieri potest, ut hâc etiam de cauſâ tollatur sensus manente motu; licet caſus hic non tam frequens sit, ſæpiusque motus aboleatur conſtantē ſenuſ. Sed de hac re ſatî ſupérque diximus. Atque itâ tandem depromſimus ea quæ de integrâ eſſentiâ hujus morbi tum primariâ tum ſecundariâ meditati ſumus, idque quâ potuimus perſpicuitate in matereia diſſicili & ab aliis antè non traſtatâ præſtitimus. Proxiſum eſt ut ad cauſarum hujus affectûſ exameп nos accingamus.

C A P. XV.

*Paxew; cauſe, & i^o quæ ad Parentes
attinent.*

Eſſentiam hujus morbi *primariam* atque *ſecundariam* ſuperiùſ fuſe explicui-
mus: & quidem dependentiam *eſſentiae ſecun-
dariae* à *primariâ* ibidem ſatî demonſtravi-
mus. Non ergò hic exſpectandum eſt, ut
denuo ex professo & ſpeciatim de cauſis
eſſentiae ſecundariae, quas nempe antè retu-
limus, traſtemus. Sufficiet cauſas *eſſentiae
primariæ* investiſſe. Si qua tamen occur-
rat cauſa quæ una influat cùm in *primariam*,
tum *ſecundariam* morbi *eſſentiam*, eum
hic

hic quoque obiter annotare non gravabimur.

Duo summa causarum hujus morbi genera. Omissa verò omni ~~et rebus aliis~~, circa varia causarum genera, ad duo solummodò capita discursum hunc nostrum contrahere vifum est.

Prius continet infirmitates, morbo sásque parentum dispositiones, quæ forte eatenus in liberos influent, ut saltem proclivitatem aliquam & aptitudinem ad incidendum in hunc affectum (si non actu ab ipso ortu in eum delapsi sint) inferant. Posterior comprehendit causas hujus morbi accessorias; eas nempe, quæ pueris post partum accidunt.

An & quatenus morbus hic limine quæstio, utrum & quatenus morbus dici possit hæreditarius.

Morbus hæreditarius est vel propriè, vel impropriè sic dictus.

De primi generis caussis occurrit in ipso hæreditario, utrum & quatenus morbus dici possit hæreditarius? Quò feliciùs in hujus quæstionis determinatione procedemus, distinguendus est morbus hæreditarius in propriè & impropriè sic dictum. Et quidem morbus hæreditarius propriè sic dictus semper supponitur præextitisse in utroque vel alterutro parente, indéque in prolem esse derivatus. Morbus verò hæreditarius impropriè dictus non supponitur in eadem specie præextitisse in utroque vel alterutro parente; præcessisse tamen necesse est vitium quoddam (fortè diversi planè generis) in altero saltem eorum, cuius virtute dispositio quædam proli impressa est, quâ in morbum hunc

hunc impropriè hæreditarium proclivis reditum.

Porrò morbus hæreditarius propriè dictus adhuc duplex est : vel in *conformatio-*^{nem}, ut rursum quando mancus mancum, surdus surdum, cæcus cæcum generat ; vel in *constitutione similiari*, ut quando podagricus podagricum gignit. Notandum est in priori genere à primis effectis formationis staminibus actu fœtui inesse vitium hæreditarium, in posteriori verò non necesse est actu inesse fœtui à prima formatione morbum ejusdem speciei cum morbo parentum, sed sufficit ejusmodi dispositio à parente altero vel utroque impressa, quæ tractu vitæ ex concursu aliorum incidentium causarum in eundem actuari possit. Adhæc morbus quoque impropriè dictus hæreditarius similiter duplex esse potest, nempe vel in *conformatio-*^{nem}, vel in *constitutione similiari*. In *formatione*, ut quando neuter parens cæcus, luscus, balbus, claudus, &c, prolem tamen cæcam, lusciam, balbam, aut claudam ex ipso vitio formationis in utero in lucem prouidit. Etenim in casibus propositis, id ipsum vitium quod in prole cernitur, ab aliquo vitio parentum, icet forte diversi generis, profluxit, adeoque morbus hæreditarius, et si impropriè nuncupari potest. Similiter in *constitutione similiari* prolis morbus impropriè hæreditarius residere potest,

test, ut quando melancholicus, & sedentarius vel etiam intemperans parens prolem generat cachexiae aut podagræ obnoxium, licet fortè parens neque cachexiâ neque podagrâ unquam laboraverit.

Quæstio-
nis prædi-
ctæ solutio Hisce præmissis ad quæstionis solutionem propriùs accedimus. Et dicimus I^o hunc morbum non contineri sub priori specie morbi hæreditarii propriè dicti. Illa enim in formatione consistit; hic verò morbus secundùm essentiam suam primariam est morbus similaris, ut suprà demonstravimus, & rarissimè à primo ortu, nedum ab ipsa prima conceptione & formatione se prodit. Atque ab eisdem rationes asserimus etiam hunc affectum non pertinere ad priorem speciem morborum hæreditiorum impropriè dictorum, qui similiter in formatione partium consistunt, & mox à prima formatione inchoantur.

II^o Dicimus fieri posse morbum hunc cadere sub secunda specie propositâ morbi hæreditarii propriè dicti, nempe illâ qua in constitutione similari consistit. Hoc tamen ut certum & exploratum statuere nequimus, cum pueri quas haëtenus hoc morbo afflictos novimus nondum ad eam ætatis maturitatem pervenerint quâ liberos generent, ideoque non aliter quam per probabilem conjecturam opinari nobis licet, an eorum pro-

progenies hæreditario jure quondam hoc
morbo contaminata sit futura, nécne.

IIIº Dicimus in multis pueris morbum
hunc cadere directè sub secunda specie morbi
hæreditarii impropriè dicti superius proposi-
ti. Etenim secundum ejus primariam essenti-
am est morbus similaris, & licet nondum sa-
tis diu nobis innotuerit, ut quid in secunda
progenie efficiat definire valeamus, frequen-
ter tamen in præsenti progenie rudimenta
quædam hujus morbi in multis ab altero vel
utroque parente derivata fuisse deprehendi-
mus. Adeò ut licet neitter parens hoc morbo
in infantia vel pueritia laboraverit, apparatus
tamen aliquis & pronitas in hunc affectum
statim in eorum infantulis apparuerit, præ-
sertim in iis quorum parentes ob vitium ali-
quod corporis, vel errores vitæ dispositi ante
coitum fuerunt ad hanc labem foeti inuren-
dam. Quæ autem assertiones parentum eos
ad liberos huic morbo facile obnoxios ge-
nerandos disponant, mox ordine enumera-
buntur; ex quibus etiam ulterior confirma-
tio assertionis hujus liquebit.

IVº Dicimus, licet affectiones Parentum
frequenter in foetibus dispositionem quan-
dam ad hunc morbum incurendum impri-
mant, adeoque in secunda acceptione morbi
hæreditarii impropriè dicti affectus hic cen-
fendus sit, ut modò dictum, rarissimè tamen
accidere

obser-
vatio.

accidere ut hic morbus in actum erumpat ante fœtūs partum. Testatur aliquis nostrū se semel, & semel tantūm, vidisse puerum recens natum hoc morbo afflictum. Atque in eo spina dorsi & collum adeò erant débilis, ut nulla ratione valerent grandiusculum caput sustinere. Obiit hic intra tres menses post partum. Quibus patet eum gravissimè fuisse affectum. Videtur ex modò dictis conspicuum, infantes, utut frequenter dispositionem ad hunc morbum à parentibus mutuent, rarissimè tamen eam ante partum incurrere, ubi verò eum tam præmaturè incurunt gravissimè affligi. Cujus utriusque

eventū ratio quæri possit. Quod ad priorem attinet, dicimus hunc affectum ex parte consister in intemperie frigida partium primò affectarum, & quidem inæquali, frigidore partum incurrant. scilicet in dictis partibus habito respectu ad temperiem capitis & viscerum; hancque inæqualem frigiditatem istarum partium magni esse momenti in hoc morbo, idque etiam ratione ipsius inæqualitatis: hæc enim multūm contribuit inæquali illi & imminutæ distributioni vitalis sanguinis ad partes primò affectas. Cùm ergò eo tempore, quo fœtus in utero gestatur, inæqualitas hæc, temperamenti partium primò affectarum plurimum corrigatur, & avertatur ab æquali calore, quo uterus corpus Embryonis undique arctè

arctè amplectitur & fovet, sequitur gestationem non parùm hunc morbum arcere, atq; ejus invasionem ad minimum retardare. Corpus enim uteri æquali cloore undique perfusum omnésque partes Embryonis ex æquo complectens ac fœvens haud facile permittit unam parrem præ alia algere, adeoque immunito sanguinis vitalis affluxu irrigari. Quapropter cùm illa ipsa inæqualitas caloris ac irrigationis sint partes essentiæ hujs morbi, & sine quibus morbus hic consistere non potest, minimè mirandum est uterum hasce morbi partes strenuè impugnantem ejus invasionem, durante saltem imprægnatione, plenumque protrahere.

Quod ad posteriorem partem quæstionis Cur ii, qui propositæ attinet, cur nempe Infantes, qui ante partum hoc morbo correpti fuerunt, gravius ac periculosis laborent, dicimus secundum illud Hippocr. scit. 2. aph. 34. morbum, qui cum ægrotantis conditione minus cognatus fuerit, periculosem esse eo qui secus; ut febris seni quam juveni majus minatur periculum, hyeméque quam aestate. Morbus enim qui ægrotantis conditioni conformis est, leviorem postulat caussam pro sui introductione; is vero qui illi contrarius est magnitudinem caussæ arguit, quæ non obstante fræno effectum suum proferat. In præsenti ergo affectu si æqualis uteri calor non possit

N co-

coercere propensitatem Embryonis ad hunc morbum, quin eum incurrat, necesse est causam à Parentibus impressam esse vehementem, ipsaque principia seminalia esse insigniter labefactata. Spes itaque in angusto est ubi fœtus hoc morbo laborans nascitur, neque prudens medicus curationem absque ingenitus periculi prognostico aggredietur. Porro corollarii vice aliam regulam priori affinem, licet fortè nondum certam & comprobatam, subtexamus. Pueros nempe, quod citius à partu hoc morbo corripiuntur, eò difficiilius (ceteris paribus) ab eo liberari. Sed hæc sufficient de proposita quæstione.

Enumera-
tio causa-
rum quæ
ex parte
Parentum
hanc mor-
bum pro-
ducunt.
I. Ante
concepti-
onem.
Vitia Pa-
rentum
à
toto cor-
pore de-
penden- ja.

Jam nos accingamus ad divisionem & enumerationē causarū quæ ex parte Parentum hunc morbum producunt. Vitia hæc parentum alia respiciunt generationē ipsius spermatis, è quo fœtus cōstat; alia respiciunt *Embryonē* jam conceptum & in utero adhuc gestatū. Vitia generationis semenis sive in mare, sive in fœmina, vel à *toto corpore*, vel à *partibus generationi dicatis* procedunt. Vitia parentum à *toto corpore* dependentia eò maximè in fœtum influunt, quod materiam generationi semenis minus aptam ad partes huic muneri dicatas transmittat. Non animus est singula materiae semenis vitia hic recensere, ast ea solummodo quæ ad hoc malum, proli inferendum conspirant. Hæc ad 4 Classes reducimus.

Ia Classis

I^a Classis continet *intemperiem frigidam & humidam materiae*, ex quâ semen generatur. 1. Interna. Hæc præcipue provenit ab *intemperie frigida & humidâ parentum*, ad quam etiam referimus *cacochymiam, praesertim pituitosam & serofam*; item *cachexiam, hydropeam & forte morbum virginatum*, quem febrim albam vocant, non satis ante conceptionem eradictum; qui omnes affectus manifestè faciunt ad materiam aquosam, frigidam humidam partibus genitalibus suppeditandam; qualis non modò in genere minus apta est ad spermatis generationem, sed & specialiter inclinat ad conditionem hujus morbi, cuius pars essentiæ primariæ in ipsa intemperie frigida & humida consistit, ut suprà monstravimus. Porro ad hunc titulum revocare forte licet *scorbutum, strumosam affectionem, Luem venereum, Icterumque*; in quibus sanguis quoque sordibus & excrementitiis humoribus, ichoribusque malis inquinatur, ut non facilè in semen probum ac laudabile cōmutari possit.

II^a Classis continet *Inopiam spirituum insitorum in materia è qua semen generatur*. Ex hujusmodi enim materia semen spirituosum confici non potest. Causæ quæ talem materiam partibus genitalibus suppeditant sunt 2. Inopia spirituum insitorum in materia diffusa, ejusque causæ corpora generantium exsucca, extenuata, emaciata five à longa inedia, five ab evacuatione aliqua nimia, ut à diu continuatis vomitu, N 2 diarrhoeâ,

diarrhæa, dysenteria, lienteria, fluxu hepatico, ab hemorrhagia profusiore ex quacunque parte, à sudoribus nimiis, à diurno aliquo morbo viribus necdū ante coitum reparatis; à febre, aut alio gravi aliquo morbo præsente; præcipue Tabe, febre hættica, atrophia ex quacunque causa, denique ab immunita alimenti ultimi, ob cuiusvis partis vitium, concoctione. Etenim in istiusmodi casibus, materia, quæ ad partes generationi inservientes amandatur, competente copiâ insitorum spirituum destituta est, unde partes semen præparantes ac coquentes defectum hunc nequeunt integrè corrigere, seménque satis spirituosum ejaculari. Cùm ergò non minima pars primæ essentiae hujus morbi in penuria spirituum insitorum consistat, fieri non potest, quin foetus ex tali semine parùm scilicet spirituoso genitus, innatam quandam dispositionem ad hunc effectum in primis suis rudimentis impressam contineat, quæ postea, concurrentibus aliis causis, facile in actum ducatur.

3. Torpor *materiæ* *transmissæ ad partes genitales,* è qua semen producitur. Etenim non modò partes solidæ, sed & tota massa sanguinis humorēsque in ea contenti torpori ejusmodi sunt obnoxii. Atque hinc est quòd Medici sèpiùs dicant in morborum causis reddendis, humores, tùm etiam sanguinem esse nimis fluxiles

iles & mobiles, debitōque concitatores, interdum è contrà esse ineptos ad motum, minus fluxiles esse, minūsque æquo activos; atque hujus quoque rei respectu mediocritas quædam est saluberrima. Verùm plura huc spectantia videantur suprà. Prosequemur hic tantummodo *vitia parentum* à quibus hic defectus vigoris & activitatis in seminis materia oritur. Sunt hæc ergò

Ejus
Causæ.

1^o ipsa *constitutio parentis alterutrius vel utriusque mollis, laxa, & effæminata*, ad actiones robustiores ac viriles indisposita. 2^o *Dieta humidior, & plenior*, Epicuréa, frequentibus cruditatibus obnoxia. 3^o *Vita genus delicatum, mollitiei ac voluptatibus deditum, ignavum, laboribus periculis & curis rariis assuetum*. Huc referas quoque *exercitii fortioris omnimodum defectum, somnum immoderatum, præsertim mox post cibum, & somnolentiam qualemcumque, vitam sedentariam, speculativam, scientiis, & mollioribus artibus, putà Poëticæ, Musicæ, Cosmeticæ & similibus solùm intentam*. Huc etiam reducimus *Comœdiarum & spelæculorum scencorum quotidianam frequentationem, Fabularum & Historiarum Comentitiarum assiduam Lectionem, locoque masculi exercitii lusus pictarum chartaram aut alearum frequentiores*. Huc pertinent etiam *Pacis diuturnioris ac opulentiae solennes fructus, securitas, incuria, negligentia & similes*. Omnia

N 3 jam

jam hæc enumerata vitia ad mollitatem & torporem partibus inferendum manifestè faciunt. Cùm ergò sanguis, unà cum humoribus in eo contentis, in circuitu suo perluat omnes partes sic torpidas redditas, fieri non potest, quin in transitu suo aliquam alterationem cōdem spectantem subeat; & cùm portio sanguinis transeuntis torpore nonnullo, ut dictum, affecti, transmissa ad partes genitales evadat ipsa materia ex qua generatur semen, facile inferri potest foetum ex talibus principiis oriundum intra se contrahere proclivitatem faltem aliquam ad torporem & ignaviam nativæ suæ materiæ conformem, illamque proclivitatem post partum summotâ præservatione ab æquali uteri fotu, à variis causis non difficulter in actum deduci: Quapropter cùm torpor ejusmodi sit pars primæ essentiæ hujus morbi, sequitur in talibus seminalibus principiis dispositionem quandam ad hunc affectum ab altero aut utroque parente derivatum delitescere.

4. *Vitiosæ dispositio-*
næ paren-
tum qui ip̄i forē
in sua pueritia hoc
morbo la-
borave-
rint. IV^a Classis continet *vitiosas dispositiones* (si quæ tales occurrunt) *Parentum qui ip̄i in pueritia sua hoc morbo laboraverint.* Hæ siquidem morbi hæreditarii propriè dicti notam liberis inurerent. Verū, quia, ut supra dictum, nondum liquet an Parentes hoc morbo in Pueritia afflicti prolem coaffetam

Etiam genituri sint; præterea, quia Parentum
vitia vel ad aliquam unam trium prædicta-
rum classium, vel ad plures, vel simul omnes
commode referri possint, non erit operæ pre-
mium iis hic pluribus insistere. Quare enumera-
tis jam vitiis à toto corpore parentum de-
pendentibus, proximo loco accedimus ad
eorum *vitia quæ in ipsis partibus genitalibus*
resident.

Vitia hæc partium genitalium sunt interdum
intemperies frigida, interdum *humida,* quando
præ nimia *humiditate laxantur & enervan-*
tur, unde *sperma vel planè infœcundum vel*
in hunc morbum proclivem excernunt.
Adhæc, interdum istæ partes *Gonorrhæa sive*
virulentâ, sive biliosâ, sive aqueâ infestantur,
seménque minùs elaboratum *ejaculantur;*
idem dicendum est de *fluore albo & rubro in*
mulieribus. Tandem nonnulla *extrinsecus*
partibus genitalibus admota huc quoque spe-
ctant; ut *unguenta ex cicuta aliisve narcoticis*
præsertim frequentiùs iis illita; similiter un-
guenta, *plumbum album vel rubrum, cerussam,*
calcem plumbi, lithargyrum, saccharum satur-
ni & similia recipientia, assidue diuque istis
partibus applicata. Ejusmodi enim activita-
tem spirituum insitorum in istis partibus re-
tundunt, torporēaque quendam iis inferunt,
qui semini in illis confecto communicatus
prolem ad hunc affectum disponunt.

*Vitia in
ipsis parti-
bus genita-
libus refi-
dentia.*

N 4 Ab-

I^o Causæ Absolvimus demum institutam enumera-
ex parte tionem causarum, si non omnium, saltem
matris hunc præcipuarum, majorisque notæ, quæ ante con-
morbum ceptionem circa generationem seminis prolifici
poti con- occurunt, & ad hunc affectum invehendum
ceptionem producen- faciunt. Sequuntur jam *vitia & errores ma-*
tes.
tris tempore gestationis fætus in utero, quæ eti-
am inter hujus affectus causas ante partum
reputandæ sunt.

1^o Intem- Occurrit intemperies frigida & humida-
peries fri- ipsius uteri, quæ (ut cuivis, vel nobis tacenti-
gida & bus, facile manifestum est) ex assiduo con-
humida tactu uteri Embryoni promptissimè commu-
ipsius uteri nicari potest.

2^o Quæcun- Loco se offerunt ea omnia quæ succos
que faci- crudos parumque defæcatos, excrementiis hu-
unt impro- moribus aut ichoribus resectos, vice probi ali-
buui ali- menti, Embryoni suppeditant. Huc spectat im-
mentum primis insalubris gravidarum diæta, presertim
Embryoni ad humiditatem & frigiditatem cruditatē
suppedi- que accumulandas inclinans. Porro idem
tandum. faciunt coctiones earundem seu prima seu secunda
& imperfectæ & deficientes, maxime ubi
neque vomitu, neque aliâ evacuatione cruditi-
tates indè provenientes excernuntur, sed ex
cum sanguine materno ad foetum tandem pro
alimento derivantur. Præterea si gravidam
post conceptionem invadat *morbus humidus*
frigidusque, ut intemperies cum materia frigida
& humida, *cachexia, hydrops, &c;* facile indè
evenire

evenire potest, ut impurum quoque alimen-
tum, quodque hujus morbi seminaria tum serat
tum soveat, Embryoni dispensetur.

3º Loco censenda sunt ea omnia que quo-
cunque modo Embryonem debito alimento de-
fraudent; ut evacuatio quaevis justo profusor,
imprimis hemorrhagia longior ex ulla parte;
item vena sectio vel temere, vel justo excedens
adhibita. Huc etiam refertur nimis veneris
usus tempore gestationis. Alterius quoque In-
fantis lactatio divertere potest sufficientis
alimenti affluxum ab utero versus mammas.
Huc spectat diuturna inedia, ut & atrophia
quacunque matris gravidæ, aut appetitus cibi
planè dejectus, vel defectus coctionis. Febris
tandem acuta prægnanti accidens, præter alia
incommoda, defraudare quoque potest fœ-
tum sufficienti alimento; febris item hectica.
Hæc omnia non modò virium vitalium de-
jectionem & imminutam nutritionem fœtui
inferunt, verùm & insuper penuriam spiritu-
um insitorum. Etenim absque debitâ nutri-
tione eliquantur ac dissipantur spiritus insiti,
tum necessariâ etiam reparatione destituun-
tur. Cùm ergò pars essentiæ hujus morbi
in defectu spirituum insitorum consistat, ne-
cessè est à prædictis caussis dispositionem
aliquam ad hunc affectum fœtui imper-
tiri.

3 Quæcumque Embryonem quovis modo debito aliamento defraudant.

4º Et ultimò, Nimia gravidarum somnolen-
4 Nimirum graviðatum otium.
tia,

tia, ignavia, mollities, aversatio laboris & exercitii post conceptionem huc etiam nonnihil contribuunt. Licet enim violentiores motus actionesque cuiusvis generis gravidis interdicantur, moderati tamen labores, vigiliæ, & exercitia quæ nullam vim utero inferunt aut abortum provocant, non modò ad sanitatem matris faciunt, sed & nonnihil torporem Embryonis excutunt, ejusque calorem, vigorem, & activitatem excitant atque adaugent. Atque ita finem imponimus huic capiti primo *de causis hujus morbi ante partum.* Restant examinandæ ea quæ post partum incidentur.

C A P. X V I.

Causæ Injus morbi Pueris post partum incidentes.

NO tavimus præcedenti capite infantes ab ipso ortu rarius hoc morbo affligi, nativâ verò dispositione ad eundem frequenter ob causas illic memoratas affici. Prosequemur jam *causas quæ vel nativam illam dispositionem post partum actuare aptæ sunt, vel de novo & integro hunc morbum producere.* Sciendum autem est, eisdem causas, quæ dispositionem nativam ad hunc morbum actuent, eundem posse

posse de novo producere , si gradu satìs intensæ sint. Ideoque fatemur pueros à navi-
tate in hunc affectum pronus , faciliùs, id est,
à caussis gradu remissioribus affici ; alios verò
ab omni nativâ labe immunes non nisi à
caussis potentioribus in eundem incidere ;
interim caulsæ istæ ejusdem sunt generis &
gradu solo distinctæ. Quare non opus fuerit
de his distinctè & separatim agere ; suffi-
cerit has simul & indiscriminatim propo-
fuisse.

In ipso limine occurrit Quæstio discuti-
enda; utrùm nempe *Contagium* inter caussas
hujus morbi annumerandum sit , adeoque
utrum morbus hic proprio sensu morbus fit
contagiosus? Certè qui considerat morbum
hunc veteribus incognitum hoc ultimo se-
culo occidentales Angliae tractus primùm in-
vadentem , intra paucos annos per totam
ferè Angliam dispersum esse , facile primâ
fronte opinetur eum esse verè contagiosum,
& per contagium tām longè latēque dissemini-
nari. Sed pressius attendenti aliter se res
habere videbitur. Licet enim morbus hic
aliquo forsan modo nitatur sibi similem
affectionem aliis corporibus imprimere ; vix
tamen èd usque procedit , ut morbum ejus-
dem speciei de integro producat. Fortè
equidem nonnullam leviusculam inclinatio-
nem alteri corpori possit imprimere , immo
in.

An mor-
bus hic sit
contagio-
sus?

Negativa
afferitur.

interdum ipsam fortè morbi invasionem in corpore insigniter ad eum prædisposito acceleret aut promoveat, neque tamen propterea nomen morbi propriè contagiosi mereatur. Omnes enim morbi corpora sibi proxima immutare sibique assimilare satagunt; non tamen id sufficit, ut omnes morbi contagiosi denominentur. Ad morbum enim contagiosum propriè sic dictum constitueretur ad morbum propriè contagiosam constitutum requiratur fermentum quoddam seminale suum, quod se claram insinuans in alia corpora, paullatim morbum ejusdem speciei in ea introducat. Verum hic morbus nullum tale fermentum in sua essentia continet, neque clanculum propagatur emisso prius à se seminio quod vicinis corporibus morbum ejusdem speciei imprimat. Diximus enim suprà, essentiam hujus morbi primam consistere in frigida & humida intemperie, in torpore & inopiâ spirituum infitorum; quae affectiones si quae corpora propinquaque assimilare conentur aperto marte, non verò ex insidiis & clandestinis prius immisis igniculis id aggrediuntur. Similiter si respicias ad essentiam ejus secundariam, neque tonus vitiatus, neque constitutio seu vitalis seu animalis lœsa, neque organorum depravationes aptæ deprehendentur in hoc affectu fermenti instar claram in alia corpora se insinuare, speciemque suam propagare.

De-

Denique si velimus ipsam experientiam hic consulere, res extra dubium oppidò statuetur. Etenim observamus frequenter pueros seu coætaneos, seu propè coætaneos in iisdem ædibus enutritos, quorum unus aut alter hoc morbo fortè afflictus fuerit, dum alias aut plures eorum minimè laborent. Immo novimus pueros non tantùm communibus ædibus, assiduâque mutuâ societate gaudentes, sed & quotidie communi mensâ & lecto utentes, quorum alter hoc malo affectus solum convictus & concubitus nullo modo inficerit: quod sanè vix videtur contingere potuisse in morbo propriè contagioso. Quapropter excluso contagio è numero causarum hujus morbi, ad alias veriores investigandas nos meti possumus accingamus.

Causas Causæ
post partum hunc morbum invehentes in duas classes distribuimus. Prior continet

hujus morbi post partum.

errores huc facientes in usu 6 rerum non-naturalium: Posterior complectitur morbos diversi generis præcedentes, qui post se aptitudinem aliquam ad hunc affectum relinquere sèpius solent.

Quod ad priorem classem attinet de abuso 6 rerum non-naturalium, quatenus hunc affectum respiciunt, cum pueri rariùs vehementioribus animi passionibus commoveantur, vixque inde hunc morbum incurant; deinde cum etiam veneris usus ad eos non per-

pertineat; ad 5 capita sequentia causas has revocabimus. Ad *Aërem*, tum ea quæcumq; extrinsecus corpori occurruunt aut applicantur; ad *Cibum & Potum* seu quæ intus assumuntur; ad *motum & quietem*, *vita genus, actiones & exercitia*, ad *somnum & vigilias*; denique ad ea quæ retinentur in corpore præter naturam, aut excernuntur. Quæ singula ordine proposito, quâ possumus brevitate, examinabimus.

De Aëre & extrinsecus occurrentibus.

*Aër humi-
dus & fri-
gidus.*

Aër humidus & frigidus multùm hoc contribuere potest. Etenim cùm is faciliùs occurrat partibus externis & in hoc morbo primò affectis, quām visceribus intus reconditis, directè facit ad inæqualem illam in temperiem, frigidam nempe & humidam (quæ pars est primæ essentiæ hujus morbi) istis partibus imprimendam. Hujusmodi *Aëris constitutio* circa veris principum maximè viger, quo idcirco tempore cautas decet esse nutrices, nè infantes ad hunc morbum propensos nimijum *Aëri* exponant; ut & ubi *Aër* nebulosus, crassus, pluviosus, vaporibusque scatens observatur. Hinc loci maritimi, paludinosi & pluviis imbribusque frequentioribus obnoxii, immo vel numerosis aquarum scaturiginibus irrigui, cæteris paribus, in hunc morbum foecundiores esse solent. Similiter ædes juxta ripas fluminum majorum,

rum, juxta stagna, piscinásque exstructæ
hoc nomine culpantur. Præterea *Balnea* fre-
quentia, ablutionésque cum aqua dulci, licet actu
calidæ adhibitæ, cùm potentia sint frigidæ
ac humidæ, huc etiam referantur; nam in-
temperiem suam partibus, queis adhibentur,
ex parte communicant, & manifestè toni
mollitatem ac laxitatem, sanguinisque cir-
cuitum nimis lubricum & ignavum in istis
partibus plus minùs efficiunt.

Huc etiam annumeremus *linimenta frigida*
& *humida*, ut & *laxantia* & *lubricantia* in te-
nella ætate diutiùs continuata, præsertim cir-
ca spinam aut origines nervorum. Denique
lintea molliora, tum non probè siccata hujus
morbi radices fovent. Ob hanc causam, in-
ter alias, accidit pauperum infantulos minùs
huic malo obnoxios esse, quòd nempe ple-
rūmque asperioribus linteis, aut fortè laneis
integumentis involvantur. Quæ utraque tum
fricando partes, tum eos titillando calorem
insitum excitant & adaugent, vitalisq; sanguini-
nis affluxum copiosiorem ad habitum corpo-
ris irritant, adeoque magni sunt momenti ad
hunc morbum arcendum. Lintea verò mol-
liora neque irritant calorem in externis par-
tibus, neque eum probè fovent. Etenim si
fortè per tantillum temporis spatiū à par-
tium contactu amoveantur, calorem suum
protinus exuunt, proximoque contactu sen-
suum

Balnea
frequentia
ablutio-
nésque
cum aqua
dulci.

Linimen-
ta frigida
& *humida*
aut *laxan-*
tia & lu-
bricantia.

Lintea
molliora,
item non
probè sic-
cata.

suum frigiditatis partibus inferunt. Quare ejusmodi lintea cum sint inter ea quae extrinsecus applicantur, & cum sola frigiditate ac mollitie hic noxia sint, ad hanc primam caufsatrum classem, ejusque partem primam quae humida & frigida extrinsecus occurrentia complectitur, retulimus.

Aer noxiis inquinantibus infectus, ut noxiis exhalationibus metallicis, quae ut plurimum, venenosam quadam malignitate spiritus insitos partium oppugnant, eosque vel extingunt, vel fugant ac dissipant, tonumque partium simul exsolvent vimque pulsificam, in partibus praesertim externis, quibus primum occurunt, saltem minuant, si non etiam languore afficiant & enervent. Huc imprimis faciunt exhalationes e

plumbo, antinomio, argento vivo, similibusque Linimenta elevatae. Porro unguenta ex iisdem confecta, si ex mercurio similiibusque parata. frequentius aut intempestive partibus primo affectis illinantur, idem praestant; quamvis haec etiam nonnihil ad quartum hujus classis titulum forte pertineant. Observavimus autem pueros nonnullos unguentis mercuriis illitos ad necandam scabiem in hunc postea morbum incidisse.

Aer impensè calidus, subtilis, vehementer attenuans ac dissolvens, quod spiritus insitos dissipet, evocet ac ablumat, inter caufas

Aer noxiis inquinantibus infectus, ut noxiis exhalationibus metallicis, quae ut plurimum, venenosam quadam malignitate spiritus insitos partium oppugnant, eosque vel extingunt, vel fugant ac dissipant, tonumque partium simul exsolvent vimque pulsificam, in partibus praesertim externis, quibus primum occurunt, saltem minuant, si non etiam languore afficiant & enervent. Huc imprimis faciunt exhalationes e

plumbo, antinomio, argento vivo, similibusque Linimenta elevatae. Porro unguenta ex iisdem confecta, si ex mercurio similiibusque parata. frequentius aut intempestive partibus primo affectis illinantur, idem praestant; quamvis haec etiam nonnihil ad quartum hujus classis titulum forte pertineant. Observavimus autem pueros nonnullos unguentis mercuriis illitos ad necandam scabiem in hunc postea morbum incidisse.

Aer impensè calidus, subtilis, ve-

hementer attenuans ac dissolvens, quod spiritus insitos dissipet, evocet ac ablumat, inter caufas

causas hujus morbi annumerari debet. Si Linimentum
militer linimenta calidiora & præsertim simul ^{ta calidi-}
discussiva, olea chymicè distillata & non satis ^{ora.}
correcta temperatorum admixtione ; haec
enim in tam tenerâ constitutione partium fa-
cile eliquant & in tenues auras resolvunt spi-
ritus insitos, adeoque inopiam spirituum in-
fitorum inferunt. Huc etiam referenda balnea ^{Balnea}
acris, salina, calida & discussiva, immo & in- ^{calidiora,}
tempestivè aut ultra modum justamque mensu- ^{& quæ ni-}
ram adhibita. Nam haec, similiter ut priora, ^{mum sic-}
spiritus eliquant atque absument.

4º Et ultimò, Aer exhalationibus vaporis
busve narcoticis refertus, & balnea, fomenta-
tiones & linimenta ex soporiferis seu narcoticis,
cicuta, hyoscyamo, opio, solano, ut & similibus con-
fecta, atque extrinsecus adhibita, ad hanc
classem etiam commodè accensentur. Nam
torporem partibus primò affectis, in quas
primum vim suam exerunt, facile inferunt,
qui torpor non modo ipse pars est primæ
essentiæ hujus morbi, sed & facile obtundit
ac minuit vitalem influxum in istis partibus,
adeoque etiam causa est istius partis essentiæ
morbi secundariæ, quæ in constitutione vi-
tali consistit, quam rem suprà fusius explicui-
mus. Atque haec de extrinsecus occurren-
tibus.

Aer nar-
coticis ex-
halationi-
bus sca-
tens, tūm
balnea, fo-
mentatio-
nes, & li-
nimenta
ex narco-
ticis con-
fecta.

O IIº De

II^o De Cibo & Potu, intusque assumptis.

Alimenta
nimis hu-
mida &
trigida.

Ad hunc titulum pertinent primò *Alimenta cuiusvis generis nimis humida & frigida*. Quippe quæ fovent manifestè intemperiem, in qua pars essentiæ hujus morbi consistit. Huc ergò referimus *pisces plurimos, cibosque crudos & coctione non satis preparatos*: item ea omnia quæcunque faciunt ad defectum coctionis in ventriculo. Itaque novorum ciborum ingestio, priusquam alii antè assumpti concocti sint, in pueris ad hunc affectum dispositis, valdè noxia est; & omnino diæta paullò plenior potius quam parvior hoc respectu improbanda est; obruit enim calorem, crudosq; humores accumulat. Et fortè hæc una inter causas speciales reputanda est, cur morbus hic frequentius generosorū quam rusticorum cunas infestet. Similiter medicamenta frigida & humida intus-assumpta, item laxantia atque internâ lubricitate donata, huc quoque manifestè spectant. Hæc enim non modò consimilem intemperiem inferunt, sed & tonum partium relaxant, easque lubricitate internâ afficiunt, sanguinisque decursum per partes primò affectas nimis lubricum ac facilem reddunt.

Medica-
menta in-
terna fri-
gia &
humida,
tum lax-
antia, &
lubrican-
tia.

Alimenta
crassa &
viscida.

2^o *Alimenta nimis crassa, viscida & obstru-entia* huc etiam faciunt, maximè quod æquali distributioni sanguinis officiant. Huc refe-
rimus

rimus carnes sumo induratas, multoque sale conditas, similiter pisces salitos, caseum cuiusvis ferè generis liberalius comedum, panem è faro recenter extractum, adhucque calentem. Item dulcia ferè omnia saccharo condita, nisi simul vinosa, aut incidentia & attenuantia fuerint. Medicamenta etiam cuiusvis generis obſtruēntia huc pertinent, quibus ulterius addere licet narcotica, & quæcunq; torporem partibus inducant propinata.

Similia
medica-
menta,
tum etiam
narcotica.

3º Alimenta admodum calida deprædantia, Alimenta
aria, corrosiva, ut vina vetera & fertia, præ- admodum
fertim jejuno stomacho, hausta, cibi multo calida, &
pipere alijsve aromatibus conditi, inter assūptas acria.
hujus affectus cauſas annumeranda. Hæc enim in tam tenerâ partium consistentiâ faciliè eliquant aut depascuntur spiritus insitos. Idem faciunt & medicamenta immoderatè calida & discussiva, immo hæc longè potentius nocere possunt, quod & citius & validius spiritus insitos depopulentur, quām alimenta prædicta.

Similia
medica-
menta.

IIIº De Motu, quiete, Actionibus, & Exercitiis.

Motus & exercitia modum si excedant, corpus Excessus
puelli in profusiorem sudorem solvunt, unāq; motus
spiritus insitos partium nonnihil dissipant ac possibilis
imminuunt, adeoque hac ratione possunt ad sed rario
hunc morbum invehendum conspirare, licet causa.

O 2 ra-

rariſſimè contingere putemus, pueros, hunc affectum, de quo agimus, incurrere. At defectus motū & exercitiorum frequentissimè atque efficacissimè facit ad hunc morbum producendum. Etenim spinalis medulla nerva cauſsa, vīque indē orti, cæteraeque partes primò affectae, motui atque exercitiis maximè inferunt. Torpor ergo & ſegnities iſtarum partium facit, ut neque ſatis foveatur earum calor infiſtus, neque iſ ſtimuletur, neque intemperies frigida obrepens arceatur, neque humiditates excrementiæ & ſuperfluæ per debitam transpirationem excutiantur, quin effoceminatā quādam mollitie, laxitate, & internā lubricitate eas affici permittit, unde arteriæ quoque ad eas diſtributæ parū iritantur, ignavos pulſus edunt, neque partes turgidulas reddunt, aſt flaccidas & ſubſiden-tes relinquunt. Quibus de cauſis circuitus ſanguinis tardus, & imminutus redditur, nimisque quām par eſt lubricus, tūm calor vitalis debilis necessariō producitur. Que omnia ſatiſ evincunt hanc eſſe admodum efficacem hujus affectus cauſam.

Somnus &

vigilia e-

odem ſe-

modo ha-

bent ad

hunc affe-

cum pro-

vehendem

quo quies-

& motus.

IV^o De Somno & Vigiliis.

Concedimus ſomnum tum frequentiorem tum productiorem pueris quām viris deberi. Si tamen iſ vel in pueritiā modum excedat, eodem reſredit ac in defectu exercitii ac motū

motūs. Somnus enim quies quædam est & privatio vigiliarum sive exercitii sensuum.
σημεῖος ἡ οὐρανὸς τῆς ἐγκυρότερας. Vigiliæ autem in ipso sensuum exercitio consistunt, teste Aristotele Somno & Vigil. Quare quæ ex defectu motūs & exercitii oriri mala descripsimus, eadem quoque ex somno nimis continere necesse est. E contrâ immoderata vigilia in tam tenellâ ætate valdè quoque noxiæ sunt. Nam non modò alimentorum coctionem impediunt, ast insuper acrimoniam quandam sanguini injurunt, dissipantque adeò principia constitutionis insitæ partium primò affectarum, & insitorum spirituum defectum facile invehunt.

V³ De excretis & retentis præter naturam.

Causæ internæ morborum fortè non incommodè ad hunc titulum omnes reduci possent. Etenim quælibet contenta in corpore præternaturaliter alterata, quatenus sunt præternaturalia, suam ablationem indicant, & inter præternaturaliter retenta excernenda eatenus reputentur. At verò concedimus rectius omnes causas internas in duo genera distingui posse; quorum alterum continet retenta & excreta præter naturam, alterum contenta in corpore præter naturam alterata. Nam hæc posteriora non tantum per excretionem

O 3 tionem

tionem tolli, sed & per alterationem ad convenientem naturae modum reduci possunt. Ut ut sit, magna est affinitas inter humores *alteratione vitiatos, & excrementitos retentos.* Etenim tot sunt in corpore, tamque varii excretionis modi, ut vix humor ullus per alterationem productus fingi possit, qui non facultatem secretricem & excretricem aliquius visceris, aliisve partis propriè respiciat, & ab eâ fecernendus & evacuandus destinetur. Ideoque, licet errores coctionis primæ

vix corriganter in secunda aut tertia per alterationem; per motum tamen localem, sive excretionem alicubi in corpore factam, separatis partibus inutilibus, iisque rejectis, emendari possunt. Similiter alterata aliquo modo præter naturam massâ sanguinis, aut humore quovis inquinata, materia peccans, quæ alias sunt ramen per alterationem domari non potest, excretione forte ab aliqua parte aut viscere factâ (nisi unâ facultas ejus secretrix aut expultrix impedita fuerit) brevi extermintur. Magni igitur momenti sit oportet medicum scire, qui humores in specie in quovis morbo dominantur, & per quas vias determinatas ex naturæ instituto propriè excernendi sint.

Plures sunt species excretorum
quam vulpo statui solet.

Etenim tot sunt forte excretorum species infinitæ, quot sunt distincta Parenchymata aliasque partes ad ejusmodi munus in corpore destinatae.

ta. Credibile namque est, aliud excernere *Hepar*, aliud *Renes*, aliud *Pancreas*, aliud *Liem*, aliud *Ventriculum*, & *Intestina*, aliud *Pulmones*, aliud *Cerebrum*, aliud *Testiculos*, *Uterum*, *Renes succenturiatos*, *Thymum*, *Glandulas Laryngis*, *Gutturis*, & *Faucium*, aliud *Cuticulam*, & *Cutim*. Siquidem vix admittendum videtur, naturam sibi fabricasse diversæ speciei organa, diversisve uti ad unum idemque munus ob eundum. Quando ergo contingit cuiusvis dictarum partium excretionem cohiberi, peculiaris quædam impuritas inde in massam sanguinis redundabit, adeoque tot erunt præter naturam retentorum differentiæ, quot sunt genera partium excretioni speciali inservientium; & similiter tot erunt genera vitiosæ excretionis five nimiæ, five imminutæ, five depravatae, quot sunt diversæ viæ per quas excretio fiat.

Si quis quærat an singula excretorum genera nobis sint satis nota & perspecta; Respondemus, desiderari adhuc exactam notitiam specialis humoris per *vas novum Pancreatis* excernendi; deinde quid excernant *Renes succenturiati*, quid *Thymus*, quid *Glandula Laryngis*, immo forte vix dum satis constat quid rejiciat *Lien*. Ob hanc ergo causam, inter alias, visum est ab ulteriori aut accuratiori disquisitione de retentis & excretis

Singulæ excretorum species non sunt nobis satis note & perspectæ.

O 4 five

sive in ordine ad partes viásq; quas spectant,
sive in ordine ad præsentem affectum, hic
supercedere, potiusque insistere quadri-
partitæ Galeni humorum divisioni in *bilem,*
pituitam, sanguinem & melancholiam, additâ
solummodo *transpiratione indebitâ, tum sudore.*
Licet enim dubitemus, an hæc divisio deduc-
cat humores ad species infimas, quod (ut
suprà notavimus) evidenter plures quam
quatuor partes sint specie distinctæ humo-
rum excretioni dicatae; cum tamen hæc di-
visio humorum non modò omnibus medicis
classicis arrideat, sed & in se omnino utilis
sit, & saltem reducat humores ad certa ca-
pita seu genera (ut fortè quodlibet genus
plures sub se species complectatur) ei impræ-
sentiarum insistere decrevimus; eoque magis,
quod optimè sub generali notione conjungat
& complectatur tum alterata præter natu-
ram intus contenta, tum excernenda nondum
excreta, eoque respectu levaverit ex parte
onus nostrum, opusque contraxerit. Siquidem
dum hoc modo procedimus, non opus
erit aliud peculiare caput instituere de ipsis
hujus morbi caussis, videlicet de contentis
præter naturam alteratis, quandoquidem
sub hoc titulo, ut diximus, comprehendantur.

Causas
internæ
hujus mor-
bi.

Causas ergo internas hujus morbi (sive
sint humores excrementitii retenti, sive alte-
ratione vitiati) reducimus vel ad *bilem*, vel

me.

melancholiam, vel pituitam & serosum humorem, vel indebitam transpirationem & sudorem.
Sanguis enim propriè dictus vix reus in hoc affectu deprehenditur.

Object. Objicias Practicos in hoc affectu ferè Object.
semper venæ sectionem in conchâ Aurium præscribere, eāmque evacuationem utilem observare,
quod vix admitteretur, nisi aliquo modo sanguis hic peccaret.

Resp. Respondemus valere hoc remedium *Resp.*
non ratione universalis plenitudinis sanguinis, sed ratione peculiaris plenitudinis ipsius capitum. Suprà enim monstravimus in hoc affectu sanguinem inæqualiter partibus corporis dispensari, & quidem diminutè partibus primò affectis, capiti verò nimis copiosé. Licet ergò non adsit universalis sanguinis redundantia in hoc morbo, respectu tamen particularis plenitudinis ipsius capitum, utiliter fortè sectis illis extimis & minutis aurium venis particularis ejusmodi depletio instituitur. Dicas nos hoc responso plethoram universalem quidem declinare, ast particularē capitum (quæ non minus causa morbifica censenda) planè concedere. Respondemus nos fusè suprà explicuisse hoc vitium sanguinis, ubi egimus de inæquali distributione ejusdem, ad quem locum propriè spectat, cum sit causa essentiæ secundariæ non primariae hujus morbi; ideoque hic non exspectanda

stända est inanis ejusdem rei repetitio. Per gendum ergò jam est in proposita disquisitione de prædictis humoribus, tum transpiratione.

I^o Bilis (sive intelligas hoc nomine humorem excrementium in vesicula & poro biliario, sive calidorem, sicciorum, acriorem, amarantque partem massæ sanguinis, sive nidorosum illum humorem, qui oleum rancidum sapore suo refert, ex corrupto cibo præsertim pinguiori, adusto, vel salso, in ventriculo genitum & fluentem, sive ichores quosvis acres & corrosivos è sanguine corrupto in corpore productos) potest, si forte in corpore redundet aut ferociat ac dominetur, esse hujus morbi causa.

Qnomodo Bilis possit esse hujus morbi causa. Etenim, licet videatur potius posse impugnare frigidam atque humidam intemperiem, quæ pars essentiæ primæ hujus morbi est, eo ipso tamen quod apta est nutritionem partium sive irritando nimium excreticem, sive attenuando alimentum, nonnihil impedire, & ipsam constitutionem insitam partium extenuare aut eliquare, spiritusque adeò insitos absumere & dissipare, inter causas hujus affectus rectè statuetur. Notum, enim est biliosos, ferè macros, & extenuati habitus esse ob rationes modò assignatas.

II^o Melancholicus humor (sive intelligas terrestriorem sanguinis portionem, sive salinam illam & tartaram materiam in & cum urina

urina excretam, & in arenulas, ubi refrixerit urina, ut plurimum concrecentem; sive acdum humorem in ventriculum à Liene forsan (licet non per vas breve venosum, ut veteres crediderunt) refusum; sive terrestres illas alimenti assumpti partes, que cum facibus alvi per sedem deponuntur) quemvis horum intelligas, si redundet hic humor, neque debito modo expurgetur, culpari potest ut causa hujus affectus. Nam 1^o humor ille qui *terrestior pars sanguinis* est, si excedat justam proportionem in massa sanguinis, eum minus aptum reddit ad nutriendas partes præsertim primo melanochor affectas. Partes enim primo affectæ nobilio-licus humor hujuis moris sunt texturæ quam parenchymata visceris esse possit. rum, aut osseum genus; ideoq; suprà monimus parenchymata & ossa facilem admittere nutritionem, & per modum congestionis similem; verum illæ partes priores longè accuratiorem secretionem & operosiorem assimilationem postulant. Atque hinc est quod carnes viscerum animalium inter impuriora & crassiora alimenta rectè reputentur; nimirum quod minus selecto sanguine, minusque ante unionem elaborato alantur. 2^o *Salina* similiter, & *tartarea* materia nimirum accumulata nutritioni inimica est, & potius dissipativa est ac depascens quam augmentationi favens. 3^o *Humor acidus ventriculi* totus edax est ac famelicus, & forte ubi

ubi redundant ipsi sanguini consimilem de-
prædantem qualitatem facile impertiat.
4º Et ultimò *terrestiores alvi faces* impor-
tunè retenti chylum inquinare possunt, eti-
que minus idoneum ad alendum reddere.
Denique concedimus singula melancholie
proposita genera superfluè coacervata aut
præternaturaliter retenta, non primò ac per
se & directè ad hujus affectus productionem
facere, indirectè tamen modoque proposito
ad ejus generationem nonnihil posse con-
tribuere.

3º Pituita (sive sumatur pro *humidiore &*
frigidiore parte massæ sanguinis, sive pro *serosa parte ejusdem*, sive pro *lento humore ventriculi & intestinorum*, sive pro *saliva & sputo*, sive pro *muco narium aut faucium*, sive pro *peculiaris humoris quem fortè novum Pancreatis vas expurgare solet*) quomodolibet sumatur, si retineatur ac in corpore redundet, magis directè hunc affectum respicit, ejusque caufsa magis propriè & per se dici meretur. Est enim hic humor frigidus, humidus, latus, crassus, torpidus, parum spirituosus, mollis, & interna lubricitate affectus; quæ omnia ad amissim quadrant cum essentia primaria & secundaria hujus morbi propositis. Quocirca humor hic superfluè accumulatus, cum in hujus morbi productionem univocè conspiret, caufsa propria & agens per se meritò asti-
menda est.

Præter

Quomodo Pituita hujus morbi causa esse possit.

Præter hos humores etiam *indebita transspiratio*, ut & sudor sive *nimius*, sive *deficiens* inter causas hujus affectus nonnunquam re- censerri possunt.

Etenim sudor immoderatus, ut & nimia transspiratio, dissipat vires, & una aliquat partes, imprimis externas in hoc morbo pri- mariò affectas, atque discussis spiritibus infitatis facilè post se intemperiem frigidam relinquit. Quomodo sudor ex- cedens vel deficiens, ut & indebita transpiratio hujus morbi causa esse possit. Sed & transpiratio alio modo insuper, nimi- rum ubi nimis lubrica est, hunc affectum promovet. Requiritur enim ad justam caloris partium excitationem tūm conservatio- nem debita quædam lucta exhalationum inter transpirandum. Quæ si deficiat, calor actualis quoque (qui ex parte in ipsa hac lucta consi- fit) valde debilis ac languidus evadit, par- tésque frigidæ intemperiei facilè exponuntur. Sed de hac re superius plura. E contrà sudor præter rationem cohibitus, ut et imminuta transpiratio, facilè febrilem calorem accen- dit, adeoque vires infitas frangit partésque dissolvit, easque frigida intemperiei postmo- dum facilè obnoxias reddit.

Denique, ut reliqua verbo complectamur, humor quivis præter modum ac rationem excretus, colliquationem partium spirituumque insitorum dissipationem facilè infert, adeoque corpus ad hunc affectum disponit. Atque hæc dixisse sufficiat de rebus non na-

naturalibus caussisque morbi indè ortis.

C A P . XVII.

*Morbi antecedanei, qui hujus morbi
causæ esse possunt.*

MOrbi hi, respectu essentiæ propriæ, solo morborum nomine nuncupandi veniunt: attamen respectu hujus morbi, quem ut effectum post se relinquunt, causarū morbi-ficarum rationem verè subeunt, atque inter causas hujus affectū accenserī debent. Etsi verò plurimi horum (quod ad parentes, pertineant, adeoque nativam labem proli impri-mant) superiū memorentur; suam nihilominus considerationem diverso tamen respe-ctu & ordine hīc jure merentur. Morbos hos reducimus ad tria genera seu capita.

I^o *Ad morbos huic affines seu ex parte con-generes.*

II^o *Ad morbos corpus extenuantes seu emaci-antes.*

III^o *Ad morbos ignaviam & torporeim par-tibus primò affectis inducentes.*

Qui mor-bi huic
fint affines
& conge-nères.

De I^o genere.

Morbos huic *affines* seu *cōgeneres* vocatione
cos qui ex parte saltem consistunt in eadem
cum

cum essentia hujus morbi. Hujus generis sunt *intemperies quævis frigida, intemperies quævis humida; item quævis frigida & humida.* Nam pars primæ essentiæ hujus morbi includit intemperiem frigidam, ut & humidam, adeoque istæ intemperies cum hoc affectu ex parte convenient. Huc etiam spectant *cacochymia pituitosa, melancholica & mixta; obstrutio ab istiusmodi humoribus facta; cachexia; hydrops.* Imò huc etiam referre possumus, propter affinitatem, *morbos illos in quibus spiritus insiti nonnihil absuntur;* quippe pars essentiæ hujus morbi consistit in penuria eorundem spirituum; alias verò commodiùs referuntur ad genus secundum, similiter *morbi, in quibus partes primæ affectæ torpore afficiuntur,* ratione affinitatis suæ huc possint pertinere, licet tertium genus morborum enumeratorum magis propriè spectent. Porrò *morbi, in quibus laxatur, & flaccedit tonus partium,* huc respiciunt; quippe qui partem hujus morbi includunt, eam videlicet, quæ consistit in laxitate, flacciditate, internâ lubricitate & mollitie toni suprà descriptis. Aserunt Philosophi Elementa, quæ in symbolis, ut vocant, qualitatibus convenient, facile inter se transmutari; pari profecto ratione morbi, qui ex parte in eadem essentia convenient, facile reciprocum transitum ab uno ad alterum admittunt. Sic videmus Ephemeram, quæ in

in præternaturali calore cum putrida conve-
nit, levi de causa in eandem degenerare.
Notandum hic tamen, graviores morbos non
ita promptè in leviores, atq; leviores in gra-
viores commutari. Præterea neque omnes
morbi qui fortè pariter de eadem essentia
participant, æquè facile inter se permutan-
tur. Alii enim morbi promptius in alios, cum
quibus ex parte convenient, quām alii tran-
seunt, idque propter alias rationes præter
dictam convenientiam. Ut ut sit, si intempe-
ries frigida & sicca puello accideret, facile ea
in frigidam & humidam laberetur, tum ob
congruentiam utriusq; morbi in frigiditate,
tum ob peculiarem tenellæ ætatis versus
humiditatem inclinationem. Etenim ob fri-
giditatem coctiones imperfectæ fierent, hinc
que cruditates seu crudæ humiditates accu-
mularentur, quas facile & proximè in tam
tenuera ætate sequeretur intemperies humida.
Porro intemperies frigida & humida, ratio-
ne frigiditatis tardiorē pulsum, ratione hu-
miditatis magis lubricum minūsq; obluctan-
tem efficeret, unde imminuto vitali calore,
paullatim spiritibus insitis torpor obreperet;
denique, ob labilem illam retentionem ortam
ab interna partium lubricitate, & ob debilem
coctionem, spiritus insiti partium primò affe-
ctarum sensim quoque minuerentur, adeoque
gradatim hoc modo introducetur integra hu-
jus

jus morbi essentia. Sed de hoc genere hæc
dicta sufficiunt.

De II Genere.

*Morbi plurimi emaciantes & quovis modo
corpus extenuantes, licet fortè ipsi nullo modo
de essentia hujus morbi (quemadmodum
morbi primi generis) participant, corpus ta-
men ad hujus morbi invasionem disponere,
eundemque post se relinquere queunt. Etenim
omnes morbi graviores & diurniores, trā-
ctu temporis, afferunt & extenuant habitum
partium, spiritus insitos absymunt, tonumq;
partium solvunt; atque hæc attritio, & exte-
nuatio partium potissimum respicit partes in
hoc morbo primò affectas. Nam, ut suprà
asseruimus, parenchymata viscerum non
ita facilè subjiciuntur colliquationi aut dissipa-
tioni: Quin in cadaveribus eorum, qui à
longis morbis extincti sunt, dissectis, viscera
nihil ferme minora, immo fortè majora fre-
quenter reperiuntur, quando externæ partes
(quæ in hoc morbo solent esse primò affectæ)
vñ morbi plurimùm emaciatae sunt. Ideoq;
cum morbi extenuantes vim suam maximè
in partes primò affectas exerant, facile con-
tingit, ut ii in pueris ad morbum hunc inve-
hendum faciant. Absumptis quippe magnâ
ex parte spiritibus insitis partium primò
affectionum, vix fieri potest, quin consequa-
tur*

P tur

tur intemperies frigida, quam ob cruditatem
excipit (ut suprà monuimus) humida, simùlq;
torpor; cùm calor, activitas, & vigor par-
tium maximè dependeant à spirituum insi-
torum copiâ. Atque ità exhibuimus modum,
quo hic morbus insistit vestigiis aliorum præ-
cedentium hujus generis; quod jam ulterius
in tres classes subdividimmo.

Tria ge-

nera mor-

botum

corpus ex-

tenuan-

tium.

Prima comprehendit morbos per insensiles
vias habitum partium extenuantes & absumen-
tes. Huc spectant febres ferè omnes, præfertim
Hætica, Tabes, Ulcus Pulmonum cum febre pu-
trida: Item febris qualibet continua violentior,
febris ardens, maligna, pestilentialis, Pleuritis,
Peripneumonia; Item variolæ & morbilli, ubi
gravius afflixerint. Similiter febres, intermit-
tententes diuturniores: Denique morbi omnes chro-
nici graviterque affligentes idem præstant. Se-
cunda Classis continet morbos per vias mani-
festas colliquantes & solidam substantiam parti-
um evacuantes. Huc referas immoderatam vo-
mitionem, lienteriam, dysenteriam, diarrhœam,
fluxum hepaticum, diabetem, haemorrhagiam
quamlibet profusorem, sudorem nimium, ulcus in
quavis parte magnum, profundum, multaque
materiam indies excernens. Hi enim affectus
& ad hunc morbum introducendum faciunt.

Tertia tandem complectitur morbos, qui
quidem non directè, ast ex consequentia quadam
sub-

substantiam partium dicuntur extenuare; ut omnes morbi impedientes alimentorum vel coctionem vel distributionem. Siquidem hi partium à vitali calore continuè depastarum reparationem prohibent. Hinc morbi varii Ventriculi, Intestinorum, Mesenterii, Pancreatis, Lienis, Hepatis, immo morbi in ore, faucibus, vel gula impedientes tantum assumptionem aut deglutitionem cibi inter causas hujus morbi hoc respectu annumentur. Ut intemperies, tumor, nausea, appetitus dejectus ventriculi; item intemperies, tumor, obstructio & scyrrhus mesenterii, pancreatis, hepatis, lienis, similésve affectus alicujus dictarum partium, quibus debita alimentorum cōctio vel distributio quovis modo frustratur, partésque indē defectu alimenti extenuantur.

De IIIº Genere.

Morbi torporem partibus primò affectis inducentes, peculiari quoque jure ad hujus affectus productionem conspirant. Etenim calor insitus istarum partium nonnihil ab illis sopitur, minúlque efficax redditur; unde intemperies frigida sensim obrepit, quam & humida (ut modò dictum) facile consequitur, mollitiésque etiam, tūm interna lubricitas. Adhæc pulsus arteriarum ad istas partes delatarum paullatim enervatur, distributio sanguinis

nis calorisque vitalis minuitur, partes ipsæ parciūs aluntur, tandemque penuria spirituum insitorum supervenit; ut ab hac etiam radice, aliquandiu permanente, essentia hujus morbi demum pullulare queat. *Apoplexia, Paralysis, Lethargus, Carus, similisque affectus* huc maximè spectare videntur. Rarissimè tamen pueri his de caussis in affectum hunc incident, atque adeò raro, ut nondum nobis observare contigerit hunc morbum ab istiusmodi affectibus originem duxisse. Siquis hujus raritatis rationem exigat, dicimus puerorum corpora, ob raritatem ac permeabilitatem, rariūs istis affectibus subjici; ubi verò fortè iis corripiuntur, morbus ipse non constitutionem naturalem aut vitalem, ast animalē primò impedit, adeoque animalis facultatis deprivationem aliquandiu invehit, priusquam naturalem vel vitalem interturbet. Torpor verò, de quo hic loquimur, ad constitutionem naturalem pertinet, in quam non statim transferri potest. Porro ob transpirationis facilitatem in corporibus puerorum, si fortè isti affectus mitius ea invadant, facile ac citò excutiuntur; sin sœviùs irruant, æquè ferme citò, ob constitutionis debilitatem, interimunt; quippe qui naturā suā gravissimi sint affectus. Utrovis autem modo accidunt, vix tamdiu protrahuntur, ut satis efficaciter torporem hunc insitae partium

con-

constitutioni imprimant. Concedimus tamen hos affectus, si forte diutiis cum vita persistant, posse tractu temporis, constitutio-
nem insitam eo torpore afficere, ut morbus hic inde subsequatur, licet nondum id nostrâ observatione sit compertum.

Cæterum morbi, qui frequentius hunc Qui morbi
torporem constitutioni insitæ partium primò sint, qui
affectarum invehunt, sunt illi ipsi, qui pueros frequenti-
us solent quovis modo ab actionibus & exercitiis debitiss, torporem
præsertim ab usu pedum impediunt; ut luxatio, huic morbo
aut fractura, vulnusve aliquod pedis, cruris, fe- proprium
moris, spine dorsi; item tumores aut dolores, invehere.
similisve affectus, sive ii affligant partes jam
dictas, sive alias, modò id efficiant, ut pueri
inde ambulare, aut pedibus insistentes ludere,
masculisve exercitiis uti recusent. Hinc enim
torpet paullatim vigor calórque externarum
partium, quæ in hoc morbo primò sunt
affectæ, atque inde catenatim succedunt
cæteræ partes essentiæ hujus affectus, quem-
admodum superius declaravimus.

Absolvimus jam enumerationem *causa-
rum hujus affectus*, & ad *differentias* ejusdem
proximè foret procedendum, nisi hic se in-
terponerent difficultates duæ, quæ propriè
resultant ex causarum propositarum ulterio-
ri consideratione. Etenim causæ modò al-
latæ, videntur omnes tum pueris, tum adultis
communes; unde jure queri possit, qui fiat
P 3 quod

(212)

quòd ætate grandiores non æquè ac pueri
hoc modo infestentur? Deinde cùm causæ
propositæ ferè omnes communes sint cùm
Angliæ, tum multis aliis regionibus, &
earum nonnullæ omnibus terrarum plagis,
hinc insuper quæri possit, cur in Anglia
morbus hic frequentior quam in aliis regio-
nibus occurrat? Has quæstiones ordine
examinabimus, nostrumque de his judicium
in medium proferemus.

C A P. XVIII.

Quæstior prior.

Cur ætate grandiores non æquè ac pueri huic
morbo sint obnoxii? Quæstionis termini
videtur insinuare affectum hunc posse qui-
dem, licet admodum raro, adultis etiam acci-
dere: sed hujus dubii solutionem in calcem
præsentis determinationis reservamus. In-
terea primò opponendæ, & ex adverso
pensitandæ sunt constitutiones seu disposi-
tiones tum puerorum huic morbo maximè
obnoxiorum, tum grandiorum rariùs ei ob-
noxiorum; necnon juvenum, virorum, &
senum, idque in ordine & relatione ad hunc
affectum. Quæstio enim ipsa non absoluta
sed comparativa est, primâque ideo ratio
deter-

determinationis ejusdem petenda est ex mutuâ collatione diversarum dispositionum dictorum subjectorum, quatenus eæ aut facilitius aut difficultius impressiones propositarum caulsarum admittunt. Deinde etiam expendendæ veniunt accidentales quædam peculiareſque conditiones juniorum puerorum sub certâ aliquâ ætate, ob quas sub unâ ætate magis, sub aliâ minùs huic affectui redduntur obnoxii.

Quò priorem collationem feliciùs expedi-
amus, ex adverso sistemus, hinc quidem hominum
pueros femestres, hornotinos, bimulos, tri-
mulos, quadrimulos; illinc verò quinquen-
tes, & ultrà ætate proiectos, juvenes, viros,
tum senes; illósq; generali termino juniorum,
hos seniorum seu ætate grandiorum com-
plectemur, nisi fortè res ulteriorem grandi-
orum distinctionem postulaverit. Hisce
ergò præmissis collationem institutam aggre-
dimur.

I^o Juniores pueri frigidiori temperamento Juniores
prædicti sunt senioribus. Calor enim tempe- pueri fri-
ramenti à primo ortu ad virilem usque æta- gidiōri
tempera-
tem intēditur, quo tempore in statu quo- mento
dam consistit longè intensior illo puerorum; prædicti
verū hinc sensim declinat ad extremam sūnt, quām
usque senectutem, paullóque ante hunc seniores,
extremum terminum ad gradum istum, quo & cur.
in pueritia occēpit, relabitur; antè verò hunc
terminum

terminum supremæ senectutis, temperamen-
tum ipsum senum calidius est illo puer-
rum. Licet enim revera juniores pueri
uberiore calore insito, spiritique insito abun-
dant, non tamen propterea necesse est cali-
diore temperamento fruantur. Siquidem ad
constitutionem temperamenti calidi, præter
spiritus insitos & calorem insitum, plura
requiruntur concurrentia; verbi gratiâ, am-
plior portio humoris biliosi, unâque vel
maximè vitalis facultatis validior nixus,
nempe tum in pulsibus, tum in spiritibus vi-
talibus in circuitu suo. Cum ergo juniores
pueri frigidiores sint, haud mirum, si morbis
frigidis, qualis hic est, magis fuerint obnoxii.

Quod ad senes attinet, præsertim in prove-
ctiore senectute, concedimus illos quoque &
frigidiores esse, & frigidis morbis levi de-
causa subjici. Quapropter, hinc, videlicet
à frigiditate temperamenti, nullam differen-
tiā inter pueros juniores & hosce senes,
respectu aptitudinis ad hunc morbum incur-
rendum, deducimus.

2º Juniores pueri humidiores sunt ætate
grandioribus. Senescere enim, si sano sensu
sumatur, est siccescere. Quamvis enim senes
suo modo etiam humidis affectibus, ut car-
tarrhis, obstructionibus, cachexiæ, hydropi,
paralysi, lethargo, laxitati nervorum tre-
morigue & similibus malis obnoxii sint, re
ipsa

ipsa tamen nonnulla est differentia inter in-
temperiem humidam, quæ pueris, & illam revera in-
quæ senibus contingit. Nam in pueris ad-
ventitia humiditas intemperiem constituens
non tantum intimam solidarum partium
substantiam perfundit, sed & eidem penitus
incorporatur: ast in senibus solida partium
substantia, vel tum quando intemperie hu-
midâ imbuitur, non videtur exuere suam
terrestreicatem, sed quodammodo componi
ex natura sua terrestri & succo quodam ad-
ventitio humido crudoque, aut etiam excre-
mentitio, vel in poros, vel in substantiam
partium imbibito, non tamen satis incorpo-
rato sive unito. Quemadmodum enim arena,
multâ aquâ perfusa, totam terrestrem suam
substantiam utcunq; nonnihil madidam sibi
retineret, ita & senum corpora, ut crudis vel
exrementitiis humoribus madescant, non
deponunt tamen terrenam illam substantiam,
sive partem illam, quæ capitis mortui nomine
à chymicis designatur, quam sibi indies à
primo ortu accumulârunt. Est ergo hæc senum
intemperies spuria, non genuina, cruda, non in
substantiam partium plenè digesta. Ideoque
licet concedamus senes etiam posse suo mo-
do, quo dictum est, laborare intemperie hu-
midâ, liquet tamen unâ ex iis quæ diximus,
quantum discriminis intersit inter hanc
senum & illam juniorum puerorum. Porro
quod

quod hæc humida senum intemperies minus sit præsenti morbo conformis, quam illa puerorum, ex eo manifestum esse potest, quod in senibus non eam mollitem ac teneritudinem partium, quam in pueris deprehendimus, producat: neque eos æquè disponat ad dissipationem aut colliquationem spirituum insitorum, aut lubricam permeationem sive fanguinis sive exhalationum, quæ in hoc affectu supponuntur; quin potius obstructiōnibus cæterisque malis suprà recitatis, eos obnoxios reddit. Factâ ergo collatione inter intemperiem humidam, quæ pueris junioribus, & illam quæ senes afficere solet, non levius resultat ratio, cur senes in hunc affectum saltem ægrius quam pueri incident.

3º Pueri juniores, licet spiritibus insitis naturaliter abundant, ob corporis tamen perspirabilitatem, ob laxitatem & teneritudinem (ut dictum) minusquam firmam partium cohærentiam, facilius quam seniores dissipationi & colliquationi spirituum insitorum subjiciuntur, & per consequens leviori de causa in eorundem inopiam incidunt.

4º Pueri juniores ob eandem infirmam partium consistentiam, torpori etiam redundunt magis obnoxii quam grandiores. Etenim ad vigorem & activitatem partium, præter justam spirituum copiam requiritur im-

imprimis firmitas earum cohærentiæ & consistentiæ.

5^o De Tono partium non opus est ut quidquam addamus, cùm ejus debilitatem in junioribus pueris præ grandioribus toties jam insinuaverimus, & cuivis licet observare, ut tonus crescente ætate magis magisque firmetur.

6^o Quod ad diminutam distributionem sanguinis ad partes primò affectas attinet, (quam notabilem esse partem essentiaj hujus morbi secundariæ suprà probavimus) dicimus, grandiores ætate pueros tum validioribus tum frequentioribus exercitiis uti, quām juniores; & propterea in illis fortius prioritati pulsus externarum partium, nempe primò affectarum, calorēmque majorem in iis excitari & foveri, ideoque frigidam intemperiem potentiū ab iis arceri.

7^o Quod ad vitia organica, auctam nempe magnitudinem Capitis, Hepatis, vasorumque eorundem, similisque affectus attinet, notum est proportionem partium in grandioribus magis esse confirmatam & stabilem, in junioribus è contrà facilius moveri atque alterari; cessante vero accretione, non nisi gravissimis de caussis eam amplius immutari. Ut vel hinc etiam juniores pueri in hunc morbum maximè proni fuerint.

Concludamus ergo hanc partem quæstionis

Juniores nis , juniores pueros, respectu peculiarium
 pueri quo suarum constitutionum & dispositionum
 respectu sint magis naturalium , esse magis huic malo obnoxios
 huic morbo obnoxii quām grandiores, eoque magis, quō juniores.
 bo obnoxii Verūm non prætereunda, quæ hīc occurrit,
 quām æ- Objectio, quæ opportunè quoque occasionem
 tate gran- subministrat transeundi ad alteram collatio-
 diores. nem , videlicet juniorum puerorum inter se-

Object. Si enim juniores pueri (ut ex dictis liquet)
 magis sint ex naturali suā constitutione &
 dispositione proclives ad hunc morbum , &
 quō juniores, eò magis; qui fiat, quod pueri
 rariūs ante seme strem ætatem & paullò
 ultrà in hunc affectum incident? Etenim,
 secundūm sententiam dictam , pueri mox
 à partu viderentur huic morbo maximè ob-
 noxi; quod tamen experientia non compro-
 bat, quin potius contrā testatur , pueros
 nempe ante nonum ætatis mensem vix aut
 quām rarissimè hunc affectum incurrere. Hic
 ergò aggredi nobis opus est alteram collatio-
 nem puerorum juniorum inter se. Siquidem
 fieri non potest, ut itā constanter morbus hic
 pueris ad eundē maximè dispositis parceret,
 minūsq; dispositos frequentissimè invaderet,
 nisi aliquid interveniret discriminis, quod illas
 ætates diversimodè respicit, quodque morbi
 invasionē ante completū fermè primum æ-
 tatis annum remoratur, non obstante propen-
 sitate naturæ, & tamē postea, vel non omnino,
 vel

vel non adeò potenter pueros ab hoc morbo tueatur. Hic ergò investiganda est ipsa ratio discriminis inter has ætates. Quam ut promptius assequamur, non erit fortè abs re obiter annotare specialius, quæ ætates frequentiùs, quæ rariùs, duce experientiâ, hoc morbo affici observentur.

Afferimus ergò morbum hunc rarissimè in- Quæ ætas
fantes mox à partu, aut ante semestrem ætatem juniorum
(immo fortè ante nonum mensem) corripere.
Ab illo tempore verò paullatim incipere fre- rariùs,
quæ frequentiùs
huic affec-
tui obno-
xia.
quentiùs indies grassari usque nempe ad pri-
mum ætatis annum completum cum dimi-
dio. Indè frequentiam, quasi āxūn suam at-
tingere, & in eadem quasi consistere ad finem
usque secundi ætatis anni cum dimidio; ità
ut tempus frequentissimæ invasionis sit an-
nus ille integer qui mox primum sesquian-
num à partu sequitur. Exacto secundo anno
cum dimidio morbus indies minus frequen-
ter invadere incipit, ob rationes scilicet su-
prà allatas. Verùm rationes, ob quas infan-
tes recèns nati rarissimè, & ob quas à nono
mense ad sesquianum frequentiùs, cùrque
postea per integrum annum frequentissimè
afficiantur, hic ordine exigendæ sunt.

Iº Rationes, ob quas pueri *recèns nati* ra- Cur In-
fantes re-
cèns nati
rarissimè
afficiant-
tur.

rarissimè afficiuntur, hæ possunt assignari.

Prima est, quod fœtus in utero ab aequali ca- sus

lore & amplexu uteri strenuè munitur adver-

sùs hunc morbum, ut suprà declaravimus, & per consequens, idem in lucem recèns editus aliquid munimenti contracti ab æquali illo uteri fotu aliquandiu retineat, ut statim à partu non ità facile in eum incidat.

Secunda est, *quòd obstetrices & nutrices è arte recèns natos tractent*, ut eorum conditio quām proximè accedat ad illam quām nuper in utero habuerant. Uno enim continuo involucro totum corpus, excepto capite, undique involvunt: unde partes corporis exteriores & primò affectæ in hoc morbo ab injuriis externi frigoris muniuntur, calidæque exhalationes à quacunque parte corporis erumpentes isto involucro fortè duplicato aut triplicato, fasciisque circumducto ex æquo retinentur, omnibüsque partibus corporis æqualiter communicantur, ut quasi in communi hypocausto æquali calore foveantur. Cùm ergò prima pars essentiæ hujus morbi in inæquali frigidâ intemperie consistat, non mirum si munimenta hæc corporis eam ad tempus saltem avertant.

Lac muliebre saluberrimum etiam infantibus alimentum. Tertia ratio fortè esse potest *salubritas Diæ*. Lac enim muliebre tam tenellæ attati infantibus saluberrimum alimentum est, præsertim è mammis exsuctum. Est quippe cibus simplex & uniformis, multùm alens, coctu facilis, & constitutioni infantum amicus & familiaris. Quamdiu ergò hoc alimento commodè aluntur

aluntur, pauciores diætæ errores incurunt,
minùsque huic morbo redduntur obnoxii.
Notandum tamen, si lac nutricis non sit in se
probum, vel aliàs non aptè respondeat con-
stitutioni infantis, rationem hanc locum non
habere. Quando igitur nutrix gravida est,
aut immoderatiùs veneri dedita, quando ea
cacochymica, valetudinaria, aut aliàs ægra,
quando ea temulentiae aut crapulæ aut in-
salubri diætæ dedita est, tutius est, nisi com-
modior nutrix in promptu sit, ablactare in-
fantulum.

Quarta & ultima ratio est, *tarditas motus*
hujus morbi in sua prima invasione. Adeò enim
lentè sensimque obrepit, ut ad plures menses
vix sùi manifesta vestigia prodat, nisi fortè à
vehementissimis causis ejus progressus pro-
moveatur, ut à morbo violentiore aut colli-
quante, seu antecedente, seu superveniente.
Cùm ergò tam lentè morbus hic naturâ suâ
primas radices agat, cùmque pueri, ut priùs
monstravimus, nascantur ferè ab eodem im-
munes: vix contingit eum ante sextum men-
sem, immò rarò ante nonum, evidenter in
actum prorumpere. Atque adeò rationes
reddidimus, ob quas infantes modò nati, non
obstante constitutionis debilitate, ad plures
menses ab hoc affectu defendantur.

IIo. Causæ, cur pueri à nono mense ad se-
quiannum etatis indies hoc morbo frequentius
infestentur, sunt hæ.

Exceptis
certis
casibus.

Cur In-
fantes à
9º mense
ad sesqui
annum
etatis in-
dies hoc
morbo
frequen-
tiùs infe-
stentur.

Iº

1^o. Quod causa prima, modo proposita, inre-
cens-natis hunc effectum arcens, indies remittat
& ante nonum mensem planè evanescat. 2^o. Si-
militer causa propulsiva secunda suprà data ante
hanc etatem indies efficacior redditur. Etenim
infantum manus, post menses aliquot, si non
priùs, à communi involucro liberari solent;
& fortè ante semestrem etatem pedes quoq;
interdiu, licet noctu iterum fascientur. Inter-
diu ergò saltem membra externa communi
hoc fomento destituntur. Sæpe etiam errant
nutrices, dum infantes debiliores præmature
quæ cibi- vestibus induant. Perperam quippe numero
liores in- mensium tempus vestiendi definiunt, cum
fantes pragmatu- potius ex activitate ac robore motus pedum
vestibus & manuum id æstimare deberent. Ubi enim
induunt, motus & exercitium istarum partium plus
notatur. Quando conserat ad excitandum & fovendum earum
fasciæ in- calorem pulsusque prioritandos, quam fatus
fantibus fasciarum, proculdubio maturum tum tem-
sint exu- pus est pueros è fasciis liberandi. Porrò 3^o
uendæ. Post nonum mensem pueri ferè varias sorbitiones,
preter lac mammarum, admittunt, & ex varia
dieta facilius in victus errores labuntur. 4^o
Tarditas motus hujus morbi non impedit quin
post nonum mensem in actum prorumpat. Etenim
motus, præ tarditate imperceptibilis, traectu
aliquot mensium, manifesta sua vestigia pro-
fert. Ultimò dentitionis mala huc etiam non
parùm contribuunt. Incipit enim dentitio
ferè

ferè circa septimum mensem , variáque symptomata secum adfert, quæ facile tenella corpora ad hunc affectum disponant.

IIIº Causæ cur morbus hic post sesqui-
annum ætatis inter cunas frequentissimè
graſſetur, ſunt ;

1º Quid recitatæ prius cauſæ propellentes
hunc affectum in junioribus, ſub hac ætate planè
ſublate ſint, vel ſaltem inefficaciter admodum
agant.

2º Dentitionis mala, licet, quoad sympto-
mata immediata quæ proferunt forte ante
hoc tempus evanuerint, ut plurimùm tamen
in partibus primò affectis diſpoſitionem
quandam poſt ſe relinquunt, quæ clām ſe in
illis occultans, poſt aliquot menses hunc
morbum proferat. Eruptio verò dentium
caninorum ſive ocularium dictorum huic
maximè ſpectat; cum hi paullò ante ſequi-
annum ætatis erumpant, eorūmque eruptio
laboriosiflma eſſe ſoleat.

3º Accidentia quæ eveniant cauſâ abla-
ctionis huic etiam faciunt. Etenim tempus fo-
lenne ablaſtationis non longè antecedit ſe-
quianum ætatis : atque iſto tempore magna
mutatio circa diætam, pueris contingit, quam
agrè ferre ſolent. Quippe hinc iraſcuntur,
plorant, cibum præ animi motu averſantur,
haud facile placantur, neque ſati placide
dormiunt. Quæ omnia præviam ſaltem diſ-
positionem

Cur mor-
bus hic
frequentiffi-
mè pueros
poſt ſe-
quianum
ætatis uſ-
que ad ſe-
cundum
cum dimi-
dio effli-
gat.

positionem ad hunc morbum (licet forte multum postea actuandam) partibus primò affectis facile imprimunt.

Atque ita tandem percurrimus hanc secundam etiam collationem, juniorum nempe puerorum inter se, causasque breviter explicuimus, cur isti pueri sub alia aetate magis, sub alia minus huic malo exponuntur.

Restat adhuc tertia pars quæstionis, quam nos reservâsse diximus in calcem hujus disputationis examinandam. viz. *An forte aetate grandiores aliquando (et si rarissime) in hunc effectum incident?*

*An aetate
grandiores
unquam in
hunc affe-
ctum inci-
dant? Af-
firmativa
asseritur
sub certis
limitatio-
nibus.*

Dicimus primò, Quod ad illam partem essentiae hujus morbi attinet, quæ consistit in intemperie humidâ, aliqualem differentiam etum expectandam esse inter illam intemperiem in junioribus pueris, & grandioribus, juvenibus, viris, maximè senibus. Etenim eadem differentia, quam suprà posuimus inter intemperiem humidam juniorum puerorum & senum, secundum magis & minus observari potest inter aetates intermedias, magisq; ideo cocta ac genuina erit humiditas juniorum, minus seniorum, ut ex eodem ratiocinio, mutationis mutandis, obvium est colligere.

Dicimus 2^o Quod ad vitia organica attinet, necessariò vasta occurrit differentia inter hujusmodi morbos pueris & grandioribus aetate fortè incidentes. Ossium enim tumores in

in carpis & talis, ut & illa pectoris acuminatio, nec non capitis ac pectoris improportionatè aucta moles, aut multò minus eminenter deprehendentur, vel planè absfuerint, præsertim in adultis. Etenim crescente ætate partium figura & propertio indies confirmator, stabilior & immobiliar redditur; neque facile contingit unam partem præ altera tam insigniter per veram augmentationem ex crescere.

Dicimus 3^o Exceptis duabus conditionibus premissis, idque eo modo, quo propontuntur, posse hunc affectum secundūm cæteras ejus essentiæ partes (licet admodum raro, & non nisi gravissimis de caussis) grandioribus pueris, juvenibus, viris, & senibus accidere. Nam 1^o Intemperies frigida proculomni dubiis contingere potest, licet non æque facile ac puerulis. 2^o. Intemperies humida similiter, sed sub limitatione modò propositâ. 3^o Penuria spirituum insitorum, licet non nisi potentissimis de caussis, iis etiam incidere potest. Etenim morbi longissimûlque colliquantes habitum partium, aut eum in auras dissipantes, aut longiori inedia & atrophiam conficientes, spirituum insitorum inopiam necessariò post se relinquunt. Videamus partes externas etiam in adultis ab ejusmodi caussis extenuatas & absumptas enervari, languescere, flaccescere, & omnino sufficienti

Q 2

sufficienti spirituositate destitui. Concedimus tamen in adultis evicto morbo emaciante, ob vigorem pulsuum citò reparari spiritus absumptos, hujusque morbi posita rudimenta intra unam vel alteram septimanam eradicari, & per consequens rarissimè ea in adultis reperiri. Interim si forte contingat, ut absumptis spiritibus infitis impedimentum aliquod interveniat, quod retardet eorundem reparationem, fieri potest, hunc morbum, modo quo dictum est, succrescere. Torpor vero spirituum inopiam necessariò consequitur. 4º Partes essentiae secundariae cum multum à vitiis primariis dependeant, ubi hæc diutiùs perseverant (exceptis tantum vitiis organicis) suo ordine supervenire queunt. Adeò ut non dubitemus quin morbus hic datis restrictionibus modo propositis & gravissimis urgentibus causis iisque diu persistentibus, cuivis ætati ultra pueritiam contingere possit.

Historia
morbi a-
dultis a-
pud nos
interdum
contin-
gentis
huic pue-
rili morbo
multum
ad simili-

Apud Anglos morbus quidam senibus aliisq; extremè debilitatis nonnunquam accidit, qui huic morbo admodum similis est, si non ejusdem planè speciei, salvis tantummodo exceptionibus prædictis, vernacula linguâ eos affectos bedridden, quasi dicas *lecto affixos* vocamus. Hi neque de dolore, neque alio alicujus momenti malo queruntur, nisi quòd eorum partes motui inservientes, illæ ipsæ

ipsæ nempe, quas primò affectas in hoc morbo vocamus, extremè sint debiles, molles, laxæ, flaccidæ, enervatae, ita, ut vix sufficiant corporis oneri sustinendo, cùm interim eæ neque sint paralyticæ, neque sensu aut motu penitus destituantur. Dum hi in lecto recumbunt, alacriter quasi sani loquuntur, surgere autem vel incedere neque possunt neque volunt. Non minus enim aversantur motum, quam ad eum obeundum inepti sunt. Edunt, bibunt, dormiunt, fermè instar sanorum. Videtur morbus hic multum saltem affinitatis habere (si non sit ejusdem familiæ) cum hoc affectu puerorum.

Porrò testatur aliquis nostrum se sub manibus habuisse curandum virum generosum 30 circiter annos natum, qui ex immoderato vini & Tabaci usu quotidie ferè per aliquot annos continuato, neglectâ debitâ cibi assumptione, in eam ventriculi debilitatem incidit, ut quotidie manè vomuerit, omnémque planè cibum aversatus sit, atque ubi eum invitus admitteret, vomitu rejeicit. Coactus tandem est pro sedandâ ventriculi irritatione, ad quotidianum aquæ vitæ vulgaris usum configere; postea autem ex hac tum cerevisiâ lupulatâ veteri, adjecto saccharo, confecit sibi potum, quo solo per tres fermè menses vitam sustinuit. Interim omnes partes quas in hoc morbo primò affectas

Observatio Tri-
genarii
morbo
huic per-
quam si-
mili labo-
rantis.

Q. 3

festas vocamus, extremâ macie conficiebantur, simûlque molles, laxæ, flaccidæ & languidæ reddebantur, adeò ut neque se in lecto vertere, neque surgere, neque incedere, aut erectus stare potuerit, nullus tamen committatus est dolor, neque ulla aut sensus aut motus privatio, non tussis, non respiratio difficultis. Facies partésque circa caput floridæ, benè habitæ, benéque coloratæ conspicebantur, ut ex solo vultus intuitu vix suspicareris hominem ægrotasse. In lecto decumbens sedatè cum sociis fabulabatur, per vices peti fumum exfugens, potumque prædictum ehibens. Eventus morbi non quidem ad hunc locum pertinet; breviter tamen in eorum gratiam, qui eum scire expectunt, annectimus. Medicus advocatus, interdictâ intemperantiâ, & præter alia remedia, exhibito præcipue gr. iß. *Laudani Londinensis*, compescuit nauseam, tum ventriculi tumultum, quam partem etiam internis tum externis roboravit, cibum probum facilisque coctionis præscripsit. Loco exercitii frictionibus maturinis calorem ad externas partes solicitavit, porrectâ priùs exigua quantitate elect. *roborantis* & *aperientis* cum tantillâ portione chalybis confecti, & propinatis ȝij vini absynthio & mentha conditi, & cum croco in nodulo suspenso parum tincti, immixtis ȝij cerevisie tenuioris adjecto saccb.

sacch. ad gratiam. Porro purgatus est per intervalla benignis medicamentis, & vesperi cordialibus refectus. Intra 20 dies in tantum convaluit, ut foras prodire, per horæ spatium abambulare, scalas cum ascendere, tum descendere sine sustentaculo valuerit. Postea verò à simili intemperientiā recidivam. passus, absente medico defunctus est. Sed à diverticulo redeamus in viam, & ad scopum propositum sermonem nostrum dirigamus. Affectus ipse jam confirmatus, qualis erat, cum medicus advocaretur, præter ventriculi mala, visus est includere maximam partem essentie hujus morbi, de quo agimus. Etenim in partibus motui inservientibus, iis nempe quæ in hoc morbo primò affectæ sunt, intemperies frigida, sive ob defectum motū, sive ob imminutum vitalis sanguinis affluxum, tactu manifestè deprehendebatur. Deinde in iisdem partibus intemperiem humidam ostendebat earum mollities, lubricitas, laxitas, flacciditas. Inopiam spirituum infitorum fatis evincebat extrema istarum partium macies, torporem ineptitudo ad motum, & affectatio quietis. Inæqualem sanguinis distributionem arguebat habitus plenior & floridior partium circa caput, dum cæteræ partes essent extenuatae. Peculiaris autem causa hujus inæqualitatis in hoc ægro potuerit fuisse frequens vomi-

Q 4

tio

tio , quā uberior sanguinis affluxus ad partes circa caput concitatus fuit, cæteris eo prope- modum destitutis.

Ex jam dictis facile est cuivis perspicere maximam saltem partem essentiae hujus morbi in memorato affectu conclusam fuisse. Unde tandem probabiliter inferre licet, pos- sibile esse hunc affectum adultis etiam sub propositis limitationibus accidere ; licet is rarissimè in illis occurrat, quod gravissimas caussas per longum tempus superstite vitâ continuatas ad suâ introductionem postuleret. Atque itâ demum disquisitioni super hac priori quæstione terminum imponimus.

C A P . X I X .

Quæstio posterior.

*Cur in Anglia frequentius hic morbus occurrat,
quam in aliis regionibus ? & An sit
Anglis vernaculus ?*

Dari morbos *Endemios* sive *vernaculos* & *patrios*, qui nempe certæ alicujus regio- nis incolas, ob communem caussam, frequen- tius, quam aliorum locorum incolas infe- stent, communi medicorum consensu re- ceptum est. At cum relatio regionis ad morbos in ea frequentius grassantes diversi- moda

moda observari possit; & cùm viri etiam cordati morbis nonnullis denominationem à certis regionibus impropiè adscripserint; denique cùm illi, qui hactenus de morbis vernaculis tractarunt, omnes morbos in quavis regione frequentiores indiscriminatim (ac si de morbi vernaculi naturâ ex æquo participarent) vernaculos nuncupârint; operæ-premium duximus nonnulla de horum morborum inter se differentiis præsenti disquisitione præmittere.

I^o Ergò, morbi à regione denominantur vel propriè, vel minus propriè & abusivè, vernaculi.

Morbi propriè vernaculi dicti 4 conditio- Quatuor conditio-
nes, ut sic dicantur, postulant. nes, ut

I^a Conditio est, *ut sit morbus frequentior in illa regione, cui attribuitur ut vernaculus, quam in ulla alia regione, cui non attribuitur ut talis.* morbi di-
cantur propriè vernaculi.
Etenim morbus vernaculus perpetuò supponitur diversas regiones inæqualiter respicere; unamque magis (illam nempe cui adscribitur) aliam vero minus infestare.

II^a Est, *ut dependeat morbus ab aliquali loci inclemtiâ.* Morbus enim propriè vernaculus quoddam crimen & vitium ipsi loco imputat. Quando ergò locus ipse peculiaris cuiusdam vitii non reus est, impropiè certè, immo falsò, atque injustè stigma tale ei imputatur.

III^a

III^a Conditio, ut regionis inclemencia tanta sit, ut etiam cautores eosque qui debitum sanitatis regimen locoque appropriatum diligenter observent, afficiat. Certis quippe regionibus peculiare quid in sanitatis regimine debetur. Ubi ergo populus, posthabitâ ejusmodi peculiari loci observatione, ex errore in rerum non-naturalium usu, in morbum aliquem epidemicum inciderit, non is pro Endemio seu vernaculo habendus est, sed errori, imprudentiae, aut incognitiae & negligentiae incolarum adscribendus est. Morbus enim hic, quem supponimus, praecaveri poterat, modo regimen sanitatis loco appropriatum fuisset rite observatum.

IV^a Est, ut vitiosa ista regionis constitutio aliquandiu permanens & durabilis sit, aut ad minimum frequenter recurrens. Vitium enim loci quod fugax est, neque diu durat, nec saepius recurrit, ut extraneum quid & mere adventitium respectu regionis habendum est, ut morbum patrium propriè non denominet. Exempli causa, si perniciosa quædam & insolita aura ex aliis regionibus huc fortè afflaretur, morbumque communem produceret, eaque non ultra menses aliquot vigeret, certè morbus ille non propriè vernaculus, at fortuitus casuque eveniens dicendus esset. Quapropter Febris Ungarica, tum sudor Anglicus, licet ab ipsis regionibus respectivè nomen

nomen fortiti sint, minùs propriè jam saltem vernaculi nuncupantur, cùm careant durabili fomite in istis locis persistente, & cùm vel planè cessarint, vel saltem non magis hic aut illic, quām alibi impræseutiarum dominentur.

Morbi impropriè vernaculi includunt quidem primam conditionem propositam propriè sic dictorum; scil. quod frequentius in priè dicantur vernaculi.
 Carent tamen 2^a, 3^a, vel 4^a. Vel enim carent fomite in regione radicata, vel fomes, quem habent, admodum debilis est & inconsiderabilis, quīque ex regimine diætæ loco appropriato superari potest; vel denique fomes non permanens & durabilis est, neque frequenter recurrit. Per fomitem autem hīc intelligimus aliquid respectu sanitatis culpabile in ipsius regionis conditione fundatum. Quando ergo morbus aliquis communis & frequens oritur ex abusū alicujus commoditatis regionis, ut si gens aliqua propter uberiorem frugum vel fructuum pruentum, similēmve fertilitatem regionis, vel propter diuturnam ac securam pacem, intemperantiæ, socordiæ, aliisve vitiis se addiceret, indēque morbum aliquem communem incurreret, morbus is non propriè vernaculus

lus censendus est. Occasio enim istius morbi, quam suppeditavit patria, in se laudabile quid est, idéoque quodcumque ejus abusu accidit non patriæ, ast soli incolarum errori jure imputandum est. Similiter, si fomes morbi sit culpabilis, neque tamen is in ipsa constitutione regionis fundetur, verùm in aliqua hominum actione, ut quando ex clade belli inhumata cadavera putredine suā aërem inquinant, indéque morbum Epidemicum producunt, non est hic morbus vernaculus dicendus, cùm ab arbitrio hominum, non proprio loci vitio dependeant.

Morbus etiam nonnunquam per calumniam & abusivè genti vel loco adscribitur, ex pravo & malevolo animo alicujus gentis vicinam defamare cupientis. In hunc modum Neapolitani Luem Venereum morbum Gallicum vocant, quasi is Gallis esset vernaculus; è contrà Galli calumniam illam in Neapolitanos retorquent, & eum morbum Neapolitanum nuncupant. Verùm de his satís.

Morbus propriè dictus vernaculus, vel originalis & antiquus, vel adventitus & novus. Originalis is est, qui, primâ loci inhabitatione, incolas infestavit: hujus generis fortè est Bronchocele apud Alpinos; Febris illa ardens, quam Calenturam vocant, sub Zonâ torridâ; mortificatio sive sphacelus par-

partium à frigore sub Zonis frigidis versus Polos.

Morbus vernaculus adventitius seu novus
is est, qui ob communem aliquam causam
denovo regioni supervenit. Hic triplex est.
Nam, vel provenit ab originali aliquo vitio
regionis, tractu temporis, in incolarum sanitatem
aliquâ ipse Regioni accidente, vel ab incongruitate
loci cum complexione novorum incolarum.

1º. Morbus vernaculus novus regioni su-
pervenit ab originali aliquo vitio, tractu
temporis, prævalente. Fieri enim potest, ut
firmiora corpora primorum incolarum ali-
cujus loci validè insalubri influxui regionis
resistant, & morbi vernaculi invasionem per
multa secula repellant, licet postea proge-
nies illorum, tractu temporis, paullatim im-
mutata in ista peculiari ratione cōplexionis,
quâ ante resistebant, in morbum aliquem
vernaculum demum labantur. Etenim plica
Polonica Sarmatis & Polonis, scorbutus in-
colis littoris maris Baltici morbi sunt verna-
culi, iidemq; morbi novi sunt, & (ut omnes fa-
tentur) veteribus planè incogniti. Jam verò
nondum constat ullam notabilem aut insig-
nem immutationem vel innovationem, istis
regionibus accidisse ante illorum morborum
eruptionem, cui possis novi morbi originem
probabiliter adscribere. Quare dicendum
potius videtur novos istos morbos ab anti-

quo

quo & originali locorum vitio profluxisse,
non tamen eos prius exortos ob peculiarem
vim primorum incolarum iis resistendi. Nam
& in hunc usque diem nonnullas familias in
prædictis locis ab istis morbis immunes, re-
gionumque injuriæ nec dum cedentes, perse-
verare credibile est.

2º. Morbus vernaculus novus provenire
potest ab immutata vel innovata regionis
constitutione. Hujusmodi innovationes lo-
corum accidunt, aut ab inundationibus aqua-
rum, aut terræ motibus, aut eruptionibus vel
novarum scaturiginum pernitiosarum, vel
novarum exhalationum fortè mineralium è
cavernis terræ, à maligno aliquo siderum
aspectu similibusque cauissis.

3º Morbus novus vernaculus provenire
potest ab incongruitate loci cum incolarum
complexione. Hujusmodi morbi maximè
accidunt gentibus, quando ab una regione in
aliam migrant, præsertim ubi constitutiones
regionum, in quas se conferunt, admodum
diversæ sunt ab iis, à quibus recedunt. Sic
Angli qui primùm Virginiam inhabitârunt,
tumore Abdominis & Hypochondriorum
frequenter affligebantur; qui, ubi in Angliam
redierunt, haud difficulter curabantur: ast illuc

*Alia mor-
bi verna-
culi diffe-
rentia.* permanentes, non æquè facilé.
Porro morbi vernaculi inter se differunt,
quod alii *ex toto* dependeant ab inclemetia
regionis,

regionis, alii *ex parte* tantum. Prioris generis videtur sphacelus membrorum à frigore in septentrionalibus tractibus Polo viciniорibus : integra quippe morbi essentia inclem̄tiae loci adscribi potest. Posterioris generis videtur Lues Venerea apud Indos occidentales. Putatur enim illic contrahi partim ex impuro concubitu, partim ex peculiari insalubritate loci. Similiter in Hybernia dominatur dysenteria, quaē partim dependet à constitutione loci, partim ab erroribus diætæ. Atque hæc in genere de morborum vernaculorum differentiis dicta sint. Proximè jam inquirendum, *Cur in Anglia frequentius quam in aliis regionibus morbus hic occurrat?* & obiter notandum *an, & quatenus idem sit Anglia vernaculus?*

I^o Sciendum est Angliam esse insulam, & *Angliae non nihil humiditatis* à viciniâ maris, tūm *frigiditatem* à distantia ab æquatore mutuare, temperies frigida & humida.
deinde eam innumeris propè fontibus ubi-vis ferè locorum scatentibus abundare ; denique multis pluviis iisque frequentioribus quam pleraque aliae regiones irrigari : Quæ omnia frigiditatem atque humiditatem loci satis attestantur. Cùm ergò intemperies frigida & humida sit pars essentia hujus morbi, facile inferre licet corpora incolarum magis hic ad istas intemperies inclinari quam in aliis regionibus calidioribus & fccioribus.

Si

An, &
quatenus
hic mor-
bus dici
possit An-
glis verna-
culus.

Si ergo quæras, an hic morbus, ex hac
saltem sui parte rectè dicatur Anglis verna-
culus?

Respondemus, eum quodammodo sic dici
posse (licet fortè non propriè) eatenus ni-
mirum, quatenus aliis regionibus pariter
humidis ac frigidis (etsi in iis fortè nondum
observetur) idem, ut vernaculus, attibuitur.
siquidem illæ regiones etiam æquè dispositæ
sunt ad frigidam & humidam intemperiem
suis incolis imprimendam ac ipsa Anglia.
Notandum autem est intemperiem frigidam
& humidam esse partem essentiæ hujus mor-
bi communem, & per se solam eundem non
specificare, neque omnem intemperiem fri-
gidam & humidam hunc morbum inferre.
Quapropter licet concedamus excessum fri-
giditatis, & humiditatis Angliæ vitio verti
posse, negamus tamen inde rectè inferri mor-
bum integrum esse Anglis vernaculum.

Porro reperiantur fortè regiones, quæ, re-
spectu tum frigiditatis, tum humiditatis An-
gliam longè excedant, ut *Scotia*, *Hollandia*,
Zelandia, *Hybernia*, *Dania*, similésque, in
quibus tamen nondum hic morbus frequen-
ter grassari notatus est; si ergo hic morbus
non rectè imputetur his regionibus, in quibus
viget communis illa causa, excessus nempe
frigiditatis & humiditatis, certè neque An-
gliæ propter istam communem causam, quæ
hic

hic levior est, jure imputetur. Adhæc frigidas & humiditas Angliae non eosque à mediocritate recedunt, quin extrà admotis, intus assumptis, exercitiis & similibus, recto nempe usu ⁶ rerum nonnaturalium satis supérque corrigantur, quò minus hæc imputatio ei altius inuratur. Quapropter si hæc ita se habeant, si nimirum intemperies frigida & humida sint tantùm cōmuni pars morbi, si aliae regiones, in quibus nondum viget morbus, sint ad minimum æquè obnoxiae frigiditati & humiditati, si denique istæ intemperies regimine diætæ loco appropriato præcaveri possint, certè ratio ab humiditate & frigiditate climatis desumpta, quam modò reddidimus, cur Angli frequentiùs hoc morbo tententur præ aliis, valde manca & insufficiens erit, ut nobis in hac sola acquiescere minimè liceat; ideoq; nihil aliud illam assig- nando voluimus, quam Angliam hinc magis disponere incolarū corpora ad hunc affectū, quam calidores ac sicciores regiones suorum incolarum corpora. Atq; adeò ad alias hujus frequentiæ caussas investigādas procedimus.

II^o Loco annotare possumus Angliam Anglia esse admodum *proliferam*, & tum conceptioni ^{regio ad-}
tum gestationi satis favere, neque abortibus ^{modum} *prolifera-*
ità obnoxiam. Hinc autem evenit, ut non
tantum viri robustiores validioresque, & in-
tegrā sanitatem prædicti, sed & languidiores,

R de-

debiliores, ac valetudinarii generent; fœminæque infirmæ, cachecticæ, cacochymicæ, immo & in Tabem pronæ concipient, ad novum mensum gestent, legitimèque pariant. Minimè autem mirandum est, si fœtus è tali feminio genitus, quíque soli ferè clementiæ loci vitalitatem suam debet, minùs vegetus & vigens, minùsque nervosus, & in hunc affectum planè pronus in lucem edatur. Etenim ipsa benignitas regionis hoc respectu non nullæ infirmitatis in genere occasio esse potest. Quemadmodum enim bárbari olim populi inhumaniter tractando recèns natos infantulos, eos nempe nudos prægelidis lymphis sub dio immergendo, infirmiores frigore ipso enecárunt, robustiores verò solos, qui injuriæ ejusmodi tractationis non succumbabant, educárunt, unde universa gens ab ista inhumanitate valida tandem ac robusta evasit; ità quoq[ue]t è contrâ ipsa clementia loci infirmiores fœtus promiscuè unâ cum robustioribus præservando mixtam quandam gentem ex infirmis & validis conflatam proferendi occasionem ministrat. Nè quis tamen erret, non volumnus omnes in hac regione pueros in hunc affectum prinos ab infirmis parentibus & valitudinariis fatos fuisse. Licet enim parens uterque vel alteruter infirmus ut plurimùm similem prolem edat, frequenter tamen videmus parentes satis validos

dōs etiam prolem huic morbo facilē obnoxⁱ
iam generare. Quare necdum in hac secunda
causa acquiescimus, sed alia adhuc adinve-
nienda est, à qua sufficiens ratio frequentiæ
hujus morbi apud nos derivari possit.

III^o Ergò loco dicimus frequentiam hu-
jus morbi in Anglia multum fuisse promotam Diuturnat
pax occa-
sio est
à diurna ac secura pace regionis primam ejus effemini-
eruptionem præcedente. Per hanc enim di-
tiores familiæ, quas primas hic morbus infe-
stavit, & adhuc præ aliis infestat, otio se ac rum.
delicatiōri molliorique vitæ generi addixe-
rant, indéque in constitutionem humidorem,
laxiorem, molliorem, effeminatam, & ab
excrementitiis humoribus minus perpurga-
tam inciderant, adeoque liberos huic morbo
facilē obnoxios procrearant. Dicas, Scotiam
ac septentrionales partes Angliæ ipsius, licet
pari pace & securitate potitæ essent, non pari-
ter tamen, immo rarissimè hoc affectu affligi
observatas.

Respondemus, revera Scotiam & septen-
trionales partes Angliæ quam australes & oc-
cidentales rariūs ac mitiūs hoc morbo affici.
Interim fortè prima ejusdem vestigia &
quasi rudimenta longè frequentiora sunt
etiam in locis distis, immo & nonnullis
exteris regionibus, quibus vix dum morbus
notus est, quam vulgo creditur. Etenim licet
hic morbus australibus & occidentalibus

R 2 Angliæ

Angliae tractibus admodum familiaris sit, vulgoque, satis notus; saepe tamen videre licet pueros eo leviter affectos, de quibus neque parentes, neque alii ejusdem familie vel conqueruntur, vel quid mali suspicantur: immo multos novimus solo beneficio aucti caloris sive incremento aetatis sive exercitiis sanatos absque ope medica, quos nemo amicorum affectos putaverat. Quantò ergo facilius prima rudimenta hujus in orbi illos lateant, quibus minus familiaris est, & apud quos rarissime ad eum gradum ascendet, ut opem medicam opus habeat implorare.

*Morbus
hic longi-
us latiusq;
extenditur
quam vul-
go credi
solet.*

Suspiciamus ergo hunc affectum frequentiorē esse quam credi solet, tum in Scotia tum in septentrionalibus Angliae partibus, immo & in nonnullis regionibus, in quibus hactenus ignoratur; verum in iis locis mitius & remissiori gradu affligere, ut in medicorum manus non facilè deveniat. Is enim mos vulgi est, medicum non accersere (præsertim ad infantes & puerulos) nisi morbus satis vehementer urgeat. Ut cunque se res habeat, nondum quidem videmur satisfecisse propositae objectioni, cur Angli occidentales & australes gravius & frequentius septentrionalibus & Scotis cum hoc morbo confitentur, et si pax & securitas utriusque regioni par fuerit. Cœcedimus ergo ulteriorem adhuc rationem hujus differentiae succenturiandam esse.

IV°

IV^o Itaque & ultimò dicimus hujus differentiæ caussam esse affluentiam omnium bonorum in australibus hisce & occidentalibus Angliae partibus. Est enim hæc pars Angliae multo florentissima, opulentissima, feracissima, voluptatis illecebris omnimodæ instru-
tissima. Haud mirum ergò si hic primò hominum vivendi genus mollescere, vires labascere, corporis robur & tonus exsolvi cœperit. Versùs septentrionem durius vivitur, frequentius exercitium corporis obitur, luxui & voluptatibus minus indulgetur. Jam verò quod mollior ac delicior vitæ ratio, tractu temporis, familias enervet, satis superque nobis historiæ testantur, ut aliâ probatione opus non fuerit. Observare enim licet nobilissimas generosissimâsque familias ob hanc ipsam caussam seriùs aut citius degenerasse, aut etiam extinctas fuisse, eoque citius quod magis aversatae sunt labores & mascula exercitia, siveque mollitiei, otio, lusibusque foemininis addixerint. Neque unquam in majori periculo degenerationis familiae versantur, quâm ubi bonis omnibus affluunt, & ob copiam securitatēmque parentes ad mollitem, otium, vitamque effeminatam, procul omni labore, curâ, & solitudine, quâm maximè invitantur. Quis opulentior, securior, aut effeminatior Solomone? filium hic post se reliquit Rehoboam

R 3

dege-

Australes & occiden- tales An- gliae partes multo sunt fertiliores ac opulen- tiores
quâm sep- tentriona- les.

Mollior vitæ ratio tractu temporis familias enervare solet.

15102018

degenerem. Henrici octavi linea extincta
fortè est ob similem causam. Innumera
propè exempla in hanc rem accumulare, si
opus esset, liceret. Utut sit, videmus hunc
morbum ditiores familias frequentius tum
gravius affligere quam pauperes; quare ne-
que mirandum eum ditiores atque amoeni-
ores quoque partes Angliae, australes
nempe & occidentales prius invasisse quam
septentrionales. Sed de hac re haec dicta
sufficient. Restat tantum inquiramus an &
quousque tres ultimò assignatae causae respi-
ciant denominationem morbi vernaculi, &
an propter illas morbus hic Angliae attribui
possit ut vernaculus?

Morbus
hic non
propriè
dici potest
Anglis
vernacu-
lus.

Sciendum igitur est tres hasce causas in
quantum à regione dependent, non esse
causas per se, neque ex natura sua morbum
hunc producere; verum esse tantum occasio-
nes ob quas per accidens morbus hic oriri
possit. Per se enim laudabiles regionis con-
ditiones denotant, nedum quid culpandum
in eâ inferunt. Quis enim patriam suam
criminari possit, quod ea procreationi libe-
rorum faveret, multò mihius id improbare,
quod longā securaque pace frueretur; de-
nique minimè omnium accusare amoenita-
tem regionis, fertilitatem, bonorumque om-
nium affluentiam. Hæ enim omnes ex se
benedictiones sunt, conditionesque patriæ

ex-

exoptandæ. Cùm ergò suprà monuerimus morbum propriè vernaculum notam aliquam constitutionis vitiosæ loco, cui adscribitur, inurere; fieri non potest, ut propter regionis commoditatem, ei morbus aliquis, ut propriè vernaculus, attribuatur. Quapropter (ut verbo, quæ dicta sunt fusiùs, complectamur) licet hic morbus ex parte frigiditatis & humiditatis solum in ipsa regionis constitutione habeat; licet etiam tres alias occasiones invadendi à regione mutuet, cùm tamen, per debitam observationem regiminis sanitatis, loco appropriati, intemperies istæ præcaveri possint; & cùm tres reliquæ occasioñales causæ per se minime culpabiles, ast exoptabiles sint, morbum hunc non esse propriè Angliæ vernaculum dicendum est. Atque ita finem imposuimus disquisitioni nostræ de causis hujus morbi.

C A P . X X .

Differentia morbi Rachitidis.

Plures sunt hujus morbi *differentiae* ob variorum malorum concursum, quam quis facilè putaret; quarum aliæ majoris, aliæ sunt minoris notæ. Præcipuas hic breviter

R 4

pro-

proponere decrevimus. Earum enim cognitio non modò ad signa prognostica definienda utilis est, quò variii morbi eventus distinctè, secundùm illas differentias, prædicantur; sed & insuper multùm ea conduceit tām ad præcautionem, quām ad curationem morbi, viz. ut ex earum consideratione apposita & proportionata præsidia eligantur.

Divisio differentiæ ipsæ essentia morbi, vel ab ejus causis, vel denarum. à morbis cum eo complicatis. Morbi essentia diversimodè variare potest. Viz. 1º Ratione partium essentiæ secundariæ præsentium vel absentium. 2º Ratione magnitudinis. 3º Ratione vehementiæ. 4º Ratione virium. 5º Ratione temporum.

Concedimus equidem nonnullas differentias hisce titulis subjectas aliquo modo coïcidere: cùm tamen formales earum conceptus distincti sint, diversas certè merentur considerationes. Licet enim morbus eo ipso etiam respectu dicatur major, quòd plures essentiæ secundariæ partes in eodem ægroto complectatur; diversa tamen & distincta est hæc consideratio ab illâ magnitudinis. Etenim magnitudo propriè respicit gradum recessus à naturali statu, non naturam partis essentiæ presentis vel absentis. Hinc quippe differentia plusquam gradualis resultat. Similiter nonnullæ reliquarum differentiarum

rum idem forsan in concreto significant; at
verò in abstracto & formaliter diversum
quid & separatæ considerationis designant.
Sed pergamus.

1^a Differentia hujus morbi illa est, quæ ¹ Diff.
oritur à præsentia plurium vel pauciorum
partium essentiæ secundariæ ejusdem. Ete-
nim licet omnes partes essentiæ primariæ
perpetuò adsint præsente ipso morbo, non
tamen necesse est omnes partes secundariæ
essentiæ semper adesse. Siquidem hæ acces-
soriæ sunt essentiæ primæ, eique paullatim
superveniunt: immo nonnullæ earum inter-
venientibus caussis impedientibus ità planè
intercipi possunt, ut omnino non appareant.
Huc referas illam differentiam, quam in
calce præcedentis disputationis proposui-
mus, quāmque adultis possibile esse accidere,
etsi rarissimè, demonstravimus. Verùm
cùm nostrum institutum sit de morbo, quā
puerili, hic tantum tractare, sufficerit hanc
differentiam sic obiter notatam præterire.
Sed & in ipsis etiam pueris contingit ali-
quando nonnullas essentiæ secundariæ partes,
quæ cum essentia primaria etiam conjunctif-
simæ sunt, saltem ordine naturæ succedere.
Primaria enim essentia caussæ vicem susti-
net, quæ semper naturâ prior est causato.
Veruntamen ordine temporis nonnullæ
partes essentiæ secundariæ simul quasi cum
essentia

essentia primaria invadunt, aliæ autem tractu temporis superveniunt. Quæ hoc loco veniunt distinguendæ. Illæ enim planè inseparabiles sunt, hæ verò separabiles ab hoc morbo.

Partes essentia secundariæ inseparabiles reduci possunt ad hæc capita. 1^o *Ad Tonum partium primò affectarum vitiatum.* 2^o *Ad inaequalem & imperfectam distributionem vitalis sanguinis.* 3^o *Ad imminutam participationem vitalis influxus in partibus primo affectis.* 4^o *Ad vitia secundaria constitutionis animalis.* Vitia hæc superiùs, in discursu nostro de essentia secundaria hujus morbi, satis explicantur; ubi quoque, propter arctam eorum connexionem cum essentia primaria, quivis facile percipere potest ea simul tempore (licet non sine causali dependentiâ ab essentia primaria) incipere.

Verum Organica vitia omnia suprà quoque memorata, separabilia & nonnunquam actu separata ab hoc morbo deprehenduntur. Etenim magnitudo Capitis, macies artuum, incurvationes five Tibiæ five ulnæ, inflexiones articulorum pectoris angustia, non statim ab initio hunc affectum necessariò concomitantur, sed tractu temporis paullatim morbo succrescent. Et licet ~~αισθησία~~ partium, qua quodammodo in jam dicta vitia influit, levissimo gradu dici possit adesse ab initio morbi;

illa

illa tamen ipsa ex se tantum symptoma est, & non morbos, neque mox à principio istos morbus magnitudinis, figuræ, & situs producere valet. Porro non necesse est, ut simul, & ex æquo vitia hæc organica Rachitide laborantem invadant. Concedimus quidem extenuationem partium 1^o affectarum, ubi morbus aliquandiu durat, semper & necessariò ei succedere, neque postmodum perseverante morbo amoveri posse, esse præterea partem principem inter partes essentiæ secundariae separabiles; immo extenuationem sicutem immediate consequi imminutam nutritionem partium primò affectarum, haud aliter ac imminuta nutritio sequitur immediate primam essentiam morbi in dictis partibus; Interim dicimus extenuationem factam, quæ secundaria morbi pars ipsa est, de qua loquimur, necessariò præsupponere morbi motum ac tempus, atque in primo momento existentiæ morbi existere non posse. Dicimus insuper medicos non agnoscere ullam mutationem factam in partibus sensui expositis, quæ sensui nondum comparcat, & per consequens neque extenuationem factam in partibus primò affectis, donec ea sensibus obvia fiat, quod certè durationem aliqualem morbi necessariò præquirit. Improprio ratio verò Capitis magnitudo, simul ferè incipit cum ista extenuatione partium

partium primò affectarum; verùm fieri potest, si Phthisis colliquativa cum hoc morbo fortè complicetur, ut ejusmodi magnitudo capitis ante obitum evanescat, quemadmodum suprà in observationibus Anatomicis exemplo uno probavimus. Magnitudo ergò capitis magis separabilis est ab hoc affectu quam extenuatio partium primò affectarum: hæc quippe amoveri non potest absq; ipsius morbi curatione. Ossium protuberantiae nunc citius nunc seriùs apparent, modòque magis, modò minus intra æquale tempus excrescunt: diu verò perseverante morbo rarissimè (si unquam) abesse cernuntur. Angustia pectoris non, nisi post longum tempus, confirmato jam morbo, supervenit, & Phthiseos fermè prodromus est. Tandem curvitas Tibiae & Ulnæ, ut & inflexio Articulorum, tum abesse potest per totum morbi decursum, tum secundum magis & minus adesse, atque inter ea, quæ hunc morbum sequuntur, maximè est fortuitum. Concludimus ergò partes hasce organicas essentia secundaria separabiles esse isto modo, quo jam diximus, & prout plures vel pauciores adsunt, morbi differentiam constitui, quâ alius magis, alius minus est compositus.

^{z Diff.}
^{à magni-}
^{tudine.} 2^a Differentia hujus morbi desumitur à magnitudine ejusdem. Magnitudo aestimatur ex majori vel minori ejus recessu à naturali statu.

statu. Vasta quidem occurrit differentia morbi, hujus respectu magnitudinis. Alii enim adeò leviter eo afficiuntur, ut vix dices eos omnino ægrotare : de nulla re queruntur ; edunt, bibunt, dormiunt sanorum similes ; tantum ludunt segniùs, & nonnulla alia leviora morbi stigma gerunt. Et solo ferè naturæ beneficio absque arte convalescunt, neque parentes, nutrices, aut adstantes facile sibi persuaderi patiuntur eos hoc morbo detentos fuisse. E contrà, alii tam atrociter affliguntur, ut etiam optimis præsidiis ab imminentis mortis periculo vindicari non possint.

3^a Differentia est à morbi vehementiâ. ³ Differ-
Hæc autem æstimatur ex violentiâ motûs ^{rentia à}
morbi, & natura renitentiâ, tūm ex magnitu- ^{vehemen-}
dine pugna harum inter se. Morbus hic, licet
aliás satis magnus sit, tardi tamen motûs est,
vixque, nisi febris aliúlve morbus urgens
conjugatur, naturam ad violentiorem pug-
nam proritat. Utcunque tamen motus ejus
aliquando concitatior, aliquando segnior est;
unde morbus qualemcunque differentiam
mutuatur.

4^a Differentia est à viribus Infantis vel ⁴ Diffe-
Pueri ægrotantis. Hæc æstimantur ex majore ^{rentia à}
vel minore præsentia eorum quæ sunt secundùm viribus.
naturam. Huc spectat conditio temperamen-
ti, spirituum insitorum copia, & activitas,
firmitas

firmitas toni, vigor constitutionis vitalis & animalis, organorum structura. Nam prout hæc magis vel minus secundum naturam se habent, ita robustiores vel minus robustæ estimandæ sunt vires, et sec. eas morbus vel periculosior vel minus periculosus judicandus. Juniores pueri ob hanc causam ceteris paribus periculosius laborant, quam seniores.

Differen-
tia à Tem-
poribus.

5^a Differentia est à morbi temporibus. Atque hæc differentia quodammodo in concreto includit omnes præcedentes. Quicquid enim differentiæ cuivis morbo accidit, necesse est id in aliquo morbi tempore accidere. Quatuor morbi *Tempora* à Medicis numerari solent; *Principium, augmentum, status, & declinatio*. Sciendum verò est Medicos paullò crassiùs in temporibus rerum distinguendis procedere, quam Philosophos. Non enim restringunt principium morbi ad id punctum temporis, quo morbus incipit; sed extendunt id eò, quo usque tanta alteratio morbi accidit, quanta certis ac sensu manifestis indicis dignoscatur. Etenim principium indivisibile non est tempus, quo actio medica perficiatur. Et quorū utilis esset ea morbi temporum distinctio quæ in nulla ejus alteratione nobis notā fundaretur?

Recte ergò Galenus tempora febrium & inflammationum ex cognoscibili earum alteratione

Approba-
tio divisi-
onis Tem-
porum
morb.
Galeni.

ratione deduxit: principium nempe à cruditate materiae morbificæ; augmentum à manifesta ejusdem coctione; statum ab excretione; declinationem à reductione reliquianum ad naturalem statum computavit. Atque hæc quidem tempora à cruditate & coctione &c discriminata febribus & inflammatio-
nibus apprimè quadrant. Verum distinctio Eiusdem
hæc temporum in multis aliis morbis non defectus
æquè feliciter succedit.

Natura enim in his non ità regulariter à cruditate ad coctionem, indè ad expulsio-
nem, & demum ad reductionem progredi-
tur, neque ex his morbi progressum certò &
tutò dignoscere possumus. Aliæ igitur mor-
borum horum alterationes clariores ac cog-
nitu faciliores attendendæ sunt. Concedimus
tamen hosce etiam morbos, ubi ad salutem
terminantur, quatuor ista tempora, principi-
pium, augmentum, statum & declinationem
percurrere. Verùm ubi ad interitum ægro-
tantium tendunt, vix ad statum perveniunt,
sed indies ad extremum usque vitæ diem au-
gentur. Quare in his augmentum maximam
latitudinem admittit, atque ulteriorem discri-
minationem seu subdivisionem meretur.
Cùm verò mediocris status morbi ejusdem
generis sit quasi medius terminus inter prin-
cipium & finem hujusmodi augmenti; com-
modè indè distinguere possumus *augmentum*

Nova di-
visio Aug-
menti.

in

in augmentum citra seu *infra*, vel ultra seu *super* statum. Augmentum citra statum appellare possumus *augmentum citerius*, seu *inferius*, vel *augmentum simpliciter*, cum non differat ab ipsa re isto nomine communiter recepta. Augmentum ultra seu supra statum, vocamus *augmentum excrescens*, *excedens*, vel *transcendens*, item *deploratum*.

Duplex
declina-
tio.

Differen-
tiæ hujus
morbi sec.
tempora
proposita.

Porro duos modos declinationis morbi observare licet. Prior *legitimus*, quando morbus simpliciter versus sanitatem declinat. Posterior *nothus*, quando morbus remittens migrat in alium diversi generis. Atque ita quamvis in convalescentibus 4 tantum sint morbi tempora, in aliis tamen duæ aliæ differentiæ discerni possunt. Notandum tamen est hæc 6 tempora in eodem morbo & in eodem ægroto nunquam inveniri, ast ubi idem specie morbus est, in diversis subjectis. Hæc jam ad præsentem affectum applicemus. Dicimus ergo 6 occurrere differentias hujus morbi respectu ejus temporum. Est enim in principio, & dicatur *incipiens*, in augmento, & dicatur *confirmatus*; in statu, & dicatur *consistens*; in augmento supra statum, & dicatur *deploratus*; in declinatione vera, & dicatur *declinans simpliciter vel remittens*; in declinatione nothâ, & dicatur *migrans in alium morbum*. De quibus ordine proposito dicemus.

1º Morbus

1^o. Morbus Rachites vocatur *incipiens*, quando prima morbi rudimenta & quasi vestigia, licet ea obscura, & quasi adhuc latentia observantur, nondum tamen manifesta partium primò affectarum extenuatio facta est.

2^o. Morbus hic *confirmatus* dicitur, quando jam evidens & manifesta extenuatio partium primò affectarum facta sensibus occurrit. Atque hic videt lector nos non distinguere hæc duo tempora ex cruditate & coctione, ast ex alia alteratione corporis, *viz.* extenuatione in partibus primò affectis factâ. Etenim ex cruditate & coctione nullo modo discerni potest hujus morbi principium ab augmento. Alias autem, quantum natura rei patitur, libenter exemplum Galeni sequimur, & quemadmodum ille ex manifesta coctione augmentum à principio distinguit, itâ quoq; & nos ex manifesta alteratione, nimirum extenuatione in partibus dictis factâ, tempora hæc in hoc affectu discriminamus.

3^o. Morbus hic *in statu consistens*, seu *statum attingens*, is est, qui, ad summum suum vigorem provectus, sistitur, & ad tempus neque sensibiliter augetur, neque imminuitur, sed sibi æqualis permanet.

4^o. Morbus hic *excedens statum mediocrem*, sive *deploratus*, is dicitur, qui magnitudine et vehementiâ superat ipsum ejusdem morbi statum.

statum in alio ægroto mediocriter affecto, simûlque continuè augetur, neque spes est quin indies austus sit futurus ad extremum usq; vitæ terminū. Ob quam caussam conditio hæc morbi deplorata etiam cognominatur.

5°. Morbus hic dicitur *verè & legitimè remittens* seu *declinans*, quando essentia ejus sensim immittitur, et signa ejus ac symptomata indies mitiora fiunt.

6°. Morbus hic *illegitimè declinans*, seu *migrans in aliud morbum diversi generis* dicitur, quando ità essentia ejus, signaque, et symptomata minuuntur, ut in eorum locum nova et fortè graviora diversi generis subinde surrogantur. Hoc modo morbus hic migrare solet in Tabem, in febrem Hepticam, et fortè in lentam putridam ; ut plurimum tam idem morbus hos supervenientes ad interitum ægri usque concomitatur. Atque hæc dicta sint de differentiis hujus morbi ab essentia deductis.

Morbus hic similiter *respectu caussarum* in partes quasi dirimitur, scilicet in *morbum nativum*, et *adventitium*, seu *de novo contractum*. Porro morbus hic dici potest nativus duplice sensu : priori propriè, quando æger hec morbo actu affectus nascitur ; posteriori impro priè, quando æger non actu eo affectus in lucem prodit, sed dispositus solummodo à nativis principiis ad eum facile incurrendum.

Diff. à
caussis.

dum. Si libeat lectori in memoriam revocare ea quæ suprà de causis hujus morbi ex parte parentum dicta sunt, differentiæ hujus fundamenta ac rationem facile percipiet, ut ulteriori ejus explicazione opus non sit: solùm addimus hanc differentiam maximi esse usûs in prophylaxi, non tanti autem in therapeia. Morbus hic simili-
ter merè adventitius est, qui, nullâ nativâ dispositione promotus, de integro, seu de novo post partum contrahitur: atque hic quoque duplex est; vel enim *alium morbum antecedentem consequitur*, vel *ex errore in 6 rerum non naturalim usu immediatè producitur*. De utroque satîs differuiimus, ubi de causis hujus morbi post partum egimus, quò lectorem remittimus.

Denique morbus hic nonnullas differentias admittit *ex parte aliorum morborum, cum quibus in eodem subiecto complicatur*. Non expectandum, ut omnes morbos, cum quibus possibile est hunc morbum complicari, im- præsentiarum enumeremus: eos solos com- memorabimus, qui frequentes hujus morbi comites solent deprehendi. Ex his *alii dependentiam quandam ab hoc morbo ejusve causis habent; alii nullam vel perquam exiguanam, vixq; separata consideratione dignam*.

Prioris generis sunt *Hydrocephalus, dentitio- nis vitia, asthma, phthisis, febris hectica, febris lenta, erratica, ascites.*

S-2

Hy-

Diff. à
morbis
complican-
tis.

Hydrocephalus magnam obtinet affinitatem cum hoc affectu; cum hic etiam affectus mollem capitis præternaturaliter auctum, affluxumque sanguinis debito uberiorem ad cerebrum ob arteriarum eò tendentium amplitudinem ut plurimùm supponat. Atque hinc facilè evenit, ut cerebrum sanguinis copiâ oppressum nonnunquam necesse habeat permittere serosiorem ejus partem (quippe maximè permeabilem) in ventriculos suos & cavitatem intra meninges excludare, adeoque cerebri hydropem producere. Verùm non hoc perpetuò contingit, ut suprà monuimus.

Dentitionis etiam *mala* nonnunquam huic morbo antecedenti meritò adscribuntur. Notum enim est hoc morbo affectis laboriosam dentitionem plerunque contingere, ipsosque dentes frustulatim excidere. Hoc autem vitium suprà ad inæqualem partium nutritiō nem retulimus, ubi plura de eo videantur. Notandum interim est laboriosam dentitionem posse etiam hunc affectum præcedere, & ejusdem subsequentis esse causam, ut suprà quoque ostendimus.

Asthma similiter huic morbo familiariter supervenit, quod sanguis in transitu suo per partes 1^o affectas nonnihil refrigeratus, crassior, viscidior, torpidiorque redditus, non semper perfectè corrigatur ante ejus redditum ad dextrum ventriculum cordis. Unde à dextro

dextro ventriculo per venam arteriosam in substantiam Pulmonum ineptior ad transitum refunditur, facilèque eo nomine obstructio-nes illic frequentes, durósque tumores, asthma, nonnunquam inflammationes, absces-sus, ulcera & phthisis, hydropem Pulmo-num, febrim Hecticam, aut etiam lentam erraticam infert.

Ascites etiam huic morbo interdum co-mes est. An ex copioso affluxu sanguinis ad viscera abdominis, nondum audemus certò statuere. Certum tamen est affluxum sanguini ad hunc ventrem satis copiosum & con-citatum esse in hoc morbo. Hepar enim magnum est, reliquaque viscera potius ple-niora quam macilentiora debito deprehen-duntur. Unde fieri potest, ut serosa exsudatio è visceribus plenitudine oppressis in cavita-tem abdominis excitetur; sed hoc minùs confidenter asserimus, quippe qui nondum in hac re nobis ipsis satisfecerimus.

Possunt tamen hi memorati morbi puerili atati accidere absque Rachitide præce-dente, & causæ esse ejusdem supervenientis. Quin & insuper possunt huic morbo super-venire ab aliis causis, putà erroribus regi-minis sanitatis: quamvis etiam in hoc casu affectus hic fortè ex parte reus esse possit, si præcesserit. Atque hæc de morbis compli-catis prioris generis.

S 3

Po-

(260)

Posterioris autem, qui nempe nihil aut parùm saltem dependentiae ab hoc affectu habent, sunt febris maligna, lues venerea, scorbutus, struma.

1^o Certum est febrim malignam huic morbo supervenire posse, quòd ea à contagio plerumque producatur, à quo affectus hic præsens infantes immunes non præstat. Tantum addimus febrim hanc raro, aut nunquam originem suam huic morbo debere.

2^o Lues Venerea si fortè cum hoc affectu complicetur, vel à nutricibus per contagium, vel à parentibus hæreditario jure derivatur. Est enim morbus ab hoc planè distinctus, nihilq; propè commercii cum eodem habet.

3^o Scorbutus cum hoc affectu interdum conjungitur. Estque vel hæreditarius, vel fortè etiam in tam tenellâ constitutione per contagium contractus, vel denique de novo ex malo regimine infantis, & imprimis ex inclemencia aëris & loci, ubi educatur, productus. Vix enim majorem habet cum hoc affectu cognitionem quam cum cæteris aliis morbis longioris durationis, in quibus similiter, tractu temporis, sanguis hoc peculiare inquinamentum ut plurimum contrahit. Id tamen concedendum est, propter aversationem motus & exercitii, affectum hunc plusculum ad scorbutum disponere.

4^o Et ultimò strumosa affectio aliquando huic

huic associatur. Sed credibile est eam plus debere aliis caussis sibi propriis, quam huic morbo praecedenti. Quamvis non diffiteamur hunc aliquam invadendi occasionem posse ei subministrare, quatenus hic crassiores ac viscidiores humores reddit.

Nonnulli forte alii morbi cum hoc interdum complicantur; verum cum ii rarissimi sint, & vixdum in certam nostram observationem venerint, eos impresentiarum prærimus, & ad signa morbi, tum differentiarum proximo loco progredimur.

C A P . X X I .

Signa morbi Rachitidis & 1^o Diagnostica.

Signa hujus morbi distinguiimus in tria capita. 1^m Continet ea signa, quæ ipsius affectus præsentiam demonstrant, & appellantur *διαγνωσικά*. Secundum continet ea que distinguunt inter se morbi differentias, & vocantur *στατικά*, sive *discrepancia*. Tertium complectitur signa, quæ præagiunt morbi eventum, dicunturque *προγνωσικά*. Hoc capite de diagnosticis agendum.

Signa *διαγνωσικά* dividimus in *παθογνωμονικά*, & *συνδιένοντα*. Atque hic videntur Autores medici paullò strictius, quam necessitas natu-

S 4 ræ

Signum Pathognomonicum latius extenditur. rae rei requirit, signum *ταῦτον τοπονικόν* definire. Volunt enim esse inseparabile & proprium quarto modo; convenire, scil. omni, soli, & semper. Evidem omnino concedendum est, signum ita inseparabile, sive proprium quarto modo, esse secundum maximè proprium sensum, signum *pathognomonicum*. Nam sive præsens id, sive absens sit, semper demonstrativè significat: præsens quidem præsentis morbi speciem certò testatur, absens eam morbi speciem abesse demonstrat.

Verum, cum perpendimus quam raro hujusmodi signa occurrant, & quam angusti propterea usus sit futura earum notio sic restricta; de vocis usitatè significatione ampliandà cogitare inducimur. Licet enim veteres, ut huic defectui subvenirent, *συδέουντες ταῦτον τοπονικόν* in locum veri unius pathognomici strictè dicti substituerint, atque nos met ipsi eandem *συδέουντες* lubentissime recipiamus & comprobemus; cum tamen ea ipsa *συδέουντες* raro ab ipso initio morbi appareat, & per consequens raro sit signum *inseparabile*, necessariò sequitur eam ipsam quoque raro officio signi, *quarto modo proprii defungi posse*, adeoque hanc etiam notionem ad angustiorum usum esse redactam. Cogimur ergo ut huic incommodo plenè subveniamus, non nihil extendere significationem signi *pathognomonicī*, ita tamen, ut de valore &

cer-

certitudine significandi nihil remittamus.
 Definimus itaq; signum Pathognomonicum
else quid apprens vel circa agrotum, quod certò
& infallibiliter morbi speciem demonstrat. Atq;
 in hoc extenso sensu dividi potest in insepara-
 bile sive proprium quarto modo, & separabile sive
 proprium tantum secundo modo, nimirū quod soli
 uni morborū speciei competit, licet non semper. Si-
 militer & syndrome pathognomonica in 2 species
 prædictis respectivè analogas dirimatur. Ali-
 quando enim hæc cum ipso morbo incipit, &
 cum inseparabiliter ad extremum ejus terminum
 concomitatur. Ità dolor lateris punc torius,
 febris, acuta, respiratio difficilis & tussis, si
 collectivè sumantur, syndrome quidem sunt,
 at quæ uni simplici pathognomonicu primi
 generis, proprio scil. quarto modo, equivalet,
 & pleuritidem à principio ad finem usque in-
 separabiliter comitatatur. Aliquando verò
 non statim ab initio morbi completa est syndrome,
 postea tamen aliis signis supervenientibus perfe-
 cit, morbique speciem infallibiliter denuntiat.
 Ex. gr. In variolis, incipiente jam morbo,
 syndrome ipsa adeò incompleta est, ut non-
 dum morbi speciem certò determinet: po-
 stea verò erumpentibus sparsim in cute ex-
 anthematis ad maturationem tendentibus,
 consummatur syndrome, speciésque morbi
 extra dubium posita est.

Quòd autem signum uni soli morbo (licet
 non

non quarto modo) proprium, sive id solitariū & simplex sit, sive ex syndrome conflatum, sufficiat, quando adest, confidere signum verè pathognomonicum, ex eo liquet, quod, quando adest, æquè certò ac infallibiliter morbi speciem designet, ac ipsum signum quarto modo proprium. Quod enim unius tantum speciei convenit, quando adest, præsentiam istius quoque speciei necessariò infert. Licet ergo signum 2º modo proprium inseparabile non sit, & ubi abest, non concludat de absentia morbi, quemadmodum signum 4º modo proprium, quando tamen adest, ejusdem est cum eo valoris ac certitudinis, ut diximus. Medici enim ex certitudine significandi æstiment dignitatem signi. In eum quippe finem morbi signa querunt, ut in certam ejus notitiam deveniant. Cum ergo signa 2º modo propria æquivaleant quoad certitudinem, quando adsunt, signis 4º modo propriis, ea sub extensa signorum pathognomonicorum significatione hic complectemur.

Dicas hoc modo multa signa επιφανέμενα ad παθογνονίαν reduci, & cum iis confundi. Esto: modò infallibiliter morbi speciem designent. Digna enim sunt, quæ hoc modo ab aliis epiphænomenis segregentur, neque ulla hic confusio in artis semeioticæ methodo sequetur, sed potius valor & dignitas signo-

signorum facilius & apertius indè notabuntur.

De signis *accidentibus*, sive *assidentibus*, nihil ferè alicujus momenti habemus, quod præmoneamus, quin rectâ ad signa ipsa in ordinem redigenda procedamus. Verùm non hic exspectanda est exacta aliqua methodus, cùm signa plerumque è tam varijs fontibus promanent, ut vix in accuratum ordinem sese cogi patientur. Quare, ut ea quæ cognatæ sunt naturæ juxta se invicem constituantur, ad sequentem qualemcumque methodum signa hujus morbi reduximus. Proponemns ergò

1^o Signa, quæ ad actiones animales spectant.

2^o Quæ spectant ad irregularē nutritiōnem.

3^o Quæ respirationem respiciunt.

4^o Quæ ad vitalem influxum pertinent.

5^o Vaga quædam & extra certas classes.

Valorem signorum singulis titulis subjungemus.

1^o Signa diagnostica ad actiones animales spectantia. Hæc sunt *1^o laxitas & mollities partium.* *2^o Debilitas & languor.* *3^o Ignavia & torpor.*

1^o Laxitas quædam & mollities, si non *flacciditas*, omnium partium primò affectarum in hoc affectu observari solet. Cutis tactu mollior, & ut plurimum lævior deprehenditur, caro musculosa minùs rigida & firma;

arti-

articuli facilè flexiles sunt, sæpèque corpori sustinendo impares; unde erecto corpore antrorsum id, vel retrorsum, dextrorsum vel sinistrorsum nonnihil inflectitur.

2^o *Debilitas* quædam & *languor* sive *enervatio* omnibus partibus motui inservientibus accidit. Debilitas hæc multùm dependet à laxitate, mollitie, & flacciditate partium jam jam dictis, quo nomine ea signa huic præmisimus, ut & hoc ignaviæ ac torpori proximè enumerandis; quæ multum debent tum laxitati & mollitiei. Porrò debilitas hæc incipit ab ipsis primis morbi rudimentis. Si enim intra primum ætatis annum, aut circiter, pueri hoc morbo infestentur, tardius solito pedibus insistunt præ ista debilitate, & plerumque priùs loquuntur quàm incedunt, quod vulgo apud Anglos mali ominis haberi solet. Sin, postquam ambulare coepi- runt pueri, hoc affectu corripiantur, paullatim infirmiùs pedibus insistunt, atque inter in- cedendum sæpiùs vacillant, levique de causa titubant, aut etiam cadunt; neque æquè diu se pedibus sine interpositâ sessione sustinent, aut æquè alacriter se motitant. Demum multùm aucto morbo destituuntur planè usu pedum, immo vix sedere possunt erecti, collumque debile ægrè, aut non omni onus capitisi sustinet.

3^o *Ignavia* quædam & *torpor* statim ab initio

initio morbi artus invadit, sensimque augetur, ut magis magisque indies omnem motum aversentur. Juniores pueri qui adhuc ulnis nutricum gestantur, si quando lætentur, non æquè profusè rident, neque tanto cum vigore excitant se, artusque vibrant ac si è tractantium manibus exsilire gestirent: irati etiam non ità ferociter calcitrant, neque tantum cum animositate plorant ac solent sani contanei. Grandiores facti, jámque pedibus commissi minùs alacriter hinc indè cursitant, citius defatigantur, potiusque sedentes quām pedibus insistentes ludere amant, neque sedentes quidem cum vigore corpus suum erigunt, sed id inclinantes modò antrorsum, modò retrorsum, modò ad alterutrum latus, querunt sustentacula, quibus recumbentes ignaviæ suæ auxilium præbeant. Jactatione corporis ab aliis præstitâ motuque violentiore non perinde ac alii pueri oblectantur, immo prævalente morbo omnem jactationem aversantur; tum plorantes non vehementiore aliquo lusu, ast molli placidaque tractatione & quiete placantur. Interim nisi alius aliquis morbus, symptoma, vel causa morbifica interveniat, moderatè tum dormiunt, tum vigilant, ingeniosi sunt, non stupidi, immo præcocis solent esse ingenii, nisi aliud quid obstet. Vultum videre est magis compositum & severum, quām ætas postularet,

ac

ac si in rem aliquam seriam meditabundi essent.

Signa hæc simul sumpta, nisi ab evidenti lassitudine progresfa, aut à primario aliquo cerebri affectu proveniant (quod certè raffissimè in hac ætate contingit) sufficientem hujus morbi, σωδεγμήν παθογνωμονικήν primi generis constituunt, & ubi simul adsunt, morbi præsentiam, ubi simul absunt, morbi essentiā certò attestantur. Si quando verò lassitudo sive febrilis, sive alia similia signa proferat, facile ab his distingui possunt, tum quod causæ lassitudinis præcesserint, tum quod signa indè orta subito effulgeant, citoque evanescant, in hoc affectu verò signa sensim ingruunt, permanéntque, aut ulterius indies intenduntur. Primarii autem cerebri morbi suis signis innotescunt.

Atque hæc de signis, que ad actiones animales spectant.

Signa que spectant ad irrationalem partium nutritionem.

Suprà monstravimus quanti momenti sit ἀλογοτροπία, sive inaqualis nutritio partium in hoc affectu, hic ergo signa ab eadem magnâ ex parte pendentia prosequemur, eaque uno quasi intuitu conspicienda præbebimus.

1º. Occurrit caput justo majus, facies quoq;
plenor

plenior & floridior, si conferatur cum cæteris corporis partibus. Licet autem signum hoc præsupponat aliqualem motum morbi antequam elucescat, adeò tamen obscurus est morbus ante ejus apparitionem, ut vix perceptibilis habeatur: à primo ergo ferè principio signum hoc plus minus se ostendit, & ad exitum usque morbi continuatur, nisi forte aliunde istarum partium colliquatio superveniat, ut suprà monuimus.

2^o. *Partes carnosæ*, imprimis *musculosæ infra caput*, quas inter primò affectas suprà numeravimus, in progressu morbi magis magisque *indies atteruntur, extenuantur, macièque conficiuntur*. Hoc signum non statim à morbi initio elucescit, quod notabilem morbi motum priusquam evidenter appareat, prærequirat; certissimè tamen, tractu temporis, in conspectum venit, morbūmque ad extremum terminum, seu ad vitam, sive ad mortem comitatur; optimèque motum ac gradum morbi ex incremento suo demonstrat. Porro hoc signum cum priori junctum constituit signum saltem pathognomonicum secundi generis, sive huic morbo soli proprium; & ubi simul adsunt, infallibiliter denotant morbi præsentiam, licet non æquè significant eundem abesse, quando absunt.

3^o. *Protuberantiae* quædam & *nodi circa nonnullos articulos*, maximèque in *carpis conspicuæ*

spicuè, paullò minus in talis observantur. Si-
miles quoque tumores in extremitatibus costarum,
quibus cum sterni cartilaginibus commit-
tuntur, cernuntur. Notavimus suprà in ob-
servationibus anatomicis tumores hosce non
in partibus, ast in ipsis ossibus fitos esse; licet
hac consideratio, cum ex se vix satís inno-
tescant, eos ut signa vix tangat. Hoc signum
quoque aliqualem motum morbi supponit,
neque à principio principiante emergit, prius
tamén se conspiciendum præbet quam nota-
bilis partium extenuatio. Ubi verò adest,
pathognomonicum secundi generis conficit,
certoque morbi speciem significat.

4°. *Ossa nonnulla incurvantur*, præcipue
ossa Tibiae & Fibulae, hinc *ossa Ulnæ & Radii*,
sed paullò minus & infrequeutiús; aliquando
etiam *ossa femoris & humeri*. Porrò nonnun-
quam *decurtatio quadam osium deficiensque*
eorum accretio secundum longitudinem observatur.
Suprà, ubi vitiorum organicorum rationem
reddidimns, hoc, casu, planè omissum fuit.
Videtur autem hic affectus ab eadem irregu-
lari nutritione dependere; quatenus nempe
alimentum intus assumptum ossa sec. latitu-
dinem sive crassitatem, magis quam sec. lon-
gitudinem adauget. Hinc nonnulli pueri
affectu hoc diutius afflicti Pumilioes fiunt.
Huc fortè referri potest *plica illa in carpis*,
quod cutis forsan sec. longitudinem magis
nutri-

nutriatur & excrescat, quam ossa Ulnæ & Radii, unde necesse est eam sese in plicam quan-
dam & rugam in carpis contrahere. Demum
irregularis quedam ossium capitinis protuberantia,
maxime *ossis frontis antrorsum*, huc quoque
referri potest. Spectat enim ad commune
genus vitiatae figuræ ossium eorumque
~~dolorosæ~~. Videtur autem hæc in osse frontis
evidenter pendere à liberaliori nutritione
istius ossis in ambitu suo, quo cum ossibus
syncipitis committitur, futuramque corona-
lem constituit, quam in partibus ejusdem an-
terioribus. Hinc enim necesse habet anteriorum
protrudi. Et facilis quidem istic libe-
ralius nutritur, quod hoc os versus futuram
in pueris cartilagineum sit. Atque hoc etiam,
quod nuperrime tantum observavimus, su-
periis, ubi de vitiis organicis egimus, præ-
termissum fuit.

5°. *Dentes tum tardius, tum molestius erumpunt, levi occasione vacillant, aliquando nigrescent, aut etiam frustulatim excidunt. In horum locum plerumque novi tardè ac laboriosè succrescent.* Hoc genus signi, ut & illud in priori articulo notatum, ad *ovis* referri potest,
quod neutrum horum vel perpetuo adsit;
vel, ubi adest, certò morbi præsentiam con-
firmet.

Conjectarunt aliqui ossa in hoc affectu interdum esse flexibilia instar ceræ; sed nos

T nusquam

nusquam id vidimus, neque ab oculato teste fide digno relatum audivimus. Quare ut fabulosum hoc signum planè rejicimus.

*6º. Pectus in ulteriori morbi progressu, à lateribus angustius redditur, anterius acuminatur, ita, ut non incommodè comparetur figuræ carinæ navis inversæ, aut pectoris caponis. In medio enim utrinque in cacumen quasi compressis lateribus afflurgit. Si quis querat an signum hoc sit huic morbo soli proprium? Respondemus, fieri quidem posse in atrophia aut phthisi ut pectus parvum augeatur, minùque quam aliae corporis partes, adeoque redatur angustum: verum quoad figuræ mutationem, absque *ἀλογητεσίᾳ*, ea ipsâ *viz.* quæ huic affectui propria est, vix contingere posse. Quare hoc quoque signum quando adest, licet seriùs invadat, pathognomonicum secundi generis reputamus, quod scil. ubi adest, certò morbi speciem ostendit, quamvis non è contraria. Atque hæc de signis quæ spectant ad inæqualem nutritionem.*

Signa quæ respiciunt Respirationem.

1º. Huc referri potest angustia pectoris modo memorata, de qua tunc fusiùs egimus.

2º. Subtumida quadam Abdominis repletio, & hypochondriorum tensio; quæ liberum motum diaphragmatis deorsum, atque adeò respirationem nonnihil impedit. Notandum tamen

tamen est Abdomen & hypochondria quoad partes externas satis macra & extenuata apparere, ab intus vero, ab iis nimirum quae in Abdominis cavitate continentur, intumescent, unde plenitudo haec atque tensio exsurgit. Tumor hic partim a flatulentia ventriculi & intestinorum, partim a magnitudine Hepatis aliorumque viscerum provenit. Ali quando etiam huc conspirat serosa exsudatio in cavitatem Abdominis, Ascitem inveniens. Hoc signum perpetuo ferè adest, neque tamen pro pathognomonic habendum, cum multis aliis morbis sit commune.

3º. Tussis frequenter in hoc affectu adest, tum respiration difficult, multaque alia pulmonum vicia, ut & eorum infarctus, tumores duri, abscessus, inflammationes, eorum coalescentia cum pleura; & similia: Haec tamen vix inter signa recenseri debent, quod per se non satis evidenter in sensus (dum vivunt aegri) incurvant.

4º. Pueri hoc morbo afficti saepe lateralem decubitus modo dextrum modo sinistrum avertantur, aut saltem aegritatis ferunt, nimirum vel ab coalescentiam pulmonum cum pleura, vel tumorem in adverso latere, supino vero decubitu ut plurimum delectantur. Atque haec signa etiam simul sumpta pathognomonicum neutrius generis efficiunt, sed omnia tantum sunt morbisque aliis communia.

T 2 Signa

Signa quæ spectant ad vitalem influxum.

1^o *Vena & arteria in partibus primò affectis graciliores sunt debito, minusque conspicue quam in emaciato corpore exspectares. In facie vero (habito respectu prædictæ gracilitatis in aliis partibus) excedunt proportionem debitam. Hoc signum fortasse pathognomonicum est, quamvis observatu difficile, necdum nobis satis exploratum.*

2^o *Pulsus in carpis, tum aliis partibus primò affectis exilis est & debilis, alioquin forte moderatus, nisi una febris adfuerit.*

3^o *Ligatura moderata supra cubitum aut genu injecta, non eque citè partem infra seu extra ligaturam sanguine turgidulam & coloratam reddit, ac solet in aliis pueris sanis coætaneis.*

Signa quædam vaga.

1^o *Appetitus cibi & potius vel moderatus, vel justè debilior est, nisi febris forte adfuerit.*

2^o *Excrementa tum alvi, tum vesicæ, sanguinum ferè similia sunt, nisi alias morbus prohibuerit.*

3^o *Observatum est hoc morbo laborantes dulcia, ut syrups, tum belluria, multo sacch. aut melle condita (quæ aliis pueris in delitiis esse solent) aversari: forte hæc iis quoque noxia sunt, quemadmodum & scorbuticis, quod humores incrassent.*

4^o Ob-

4^o Observarunt aliqui se pueros nonnullos hoc morbo affectos *ponderosiores* deprehendisse, quam alios ætate & staturâ pares. Si hoc ita se habeat, tribuendum id est partim facilitati, partim inæqualitati nutritionis ossi generis in hoc affectu. Etenim cùm auctum hoc pondus carnibus adscribi vix possit, quippe quæ h̄ic extenuatae sunt, videtur id osleo generi attribuendum; cùmque ossa in hoc morbo nondum observata sint sec. longitudinem præter modum excrescere, restat, ut id eorum crassitiae superfluè auctæ impunetur. Haec etiam signa communia sunt, neque digniorem estimationem merentur. At hæc de diagnosticis, sequantur diacritica.

C A P. XXII.

Signa differentiarum Rachitidis, sive signa ejus diacritica.

Idem methodo h̄ic insistendum videtur, quam suprà proposuimus, ubi de differentiis egimus, quarum signa h̄ic quærimus. Suprà 5 differentias ab ipsa morbi essentiâ diduximus. 1^a Erat à partibus essentiæ secundariæ separabilis præsentibus vel absensibus. Verum hujus differentiæ signa nulla alia exspectanda sunt præter ipsas partes præsentes

T 3

sentes vel absentes, quæ ipsæ per se in sensus incurruunt, & propterea inter signa diagnosticæ capite præcedenti classe secundâ adnumerantur.

2^a Differentia erat à magnitudine morbi. Hujus indicia sunt plura & graviora, vel pauciora & mitiora symptomata & signa praesentia, nempe ex diagnosticis suprà descriptis petita.

3^a Differentia à vehementia desumpta erat, hæc distinguitur ex tardiore vel concitatore incremento signorum diagnosticorum.

4^a Erat à viribus ægrotantis. Virium aestimandarum rationem suprà exhibuimus: morbi vero differentia hinc orta respicit periculum, ideoque ejus signa ad prognostica referimus.

5^a Differentia ducebatur à morbi temporibus; quo respectu sex hujus morbi diversas phases suprà enumeravimus: scil. principium, augmentum, statum, augmentum supra statum, declinationem veram, declinationem noctam sive migrantem in aliud morbum.

Sciendum est principium hujus morbi præter signa hoc tempus ab aumento distinguita, requirere etiam quædam peculiaria signa praesentiae ipsius morbi: Est enim tempus maximæ obliteritatis, quo morbus quasi delitescit, neque ex signis diagnosticis suprà relatis ab inexperto vel parùm attento me dico

dico facile deprehendi potest. Per hoc quippe tempus plurima diagnostica prædicta nondum in apertum erumpunt; & quæ se produnt, obscuriora tantum adhuc sui vestigia observanda offerunt. Postulat ergo hujus temporis indicium *peculiarem collectionem signorum primò apparentium*, eorūmque accuratam considerationem; reliqua verò tempora, præter signa diagnostica suprà data, solum *indigent discriminatione inter se*, quæ levi negotio perficitur. Quare primo loco signa præsentiae hujus morbi adhuc incipientis hic exhibenda, indéque discriminationis ejus ab augmento.

Signa præsentis morbi Rachitidis in principio adhuc existentis.

1^o Diligenter attendendum est ad 3^a signorum genera superius actionibus animalibus adscripta: laxitatem nempe & mollitiem partium, debilitatem & languorem, ignaviam & torporum. Hæc quippe subobscure & remissiori gradu statim à principio principiante (ut loquuntur) advertenti observanda se præbent.

2^o Aspiciendus est color, tum habitus capitis & faciei in relatione ad artus. Si enim color aut habitus illis floridior sit quam his, validam suspicionem hujus morbi radices jam agentis exhibet. Licet enim moles capitis

T 4

cvi-

evidenter aucta partiumque affectarum manifesta extenuatio antequam appareant considerabilem morbi motum tempusque præquirant; à principio tamen differentia quædam ratione caloris & habitus harum partium inter se collatarum ab accurato inspetore notari potest.

3º Observandi sunt carpi & extremitates costarum. In carpis quippe ante finem principii quædam nodorum rudimenta ut & plicæ se ostendere incipiunt, similiterque nodi in extremitatibus costarum.

4º Subtumida quædam plenitudo & tensio ventris maximè circa hypochondria statim à principio occurrit. Magnitudo enim ventris cum magnitudine pectoris collata justam excedere comperitur.

Atque hæc quidem signa simul sumpta præsentiam morbi etiam in ipso principio, certo demonstrant. Si vero eodem tempore nulla notabilis seu manifesta partium 1º affectarum extenuatio appareat, eo ipso ab ejusdem augmento clare discriminatur. Hæc de principio.

Reliquorum temporum signa ex ipsorum temporum descriptionibus supra datis interesse nullo negotio distinguntur; cum tamen ea hoc spectent, verbisque expediri possint, non gravabimur ea obiter annotare.

In augmentatione omnia signa quæ in principio apar-

apparuerant *intensiora* & *evidentiora* se praebent, pluraque alia tum graviora indies accumulantur. Distinguitur hoc tempus, ut dictum, à principio ex manifesta extenuatione partium primò affectarum jam facta; à statu verò ex continuâ aggravatione symptomatum & signorum dictorum.

In statu signa ac symptomata *gravissima* & *maximè obvia* adsunt; durante verò hoc tempore ab ulteriori manifesto seu incremento seu decremento cessat.

In augmento supra statum signa & symptomata *tum ratione magnitudinis ac vehementiae*, *tum ratione dejectionis virium superant suam conditionem*, quam in statu mediocri habent, atque interim indies in deteriorius vergunt; quibus respectibus hoc tempus distinguitur tam ab augmentatione ordinario, quam à statu mediocri.

In declinatione verâ *simplex quadam remissio symptomatum ac signorum ad integrum sanitatem tendens affulget*, nullis interim signis apparentibus alterius cuiusdam morbi ingruentibus.

In declinatione nothâ è contrâ, cum *remissione symptomatum & signorum hujus morbi involvuntur alia novi morbi successuri*, quæ variantur pro variâ ejus conditione, & ex suis fontibus petenda sint, neque hic exspectanda. Porro si quæ specialia signa cuiusvis horum

horum temporum occurrant, quæ ad morbi eventum spectant, ad prognostica reservanda sunt. Atque hæc de signis differentiarum hujus morbi ab essentiâ deducuntur.

Differentiæ causarum, morbum in *nativum* & *adventitium* distinguunt, & *nativum* quidem in *propriè* & *minus propriè* sic dictum. Morbus propriè nativus dictus, cum ab ipso partu supponatur actu præfens, non alia requirit signa quam *diagnistica superiori capite recitata*. Siquidem illa statim à partu apparentia morbum propriè nativum adesse demonstrant.

Sin verò illa signa non statim à partu appareant, dispositio tamen nativa ad morbum facile incurrendum ab ortu adsit, quæ postea in actum erumpit, morbus indè productus nativus quoque (licet minus propriè) nuncupari potest, propter illam à nativo vitio dependentiam. Morbus hoc sensu nativus alia signa, quam quæ supra referuntur, postulat, quibus distinguitur ab eodem morbo plane adventitio, quæ jam damus.

Signa morbi nativi impropriè sic dicti.

1° *Valeitudinaria debilitaque constitutio*, & *morbi parentis viriusq; vel alterutrius*; ut intemperies frigida & humida, cacoehymia præfertim pituitosa, cachexia, hydrops, vel atrophia & phthisis, vel gonorrhœa, fuit albus, lues

lues venerea, scorbutus, similisque affectus.

2^o Segnities & sedentaria parentum vita mollitieisque.

3^o Errores matris tempore impregnationis; quae omnia fusiis suprà de caussis hujus morbi ad parentes spectantibus prosecutis sumus.

4^o Debilitas ipsius infantis recens nati quando ea à labore parturitionis non provenit.

5^o Invasionis morbi ante exactum primum aetatis annum Hæc enim arguit nativam aliquam ad eundem dispositionem.

6^o Si fratres vel sorores seniores eodem morbo prius correpti fuerint. Tum quippe suspicari licet labem à parentibus contractam esse.

7^o Si nullus alicujus nota error in tractatione infantis post partum, atque ante presentis morbi invasionem commissus fuerit. De quo suprà capite de caussis post partum.

8^o Si morbus hic non supervenerit alteri progresso qui aptus est hunc post se relinquere. De cuius generis morbis Iuprà quoque dissimilimus.

Signa morbi noviter & ex integro post partum contracti contraria propemodum sunt & levi idcirco pede percurrenda.

1^o Si morbus nulli infirma seu morbose constitutioni parentum, aut eorum vita generi,

ans

aut erroribus, imputari possit.

2º Si nulla debilitas statim à partu apparuerit.

3º Si morbus post sesquiannum ætatis cœperit.

4º Si fratres aut sorores à morbo immunes fuerint.

5º Si notabiles errores post partum in tractatione infantis commissi fuerint.

6º Si morbus aliquis præcesserit, cui suspicio est hunc insequentem adscribi posse. Hæc signa si vel omnia vel plura confluant, satis testantur morbum hunc non labi alicui nativæ, ast erroribus postea commissis attribuendum esse. Atque hæc de differentiis hujus morbi ex parte causarum.

Denique differentiæ quædam huic morbo accidunt propter alios morbos, cum quibus fortè complicetur: in quo casu præter signa diagnostica supra enumerata, alia insuper desiderentur quæ morbo complicato in specie sunt propria. Non tamen accurata horum descriptio hic exspectanda est, cùm eadem ferè sint quæ a scriptoribus practicis passim istis morbis tribuuntur. Sed cùm aliqui morbi frequentius quam alii hunc comitari soleant, eorum signa breviter innuemus.

1º Ergò Hydrocephalus cum hoc affectu complicatus aliquando nullis signis, ut intonscat, opus habet; sed ex se latis supérque mani-

manifestus est, nempe vel ex ipsa enormi *capitis magnitudine*, vel ex aquâ exteriùs sub *Petricrano contentâ* (quod tamen rarissimè contingere putamus) vel *insigni suturarum hiatu aquâ in capite conclusâ duram matrem inter suturas attollente*, itâ, ut tumor molis & aquosus in ossium interstitiis exteriùs tactu percipiatur. Aliquando hydrocephalus obscurior est, signaque quibus indicetur, postulat. 1^o Ergo omnes sensus cùm exteriores tum interiores hebetiores sunt, quam alias in hoc affectu esse solent. 2^o *Moles capitis aliquando major quoque est quam alias.* 3^o *Suturæ in locis consuetis vel magis debiscunt, vel tardius solito clauduntur.* 4^o *Os frontis antrorsum magis prominet, reliquaque ossa capitis quasdam inæqualitates & protuberantias solito majores præ se ferunt.*

2^o *Dentitionis mala conjuncta dignoscuntur, 1^o Si solenne dentitionis tempus infestat aut jam adveniret; Hinc quippe suspicio aliqua ingruit laboris alicujus indè provenientis. Tempus hoc septimo à partu mense incipere solet, & ad sesquiannum ætatis protendi, & ultrâ, ubi tardius dentitio procedit; quod in hoc affectu frequentissimè accidit; terminatur autem ubi numerus dentium completus appareat. 2^o Pueri ad dolorem mulcendum digitos frequenter in os induunt, secundum illud quod communi verbo dici solet, ubi dolor*

ibi

ibi digitus. 3° *Albicant gingiva eâ parte quâ dens erupturus est, & ad tactum plusculum calent.* 4° *Dentes prodeentes aliquando nigrescunt, aut vacillant, aut etiam frustulatim excidunt.* 5° *His adde vigiliae, alvi profluvia, febres, convulsiones, quae tamen fortuita sunt symptoma-*

ta. 3° *Asthma ex ipsa spirandi difficultate, quando ea non provenit à tensione & repletione infimi ventris, percipitur. Si verò unā adsit tumor, abscessus, vel Empyema, idque in altero latere pulmonum, agrè ferunt decubitum in adversum latus; sì in utroque, supinum aut erectum decubitum expetunt. Idem plerunque accidit in inflammatione cum coalescentia Pulmonum cum pleura, ut & in pleurite, sed additis tunc febre acutâ, tussi & sputo sanguineo, in Pleurite insuper dolore lateris pungente. Phthisis innotescit ex diurna tussi, sputo globoso & aliquando purulento (etsi Pueri rariū expuan, quod materiam tussi in os elevatam per Oesophagum deglutiant) item ex febre putridâ conjunctâ & ex festina partium eliquatione. Ascites deprehenditur ex mole Abdominis præter morem auctâ.*

4° *Febris Hectica se prodit ex calore continuo, acriori paullò illo qui in Ephemera solet esse, præsertim circa arterias, & auctiori post assumptum cibum; item ex rapidiori partium consumptione; putrida cognoscitur ex urina in principio*

cipio crudâ, deinde magis coetâ, tum etiam ex colore ejus justo intensiore. Adhæc, si intermit- tens fuerit, ex inaequalitate caloris, frigentibus nempe extremis in principio, postea plus satis in- calescentibus; item ex Paroxysmis sive statis sive erraticis; tandem ex Pulse contractiori incipi- ente Paroxysmo, postmodum auctiori debito. Continua Febris ex intenso continuoque calore, tum siti, oris scabritie, linguaeque colore mutato, & similibus.

5° Lues venerea conjuncta indicatur, si Pa- rentum alteruter aut nutrix prius infecti fuerint, si ulcera in Capite, Ore, ac Naribus, aut pustu- la eminentes vel crustosæ exortæ fuerint, præser- tim quæ ordinariis remediis non cedunt: si tumo- res duri, aut nodi ossa carie fædantes in digitis, tibiis, aut aliis partibus apparuerint; si dolores & inquietudo nocturno tempore acerbiores agram infestaverint; si bubones obliqui in inguine ex- orti fuerint.

6° Scorbatus cum hoc affectu complicatus hæc signa habet. 1° Utroque affectu laborantes agrius purgationes ferunt; solo vero Rachitide afficti easdem facile tolerant. 2° Exercitiis violentioribus multum læduntur, neque omnino ea ferre possunt. Etsi autem in hoc affectu solo, ignavia quædam & aversatio exerci- tiū adsit; non tamen ab exercitio manifestè aut saltē non æquè manifestè læduntur, nisi scorbutica affectio simul conjuncta sit. 3° Ad motum

motum quemlibet concitatiorem magnâ difficultate spirandi laborant, doloribus variis per artus discurrentibus vexantur, quos ploratu exprimunt, pulsus frequentior & inequalior fit, aliquando palpitatio cordis, aut etiam Lipothymia supervenit, & hæc fere solâ quiete, placido nempe decubitu, citò mitigantur, vel etiam planè sedantur.

4º Frequenter Gingivarum tumores adsunt.

5º Urinæ absente febre solito intensiores plerumque redduntur.

7º Strumosa affectio cum hâc complicata si externa sit, tumoribus in sensus incurrentibus satî manifesta fit, immo ubi exteriùs frequenter strumæ occurunt, non levis suspicio est similes tumores in visceribus delitescere: alias verò si strumæ intus tantùm generentur, vix certo indicio discerni possunt. Regula enim illa quam notârunt aliqui, viz. eos qui curto sunt collo, fronte brevi & angustâ, temporibus compressis, & maxillis amplis prædicti, esse strumis obnoxios, nimis incerta est ac fallax; addunt alii purgantia medicamenta justâ alioquin dosi propinata strumosos parùm movere; sed & hoc quoque aliquando tantùm, non semper autem verum esse experti sumus. Hæc de signis differentiarum.

Cap.

C A P. X X I I I.

Signa prognostica in morbo Rachitide.

MOrbus hic *specie sua lethalis non est*; immo nonnunquam adeò levis mitilque est, ut pueri eo affecti solo ætatis beneficio, calore vitali aucto, eoque, vi frequenterum exercitiorum, ad partes externas evocato, absque medicamentis convaluerint. Aliquando tamen adeò graviter affigit, ut optimis etiam adhibitis praesidiis vix, immo nè vix quidem, imminens vitæ periculum præcaveatur. Quare ut medicus varios eventus morbi prævideat aut prædicat, signa ejus prognostica diligentius priùs contemplari necessum habet.

In genere verò ea quæ à partibus morbi militant, ea nempe omnia, quæ contra naturam faciunt, ex adverso pensanda sunt, & quò hæc potentiora, illa infirmiora, eò gravior & perniciösior morbus habendus est. Verum cùm non cuivis obvium sit ex generali hoc monito singula satís accurate contrà æstimare, non erit abs re speciales nonnullas regulas & observationes huc spéctantes insuper subnectere.

I^o *Morbus hic propriè nativus, sive qui ante partum*

partum invadit, periculosisimus est, & rarissime, si unquam, ad salutem terminatur. Indicat enim ipsa principia seminalia læsa, indéque vires valdè esse debiles: caussarum præterea vehementiam significat.

2º Quò citius à partu (hoc est) quò juniores hic morbus invadit, eò ceteris paribus periculosior est; tantò quippe débiliores sunt vires. Similiter etate grandiores junioribus, pedibus incidentibus non incidentibus facilius curantur.

3º Morbus nativus impropre sic dictus, qui nempe ex parte dependet ab inclinatione nativâ, periculosior est eo, qui ex mero errore tractantium contrahitur.

4º Morbus hic ab aliis magnis morbis precedentibus proveniens, periculosior est eo qui solo regiminis errore contractus est. Arguit enim antecedaneam quandam virium dejectiōnem.

5º Observarunt aliqui, infantes, qui crine rubras nutrices fugant, in hunc affectum magis esse proclives. Nos tamen regulam hanc fallacem esse fūspicamur.

6º Alii dicunt puellas frequentius quam masculos hoc morbo laborare, facilisque curari. Nondum equidem hoc nobis ulque adeo compertum est. Concedimus tamen puellas plerunque frigidoris ac humidioris esse temperamenti, cui magis congener est hic morbus, ideoque non est a ratione alienum cum

eum sexum leviori de causa hoc morbo affici posse, & ab eodem quoque facilius liberari.

7º *Morbus hic potissimum infestat generosorum cunas, præsertim eorum qui molliter vivunt; deinde eorum qui sedentariam & securam vitam agunt; hinc infime plebis, propter varios errores, quos necessitas tam in parentum diætâ quam infantium regimine infert, tandem minimè omnium cunas eorum qui mediocris sunt fortunæ, & qui laboribus ferendis assueti sunt, neque competenti victu & necessariis ad vitam sustentandam mediis destituantur.*

8º *Quo partes primò affectæ magis extenuantur, eo morbus, cæteris paribus, difficilioris est curationis.*

9º *Quo enormous est moles capitis, eo longior & difficilior curatio. Itaque os frontis multum anteriùs protuberans longitudinem faltem morbi portendit; similiter etiam aliae irregulares cæterorum ossium capitis prominentia.*

10º *Quo debilior est spina dorſe, eo gravior & periculosisior est morbus. Quare qui vix liberenter erecti sedent, multò magis qui nè erecti sedere valent, & maximè quibus debile collum non sustinet capitis onus, de vita periclitantur. Quinetiam à diuturniori debilitate, & inflexione spine, pueri modò gibbosí,*

gibbosí, modò aliter incurvi redduntur, truncúsq; corporis postea haud facile denuo erigitur.

11º Majores ossium in carpis & costarum extremitas tumores morbi longitudinem praesagiant. Porro incurvations ossium Tibiae & Fibula vel Ulnae & Radii; item inflexiones articulorum quò majores, eò longiorem ac difficiliorem curationem prænuntiant. Hæ enim non subitò amoveri possunt, & masculis exercitiis obeundis impedimento sunt.

12º Quibus ossa Crurum & Tibiae multum & diu secundum latitudinem seu crassitatem potius augmentur, quam secundum longitudinem, hidem pumiliones plerunque evadunt.

13º Qui crura sursum trahunt, neque ea lubenter extendi patiuntur, difficulter curantur.

14º Dentes nigresceré aut frustulatim excidere, periculo non vacat, atque idèo pejus est quò tardius alii in eorum locum succrescent.

15º Qui statum morbi attingunt, quo nempe is non amplius angetur, omnes si rectè tractentur, evadunt, nisi forte alius morbus sit conjunctus, aut casu aliquo superveniat, ægrumque in augmentum ulteriorius deturbet. Declinatio symptomatum similiter, sed certius sanitatis restitutio nem pollicetur.

16º Hydrocephalus cum hoc morbo conjunctus semper periculum non leve importat. Quod si è usque

V

usque prævaleat, ut futuræ cranii multum dehiscent, atque in earum intersticiis aquæ in capite conclusæ duram matrem in mollem & aquosum tumorem attollant, lethalis est.

17^o *Dentitio laboriosa, nonnunquam gravissima symptomata secum adfert, mortemque ipsam minatur. Plerumque tamen minus ferocit, atque intra paucos dies terminatur. Utunque, dum conjungitur, mulum morbi motum accelerat.*
Dentes verò Canini, qui oculares vulgo nuncupantur, ceteris molestius erumpunt, plurisque periculi portendunt.

18^o Asthma (præsertim Orthopnæa, atque
spirandi difficultas in quâ decubitus in neu-
trum latus admittitur) valde periculosum.
Suspicio enim est tumoris alicujus, abscessus,
Empyematis, Pleuritidis, Peripneumoniae
aut adnascentiæ pulmonum cum pleura, qui
omnes affectus periculosi sunt.

19^o Phthisis cum hoc affectu complicata letalis ferme est, praesertim si unum idemque ulcus pulmonum ultra 40 dies perseveraverit.

20^o Morbus hic diuturnior facile in Phthisin vel Tabem migrat, vel saltem ante obitum Tabem sibi comitem perpetuo ferè adsciscit, nisi foriè alias morbus aut symptoma grave interveniens acceleratā morte Tabem adventantem prevertat, ut convulsio, tussis clamosa dicta, intumescentia Pulmonum (quam Angli the-

rising of the Lights, vocant) febris continua, pleuritis, &c.

*21^o Hydrops Pulmonum, ut & Ascites, si foris
buic morbo assidentur, eundem reddunt deplora-*

*tum.
22^o Febris Hectica, Lenta, Putrida, maxi-*
mique continua, partes primò affectas depascen-
*do, hujus morbi motum vehementer accelerant,
eumque periculosum efficiant.*

*23^o Lues Venerea cum hoc morbo conjuncta
sive hereditaria, sive ex contagio contracta, dif-*
ficilem admodum, si ullam, curationem ad-
mittit.

*24^o Scorbutus complicatus multum quoque
difficultatis in curatione secum adfert, licet mi-*
nus quam Lues venerea.

25^o Struma sive externe, sive minores in-
*terna non ex se tantopere obstant curationi, licet
alias ipse aliquando in hac etate difficillime
percurrentur. Externæ enim exulceratæ, aut
inflammatae simûlque dolorificæ, vehemen-*
*ter naturam laceſſunt, virēſque dissipant,
multò autem magis internæ, præſertim si
partes nobiles occupaverint, aut ipsa mole
vicinis partibus molestæ fuerint.*

*26^o Quicunque ante annum quintum etatis
completum non perfectè sanantur, postea miseri-*
ac valetudinarii fermè vivunt, & vel Asthma-
tici, vel Cachectici, vel Phthisici facti ante
consistentem etatem moriuntur, vel saltem gib-
bosi,

*bosi, nani, curvi, aut aliter deformes postmodum
supersunt.*

27° *Scabies & pustula in cute, pruritusve huic
morbo supervenientes, ad curam ejusdem multum
conferunt.*

28° *Qui facilis tolerant omnimodam jacta-
tionem corporis, ceteris paribus, facilis cu-
rantur.*

Atque ita tandem absolvimus trium
generum signorum, quae hactenus in nostram
observationem occurrerunt, historiam. Pro-
ximum est, ut ad methodum praxeos, quae
præcautionem & curationem hujus morbi
complectitur, deveniamus.

V 4

CAP.

Cap. XXIV.

Methodus ad Praxin, tum Indications in genere.

Methodus ad praxin in ^{δεραπεντιμης & των}
^{φυλακτων}, in partem Curatricem & Pra-
servatricem dividitur. De priore nobis hoc
capite agendum, quamvis fortè hic quoque
nonnulla in genere proposita sint futura, quæ
cum Prophylacticæ, tum ^{ὑγείαν} sint commu-
nia. Prophylacticen autem in specie ad calcem
hujus tractatus reservamus.

Pars Curatrix appellari solet *Methodus medendi*, cuius, ut cuiuslibet alius Artis, duo
sunt generalia instrumenta, *Ratio* scil. atque
Experientia; quarum conjugium omnem arti-
ficiis peritiam exhaustum. Per experientiam
autem intelligimus non tantum historiam morbi
unius aut plurium, successusq; medicamentorum,
sed & observationem, hoc est, applicationem
historiarum ad ea, quæ in eodem affectu dictat
ratio, idque per viam comprobationis vel impro-
bationis. Similiter per Rationem omnem men-
tis operationem volumus, ita, ut non tantum
tertiam nempe ratiocinationem seu demonstra-
tivam, seu probabilem & analogismum, verum
insuper & primam & secundam, hoc est, sim-
plicem apprehensionem tum compositionem ac di-
visionem

visionem hoc instrumento complectamur. E-
tenim, pars hæc medicinæ præsupponit Phy-
silogiam, Pathologiam, & Semeioticem, quæ
certè uniuscujusque operationis intellectus
exercitum multifariam exigunt. Deinde, ne-
mo aliquam propositionem intelligat, qui
non prius simplices ejusdem terminos appre-
henderit; neque syllogismum, qui ignarus
fuerit propositionum è quibus conflatur: ut
manifestum jam sit omnem mentis operatio-
nem hic exerceri.

Indicatio, εἰδεῖς, nobile illud methodi me-
dendi instrumentum, (cujus usu Dogmatici
fectam suam ab Empiricis maximè discrimi-
nari volunt) ad partes Rationis etiam venit
accensenda. Quandoquidem autem non-
nulla cùm difficultia tum obscura occurrant
circa hoc instrumentum ab ipsis neotericis
vix dum enodata & illustrata, operæ-premium
duximus hic paucis examinare

- 1º *Quid sit Indicatio?*
 - IIº *Ad quam Intellectus operationem per-*
tineat?
 - IIIº *In quæ genera & differentias distri-*
buatur?
- Quod ad primum attinet, licet fortè plures Quid Indicatio.
 hujus nominis significationes apud Autores
 occurrant, illa tamen prima & maximè pro-
 pria est quam tradit Galenus è Meth. Med. 7.
Erdēξις ἐστιν ἔμρατις τῆς αἰνολογίας. Indicatio est in-
6337 finuatio

sinuatio seu declaratio consequentiae, id est, rei agenda. In hoc sensu definiri & describi potest Indicatio, Actio objectiva Indicantis relativè considerati, quae representat intellectui Indicatum, hoc est, quid conferat, quid noceat, & per consequens, quid prosequendum, quid fugiendum sit. Ut definitio haec seu descriptio clarior reddatur, expendamus ulterius quid sit Indicans: quid Indicatum: qualis sit actio Indicantis: quo spectet distinctio Indicati juvantis & nocentis, sive prosequendi & fugiendi?

1º Quamvis termini illi *Indicatio, Indicans, & Indicatum*, extendi fortè ad alias artes & scientias possit; cum tamen hactenus industria medicorum (præsertim Galeni) soli methodo Praxeos approprientur, eorum definitiones, quæ hic exhibendæ, hanc solam methodum, omisso omni alieno eorum usu, respiciunt.

Quid Indicans. Generalis igitur Indicantis definitio à natura generalissima, quæ in nostra arte indicat, petenda est. Definiri ergò potest *Indicans* in genere, *status corporis quid fluxilis, vel mobilis, seu potius, qua actu est in fluxu vel motu, relativè consideratus, prout insinuat quid sit agendum sui causâ.*

Dicimus primò *Indicans* semper aliquem *statum vel conditionem corporis innuere*; quare quod extra corpus est, ac nondum id afficit, cùm non sit conditio seu *status corporis*, haud recte

recte dicitur indicare. Causa ergo externa,
& nondum corpus afficiens, non est Indicans,
licet fortè ejus aversio possit esse Indicatum.
Secundò status corporis quā *fragilis*, vel quā
mobilis, seu potius quā *actu est in motu*, ad
essentiam Indicantis requiritur. Etenim ut
luculentissimè probat Gal. I. ad Thrasyb. si
corpus nostrum esset immutabile & perpe-
tuum, nullus locus Arti medicæ relinquere-
tur: ast verò cùm calor continuè humidum
depascat, cùmque sanitas ipsa vel in statu
perfectissimo fragilis sit ac fluxilis, immo
actu fluens, & ex aliqua parte jam defluxit,
patet subsidium Artis medicæ officiūmque
medici practicum postulari. Tertiò ad Indi-
cantis etiam naturam pertinet *relativa ejus*
consideratio. Nam si status corporis ejusve
mutatio absolutè tantum consideretur, nuda
tantum speculatio indè resultat; sin verò in
ordine ad id quod agendum est, quò medicus
officio suo circa illum statum recte fungatur
consideretur, statim instrumentum practicum
evadit, atque Indicantis naturam induit. In-
dicat quippe ejusmodi status quā *fragilis* &
in motu est, omni modo sanitatis habendam
esse rationem, eámque esse assequendam.
Adeoque quod generalis medici scopus qua-
rebat, hoc ipsum generale Indicans com-
monstrat. Non autem exspectandum est, ut
consideratio generalissimi Indicantis quid-
quam

quam aliud repræsentet quam actionem generalissimam scopo generali respondentem. Si verò medicus particularem scopum ulterius prosequi voluerit, oportet ad Indicantia particulariora descendat.

Quid Indicatum. IIº Indicatum est *Actio medica ex parte Indicantis requisita*. Nam primò & formaliter Indicans denotat *actionem*, secundariò verò & per consequentiam *instrumentum, quo actio perficitur*. Itaque appendicis loco addamus propositæ definitioni, quod secundariò, ex consequenti, atque in concreto, includat instrumentum, quo ista actio exercetur.

Iº Dicimus Indicatum esse *actionem*. Eo enim fine Medicus utitur Indicatione, ut indè quid agendum sit, eliciat. Dicas, instante crisi aut ea legitimè procedente, ipsum Indicatum esse abstinentiam ab actione, nemur actionem.

Respondemus, Abstinentiam hanc eo ipso quod consultò & secundùm artem imperatur, sub aliquali notione actionis medicæ evidenter contineri: atque idem dicendum est de quavis actionis in arte nostræ prohibitione.

2º Dicimus Indicatum esse *actionem medicam*, hoc est, *actionem ad sanitatem facientem*. Etenim finis Medicinæ sanitas est, ideoque actio illa quæ ad sanitatem collimat, rectè actio medica uuncupatur.

3º Dicimus

3º Dicimus Indicatum esse *actionem saltem respectu Indicantis requisitam*. Omnis enim actio Indicata non statim exequenda est, neq; dici potest simpliciter, sed tantum ex parte Indicantis *requisita*; quocirca ea ulteriori examini subjicienda est priusquam decernatur exercenda: & si neque vires prohibeant, neque aliud contrà indicans potentius repugnet, tum demum simpliciter *requisita* est, suoque tempore, si qua fieri potest, exequenda. Atque hinc rectè distinguitur Indicatum in inutile, & utile. Redditur autem Indicatum inutile vel ex defectu materiae medicæ, quâ id exequendum est; vel ex præsentia validioris *Prohibentis*, aut *contrà Indicantis*. Indicatum utile adhuc rectè subdividitur in *circumstantiatum & non circumstantiatum*. Indicatum circumstantiatum sive actio ritè circumstantiata quamprimum absque mora exequenda est. Indicatum non-circumstantiatum tam diu differendum, est donec debitas circumstantias perfectè nactum fuerit. Dicimus quartò Indicatum *concretè & secundariò includere quoque Instrumentum, quo actio Indicata perficitur*. Verbi gratiâ status sanitatis indicat primò & formaliter actionem conservandi eam, secundariò verò & per consequens indicat simul instrumentum, quo eam conservamus, viz. similia. Hæc transitio Indicationis ab actione ad instrumentum non

videtur pendere à sola virtute Indicantis, ast ex parte etiam à generalibus quibusdam certisque & vulgo receptis principiis, similia similibus conservari, contraria contrariis curari, ideoque consultò diximus instrumentum ejusmodi esse secundarium Indicatum, & per consequentiam illatum, & quod simul actionem cum instrumento includat Indicatum esse concretum.

Cognatio officii medici cum acti- one Indi- cata.

Porro, quum officium medici practicum magnam habeat cognitionem cum actione *Indicata*; quousque hæc convenient, & qua ratione inter se differant, hic consideremus. Officium medici generale est, assequi; quantum fieri potest, finem artis suæ, nimirum sanitatem. Atque eadem assecutio sanitatis propemodum est generalissima actio Indicata. Hæc tamen eo distinguitur à generali medici officio, quod assecutio sanitatis non perpetuò sit possibilis. Quamvis ergo assecutio sanitatis semper indicetur, quando tamen ea impossibilis est, non obligat medicū, cùm nemo teneatur præstare impossibilia, adeò nulla pars est ejus officii. Similiter actio indicata aliquando inutilis est ob rationes modò allatas, in quo casu non pertinet ea ad officium medici. Adhæc, actio Indicata, utilis licet suo loco sit exequenda, quamdiu tamen incircumstantia manet, non exhaustit officium medici. Etenim medici est non tantum utilia

utilia in specie, sed & habitâ ratione temporis ordinis, modi, ceterarûmque conditionum justæ administrationis talia opem ejus implorantibus præscribere. Denique actio Indicata utilis, omnibus suis circumstantiis debitâ stipata verè exhaustit officium medici. Hujusmodi quippe, & solas hujusmodi actiones (saltem ubi ex inotescunt) tenetur medicus exequi.

Præterea *scopi* sive *intentiones medicæ*, cùm *Collatio* *actiones Indicatas*, tum *officia medici* diversimodè respiciunt, & cum utrisque aliquid ^{utriusque} ^{cum scopis medicis.} habent commercii, quo respectu hic quoque veniunt leviter consideranda. Verum in ipso hujus discursus limine videntur scopi distingui posse in *notionales* sive *formulas inquisitionis* circa quodvis officium medici, & res ipsæ querendas. Formulæ inquisitionis nihil aliud sunt quam *apte questiunculae*, vel *interrogationes*, quæ quodvis medici officium in tot partes resolvunt, quot distinctè inquirendas & examinandas continet. Nove m hujus generis formulas enumerat Argenterius, 1° *An?* 2° *Quid?* 3° *Quâ materia?* 4° *Quantum?* 5° *Quale?* 6° *Quo modo?* 7° *Quando?* 8° *Ubi?* 9° *Quo ordine agendum?* Alii has ad pauciora capita contrahunt, de quâ re consultantur Autores. Scopi reales sive res ipsæ querendæ sunt *partes ipse, in quas quodvis officium medici aptè distinguuntur*

gui potest, suntque idcirco totidem numero, quot in isto officio reperiuntur partes distinctæ inveniendæ aut examinandæ. Hi scopi jam inventi, non re, sed solâ ratione ab iis quærendis discriminantur, respectu nempe diversæ relationis ad intellectum quærerentem & actu intelligentem. Ex his patet, quam cognitionem habeant scopi cum officio meaici, tum *actionibus Indicatis*. Etenim scopi notionales sive formulæ scoporū, & res ipsæ sub illis formulis quærenda in eandem metam collimant, viz. distinctam omnium partium cuiusvis officii medici inventionem: Verum res quærendæ sunt partes ipsæ officii à se invicem facilitioris inventionis aut examinationis gratiâ aptè disiectæ.

Porro illæ partes hujus officii, quatenus sunt vi indicationis inventæ, ipsæ sunt actiones Indicatæ; ita ut scopi ex Indicatione inventi, & actiones Indicatæ realiter idem significant. Dicimus *realiter*, quod scopi etiam inventi quâ scopi ab illis ratione diffrent, quandoquidem præter actiones Indicatas videntur connotare intentionem easdem actiones prosequendi, sicuti scopi nondum inventi innuunt intentionem in illas inquirendi. Atque hæc de Indicatis.

III^o *Actio Indicantis* objectiva est, & Indicans, ut objectum præter se ipsum, Indicatum intellectui quodammodo insinuat. Miretur forte ali-

*aliquis, qui eveniat, ut objectum aliud quid,
prater se ipsum, representet.*

Resp. Eam esse naturam relativorum, ut (quâ talia) concipi non possint absque implicatione suorum correlativorum. Etenim unum relativū in propria sua consideratione obliquè saltem involvit naturam alterius, idéoque facile intellectum ducit ad alterius cognitionem. Dicat aliquis, si Indicationis vis in merâ relatione Indicantis ad Indicatum fundetur, qui fiat quòd ejus usus ad solam artem medicam restringatur?

Resp. Nos non negare, quin usus hujus instrumenti extendi possit ad alias artes & scientias, ut suprà quoque monuimus. Etenim in morali philosophiâ licet dicere virtutem indicare sui protectionem, vitium sui suppressionem. Neque verò tantum consistit hujusmodi relatio inter status rerum, actionesque eisdem spectantes, sed & inter terminos mierè speculativos: ut bis duo sunt quatuor, homo non est equus. At verò hic consideramus Indicationem & efficaciam Indicantis tantummodo in ordine ad methodum medicinæ, ut hic non opus sit hujus instrumenti usum ulterius extendere, quod neque fecit Galenus, cùm id ad ejus scopum parum contribueret. Afferimus tamen non quamlibet relationem sufficiens esse fundamentum Indicationis, sed oportet sit talis,

X

quæ

quæ evidenter præ se ferat seu conformitatem & congruentiam inter Indicans & Indicatum, unde in propositionem indubitate veritatis aptè componantur; seu disparitatem & repugnantiam eorundem inter se; unde à se invicem aptè dividantur, hoc est, in propositionem negativam æquè certam disponantur. Quòd autem propositiones hæc Indicatione elicite, sint certæ & evidentes, neque ulteriori probatione opus habeant, ex eo elucefcit, quòd quivis intellectus sui compos, nullóque præjudicio occæcatus, neque skepticis nugis ac fallaciis de industria irretitus, necessum habeat iis mox assentiri ubi earum terminos intelleixerit. Quinetiam ipsi skeptici, licet inter disputandum quamlibet veritatem, ut ut manifestam, sùsque déque habeant, & certissima quæque principia rebus quæm maximè dubiis æquiparare fatigant, in vitæ tamen muniis obeundis dum inediæ succurrunt assumpto cibo, dum pecunias sibi annumerant, dum plagas fugiunt, atque hæc & similia constanter absque ullâ mentis fluctuatione agunt, satis testantur se ex prava quadam animi dispositione vel gloriolæ studio, vel viatoriae in contentione spe duci potius quæm re ipsâ de istiusmodi propositionum veritate dubitare. Interim hic notandum est, Indicationem ipsam necessariò falacem

lacem esse ac infidam, ubi absoluta natura vel Indicantis, vel Indicati prius non exacte cognita fuerit. Etenim in hâc Indicationum arte, non præsupponimus semper medicum antea didicisse probéque nôsse quid sint res illæ omnes, quas secundum naturam nuncitamus, ut & in quo consistant morbi essentia, omnésque ejus partes, necnon causas omnes morbi perspectas habere: immo necesse est etiam sciat cunctas medicas actiones, putà quid sit alteratio, [quid calefactio, quid frigefactio &c, quid evacuatio, purgatio, venæ sectio &c, quid conservatio, & similia. Non enim Indicatio manifestam reddit absolutam natu-
ram vel Indicantis, vel Indicati, sed hæc prius nota præsupponens, mutuam tantum relationem repræsentat, viz. aut arctam con-
nexione & conformitatem, quam inter se ha-
bent, vel disparitatem & oppositionem, unde in propositionem certam formari possint. Verùm certitudo propositionis indicatæ non potest superare certitudinem cognitionis Indicantis. Siquando igitur hæsitamus de certa naturæ Indicantis notitia, vix tutum est soli Indicationi fidere, donec alio ratiocinio ut a-
nalogismo, vel experientiâ ulterius ea confir-
metur. Sed hæc dubitatio, nō naturæ Indicati-
onis, ast ignoratiæ rei Indicantis tribuēda est.
Adhac, sciendum est relationem indican-
tis in methodo Praxeos, præter evidentiam,

connotare etiam quid debiti aut *requisiti officii* respectu actionis Indicatae, propositionisque ex Indicatione formatas istud debitum insinuare vel explicitè, vel saltem implicitè. Ut in hac propositione, *morbus indicat sui ablationem*; decernitur ablatio, ut actio requirita ex parte Indicantis scil. morbi, ac si diceretur, morbus requirit seu postulat sui ablationem; exprimitur autem frequentius & fortè elegantiū hoc debitum actionis officium per participium in *dus*, ut, *morbus est tollendus*, quæ propositio manifestè significatione coïncidit cum prioribus.

Object. *Objectio quedam circa actionem Indicantis restat adhuc solvenda. Nimirum, si Indicatio sit ipsa Indicantis actio, quomodo vocari possit operatio Intellectus? omnes enim Indicationem ad aliquam intellectus operationem referunt.*

Resp. Indicationem esse quidem actionem Indicantis, sed objectivam, eamque uniri facultati Intellectivæ, atque in eâdem esse quasi in subjecto: porrò intellectum esse potentiam, & ab objecto suo actuari, & quasi informari. Quare actio Indicationis, licet *objectivè* tribuatur Indicanti, *subjectivè* tamen tribuitur Animæ ejusque præfertim intellectivæ parti, cuius actus & quasi forma est. Atque hinc facillimum est Galenum sibi ipsi conciliare ubi aliquando Indicationem *supponit*, aliquando *adhibet*, definit.

IV^o Examinandum est quò respiciat illa actionis Indicatae distinctio in *actionem conferentem, & nocentem*, sive *prosequendam & fugiendam*. Urgeat enim aliquis Galenum perpetuò affirmare ab uno Indicante unum tantum insinuari Indicatum ; & in *l. Meth. 11.* afferere eos frustrà Methodum curandi tentare, qui unum ab uno Indicari ignorant : atque omnes qui de hac materia scripsierunt, videntur idem attestari.

Reſp. Galenum intelligendum esse de tribus distinctis Indicantium generibus, quæ nullo modo sunt confundenda, ut neque eorum Indicata. Quod enim propriè indicat morbus, non tribuendum cauſis aut viribus, similiter quod indicant cauſæ, non applicandum id vel viribus, vel morbo ipſi ; denique quod vires indicant, nec morbo neque cauſis adſcribendum. Hoc enim respectu uni Indicanti unum Indicatum respondet, & qui hoc non observat, necessariò omnia confundit, fruſtraque ſecundūm Galeni mentem hoc instrumento in artis operibus utitur, veruntamen ſciendum eſt, in quovis genere prædicto, Indicatum in *duas partes* dividi posſe, quarum altera *actio conferens & prosequenda eſt*, altera *noxia & fugienda eſt* ; utraq; verò ad idem genus ē tribus dictis pertinet, & quaſi media pars eſt totius Indicati : Nam vires jubent eligere ea, quæ illas tueri queant;

X 3

ea

ea verò vitare quæ illas amplius laedere apta sunt, & utraque actio concurrit ad comple-tam conservationem præstandam. Similiter cùm in curatione, tum in præservatione repe-ritur actio tam prosequenda, quām fugienda: neutra tamen excedit sui generis terminos, ut nulla indē confusio metuenda sit. Dum enim curamus, ea eligimus quæ morbum demolitiuntur; ea fugimus, quæ illum fovent. Simi-liter dum præservamus, causas tollimus, & ea simul cavemus quæ quovis modo ad earum continuationem aut repullulationem contri-buunt. Atque ob hanc rationem in defini-tione Indicationis suprà datā, distingui-mus actionē Indicatam in *prosequendā* & *fugiendā*: quod idē quoq; in enumerandis particula-ribus hujus morbi indicationib. facturi sumus.

Ad quam intellectus operationem Indicationis pertinet. Tempestivum jam est ut ad secundum quæsitum ab initio propositum, viz. ad quam intellectus operationem Indicatio spe-cet, transeamus. Dicimus 1^o Indicationem quodammodo includere simplicem apprehensiō-nem utriusque termini, *Indicantis* & *Indicati*. Nemo enim propositionem intelligat igno-tis terminis ejus simplicibus. Verūm hæc cognitio tantum præparatoria est, & præsup-posita in arte Indicationum, ut suprà quoque notavimus. Dicimus secundò compositionem & divisionem esse explicitam operationem intellectus in perceptione Indicationis. Etenim In-dicans

dicans vi relationis suæ repræsentat Indicatum secum in propositionem relativam aptè conne& endum. Quòd verò propositio sic conslata naturâ suâ adeò sit manifesta & evidens, ut de ejus veritate dubitari non possit, neque ulteriori egeat probatione, expressè dicit Gal. — καταλύει, ἀγνω τηγέσας ή λογισμός Itē l. de opt. Sect. ad Thras. c. 11. — αγνω θαρεξεις. ύ παραπήσεις. Hic aliqui Galenum calumniantur, quasi artem exstruxisset ab omni ratione & experientia alienam, cùm tamen nîl aliud voluerit Galenus quām propositiones Indicatione elicitas per se certas esse, neque comprobatione seu experientiâ seu rationis indigere. Objicit quidem Sennertus Indicationem pertinere non posse ad secundam mentis operationem, quòd Indicatum neque affirmetur neque negetur de Indicante. Sed videtur vir doctissimus in hoc lapsus. Licet enim directè, & per nudum verbum substantivum sive copulam (est) fortè neque affirmetur neque negetur Indicatum de Indicante; indirectè tamen & in casu obliquo manifestè de eodem prædicatur eo modo, quo fieri solet in propositionibus relationis; v. gr. *Indicans est Indicati Indicans*; vel *status sanus est suæ conservationis Indicans*; *status morbosus est remedii Indicans*; &c. Et si quis velit exprimere Indicatum cum relatione sua ad *Indicans per participium in dñs*, ejus prædica-

tio erit directa : Ut, *status sanus est conservandus*, *status morbosus est curandus*, *morbis est tollendus*, &c. Si negare possit doctissimus Sennertus has esse propositiones, pari facilitate negaverit Indicationem spectare ad hanc operationem intellectus ; si necesse habeat illud confiteri, etiam hoc unā agnoscere tenetur. Afferimus verò Indicationem explicitè spectare ad secundam mentis operationem; quod intellectus, quo ad ordinem temporis, simul comprehendat mutuam relationem Indicantis & indicati, in dēq; propositionem conficiat, quae propositionis formatio ipsa est Indicatio, atque explicitè secunda Intellectus operatio. Quod autem intellectus simul tempore Indicans & Indicatum in Indicatione complectatur, eleganter exprimit Galenus facta voce decomposita, quā in ejus definitione utitur, — *συμπεριττα κατάντης*
Item in alia definitione, — *συμπεριττοῖς τὸ συμπέριον.*

Dicimus 3^o Indicationem *implicite queque referri posse ad tertiam Intellectus operationem* : quoniam ordine Naturae videtur Intellectus prius evidentem relationem Indicantis ad Indicatum percipere, quam de certitudine propositionis inde resultantis concludat, licet ordine temporis hæc simul Intellectus complectatur, ut modò dictum, neque necesse sit explicitum syllogismum conficiat. Nam re vera

vera potest Intellectus simul tempore comprehendere ea, quæ ordine naturæ successiva dicantur, ut solem & lucem, ignem & calorem &c, Eo ipso verò quod hæc simultanea comprehensio Indicationis includit dependentiam quandam notitiæ Indicati à relatione Indicantis perceptâ, supponit quoque relationem dictam saltem ordine naturæ priùs percipi, Indicatum verò posterius & per illationem implicitam innoteſcere. Nam transitio quædam, respectu ordinis naturæ, hic implicari videtur à relatione Indicantis, tanquam medio termino, ad propositionem ex Indicante & Indicato conflatam tanquam ad conclusionem; quæ implicita quædam argumentatio dici potest.

Dicimus 4^o Posse per ambages Indicationem reduci ad explicitam argumentationem sive syllogismum, seu potius, idem quod Indicatione assequimur posse etiam per viam syllogismi inventari & comprobari. Nam ratio evidentiæ propositionis Indicatæ explicitè applicari potest, ut medius terminus ad istam propositionem inferendam. Interim syllogismus sic confessus vel mierè nugatorius, vel ad summum tantum explicitorious erit. Ut si quis vellet probare morbum est tollendum, sic procederet. *Quod est contra naturam, est tollendum; morbus est contra naturam; ergo morbus est tollendus: medius terminus (quod est contra*

contra naturam) est ratio relationis morbi ad suum ablationem, sed tantum est expositorius generalis naturae morbi. Quisquis enim intelligit quid sit morbus, necessariò simul concipit esse quid præter naturam. Ideoque talis syllogismus tantum expositorius est. Non tamen eum semper inutilem putamus, cum ad convictionem pertinacis, vel informationem ignorantis aliquando inserviat. Huc quoque referre possumus translationem Indicationis ab actione ad instrumenta virtute generalium regularum, *similia similibus conservantur, contraria contrariis curantur*; quæ supra quoque memorantur.

Dicimus 5^a Collationem Indicationum inter se, quò ex consensu & dissensu Indicantium quid simpliciter & absoluè agendum sit elicamus, necessariò involvere tertiam Intellectus operationem. Etenim limitatio cuiusvis Indicationis supponit medium terminum isti Indicationi extraneū, quo priùs intellecto limitatio ut conclusio infertur. Qui enim necesse habet (quò de veritate propositionis alicujus statuat) terminum extraneum ut medium consulere, hic certè manifestè argumentatur. Cum ergò ad limitationem Indicationis præter Indicans & Indicatum tertius terminus ejusque consensus vel dissensus requiratur, patet ad ejus inventionem tertiam operationem Intellectus postulari. Licet ergò simplices

simplices Indicationes prima rudimenta Methodi ad Praxin subministrent, ad complementum tamen artis ratiocinatio socia est adsciscenda.

Dicimus 6^o Electionem materiae medicæ in specie, ejusque aptam administrationem non tantum omnem operationem intellectus, sed & insuper postulare experientiam. Etenim quis absque hâc dosin scammonii alteriusve cujusvis medicamenti purgantis, quosve humores in specie educat, satis intelliget? In alterantibus etiam lateat fortè qualitas aliqua non explorata, ægrotanti noxia, quæ solâ experientiâ percipi possit. Statuimus ergò (Indicationum propriâ vi usûque servatis) ad completam medicinæ methodum requiri quidquid ratio, quidquid experientia contribuere possint.

Procedendum tandem est ad tertium titulum ab initio propositum, in quæ scil. genera & differentias Indicatio distribuatur. Differentiæ quædam è suprà-dictis facile elicuntur, quas hic propterea omittimus. Hic autem distinguimus Indicationem in *genericam*, *subalternam*, & *specificam*. Generica à generali Indicante petitur, subalterna à generibus Indicantium intermediis, specifica ab infima eorum specie. Suprà notavimus generale Indicans esse ipsum statum corporis in genere consideratum, quæ fragilem & in motu:

Differen-
tiae Indica-
tionum.

motu : status hic indicat sanitatem esse asse-
quendam , quæ generalissima est actio me-
dica, & generalissimum Indicatum. Verum
tamen hæc actio quodammodo concreta est,
& duas æquè generales actiones in abstractio
Duo Indi-
cata abstra
&a gene-
ralissima. includit, scil. Conservationem, & Correctionem.
Quippe status generalis prædictus etiam
concretus est, duæque similes consideratio-
nes in abstracto complectitur, alteram nimi-
rum partium secundùm naturam adhuc se
habentium , quæ puram putam conservatio-
nem postulant ; alteram partium de integri-
tate suâ nonnihil jam lapsarum , quæ simili-
ter puram putam correctionem exigunt. Hæ
duæ actiones in omni artis operâ perpetuò
conjunguntur. Qui enim conservat , simul
corrigit, hoc est, vitia quædam emendat , &
qui corrigit seu vitia emendat , simul Con-
servationi prospicit. Complicatio harum
actionum adeò est subtilis, ut videatur impo-
suisse ipsi accutissimo Argenterio qui l. i. de
Off.med.c.2. affirmat Conservationem esse
ipsam illam Correctionem , quæ in arte tur-
endæ sanitatis exercetur. Verum dupliciter
errat. 1º Quod Correctionem & Conser-
vationem in unam & eandem actionem
esse putet, cum re ipsâ duæ sint distinctæ, ut
ut conjungantur in artis exercitio. Etenim à
diversis considerationibus generalis Indi-
cantis, ut modò dictum, indicantur, & Con-
servatio

Servatio respicit ea quæ sec. naturam sunt; Correctio vitia Naturæ. Quinetiam per instrumenta formaliter distincta, immo opposita perficiuntur. Nam Correctio in ipsa etiam arte tuendæ sanitatis per contraria, Conservatio per similia peragitur: Ut, inanitioni in hac arte succurrimus a sumpto cibo, inanitioni quidem contrariâ, ast partibus nutriendis simili: Quamvis ergò conjungantur hæ actiones in execuzione, re ipsa tamen formaliter distinctæ sunt, & distincte ab intellectu concipiendæ. Secundus error Argenterii est, quod solum Correctionem vitiorum generalem actionem totius Medicinæ esse concedat, cum Conservatio æquè sit universalis paritéque in omni Medicinæ parte exerceatur.

Nemo dubitat quin in *vixen;* conservemus: quod vero simul corrigamus, demonstrat Galenus I. ad Thrasyb. & lib. An res *tuendæ sanitatis ad medicum perineant.* Dicas Gal. ibi probare omnem actionem medicam esse Correctionem, ipsamque Conservacionem sub latitudine Correctionis comprehendi. Non tamen ita accipiendus est Galenus, quasi veller Correctionem esse genus Conservationis, cum, ut modò monstravimus, Conservatio & Correctio vel in hac arte tuendæ sanitatis sint formaliter diversæ & contra distinctæ actiones: id vero tantum voluit

Galenus

Galenus omnem actionem Medicam, quando
actu administratur, in se Correctionem inclu-
dere, eoque respectu Correctionem appellari
posse, adeoque Correctionem esse generalem
actionem totius Medicinæ : tamen negat
Gal. quin conservatio sit æquè generalis.
Quid enim prohibeat duas esse generales
actiones abstractas in Medicina ? Non id
destruit, si quis forte putet, unitatem Artis ;
quin potius eam confirmat. Unitas enim Ar-
tis in communitate aliqua, quæ omnibus
eiusdem partibus tribui potest, consistit; atq;
eo firmior unitas hæc censenda est, quo plur-
ibus communitatibus omnes Artis partes
inter se connectuntur. Si ergo duæ sint actio-
nes generales, eaque omnibus partibus Me-
dicinæ communes, eò firmius partes istæ in
unam Artem coalescunt. Quare non repug-
nat ratiocinio Galeni, si quis dicat conserva-
tionem quoque esse generalem actionem to-
tius Medicinæ ; cum scopus Galeni, tantum
fuerit ostendere Medicæ Artis unitatem ex
communitate istius generalis actionis, *viz.*
Correctionis : potuisse autem id æquè
ostendisse, si natura rei postulasset, ex com-
munitate Conservationis. Etenim in nobilissima pars totius concretæ actionis est
Conservatio, indeque tota actio à potionis
parte conservatio, & Ars ipsa Conservatrix
denominatur, licet alias, ut dictum est, Cor-
rectionem

rectionem quoq; includat. In Prophylactica
verò præcipua pars actionis Medica præser-
vatio est, scilicet Correctio caussæ morbi
imminentis: ita tamen hæc perficitur, & per
ea media, quæ vires præsentes permittant,
nullo autem modo per ea quæ easdem destru-
ant. Ideoque in Prophylaxi quoque ratio
habet virium, earumque conservatio indi-
catur. Verum à potiori similiter parte tota
actio concreta (etsi ut dictum, Conservati-
onem quoque includat) Præservatio & Præ-
cautio appellatur. Denique in Therapeutica,
licet similiter tota actio concreta Curatio, &
ipsa Ars Curatrix à principe actionis parte
denominetur; re ipsa tamen tota hæc actio
Curandi in tres partes abstractas benèque
distinctas dirimi potest: in Curationem cau-
sæ, in Curationem morbi, & Conservatio-
nem virium. Vitalis quippe sive Conser-
vatix Indicatio ad hanc quoque Medicinæ
partem evidenter & omnium consensu spe-
ctat, & in omni Curativa actione priusquam
ea exequenda est, consuli debet. Unde patet
hanc etiam partem Medicinæ perpetuò con-
servare, hoc est, in omni Curatione prospiri-
cere, nè vires à remedio præscribendo plus
detrimenti capiant, quam emolumentum id
est, quod per morbi ejusve caussæ à remedio
impugnationem iisdem accedit. His omnibus
igitur perpensis, concludimus generale In-
dicatum

dicatum Concretum quid esse, apteque distingui in duas generales actiones abstractas, quae in omni parte Medicinæ exercentur, id. que in Artis opera unam actionem completam sive complexam perpetuò conficere.

Porrò generale Indicans, *viz.* status corporis, quæ fragilis & in motu, præter partes sive considerationes abstractas jam propositas dividi potest in tres species, seu potius tria genera subalterna pariter concreta : scil, in *statum sanum*; in *statum morbosum*; & *neutrum*. Hæ tres species ipsa sunt subjecta trium specierum Methodi ad praxin: nimis *status sanus*, Τυπεῖς; *status morbosus*, θεραπευτικῆς; *status neuter*, περιθλακτικῆς. Tres hi status etiam concreta Indicantia sunt, & concretè quid sit agendum, vel quodnam sit officium Medicis in singulis istis Artibus respectivè indicant: *viz.* status sanus, sanitatem esse conservandum; status morbosus, morbum esse tollendum; status neuter, morbi imminentis causam esse corrigendam, nè in morbum erumpat. Atque hæc tria Indicata similiter concreta sunt, eorumque quodlibet, ut supra probavimus, in abstracto tum Conservationem tum Correctionem includit.

Denique in statu morboso actio Corrigendi induas species resolvitur; in Correctionem causæ, & Correctionem morbi; atque adeò tria actionum abstractorum genere hic reperire

reperiē est. Status enim morbosus in tres species abstractas finditur, in morbi essentiā, morbi caussas, & vires sive ea quae su- persunt in hoc statu secundū naturam. Ea enim quae præter naturam sunt & correctionem in genere indicant, in duas species, ut dictum, hic abeunt, *viz.* in morbi essentiā, & morbi caussas ; ideoque tres sunt partes hujus statū, quae singulæ formaliter diversimodè indicant. Tria ergo (ut negotio huic finem imponamus) genera Indicationum in hoc statu veniunt consideranda : nempe ab essentia morbi, *Curativa* : à caussis, *Præser- vativa* ; à viribus, *vitalis*, seu *Conservativa*. Ad caussas referimus qualibet impedimenta curationis, ut & symptoma urgentia, qua- que curationem ad se trahunt, hoc enim respectu naturam induunt caussarum. Hæc in genere de Indicationibus dicta sufficient.

C A P. XXV.

Curativa Indicationes.

AB *Essentia morbi* deduci has Indications modò afferuimus. Hic ergò omnes essentiæ hujus morbi partes leviter percurrendæ sunt, ut, quid quælibet agendum insinuet, percipi possit.

Indicatio
prima.

1^o Ergò, morbi hujus essentia ex parte consistit in intemperie frigida & humida: indicat ergò morbus hic respectu hujus partis essentiæ suæ, non tantum ea omnia vitanda esse, quæ quovis modo istam intemperiem aut fovere aut intendere apta nata sunt; sed & in subsidium advocanda esse ea, quæ eandem infringant, *viz.* calefacientia & siccantia.

Secunda.

2^o Consistit hic morbus etiam ex parte in inopia spirituum insitorum: non modò ergò ea omnia fugienda sunt, quæ quovis modo spiritus ulterius dissipare, eliquare, vel in auras dissolvere queant, sed & ea insuper eligenda sunt quæ eosdē instaurare, fovere, ac multiplicare possint. Respuen. igitur hic validiora discussiva, quod spiritus unā discutiant; item impensè calida, quod eosdem in auras resolvant: multò magis, quæ vim eliquandi partes habent, ut violentiora purgantia. Eligenda verò alimenta optima, & coctu facilia medicamenta,

camenta, quantum fieri potest, spiritibus insitam amica & benigna.

3^o Morbi hujus essentia ex parte in torpore ^{Tertia:} spirituum consistit: Insinuat hic torpor vi-tanda esse ea omnia quae nimium figunt ac densant spiritus, aut aliter eos stupefaciunt, qualia sunt narcotica, multaque mineralia, quae de plumbi natura participant, qualia sunt *Minium, Cerussa, Lybargyrus, &c.* Vo-canda autem in usum esse *exercitia, motus, frictiones,* eaque omnia quae spiritus insitos excitare, eorumque torporem excutere, atque eos agiles reddere valeant.

4^o Tonus, qua justo mollior, laxior, flaci-dior, indicat vitanda esse ea, quae emollire, laxare, aut enervare partes solent, eaque ap-plicanda aut intus exhibenda, quae easdem firmiores, solidiores, magisq; tensas præstent. Idem Tonus qua nimis internè lubricus suspecta reddit ea omnia quae interna lubrici-tate multum abundant, videturque nonnihil asperitatis aut etiam adstrictionis in iis quae vel assumuntur, vel applicantur deside-rare.

5^o Vitalis constitutio læsa ex parte gene-^{Quinta:} rationis vitalium spirituum non adeò mul-tum refert: verum ex parte distributionis vitalium spirituum, inæqualitas ejusdem magni momenti est, atque indicat ea esse cavenda, quae sanguinis affluxum versus

(322)

caput promoveant, ut & ea quæ ejusdem affluxum ad partes primò affectas remoren-
tur. Eligenda verò esse ea quæ arteriarum pulsus in partibus primò affectis proritare, in capite verò potius sedare valeant. Idem propemodum indicat diminutior & tardior decursus sanguinis per partes primò affectas, nimurum pulsū ad istas partes evocatio-
nem. Transitus verò sanguinis per habitum partium nimis lubricus & facilis, indicatione suâ coïncidit cum lubricitate Toni modò no-
tatâ. Defectus constitutionis vitalis ex parte unionis satis vigorosæ & jucundæ inter spiritus vitales & infitos, indicat ea quæ utrumq;
spiritum tum nutrire ac fovere, tum excitare ad majorem activitatem possunt, contraria autem esse fugienda. Calor vitalis, quâ defi-
ciens idem ferè indicat quod intemperies frigida, modò simul habeatur respectus ro-
boris tum cordis & arteriarum, tum vigoris vitalium spirituum.

Sexta.

6º Inæqualis nutritio ea indicat quæ æqualem distributionem alimenti & caloris, aut certè eam liberaliorem ad partes minus debito nutritas promoveant. Partium exte-
nuatio pleniorē nutritionē postulat: Irre-
gularis capit̄ magnitudo, extenuātia potius,
quæque fluxum ab illa parte avertunt, exigit.
Idem indicant tumores ossium. Ossa incur-
vata indicant ea quæ alimentum attrahunt
ad

ad latus cavum, ut frictiones moderatas; at verò reprementia potius secundum latus gibbum, ut ligaturas comprimentes. Articulorum inflexio, artificiosam eorundem erectionem, quoad fieri potest, insinuat. Pectoris angustia, pectoralia, & quæ pectus dilatare apta nata sunt, innuit; ejusdem acuminatio verò, ea quæ ad æqualem nutritiōnem faciant.

7^o Imperfecta animalium spirituum distributione, & nonnihil in partibus primò affectis imminuta indicat cephalica, eaque quæ istam distributionem facilitent, ut exercitia, frictiones, & similia. Defectus debitæ tensitatis nervorum partiūmque nervosarum sive fibrosarum, indicat ea, quæ nervos roborant partésque firmant. Hoc de Indicationibus Curativis. Sequuntur Præservativæ.

C A P. X X V.

Indicationes Preservativa.

Fatigum di- **I**ndicationes hæ à causis morbi vel *antece-*
yisio. *dentibus* vel *presentibus* deducuntur. Quæ
à priori caussarum genere fluunt ad Pro-
phylacticam spectant: hic autem eas tantum
proponimus, quæ à causis *presentibus* & in
corpore contentis, nempe vel *communibus*,
vel *huic morbo propriis* proveniunt.

Quamvis autem caussæ communes non
videantur productionem essentiæ morbi im-
mediatè attingere; vel eo ipso tamen quod
impedimenti vicem subeant, curamque re-
morentur, suam ablationem indicant.

Sunt verò hæ caussæ, vel *impuritates*, aut
excrementitii humores imprimis viis congesti
& *retenti*, qui, nisi tollantur, non modò
alimenta assumpta contaminarent, sed &
appropriata medicamenta nonnihil retunde-
rent, aliterve impedirent. Indicant ergo suū
evacuationem sive per *blandiorem vomitum*,
sive per *lenitivam purgationem*, prout occasio
hanc vel illam viam magis suadeat: vel sunt
caussæ communes altius à partibus corporis im-
bibitæ: & hæ quoque suam evacuationem
postulant. Verùm quandoquidem secundùm
hoc

hoc causarum communium genus iisdem propemodum [medicamentis simûlque exigatur, quibus causæ huic morbo propriæ utrumque hoc genus in præsenti consideratione conjungemus.

Causæ igitur huic morbo propriæ, ut & communes istæ quæ altius in corpus penetrârunt, dividi possunt in *sanguinem* & *humores cacoehymicos*. Sanguis quidem, etsi in partibus primò affectis deficiat potius quam redundet, in capite tamen plerumque particularem suâ evacuationem, quæ *scarificatione venarum in Aurium conchâ peragi* solet. Huc quoque ex parte *fonticulos* inter primam & 2^{am} vetebram colli excitatos referre possumus, licet hi fortè respiciant insuper ex parte humores cacoehymicos.

Humores Cachochymici dividuntur in eos, qui adhuc in venoso genere fluitant, & in eos, qui certis corporis partibus impacti sunt. Causæ seu humores in venoso genere fluitantes indicant (primò & quoad intentionem) suâ evacuationem, verum si ad motum inepti sint (quoad executionem) præviam præparatiōnem. Quoniam autem plerumque evenit, ut non omnes humores æquè sint inepti, sed alii sati, alii minùs, quam par est, fluxiles, & medicamento obsequentes, in hoc casu primò indicant evacuationem minorativam, & deinde præparationem.

Y 4

Porrò

Porrò hi humores in venoso genere subdividi possunt in *febriles* (nimirū si adsit febris putrida) & *non febriles*. Humores *febriles* vel sunt *turgentes*, vel *non turgentes*. *Turgentes*, hoc est, inquieti seu impetuosè commoti, indicant quamprimum evacuacionem, saltem minorativam, nisi fortè naturā suā ferantur ad partes externas & ignobiles, putà cutaneas, quemadmodum accidit in variolis & morbillis, similib[us]que morbis. Sin verò adsit febris, eaque acuta, neque humores turgeant, indicant primò illam peculiarem præparationem, quam *cōctionem* vocant, ut reddantur pharmaco propinando obedientes, dein *evacuationem*. At si febris non acuta sed lenta sit, etiamsi materia non turgeat, ejusdem tamen pars aliqua satis sit fluxilis, in hoc casu, quovis tempore morbi indicatur evacuatio minorativa primò, & postea reliquarum cōctio, ut illæ quoque suo tempore evacentur.

Humores in venoso genere contenti non febriles, si fluxiles sint, indicant primò evacuationem: cùm autem in hoc affectu perpetuò ferè adsint humores lenti & crassi parūmque sequaces, præparatio (saltem ubi jam præmissa est evacuatio minorativa) primò indicatur: & quidem viscidi humores incidentia, crassi attenuantia indicant. Adhæc cùm morbus sit admodum chronicus

&

& ad plures menses, immo fortè ad annum & ultrà extendatur, non existimandum est totam materiam morbificam posse simul præparari aut evacuari; quare hoc respectu indicat, ut, per vices, modò præparantibus modò evacuantibus insistamus. Præterea sciendum est aliam præparationem & evacuationem exigere humores biliosos, aliam melancholicos, aliam pituitosos & ferosos: & pro diversitate humorum sanguini commixtorum variam indicari tūm præparationem, tūm purgationem.

Humores certis corporis partibus impasti multò magis requirunt præparationem antequam evacuentur, juxta illud Hippocr. *Corpora quum quis purgare volet, ea fluxilia faciat oportet.* Neque verò humoribus his generalis quædam præparatio sufficit, sed talis requiritur præparatio, quæ peculiari jure ipsam partem, in qua hærent, respiciat; adeoque aliam præparationem humores in Pulmone, aliam in Hepate, aut Liene &c. postulant.

Denique quum omnium humorum genera proposta, postquam evacuata sunt, denuo possint succrescere, indicant ea esse vitanda, quæ ad similes humores facile generandos faciant. Atque hæc de Indicationibus Præservativis, restat nunc vitalis sive conservativa consideranda.

CAP.

C A P. XXVII.

Indicatio conservativa, sive vitalis.

ORitur hæc Indicatio ab iis rebus que sunt secundum naturam. Ipsa enim vita in his consistit, in triplici nimirum corporis constitutione, Naturali, Vitali, & Animali, supra memoratis.

Naturalis sub se continet

- 1^o Temperamentum.
- 2^o Spiritus insitos, eorumque copiam & vigorem.
- 3^o Tonum partium.
- 4^o Organorum structuram.
- 5^o Continuitatem.

Vitalis continet

- 1^o Generationem & *vitalium spirituum.*
- 2^o Distributionem *vitalium spirituum.*
- 3^o Participationem eorundem ab iis partibus, quibus distribuuntur, scil. ex unione eorum cum dictis partibus & calore communicato.

Animalis similiter continet

- 1^o Generationem & *animalium spirituum.*
- 2^o Distributionem *animalium spirituum.*
- 3^o Debitam Tensionem partium à cerebri influxu pendentium.

Hæc

Hæc omnia, quod in iis vita consistat, vocantur *indicantia vitalia*: apud Autores verò ut plurimū communī nomine *virium* veniunt, sed paullò crassior est hæc nuncupatio, cùm, si propriè loquamur, vires in dictis constitutionibus radicentur, earumque facultates sint. Non autem in animo habemus, usum loquendi innovare, modò res ipsa, uti est, intelligatur.

Indicantia hæc quamdiu sana atque integra manent, generalem tantum ac ordinariam conservationem per rectum & *rerum non naturalium* usum postulant. Ubi verò ea omnia ex æquo vel læsa vel imminentia læsioni obnoxia sunt, non tantum generalem conservationem, sed & curationi aut præservationi admixtam requirunt. Porrò ubi una aliqua constitutio, vel quædam ejus pars præ cæteris læsa fuerit, vel læsioni obnoxia, præter generalem conservationem, specialem quoque postulat similiter peculiari curationi aut præservationi associandam: Denique ubi constitutio læsa, vel læsioni obnoxia certæ parti est affixa, ulterius eam conservationem specificat, ut nimis habetur simul respectus partis sic præ cæteris laborantis.

Quod autem aliqui dicunt Indicationem vitalem esse unicam & Conservationem esse simplicem finem, neque ulterius subdividi posse, cùm omnia quæ secundum naturam sunt uno virium

Vitalem
Indicationem
nem esse
in plures
species
divisibilem

virium nomine comprehendantur, unāmque actionem *viz.* suī tutelam indicent. Nos quidem concedimus vires, si(ut suprà monuimus) impropriè pro causis suis, nempe constitutionibus tribus prædictis sumantur, uno nomine complecti posse omnia quæ sec. naturam sunt; sed nomen hoc tunc genericum erit, atq; in tres species, tres nempe constitutiones, divisible, in *vires naturales, vitales, & animales*. Concedimus porrò finem sive actionem indicatam *viz.* Conservationem, esse unam, sed unitate generis, non ultimæ speciei. Nam ea ipsa, quæ sunt sec. naturam, ut ut genere convenient, specie tamen inter se differre possunt, & diversimodam conservationem exigere: immo fieri potest, ut quæ vires ex una parte conservent, ex alia eas impugnent: Ex. gr. Vinum exhibitum vires vitales seu potius constitutionem vitalem erigit & roborat; interim verò vires animales, seu constitutionem animalem impedit & debilitat. Similiter aliam conservationem requirit temperamentum, aliam organorum structura, aliam continuitas. Quin & partium diversa constitutio variam conservacionem indicat, neque eodem modo aut iisdem actionibus conservationi speciali Hepatis, Pulmonum, Cerebri &c, prospicimus. Quare una aliqua constitutio præ cæteris debilis, seu una pars aliis infirmior, specialem fibique

sibique propriam conservationem indicat, adeoque dividi possunt tum conservatio tum conservantia in species suas. Etenim Conservatio & Conservantia, animali constitutiōnī appropriata, differunt ab iis, quae vitali aut naturali destinantur, atque hinc primae tres species conservationis petendae sunt. *viz.* *Conservatio constitutionis animalis*, *conservatio constitutionis vitalis*, & *conservatio constitutionis naturalis*; similiter Conservatio Hepatis, Hepaticorū, Lienis, spleniticorum, Pulmonum, pectoralium usū perficitur: immo omnes partes insigniter diversae conservationem ulterius in species dirimunt. Hæc de divisione conservationis in suas species.

Porro eadem Conservatio videtur ulterius dividii posse in suas partes. Etenim Conservatio hæc quodammodo complexa est, & non tantum *similia* respicit, sed & suo modo *contraria*, nimirum indicata tum curativa tum præservativa, eaque cum viribus aestimata, vel permittit, vel prohibet: Videtur ergo in tres partes absundi; in *Electionem similium*; in *Permissionem contrariorum sub certa conditione*; in *Prohibitionem corundem sub diversa conditione*.

Electio similium maximè propria conservationis actio est, videturque adhuc duo genera similium respicere, *viz.* Similia quae facile assimilari possunt, & propriè alimenta sunt,

&

*Esse quo-
que divisi-
bilem in
partes.*

& similia, quæ licet quoad substantiam forte haud assimilari queant, continent tamen in se qualitates quasdam debitæ constitutioni certarum partium similes, quarum respectu naturæ familiaria & amica reputantur, certasq; partes fovent ac roborant.

Object. *Dicas, hec revera esse alterantia & ad genus contrariorum spectare.*

Resp. Respondemus, ad utrumque genus diverso respectu referri posse; quatenus autem obtinent qualitates debitæ naturæ partium similes, licet alias tantillum alterent, ad genus similiū referenda esse. Nam & ipsa alimenta tantundem quoque alterant, & inanitioni directè sunt contraria, ipsaque conservatio implicitè includit quandam correctionem, ut suprà probavimus. Vocantur autem hæc, ob medianam naturam inter similia & alterantia, medicamenta quidem, sed *Conservantia, Corroborationis, & Cordialia*: indicantur vero hæc à peculiari virium debilitate ut conservantia, & ut eligenda, non vero tantum ut Permittenda, & in libris Præticorum communiter sic recensentur.

Permissio remedii naturæ nonnihil contrarii etiam ad hanc Indicationem spectat. Ea enim est hujus Indicationis dignitas & valor, ut indicata tum curativa tum præservativa ad examen priusquam exequenda sint, revocet, & non tantum remedii qualitatem quantitatemque

témque, sed & tempus repetendi, immò quicquid ad ejusdem usum aut utendi modum pertinet, eò usque moderetur ac limitet, nè ulla tenus vires patientis excedat, iisve injuriam inferat: neque verò hic se fistit, ast amplius exigit, ut plus emolumenti ex morbi impugnatione, quām detrimenti ex vi naturae illata, rebus secundūm naturam accrescat. Et sub hac lege & conditione vitalis Indicatio multa permittit fieri, quæ viribus per se sunt adversa, semper tamen in favorem sanitatis, nunquam in vitæ præjudicium.

Prohibitio contrarii imperialis planè hujus Indicationis actus est, & imperio quodam dictat hoc vel illud (licet alioquin indicatum fuerit) non esse exequendum, quod ipsi vitæ fortè periculum minetur, aut quod non plus emolumenti partibus sanitatis conferat, quām certi detrimenti. Atque hæc tertia & ultima hujus Indicationis vis & usus est. Hæc jam verbo uno ad morbum præsentem applicanda sunt.

Constitutiones omnes in hoc affectu esse admodūm debiles & infirmas vel ex ipsa tenerae ætatis consideratione facile elucescit. Naturalis verò insuper vi primæ essentiæ morbi ulteriùs impetratur; hinc etiam vitalis nonnihil patitur; sed neque animalis planè impunè evadit, ut suprà monstravimus. Qua-

re

re tum generalis harum constitutionum, tum specialis habenda ratio est, tam in electione similium, quam in permissione vel prohibitione contrariorum.

1^o Igitur Eligenda sunt in hoc affectu alimenta optima, coctu facilia, consuetudini, ætati, annique temporis, quantum fieri potest, congrua. Respenda contraria, quæ nempe parum nutriunt, quæ difficulter coquuntur, insueta, ætati temporique incongrua.

2^o Eligenda sunt ea, quæ constitutiones debiliores partesq; præcæteris affectas fovent & corroborant, eaq; vel separatim exhibeda, vel alimentis aut medicamentis admiscenda; ea vero quæ neque ad hunc scopum faciunt, neq; alijs indicantur, in totum sunt fugienda.

3^o Permittenda sunt evacuantia benigna & mitiora aut alijs satis correcta, quantitate moderata, & interpositis justis inrervallis. Contraria vero nempe evacuantia violentiora & fera, præsertim quæ partes eliquare apta sunt, item in nimia quantitate, vel frequenter justo adhibita prohibentur.

4^o Permittenda quoque sunt alterantia, sive humores præparantia, sive morbum ipsum corrigentia, talia quidem quæ simul sint naturæ familiaria & amica, vel talium admixtione satis correcta. Prohibenda sunt alterantia violentiora, valde discutientia, impensè calida, aut quovis modo partes eliquantia vel dissipantia.

Cap.

C A P . XXIV.

*Uſus rectāque administratio Indica-
tionum prædictarum.*

Propositis jam tribus simplicium Indicationum generibus, iisque in infimas species deductis, earum *uſus rectāque administratio* proximo loco venit consideranda: cuius exacta cognitio videtur absque ratiocinio & experientia obtineri non posse. Descendit Quæ com-
enim ad individua, & non modò selectionem prehen-
duntur sub
usu Indi-
cationum.
species.

Consensus & Diffensus Indicationum multum ad hanc inventionem contribuunt. Consensus autem duplex esse potest: *Cōindicatis*, & *Permissionis*. Permissio vel lucro esse potest permittenti, vel *damno*, vel horum *neutri*. Permissio damnosa semper *cum circumspectione* admittenda est, eoque tantò majori, quantò majus damnum permittenti inde adveniat. Permittens enim etsi in bonum publicum de suo privato jure nonnihil cedat, semper tamen respectu totius lucrari supponitur.

Z *Diffensus*

**Dissensus
earundem
species.**

*Dissensus Indicantium duplex est; nimirum vel *Contradicitorius*, vel *Contrarius*. *Contradicitorius* apud Autores *Prohibitio* vocatur & *Interdictio*, & viribus ut plurimum appropriari solet, cui hoc respectu semper obsequendum. *Dissensus Contrarius contrà-indicatio* dicitur, isque non simpliciter prohibet, nisi quatenus subit rationem impedimenti, aut urgentioris Indicantis.*

**Quid a.
gendum
ubi con-
sentiant
Indican-
tia.**

I^o Ubi consentiunt Indicantia, sive *Cōdicando* sive *Permittendo*, omnibus Indicatis simul (si fieri possit) satisfaciendum: Sin hoc forte perfici nequeat, medicamenta ejusmodi cæteris præferenda, quæ pluribus, aut saltem urgentioribus scopis simul respondeant. Quod si autem hujusmodi simplicia non reperiantur, apta diversorum simplicium inter se compositio instituenda est.

**Non mul-
tum inter
se diffen-
tiunt Par-
tes essen-
tiae hujus
morbi.**

Partes essentiae hujus morbi, licet admodum variæ sint, haud multum tamen inter se dissentunt, nihilque obstat quin magna ex parte simul possint respici. Medicamenta enim temperatè calida & sicca, possunt unâ spiritus insitos fovere, et forte ad ex cutendum eorum torporem conducere, simulque tonum partium nonnihil firmare, tum ad æqualem sanguinis distributionem, adeoque ad nutritionis æqualitatem facere: Item spiritibus vitalibus atque animalibus vigorem conciliare, arterias in partibus primò affectis proritare,

proritare, nervos roborare: ad quæ capita non ineptè omnia Indicata essentia morbi ferè reduci possunt. Porrò vires quoque, licet impensè calida, aliisque omnia violenta prohibeant, hæc tamen ut moderata, satisque naturæ familiaria permittunt. Causæ simili-
ter his Indicatis in specie parùm repugnant, licet quoad tempus & exequendi ordinem nonnullus notetur dissensus, quemadmodum infrà suo loco videbim̄s.

Quare quatenus & quousque hæc inter se contentiunt, dum curationi operam damus, unâ operâ respicimus simul non tantum vi-
res, sed & nonnihil ejusdem causas, eligen-
do ea remedia curatoria, vel iis illa ad-
mīscendo, quæ unâ possint crassa attenua-
re, viscida incidere, obstructa aperire, &
similia. Similiter, dum in præservatione aut
eradicatione causarum maximè occupati
sumus, talia eligimus evacuantia, aut talia
pharmacis admīscemus, quæ simul ex parte
morbo sint contraria. Atque hæc omnia eo
consilio agimus, ut quamplurimi intentioni-
bus (ut dicitum) simul subserviamus.

Inventis autem actionibus in specie sim-
pliciter requisitis, proximo loco earum *debitæ*
Circumstantiae exquirendæ sunt.

1º Ergò, cùm morbus hic magnus sit,
magnam *remedii Quantitatē* ex parte sui exi-
git. Nam remedium morbo impar eum ex-

Circum-
stantia-
rum actio-
num
Indicata-
rum in-
ventio.

Quantiti-
tatis.

Z 2 stirpare

stirpare nequit. Oportet igitur ut medicamenti dosis, morbi magnitudini adæquata sit. Atqui vires in hoc affectu tantam remediorum molem simul adhiberi non permittunt. Quare quantitatem istam partiri & per vices administrare oportet. Morbus enim hic chronicus est, tardique motus, neque præcipitem curationem necessariò exigit, & quamvis vires neque fortiora remedia, neque majori quantitate exhibita facile ferant, per ~~enixionem~~ tamen evacuantium remediorum usum permittunt. Quare, per vices, modò ptæparantibus, modò evacuantibus, modò alterantibus, aut corroborantibus insistendum est.

2. Loci.

3º Quod ad *locum administrandi* attinet, generalis regula est, Remedium ad morbi ejusve causæ sedem pertingere debere. Si ergo in vasa penetrare debeat, per os assumentum; si sufficiat crassa tantum intestina attigisse, per anum injiciendum. Si naturæ propensione humores faciliùs ad superiora ferantur, vomitu exigantur; si contraria, per secessum. Similiter pro Naturæ inclinatione, per salivationem, per miętum, per sudationem exterminentur. Particulares evacuationes in ipsis partibus affectis vel vicinis instituendæ. Ità enim vis remedii ad morbi causæque sedem certius pervenit: atque ob eandem rationem externa & topica loco proximo

proximo convenienti applicanda. Sciendum tamen est, inter nonnullas partes sympathiam quandam observari, in quo casu frequenter parti, cum qua consensus intercedit, non autem affectae parti, vel vicinæ admoventur remedia.

4^o Forma medicamenti ex parte quoque à regula modò propositâ dependet. Si enim scopus sit lenire fauces, aut asperam arteriam, linctùs formam eligimus, ut remedium sensim partes affectas perlabatur, eásque diutiùs tangat. Similiter, laborante ventriculo, sàpè Pilulas, Pulveres, aut electuaria præscribimus, quò diutiùs in eo commoren- tur; Renibus liquida potiùs designamus, quò facilius ad eos cum sero deferantur. Formæ insuper nonnihil etiam ab ipsa morbi naturâ pendent: ut in febribus ardentibus liquida ferè tantùm conveniunt, sicca vix admittun- tur; contrà in morbis humidis, alvóque nimium fluente, formæ solidiores præferun- tur. Denique formæ medicamentorum non- nihil quoque à materia medica dependent; sic Caffia, formâ Boli, Cornu cervi, Coral- lium, & similia, formâ pulveris; alia infusa feliciùs operantur. Similiter amara, nau- am moventia, foetida Pilularum formâ ce- lantur, interdum quoque deaurantur, aut etiam boli formâ nebulis involuta exhi- bentur.

3
Formæ
medica-
menti.

Notandum hic est non tanti momenti ut plurimum esse remedii formam, quin ea cedat faciliori aut commodiori administrationi respectu admissionis vel receptionis ægrotantis. Multi enim Pilulas nequeunt deglutire, alii potionis vomitu statim rejiciunt, alii alias fortè formas aversantur. In hoc affectu, cum pueri ferme omnes medicamenta respuant, ea præ cæteris præferenda est forma, quæ iis minùs molesta minùsque nauseam creare deprehendetur.

⁴ Temporis
agendi.
R.
5° Quod ad tempus agendi attinet, danda opera est, ut ita administrarentur medicamenta, ut quam minimum tempora cibandi, exercendi, dormiendi interturbentur. Per hanc enim ætatem vires vix integræ conservantur, absque his per justa intervalla interpositis.

Evacuantia, aperientia, attenuantia, incidentia, primo manè & jejuno ventriculo propinanda; & si repetenda eodem die, horâ quartâ pomeridianâ, similiter jejuno ventriculo. Roborantia, adstringentia, partes firmantia, quietem procurantia, vesperi potius sumienda vel admovenda, nonnulla autem ex his post cibum etiam fortè convenient.

Quæ cibo admiscentur medicamenta, palato grata esse debent, nè ventriculo naufragem moveant, & coctionem impedian, aut cibi fastidium pariant, virésque dejicant.

5° Quod

5^o Quod ad ordinem procedendi attinet, Ordinis duæ occurunt generales regulæ. Prior est, procedendu[m] agendum esse priùs, quod præmissum di- viam sternit ad sequentia remedia, ideoque id priùs esse removendum quod rationem impedimenti habet respectu deinceps agen- dorum. Posterior est, Urgentiori Indicanti semper priùs esse subveniendum, nisi aliquod obstat impedimentum.

Si ergo quæstio sit, utrum morbus, an morbi causa priùs operam medicam exigat, ejus causa facilis erit secundum priorem regulam responso: Causas nempe habere rationem impedimenti respectu curationis morbi: Eam quippe fovent, vimque medicamentorum infringunt. Quare priusquam morbum ipsum pressius impugnamus, causæ, quantum fieri potest, averruncandæ, aut saltem ita minuendæ, cicurandæque, ut quam minimum morbi expugnationi obstant. Interim tamen, dum in amovendis causis satagimus, non planè negligenda est morbi essentia, ut supra monuimus. Immo ita domitâ non nihil morbi causâ, ut ad tempus curationem non insigniter impedit, licet (nondum penitus evictis ejectisque causis) essentiæ morbi impugnationem paullò pressius aggredi; etiam tamen lege, ut, insurgentibus iterum & de novo rationem impedimenti induentibus causis, ad earum subactionem,

Z 4

eva-

evacuationemque protinus revertendum sit; adeoque in Chronico hoc affectu, per vices, modò causæ, modò morbus ipse impugnandus venit: atque hanc actionum vicissitudinem vires facilius tolerant, quam si solis causis expugnandis, donec penitus exterminarentur, continuè infisteremus.

Porro quum causæ morbificæ in hoc affectu ob visciditatem, crassitatem, & fortè impactionem, ineptæ sint ad motum; librandæ sunt, priusquam evacuentur, ab hoc impedimento & præparandæ: Siquidem quæ movenda sunt, fluida prius facere oportet, ut dictat senex. Similiter crassities ista, visciditas, & impactione materiæ, si adsit, indicant attenuantia, incidentia, & deobstructiones, sed hæc non tuto propinuantur impuritatibus adhuc circa primas vias restagnantibus, quæ cum medicamentis in venas fortè rapiantur, sanguinemque ulterius inquinent, vel saltem efficaciam medicamentorum retundant. Habent hæc ergo rationem impedimenti, & omnino primò sunt amovendæ.

Denique universalia evacuantia particularibus & topicis sunt præmittenda, præstimum ubi utrius intentioni simul incumbere non licet. Nam causæ universales in corpore fluitantes facile in locum particularium evacuatorum surrogantur, affluxumque ad partem

partem prius affectam renovant : causarum verò particularium tenuior & ad motum aptior pars evacuatur, crassior verò fortè magis impingitur. Quare universales causæ adhuc in corpore scatentes rationem impedimenti habent respectu evacuationis particularis, & per consequens prius sunt exigendæ.

Posterior regula erat, Indicanti urgenti-ori, si nullum interveniat impedimentum, primò succurrendum esse. Urgentius Indi- cans id dicitur, *quod majus periculum minatur*. Omne autem Indicans urgens supponit graviter corpus affligere, virésque cum peri- culo atterere. Hoc itaque respectu, aliquan- do morbo est opitulandum primò, neglectâ causâ ; aliquando etiàm graviori sympto- mati, neglectis tûm morbo tûm ejus causâ, ut in concitatori alvi fluore, diuturnis vigi- liis, profusiori sudore, & similibus. Sed vel in hisce casibus habenda simul ratio est, quo us- que fas est, tûm morbi tûm causæ, & ubi tantummodo correctum est urgentius symp- toma, impetusve morbi repressus, ad regula- rem procedendi methodum redeundum est. Hæc enim regula non ad ordinarium legiti- mūmque curandi ordinem, sed methodum necessitatis pertinet.

Adhæc, ad rectam Indicationum admi- nistrationem absolvendam, *accurata materia medice*

medicae cognitio requiritur, de qua in sequentibus agendum.

C A P . X X I X .

Materia medica propositis Indicationibus respondens, & primò χειρουργικा.

MAteria medica experientiâ potissimum & analogismo adinvenienda est, quamvis neque aliud qualemunque ratiocinium planè excludendum putemus. In tria genera præsidiorum medicorum. *χειρουργικά, φαρμακευτικά, & diajunctiva*, quæ hic suo ordine prosequemur.

Chirurgica in hoc affectu communiter recepta ac probata, & præ cæteris famosa, Scarificatio: duo præsertim sese offerunt: *scarificatio Aurium, & Fonticulus*. De pluribus verò aliis (ut infrà videbimus) inquisitio instituetur; viz. de *Cucurbitulis*, de *sanguisugis*, de *vesicantibus*, de *Ligaturis*, & *Fasciis*. *Vena seccio-* nem verò ipsam vires non tolerant, ut cuivis facile innotescit, qui ad ætatis fragilitatem, habitus partium extenuationem, venarumque gracilitatem attendere velit.

Agmen ducet scarificatio Aurium. Empirici nostrates, qui hunc affectum tractant, eam pluris faciunt quam quis facile putaret.

So-

Solemniter quippe in sua praxi eam celebrant, absque ea vix felicem curationem sperant. Nos verò, licet hoc remedii genus non improbemus, vidimus tamen absque ejus usu nonnullos pueros feliciter sanatos. Et illi ipsi qui ei plurimum tribuunt, maximā ex parte vix notabilem quantitatem sanguinis eliciunt. Aliqui tamen testantur se vidisse satis largam sanguinis copiam cum euphoriam hāc operatione eductum. Ut ut sit, credibile est eos pueros facilius hoc remedium ferre, plūsque emolumenti ex ejus usu obtinere, qui sanguinei sunt & habitiores, quīque *alogotrophiā* potius quam *atrophiā*, aut *tabe*, aliāve *magnā partium extenuatione* detinentur. Practici nostri plerumque bis vel ter, interpositis septem circiter dierum intervallis, hanc operationem repetunt. Rarius lanceolà aut acutiori scalpello, frequentius ordinario obtusiorique cultello id perficiunt, nihil dolorem ejulatumque Infantis morantes. Porrò, in conchā Auris ut plurimum hanc scarificationem instituunt; aliqui verò eam ad interiorem & exteriorem Alae sive Pinnae Aurium circumferuntiam, immo ad Helicem usque extendunt. Nemo hactenus, quod scimus, posterioris lateris Auriculæ scarificationem tentavit, quamvis revera haud obvium sit rationē reddere, cur illic administrata minus conduceret quam in ipsa Auris Conchā.

Adferre

Conjectura Adferre tamen libet conjecturam saltem
 ra cur con- nostram cur concha Auris præ cæteris ejus
 cha Auris partibus ad hanc operationem eligatur,
 ejus parti quam tamen nondum confidenter ad-
 bus in hoc struimus; et si probabiliter ad minimum
 affectu sustinere posse putemus, modò verum sit id,
 scarifica- quod diligentissimus Fabricius Hildanus
 tur? obser. 4^a Centur. 1^a de nervo quinti paris
 retulit: huic enim observationi conjectura
 hæc funditus innititur, eaque fortè vacillante
 unà corruit. Conjectura ipsa hæc est. Suppo-
 sitis distributione & usu nervi 5ⁱ paris loco
 citato memoratis, scarificatio in Concha
 Auris commodè cum liberare istum nervum
 à qualicunque oppressione, tum torporem
 ejusdem excutere, eique vigorem præstare
 potest. Est enim Concha Auris locus ei
 proximus quem ferro licet attingere. Quare
 evacuatio hic facta materiam prementem
 ferè originem illius nervi immediatè deri-
 vare, simùlque dolorem inferendo calorém-
 que augendo, qualemcunque torporem
 ejusdem excutere, vigorémque ei addere
 poterit. Si ergò nervus hic (ut ibidem asserit
 celeberrimus ille Chirurgus, aut pars ejus ad
 spinalem medullam distribuatur, neque
 spinalem medullam unquam deserat, sed
 continuè ramos cum nervis spinalis me-
 dullæ ad crurum & pedum extrema emittat;
 facile concedi potest, nervum hunc ab ob-
 structione

stru^ctione sic liberatum, excitatum ac vigorem na^csum, ipsam spinalem quoque medullam, omn^esque ind^e ortos nervos, quos ex ista sententia ad extrema concomitatur, non nihil excitare i^sque vigorem aliquem imprimere. Quare necesse est scarificationem hoc loco fact^a in concha nempe Auris longe majoris esse efficaciæ, quam si in ulla parte ejusdem Auris à nervo quinti paris remotiore administraretur. Idem ferè dici potest de vulnusculo hⁱc facto per obtusius cultellum. Etenim affirmant nonnulli Practici præstantiam hujus operationis non tam quantitatem sanguinis extrahendi, quam doloris in ista parte excitationem respicere: quod ad excitationem vigorisque conciliationem nervi quinti paris facile quis seducat.

Sed misâ hâc conjecturâ, alias proponamus considerationes, quarum respectu scarificatio hæc ex usu esse possit in hoc affectu.
1^o. Hinc obtainemus particularem quandam capitis evacuationem; quæ pars, si quæ alia, in hoc morbo particulari plenitudine gravatur. 2^o Ipsâ sanguinis evacuatione ejusdem crassitatem & visciditatem non nihil corrigimus, adeoque æqualiorem ejus distributionem, æqualiorémque partium nutritionem promovemus. 3^o Hinc non nihil excutimus partium torporem.

Notandum hanc operationem quum eva-
cuationem

Utilitas
scarifica-
tionis Au-
rium in
hoc affe-
ctu.

cuationem particularem & topicam præstet, non simpliciter primum locum in methodo curandi mereri, sed præmissis universalibus suo loco subsequi debere.

Denique ridiculum quid & superstitiosum sapit, quod aliqui in hujus scarificationis administratione factitant; dum dextræ Auris sanguinem lanâ exceptum sinistro hypochondrio, sinistræ dextro alligunt. Hæc de Aurium scarificatione.

Fonticuli utilitas. *Fonticulus* in hoc affectu multùm probatur, atque hoc solo ferè præsidio nonnullos puellos liberatos fuisse novimus. Etenim non tantum ea omnia præstat, quæ scarificationi Aurium modò adscriptissimus, sed & specialiter Hydrocephali potens cùm curativum, tum præservativum remedium est, & ad enormem capitis magnitudinem paullatim imminuendam, ejusque superfluam ferositatem evacuandam, tum inordinatum ossium augmentum reprimendum multùm conducit. Manifestè quoque nimiam spinalis medullæ humiditatem exsiccat, calorem suscitat, nervos roborat, eorumque torporem excutit.

Ad hoc r.- medium non adscenden- dum nisi necessitas urgeat. Quum verò hoc remedii genus per se ulcus quoddam sit, & nonnihil doloris puello gestanti inferat, nutricique insuper aliquid molestiæ indies creet, non id præscribendum nisi ea morbi magnitudo sit, ut eam aliis remediis absque hoc satis domari posse vix speremus. Ex-

Excitandus est Fonticulus inter 2^{am} & 3^{am} Colli vertebram. Aliqui eum *cauterio actuali* inurunt, sed hunc modum ob doloris vehe- mentiam minus probamus: alii cauterio potentiali; sed neque hic arridet, quod caustica infantuli naturae nimis sint adversa, & nescio quid venenosæ insinuent, spiritusque saltem nimiopere dissipent, partesque debilitent. Probamus ergo potius Fonticuli excitatio- nem per *simplicem incisionem* acuto scalpello factam.

Aliqui utuntur *forcipe ferreo* in hunc usum concinnato, quo cutem, loco incisionis prius atramento notato, comprehendunt, mode- rataque compressione sensuum partis obtun- dunt, dein per forcipis medium quod oblon- go foramine pertusum est, scalpellum adi- gunt, incisionemque perficiunt. Facto vulne- re pisum seu artificiale, seu naturale intru- dunt, superimposito Empl. digestivo; huic chartam vel linteum multoties implicatum imponunt, eique scutum parvulum ex mate- ria aliqua solida factum adhibent, cui fasciae 4 affuuntur, quarum duæ superiores fronti circumductæ aciculis capitis integumentis annexuntur; duæ inferiores involucris pe- storis similiter aciculis affiguntur; atque hoc modo deligato vulnera pisum non excidit, sed fonticulum format. Aliqui loco Fonti- culi *setaceum* surrogant, quod non planè im- probamus,

Modus
commo-
dus Fon-
ticulum
ad nu-
cham ex-
citandi.

probamus, nisi quod nimis molestum ac dolorificum videatur, solusque Fonticulus ut plurimum sufficiat. Hæc de Fonticulis. Sequuntur jam alii nonnullæ Chirurgicæ operationes examinandæ.

Hirudinum usus plus noce-
re quam prodesse videtur.

Primo loco Hirudines se offerunt. Harum certè applicatio quid in hoc morbo curando præstet vix dum sat's experti sumus. Si rationem solam consulamus, suspicamur plus damni quam emolumenti ab hoc remedio exspectandum esse. Etenim si alicui capitis parti admoverentur, ob continuam suctionem facile affluxum sanguinis eò versùs concitatiorem efficerent. Sin aliis partibus applicarentur, sauginem à partibus ejus inopia priùs laborantibus detraherent.

Cucurbitulae cum scarifica-
tione im-
probantur ut noxiæ;

II° Cucurbitulas non tam noxias quam inutiles existimamus. Evidem eas quæ cum scarificatione adhibentur planè rejicimus, non tantum argumentis modò allatis de sanguine scari fugis ducti, sed & metu dejectionis virium fugatione, ob dolorem, & administrationis molestiam utinutiles moti. Cucurbitulas sine scarificatione, ut dicere cooperamus, neque vires, neque morbus, ejusve causæ videntur respuere. Verumtamen parùm hæ efficaces sunt, & perpendendum relinquimus, an utilitas qualis qualis ex earum usu emergens, applicationis molestiam sat's compenset.

Nihilominus fieri potest, ut respectu alterius

rius morbi conjuncti earum usus alicujus sit Nisi alterius momenti, ut in Pleuritide, Phrenitide, atq; ^{utras ef-}
ubi imminet periculosus aliquis fluxus in partem quandam principem. In quo casu, forsan istae, quæ cum scarificatione adhibentur, ^{flagite et ali-}
^{u: aliquis complica-}
^{tus affec-}
^{tus.}
in grandioribus & robustioribus puellis admitti possint. Applicantur autem vertebris Colli, humeris, Natibus, interioribus femoris partibus, plantis Pedum, aliisque locis prout peculiaris affectus complicatus postulaverit.

Notandum interim in tam tenera ætate multò minores eligendas esse Cucurbitulas, easque minori cum flamma admovendas, quam alia in adultis solent, scarificationemque, si omnino admittatur, leviori manu instigendam esse.

III^o Quod ad *vesicatoria* attinet, licet eorum etiam usum nondum sati experti sumus, & licet tum ~~an~~ ^{et} quod partes eliquentur ^{Vesicato-}
^{ria inter-}
^{dum utili-}
^{ter hic ad-}
^{hibentur.}
quod altius penetrant crustamq; inducant, ab hoc affectu arceamus, illa tamen quæ vesicas tantum in cute excitant, utiliter interdum admitti posse conjectamur.

Dicas, *Cantharides* (è quibus ferè conficiuntur) impensè esse calidas, & præterea venenosæ ^{Object.}
cujusdam qualitatibus suspectas.

Respondemus, Nè quid de *Cantharidum* *Resp.*
qualitatibus hic interseramus, concedimus

A a id

id quod asseritur. Verum cum externae tantum cuticulae, & particulæ ejus non adeò extensæ adhibeantur, & cum statim excitata vesica amoveantur, earum caloris excessus, virûsque, vix ultra cuticulam altius in corpus penetrat, adeóque sine notabili detimento remedium hoc adhiberi potest. Sed quæras, quid hinc commodi exspectare liceat? Dicimus, efficaciter intemperiem frigidam & humidam corrigere, torporémque spinalis medulla, cerebri, nervorum, partiūque nervosarum excutere, simûlque omnes partes firmiores ac rigidiores præstare, pulsūmque fortiorē in externis partibus proritare: quæ omnia in hujus affectus curatione non parvi sunt momenti.

*Obser-
vatio.*

Aliquis nostrum testatur se bienni puello, qui hoc morbo affectus in febrim quoque continuam & malignam inciderat, quique jam prope phreneticus factus fuerat, præscripsisse inter alia vesicatorium vertebris colli adhibendum. Manifestum hinc levamen puellus mox sentire visus est, & post aliquot dies à febre liberatus est. Postea bis vel ter infusione *Rhab.* &c. purgatus, præter omnium exspectationem, ferè absque aliis remediis, hunc affectum quoque excusit. Verum enimvero ut vix reperias commodum quod nulla secum incomoda trahit; ita neq; hoc remedium ab omni parte culpâ suâ va-

cat.

bi

A

cat. Moleustum quippe & dolorificum atque Tum eti-
ingratum pueris est ; eorum porrò lusus & am in-
exercitia ad tempus interturbat ; cujus rei re-
spectu, nisi fortè alias morbus complicatus
exercitia unà interdixerit, vix plus utilitatis,
quam damni præstare poterit. Adhæc, vis
eius subitò exeritur, & mox paullatim exhau-
sta est, quod non usquequaque chronico
morbo quadrat. Denique Fonticulus, qui
chronicis morbis proprius est, in hoc affectu
eius vicem supplere posse videtur. Quocirca,
vix medicamenti vesicatorii applicationem
in hoc curando morbo admittimus, nisi acu-
tus unà complicetur morbus, qui iūi caufā
hoc remedii genus exigat, ut in casu modò
proposito evenit.

Ubi autem res postulas, ut applicetur ve-
sicatorium, commodissimè id fieri posse vi-
detur super vertebrae Colli, nisi fortè fon-
ticulus illuc excitatus locum præoccupaverit ;
in quo casu vel ponē Aures, vel 4 digitos
infra Fonticulum admoveatur. Non nega-
mus quin respectu aliorum morborum com-
plicatorum aliis atque aliis locis coaptetur :
hic verò designamus locum qui maximè re-
spiciat præsentem morbum.

IV^o Ligaturæ quoque ad hunc titulum re-
ferri posse videntur, & quidem concedimus
eas aliquando in hoc affectu non planè esse
inutiles, nimirum, si ex valde moderatae, si
per

A a 2

Sed cum
cautione
usurpan-
da.

per justa intervalla, si locis convenientibus adhibeantur; verum cavendum, ne incremento partis, cui applicantur, obstent; quod fit, si latis laxae sint, si ex lanâ molliori confectæ, si interdiu aut aliqua diei parte, leviterque constrictæ, noctu verò solutæ, si cruribus supra genu, brachiis supra cubitum adaptentur.

Ad quid
ex confe-
rant.


Videntur autem Ligaturæ hic conducere ad sanguinis affluxum à capite revellendum, eundemque versùs partes extenuatas externasque & extremas promovendum; præterea ad nimis lubricum sanguinis reversum in illis partibus quibus adhibentur, retardandum.

Fasciarum
usus &
modus eas
concin-
nandi.

Vº Huc quoque spectat certarum partium *Fasciatio*, quippe quæ cum Ligaturis affinitatem habet. Solent enim aliqui ad firmandas partes earumque calorem fovendum fasciis laneis eas involvere; pedes nimirum, tibias, genu, & vicinas femoris partes. Cavendum verò, ne ex nimis strictæ liberum partium accretionem impediunt.

Alii loco Fasciarum *Oreas fibulatas* panno laneo succinctas conficiunt; has verò non solâ firmitatis aut caloris gratiâ effingunt, sed etiam ad curvitatem ossium reducendam, vel ad inflexos Articulos erigendos. Aliqui *Ferulas* addunt, aut *particulas fissi ossis Cete*. Verum tria potissimum in harum structurâ sunt

sunt notanda. 1^o Ut premant aliquantulum extantem & convexam ossis partem. 2^o Ut cavam vix tangant, quin potius à compressione defendant. 3^o Ut parti sint bene adaptatae, & articulorum motum quam minimum impediunt. In hunc finem istae ocreæ anteriori parti, quâ genu spectant, transversim secari possunt: similiter, si opus sit, ut Ferulæ supra genu extendantur ad sustinendam & erigendam ejusdem deflexionem, requiritur, ut cum duplice articulo formentur in loco flexionis, in hunc modum.



Forma

Aa 3

(356)

Forma articulationis Ferularum.

A B Rotula bina ferrea.


C D Axes articulorum ferularum.

Clavi, quibus Rotula firmiter junguntur.

F G Afferculi sive ferulae binae.

Loco Ferularum commodiū substitui possent tenuissimae laminæ ferri, totumque instrumentum ex ferro fabricari posset.

Axes bini C D, super quos fleatur afferculi sive ferulae F G, duobus orbiculis dictis infiguntur. Orbiculi verò ipsi A B C ex laminis ferri quam tenuissimis (modò firmis) nè nimis graves sint, fabricantur, simùlque admodum politis, nè afferculorum motum impedian. Äqualis sunt diametri, seu latitudinis hi Orbiculi, putâ duorum circiter digitorum transversorum, atque ita inter se coaptantur, ut ab omni



omni parte paralleli sint; interstitium vero inter illos tantum sit, ut asserculorum capita appositiè excipiat. Porro orbiculi hi non modò duplice axe C & D, sed & quinque clavis ferreis in schemate punctulis minoribus notatis transfigendi, firmiterq; copulati sunt. Deniq; tota instrumenti compositio ita comparanda est, ut commodè alligari possit ad prominens latus genu inflexi, simùlque tām extensiōni quām ordinariæ ejusdem flexioni inserviat, deflexionem vero ejus ad alterutrum latus præsertim ad prominens coérceat: quæ causa est, cur duplice orbiculo axes insiguntur, scil. nè quā juncturæ vacillent, & deflexioni genu cedant.

Similiter torsio pedum fasciis quoque frequenter emendatur. Si digiti pedum extorsum distorquentur, nocte fasciis colligandi sunt, interposito inter calcaneos, talosque pulvinari. Sin introrsum digiti pedum torqueantur, colligandi sunt tali, immittendūmque pulvinar inter maiores pedum digitos.

Denique ad truncum corporis erendum, aut erectum servandum, solent thoraces ex duplice panno consutis confidere, interpositis exiguis asserculis ossis ceti, quos ita corporibus Infantium coaptant, ut spinam erectam fistant, ossa prominentia reprimant, incurva ab ulteriori compressione defendant; curandum

A a 4

dum

dum quoque nè sint, aut saltem quām minimūm puellis gestantibus molestæ, atque ut super spinam dorſi funiculo in hunc usum accommodato fibulentur.

C A P. X X X.

Materia quaerantur, & 1^o Eluentia primas vias.

Materia hæc multiplicis ac nobilissimi usus est, plurimisque Indicationibus satisfacit. Omnia quippe medicamenta, quæ vel morbi causas, vel morbum ipsum, vel symptomata primò respiciunt, exceptis solis chirurgicis, complectitur.

Remedio-
rum phar-
maceutico-
rum divisio.
• & utraque in *Simplicia & Composita*: Interna
demum subdividi possunt in *Eluentia primas*
vias, in *Præparantia*, in *electivè Evacuantia*, in
Alterantia specifica & Roborantia, denique in
Corrigentia symptomata.

Primum locum inter hæc merentur Interna, atque ex illis Eluentia impuritates primarum viarum, cùm hæc, ut suprà monimus, habeant rationem impedimenti respectu remediorum sequentium, & simpliciter primò sint amovendæ. In singulis autem titulis, quantum rei natura fert, simplicia compositis præmittemus.

Eluentia

Eluentia hæc tria genera adhuc comprehen-
dunt, viz. *Enemata*, *Emetica*, & *Cathareticæ*
lenitiva.

*Enematum usus, earumque Formulae
quædam.*

Enematum injectio, priusquam pressius curationem aggredimur, tunc potissimum prærequisitur, cum alvus adstricta est, fæces proficiunt. Quando Enemata que induratæ; aut cum flatus intestina torquent, aut quævis intestinorum tormina ægrum affligunt. In quibus casibus non modò ante quamvis præparationem, sed & ante vomitionem, immo ipsam lenitivam purgationem nonnunquam utiliter præmitti possunt. Nunquam hæc è violentioribus purgantibus, frequenter verò è lenitivis & benignis, aliquandò etiam è solis lubricantibus & flatus discutientibus constant. Longius à pastu injicienda sunt tepidé. Formulas aliquot subnectemus.

R. *Lactis vacc.* rec. *calfact.* ʒij. iiij. vel v.
semin. *anis.* *pulv.* gr. x. *sacch.* *commun.* ʒj. ʒjʒ
vel ʒij. *vitellum unius ovi* M.F. *Enema.* Addi
insuper potest *butyr.* *recent.* ʒʒ.

R. *Decocti emoll.* q. f. *eleæt.* *lenit* ʒʒ *fir.* *ros.*
solut. *viol.* an ʒvj. *ol.chamæm* ʒj. M.F. *Enema*
injic. *tepidé.*

R. *Rad. alth.* *contus.* ʒʒ. vel ejus loco *fol.*
malv. vel. *flor.* *eiusdem* M. β. *fl. chamæm p. j.*
semin.

Cautio in
eorum
præscripti-
one obser-
vanda.

semin. carminant. 3ij. Coq. in f. q. *seri lattis cerevisiati.* Colatura 3iiij. vel v. adde diacasis vel Elect. passulati 3β. *syr. rosat. solut. simpl. sacch. culinaris* an. 3j. *butyr recent.* 3vj. Addi potest, si visum fuerit, *vitellum unius ovi.*

R. *Fimi equi non castrati recentis* 3jβ. *semin. anis. faenic. malva contus.* an. 3jβ. fl. *chamæm. p. j.* Coq. in f. q. *seri lattis cerevisiati.* In colatura 3iiij vel v. solve *syr. viol.* 3x. *sacch. communis ol. rosat.* an. 3β. M. F. Enema.

*Emeticorum usus, & quædam eorum
Exempla.*

Emeticorum utilitas.

Emeticæ, seu vomitoria, tria potissimum præstant. 1^o Humores sive crudos, sive corruptos, & quascunque impuritates in ventriculo contentas evacuant, idque per viam breviorem & expeditiorem, quam si per ambages & anfractus Intestinorum circumducerentur. 2^o Agitando omnes partes, imprimis viscera, humores crassos viscidosque iis adhærentes, aut iisdem impactos magis fluxiles reddunt, & frequenter excutiunt, præsertim in ventriculo & Intestinis collectos: quo nomine *Colicis doloribus* subveniunt, & ad obstrunctiones referandas multum conferunt. 3^o Omnia partium corporis & maximè viscerum excreticem facultatem efficaciter stimulant, hincque latentes morborum, imprimis febrium intermittentium

mittentium fomites & causas sæpè uticâ
vice exhibitâ eliciunt. Enimvero inter vo-
mendum Intestina quoque ad excretionem
per sedem stimulantur ; Hepar per Porum
Biliarium bilem ; Pancreas peculiare suum
excrementum per novum ejusdem vas pro-
fusius in intestina effundit ; Lien quoque
fortè suum excrementum in ventriculum per
vasa nondum fatis nota uberiùs exonerat ;
Renes serum per ureteres , Pulmones efficaciori
tussi concitatâ pus mucumve per tra-
chæam arteriam ; Cerebrum , pituitam , &
salsum serum per palatum , per nares ,
oculósque copiosius solito excernit. Deni-
que totum corpus ad diaphoresin sive mani-
festam per sudorem , sive occultam per in-
sensibilem transpirationem pronius plerum-
que redditur. Notandum interim est non
leviora quæque vomitoria , neque etiam ipsa
fortiora , si imminutâ dosi exhibeantur , statim
hæc omnia plenè perficere , attamen suâ ope-
ratione plus minusve pro viribus & quanti-
tate medicamenti eò collimare , & fortiora
quidem plenâ dosi datâ tres metas propositas
efficaciter attingere.

Ex prædictis facile cuivis innoteſcit for- Circum-
tiora Emetica pleniori quantitate præscripta ſpe&io
puellis hoc morbo correptis competere non adhiben-
posse , neque teneras eorum vires tantos in da eorum
corpore tumultus , & tam universalem eva- usu.
cuationem

cuationem subitōque factam perferre posse.
Quapropter circumspecte admodum hoc
remedii genus puellis præscribendum est,
tum etiam atque etiam vires & medicamenti
efficacia ac quantitas contrà sunt pensitandæ.
In hunc ergò finem aliquot cautions junio-
rum gratiâ hīc subnectere non erit in-
utile.

1º Vomitus in hoc affectu concitandus
non est, nisi humores sponte suâ non nihil
sursum vergant, iisque per superiora non diffi-
culter exigi possint.

2º Nisi puelli per se ad vomendum sint
proclives, vomitūmque facilè ferant.

3º In sputo sanguinis, Phthisi seu Tabe,
Hæmorrhagiâ Narium in quavis internâ ve-
narum apertione, similibusque casibus ab hoc
remedio abstinentur.

4º Potentiora Emetica liberaliori dosi
exhibita hīc interdicuntur. Etenim metus est
nè insitos spiritus nimium depopulentur, ip-
fāsque partes solidas plus æquo priùs exte-
nuatas ulteriùs eliquent.

**Qualia
vomitoria
hīc conve-
niunt.**

Oportet ergò, ut vomitoria hīc in usum
vocanda, vel naturâ suâ leniora sint, vel
salem fortiora latis correcta & parcâ dosi
administrata.

*Object. Dicas si leniora sint, aut diminuta
quantitate exhibita, vix efficaciter posse humores
evacuando educere.*

Resp.

Reſp. Revera ubi naturam aut non, aut parum adminiculantem habemus, ita rem se habere; in quo caſu negamus vomitoria omnino eſſe exhibenda: ſuppoſita verò ap- titudine tum humorum tum corporis ad hanc evacuationem (ut in primâ & ſecundâ cau- tione requiritur) etiam leniora vomitoria humores imprimis viis ſtabulantes evacuare queunt: quod idem dicendum quoque eſt de fortioribus probè correctis parcāque manu exhibitis. Etenim ob correctionem & diminutam quantitatem haud multū corpus exagitant, aut naturam laceſſunt, atque interim ob ventriculi humorūmque pro- clivitatem huic ſcopo ſatisfacere valent. Paradigmata jam aliquot ſubjugamus.

R. Summitat. Erigeri M. *passal.* Corinth. 3j. Coq. in fib. cerevisiae non-lupulatae ad me- dietatis caſum. Colatur & 3ij. adde ſyr. ace- toſ. ſimpl. 3β. M. & ehib. tepidē.

Vel

R. Infusionis croci metallor. in vino Hispan.
loco frigido factæ & per ſubſid. optimè deprat.
3j 3jβ. 3ij. (pro ratione aetatis ac roboris)
ſyr. acetos ſimpl. 3β. ſeri lactis cereviſiati 3j. β.
aq. cinam. gutt. x. velejus loco, ſi convulſio-
nes metuuntur, aq. antepilept. Lang. 9j. M. &
ebibat tepidē manē cum regimine.

R. Succ. fol. Aſuri 3β. 9ij. vel 3j. ſyr. acetofi ſimpl. βij. ſeri lactis cereviſiati q.f.M.

R. Salis

R: *Salis vitrioli prep. a. gr. v. ad gr. x ex-*
hibe similiter in sero lactis cerevisiato.

Cathartica Lenitiva.

Cautio-
nes
circa usum
Lenientiū
observa-
dæ.

Hæc evacuantia cùm effectus suos placidè
 sine tumultu exequantur, non illam medici
 circumspectionem, quam Emetica aut electi-
 vè Purgantia postulant. Tria tamen circa
 illorum usum cavenda sunt. 1^o Nè ingra-
 to sapore eam ventriculo nauseam infera-
 mus, ut postmodum omnia medicamenta
 aversetur & abhorreat. 2^o Nè nimia
 pharmaci quantitate ventriculum gravemus.
 3^o Nè assumptum pharmacum vomitu sta-
 tim rejiciatur. In hunc ultimum scopum so-
 lent aliqui os puelli grato aliquo liquore
 statim colluere; alii tantum in os ejusdem
 ingerunt vel *cerasa condita*, vel *pruna Brignio-*
lensia, vel *conservam Berberorum*, vel *succum*
Aurantiorum saccharo admixtum, aut *similia*.

Lenienti-
um divisiō.

Dividi hæc Lenitiva possunt in *Simplicia*,
 & *Composita*; & hæc iterum in ea quæ in Phar-
 macopoliis extare solent, & ea quæ pro re natâ de
 novo parantur.

Simplicia, quæ huic scopo perse satisfaci-
 unt, admodum pauca reperiuntur, ut *Manna*,
Cassia fistularis, *Aloe socotrana*, *Tamarindi*,
Polypodium querquedula. At verò minus effica-
 cia, quæque non(nisi purgantibus aliis mitio-
 ribus acuantur) lenitivam indolem induunt,
 plura

plura occurruunt. Ut *uvæ passæ majores*, tum *Corinthiacæ*, *Fujuba*, *sebestene*, *Pruna dulcia* & *damascena*, *Ficus*, *Dactyli*, *Pulpa Pomorum affatorum*, *Flores Malva*, *Violarum*, *Herbae Particularia*, *Mercurialis*, *Rad. Althæa*, *Glycyrrb.* *semina* & *frig.* *maj.* *semina Malva*, *Amygdala* *dulces*, *Ova sorbilia*, *Pinguédines*, *Butyrum*, *oleum Olivar. ol. amygd. dulc. serum Lactis*, & *similia*. Hæc licet per se parum efficacia sint, aliorum tamen purgantium admixtione non contemnendam vim lenitivam acquirunt.

Composita lenitiva hæc in Officinis prostant. *Cassia extracta* cum vel sine *senna*, *Diacassia*, *Elect. Lenitivum*, *Diaprunum lenitivum*, *Elect. passulatum*, *Decoctum commune pro Medicina*, *Decoctum fl. & fruct. syr. & mel violarum*, *syr. rosar. sol. mel Mercuriale*, *mel Passulatum*, *Conseruæ Rosarum pallidarum*, *Florum Malva*, *violarum*. Formulas non-nullas extemporaneas his subjungere possumus. Ut

R^x *Manna Calabrinæ opt. 3vj. tremor. tartari gr. viij. seri lactis cerevisiati* (Posset alle dicti) *in quo parum sem. anis. ferbuerit 3j. Misce & exhib. manæ. Loco seri ejusmodi substitui potest juscum aliquod, vel Decoct. commun. pro medicina, vel Decoct. fl. & fruct.*

R^x *Elect. Lenitiv. 3j. vel 3ij. syr. ros. solat. 3ij. viol. 3j. tremor. tart. gr. x. seri lactis cerevisiati*

visiati M. & capiat in aurora. Aliqui parant
syr. lenitivum in hanc modum.

R Polypod. quer. 3ij. tart. alb. præpar. 3ij Pomor.
dulc. M. xij. Uvar. passar. exacinat. 3j. Coq. in
f. q. aq. font. ad lib. In Colatur à infunde per noct. fol.
senn. elect. 3j. rhab. 3ij. pulpa Cassiae recenter
extract. 3j. tamarind. 3j. glyc. semin. anis. coriand.
an. 3j. manè per pannum laneum densum ex-
primantur. R Expressionis 3vij. sacch. alb. 3vj
Coq. parùm. tum adde mannae opt. syr. ros. solut. an.
3ij. viol. 3j. F. syr. Lenitivus. Capiat Puellus
3j. aq. cichor. vel parietar. 3j. & succi limon. 3j
dilutam.

R Aloës lotæ, vel Pil. Aloëphang. gr. viij. F.
Pilulæ 2. cum syr. ros. solut. Immittantur in
2. cerasa condita exemptis ossiculis, que integra
deglutiantur, nè sapor offendat horâ somni
vesperi. Manè superbibat syr. ros. solut. 3j. in
sero lactis cerevisiato. Vel

R Syr. ros. solut. 3vj. violar. 3j. succi limon.
3j. eleð. passulat. 3j. aq. cichor. vel parietar. M.
F. Haustus quem capiat manè jejunus. At-
que hæc de eluentibus primas vias. seq.
Præparantia.

C A P.

C A P . X X X I .

Præparantia, eorumque Uſus.

REmedia hæc partim *humores præparandos*, partim *vias*, per quas ii educendi, partim *ipsas partes in quibus stabulabantur*, respiciunt. Sciendum autem evacuationem illam, quæ *Emeticis* perficitur, minimè omnium præparationem prærequiri, illam verò quæ *Catharticis* aut *Expectorantibus*, maximè.

I^o *Humores præparandi* in genere sunt, vel quibus Pituitosi, nimirum frigidi, qui calidis attemperandi, crassi attenuandi, viscidi incidendi; vel Biliosi, viz. acres, amari, urentes, corrosivi, qui lenientibus & compescientibus cicurandi; vel Melancholici, scil. terrestres, fæculenti, tartarei, qui benigniori materiae commiscendi & fluxiles reddendi; vel denique serosi, qui disponendi & quasi manu dirigendi sunt, vel ad vias urinarias, ut per mictum; vel ad alvum, ut per secessum; vel ad partes cutaneas, ut per sudationem facilius exigitur.

II^o *Viae, per quas Evacuatio decernitur*, minende quoque sunt ac coaptandæ, & non non. Viarum præparatio.

B b tantum

tantum communes, sed & ipsae speciales, per quas materia peccans in specie ad communes vias deducatur. Alia enim præparatio est vasorum Renum, (quæ scil. lubricantibus & laxantibus maximè perficitur) alia vasorum Hepatis, quæ fit aperientibus, abstergentibus, & nonnihil simul adstringentibus; alia vasorum Pulmonum, quæ potius lenientibus & maturantibus peragitur, admixtis fortè pro ratione materiae vel incidentibus & attenuantibus, vel contrà incrassantibus & fluxionem avertentibus.

Præpara-
tio respe-
ceti parti-
um.

III^o *Partes ipse in quibus præceteris humores vitiosi impinguntur vel fluitant, medica-*
menta sibi appropriata admiscenda postu-
lant; & prout hoc vel illud viscus plus mi-
nusvē afficitur, modò cephalica, modò hepa-
tica, modò pulmones respicientia &c. do-
minium in præparantibus obtinent, & libera-
lius sunt admiscenda.

Conditio-
nes præ-
parantium
in hoc
affectu.

Porrò (ut simul omnes propè qualitates præparantium in hoc affectu requisitas complectamur) dicimus hæc remedia ex Arte præscripta ut plurimū esse moderatè calida (nisi scil. febris adfuerit) esse attenuantia, incidenzia, & deobstruentia, simulque peculiari jure nonnihil Hepar, Pulmones & Caput respicere, quæ partes plerumque humorum copiâ in hoc morbo gravari solent; *Esse adhuc hanc affectui in specie nonnihil appropriata: si vero non*

non occurrant talia quæ simul sub censum præparantium cadunt, morboque approprientur, saltem alia tunc specifica præparantibus admiscenda.

Tandem in memoriam revocandum est, Per epiphysias huiusmodi affectiones exi-
morbum hunc esse Chronicum, ma-
teriamque ejusdem esse tardi motū, totū-
que simul vix præparari, aut præparatam
evacuari posse: idēque non continuè
insistendum esse præparantibus, donec to-
ta materia fuerit præparata; ita quippe
pars præparata & jam fluxilis reddita, vel
alios affectus, vel etiam gravia fortè sym-
ptomata facile conciter. Quare per vices modò
præparandum, modò materia jam præparata
pharmaco exigenda. Quā sanè alternā reme-
diorum administratione, tum viribus prospiciemus,
tum caussæ morbificæ tutò (ut ut
sensim) occurremus. *Notandum* quoque hīc,
quod & suprà monuimus, ubi caussæ mor-
bificæ eousque diminutæ ac edomitæ fu-
erint, ut ad tempus non impedianc spe-
cificam curationem, huic quamprimum
propriis alterantibus esse incumbendum,
& in eadem persistendum esse, donec
caussæ denuo processum interturbave-
rint.

Hisce jām præmissis, *præparantia simplicia*
ut & *composita* illa quæ in Pharmacopolis af-
servari solent, nec non exempla quædam

B b z de-

decompositorum ordine subjungere ulterius visum est: Monemus tamen ne exspectetur omnia simplicia, aut fortè quodvis unum, omnes qualitates, quas modo exquisitis illis & appropriatis præparantibus attribuimus, complecti (ita enim nullâ compositione foret opus) sed tot & talia è simplicibus à nobis enumeratis à prudenti medico seligenda ac inter se contemperanda, quæ simul juncta remedium omnibus istis qualitatibus donatum concinnent.

Simplicia, & Composita in Officinis asserta sunt sequentia. *Herbae omnes capillares*, Imprimis, *Trichomanes*, *Ruta muraria*; *Spiceæ radicis Osmundæ regalis*; *Gemmae vix dum erumpentes Filicis maris*; *Polypodium murale*; *Phyllitus*, seu *Lingua Cervina*; *Ceterach*; *Hepatica*; *Agrimonia*; *Cuscuta scabiosa*, *Betonica*; *Veronica mas*; *Folia & cortex Tamarisci*; *cortex radicum Capparum*; *Rad. Cichor. Endiv.* *Gramin. Asparag. Myrrhidus*; *Glycyrr. Tartarum* (quanquam fortè ejus lubricitas minus congruat) *Passula* Imprimis *Corinthiace*; *Pruna Damascena*; *semin. Anis. fænic. dulc. Coriandr. Carui*; *Anethi Syr Capilli. vener. de Beton. simpl. & compos. Byzantin. Cichor. de Eupator. de 5 radice scolopend. de stach.*

Ex his ulterius *Decomposita* pro re natâ formari possunt. Ut R spicas vel Gemmas Rad. *Filicis Maris*. N. v. Coq. in ihs lactis ad 3iiij. Cola

Colaturam bibat manè jejunio stomacho.
Convenit maximè junioribus & lacti assuetis.
Vel Rx Gemmarum Filicis maris tenellarum è
terra modo erumpentium M.j.veron.maris,Ling.
Cervin. Hepat. an.Mβ. fl.Tamarisci p.j.Passul.
minor. ʒjβ. maris ʒβ. Pullum unum exentera-
tum &c. & cum farina avenacea q.s.F.Iuscum
nt artis est. Capiat Puellus ʒij. vel iij. manè
& horā 4^a pomeridianā , addendo, si lubet,
crem.tart. gr.x. Vel

Rx Capill. vener. Hepat. agrimon. cuscute
an.Mβ.radic.filic.maris. gramin. asparag. an ʒβ
fl.tamarisci.p.j.passul.corinth.ʒj tartar alb.præp.
ʒj. glycyrr. ʒβ macis ʒj coq. in flbij aq. font.
Colatur & flbj adde vini alb. vel rhenan. ʒij. syr.
de scolopendr. ʒjβ M. F. Apozema , de quo
bibat Puellus haustum manè & horā quartā
pomerid. Valet potissimum ubi pertinaces ob-
structiones in Mesenterio , Hepate &c adsunt.
Vel

Rx Tussilag.capill. vener. ling.cervin.hepat.
an Mβ radic. myrrhid. asparag an. ʒβ glyc.
bispan. ʒij macis ʒj passul. excinat. ʒj jujub N
vj sebesten N viij Fic. incis. N ij coq. in s.q.
aq.hord. Colatur & clar & flbj adde syr.capill.vener.
ʒjβ M. Hujus Apozematis usus præcipuus est
infarctis simul aut obstructis Pulmonibus.

Rx Musti cerevis. flbij. Hepaticæ, capill. vener.
phyllit. scabios. tussilag. matricar. artem s.an.
M j.fic.incis.passul.excinat.an.flβ glyc.sem.an.
ʒij

3ij Coq. lento igne per horas 9. Colatura servetur
in usum. In eodem propè casu conveniens est. Vel
Rx Salsaparill. incis. & opt. contus. 3ij. radic.
chin. ras. cornu cervi. ebor. an. 3j. fol. veron.
maris. phyllit. hepat. scabios. an. Mij. spic. rad. of-
mund. regal. filic. an. 3ij. Coq. in 4 Congitis musti
cerevisia non lupulata (Alæ dictæ) lento igne
per horas 4 vel 5 Dein post aliquot horas coletur
liquor per setaceum; tum adde succi cochlear.
berabung. an. 1bʒ. fermenti cerevis. q. f. Fer-
mentetur more solito, & in dololum reponatur, è
quo ad usum pro Potu ordinario depromatur.
Conducit præcipue, ubi adeat suspicio Luis ve-
nerea, vel scorbuti complicati.

Cap. XXXII.

Evacuantia electivæ.

Evacuan- PRæparatâ materiâ morbi, apertisque viis
tium divi- per quas evacuatio instituitur, proximum
sio. est, ut consideremus quæ pharmaca humo-
res in specie peccantes electivè educant. Hæc
autem medicamenta partim *humores*, par-
tium *partes in quibus stabulantur*, respiciunt: in
singulis vero justa virium habenda est ratio.

Quæ sint Violentiora vel planè abdicanda, vel opti-
rejicienda. mè correcta & patcā dosi circumspecteque
adhibenda sunt: & junioribus quidem pueris
ac

ac infirmioribus vel mitiora, vel minori dosi, magisque correcta; majoribus & robustioribus fortiora pleniorique dosi (modò non transcedant vires) permittenda. In utroque casu tutius est paullò infra vires subsistere, quam easdem vel tantillum excedere; & omnino in hoc affectu satius est *per epicasin* procedere, quam simul & semel plenariam humorum peccantium evacuationem tentare.

Humores porrò in corpore dominantes, sibi appropriata pharmaca desiderant; ut bilis *cholagogia*, Pituita *Phlegmagoga*, melanocholia *Melanogoga*, serum Humorque aquosus *Hydragoga*.

Adhæc, si Hepar præ aliis partibus humoribus gravetur, talia sunt eligenda purgantia, quæ peculiari jure Hepar respiciunt. Similiter, obsessis multum Pulmonibus, aut Cerebro, aliisve visceribus, ejusmodi sunt eligenda purgantia, (quantum quidem fieri potest) quæ hisce partibus respectivè sunt appropriata. Sin verò non occurrant simplicia purgantia nonnullis partibus satè speciatim dicata, aptâ aliorum ingredientium istis partibus familiarium admixtione eorum defectus supplendus est.

Denique (quoad fieri poterit) purgantibus directè morbi essentiæ oppositis insistere co*nandum est. Hoc nomine Rhabarbarum præ Rhabar-*
bari in hoc affectu aliis usus.

aliis simplicibus commendamus. Est enim medicamentum moderatè calidum & siccum, spiritibus insitis omnium partium sat̄is familiare, & amicum, torporem spirituum benignè excutit, mollitatem laxitatēmque partium firmat, internam lubricitatem nonnihil corrigit; pulsum ad artus evocat, calorem externalium partium auget, internalium & imprimis earum, quæ nutritioni inserviunt, vigorem & activitatem fovet. Adde quod rarissimè (modò justâ dosi exhibetur) superpurgationem invehat, medicamentum profecto omni etati & complexiori sat̄is tum.

Hisce jam præmissis, nonnulla simplicia purgantia, quæ huc spectant, nec non paradigmata quædam compositorum proponenda sunt. Neque etiam quidquam prohibet, quin multa ex lenitivis suprà citatis, huc quoque, diverso tamen respectu, referantur: Illic enim respiciuntur ut acuant lenitiva alias ignoraviora; hic verò potius ut temperant purgantia fortiora.

*Purgantia simplicia, tum composita
officinalia.*

Manna, Cassia fistularis, Tamarindi, Myro-
bolanorum genera, Rhabarbarum, Aloë, syr. rof.
solut. de cichor. cum rhab. dupl. Augustan. Scam-
monium, Agaricus, sem. Carthami, mechoaca-
ra, Falappa, Turpethum, Mercur. dulcis, syr.
ros

ros. solut. cum Agar. Epithymum, Polypod. quer-
cin. senna, syr. magistralis ad melanchol. de pomis.
Reg. sapor. Diabalzemer, Elect. lenit. de prunis.
solut. Elect. passulatum, diacathol. confect. Ha-
mech. Bened. laxativa, &c.

Extemporaneorum compositorum exempla
quædam.

Rx Syr. Augustan. 3ij. ros. solut. 3ij. aq. cichor.
 $\frac{3}{3}$ pro dilutione F. Potio exhibenda manè jejuno
 Stomacho.

Rx Rhab. opt. pulverat. gr. xvij. syr. de
 cichor. cum dupl. Rheo 3vj rosat. solut. 3ij aq.
 fol. filicis 3vj M F Haustus. Biliofis ut & Hepa-
 ticas maximè convenit.

Rx Folior. sennae, polypod. querc. Epithym. an.
 3i. rhab. opt. 9ij crystall. tartar. semin. fanic. dul-
 an. 9ij F Infusio in s. q. aq. fumar. s. a. pro 3j β Cola-
 turæ expressæ adde syr. magistral. ad melanchol.
 3vj aq. cinam. gut. vij. vel antepilept. Lang. 9 β
 M F Haustus. Melancholicis maximè designa-
 tur.

Rx Fol. sennæ 3ij pulp. Tamarind. 3vi semin.
 anis. glyc. an. 3 β tremor. tart. 9 β F Infusio in s.
 q. aq. fontan. per noct. Cum express. 3iij F sec. art.
 Emulsiæ ex amygd. dulc. decortic. 3 β semin. 4
 frig. maj. an. 9ij. pro 2 dosibus, addendo singulis
 syr. decichor. cum quadrupl. Rheo. manna op. an.
 3iij. Humores acres & adustos evacuat & con-
 temperat:

R Elect.

R Elec^t. lenit. ziiij rhab. Dij crem. tart. semen.
anis. an. Dßfl. borrag. anth. an. pß aq fumar q s.
F Infusio per aliquot horas, Colatur & per pannum
laneum densum facta zjss adde syr. de pomis
Regis saporis zß M F H.

R Folior. senna zjß vel ziij agar. trochisc. zß
sem. fænic. dulc. zß fl chame. N x Coq. in s. q.
aq. font. s. a. express. zx vel zjß adde syr ros. solut.
cum agar. zv. manna opt. ziiij M F Haustus. Hu-
moribus crassis & pituitosis potissimum dia-
tur.

R Fl. sambuci p. jrhab. Dij alapp mechoacnan
an Ejj crem. tart. Dß nucis moschat. gr. xv. F In-
fusio & levis ebullitio in aq fl sambuci & vini
Rhen. an. q. s. Colatur & zjß adde syr ros. solut. zß
vel zvj. F Potio. Pituitosis, Cachecticis, & hy-
dropicis convenit.

R Fol. sennæ zjß rhab. Dij agar. troch. Dij pul-
pa tamarind. ziij semen. anis. crem. tartari an Dij
fl. anth. p. F Infusio in s. q. aq. font. & levis e-
bullitio Expressionis zjss adde syr. ros. solut. cum
agar. magistral ad melanchol an. ziiij M F
Haustus. Mixtos humores evacuat.

R Mercurii dulc. gr. xv conserv. viol. zj pulv.
tragac. gr. j M F Bolus cum syr. viol quem capiat
mane superbibendo mox zj syr. ros. solut. in ha-
stulo seri lactis cerevisiati solutam. Comendari
potest Pueris qui vermis simul cum hoc affectu
laborant, uti & lue venereâ una insectis. Item
strumosis.

R

R Mercur. duli. gr. xiiij. jalapp. gr. xij. nucis myrist gr. β pulpæ passul. 3j M. F. Bolus cum gr. viol furnendus in Aurora. Loco jalappæ substitui posunt scammon præp. vel resin jalapp. gr. iij. vel iiij. Convenit Pueris simul stru-mosis, ut & iis qui Lue venereā suspecti sunt la-borare, iisque qui difficulter purgantur, & in-grata planè respuunt.

R Mercur. dulc. 3j. resin. jalapp. 3β facch. puriss in aq beton vel simili dissolut. 3iij vel 3β F. sec. art. Tabelæ pond. 3ijs vel 3j. Capiat unam pro dosi.

R Aloës socotrin. opt. gr. viij rhab. pulv. gr. xij. syr. rossolut q. s. F. Pilulae quas capiat Pacl-lus in cerasis conditis abditas exemptis osiculis. Poßunt & deaurari Pilulae commodioris exhibi-tionis ergo.

R Rhab. opt. 3ijs uvar. passar. excinat. Mj cerevis. commun. Infund. per 12 horas, de colatur à hismodi bibant Puelli qui noctu avidè potum expetunt.

C A P.

C A P . XXXIII.

Alterantia Specifica.

PRæparatis jam atque ex parte evacuatis morbi causis, vel saltem ita edomitis, ut ad tempus ulteriorem curationem non impediant, statim ad hæc *alterantia specifica* procedendum est; quæ quidem jugulum quasi ipsius morbi petunt, & quorum gratiâ ista cum præparantia tum evacuantia præmissa fuerunt.

Eorum definitio Definiri autem possunt hæc specifica, *Remedia que ipsi essentiae morbi è diametro contraria sunt, adeoque eam directè impugnant.*

& Divisi. Sunt autem ea vel Simplicia vel Composita; & simplicia quidem quæ nobis hactenus innotuerunt sunt sequentia. *Radix Of- munda regalis, seu potius spicæ radicis ejusdem abjectâ mediâ parte;* *Radix Filicis maris, item Turiones vel potius Gemmæ ejusdem vix dum è terra prorumpentes;* *Radices Graminis, Cichor, Asparag Rub. tinct. Eryng Herbae capillares, Cete- rach, Lingua cervina, Hepatica, veronica mas, flores & folia Lamii, Borrag. salvia, Rorismar. Tamarisci; Abrotонum, Absinth. pontic. Cheli- don maj. Crocus, Radic. curcumæ, Radic. Sar- saparill. Saffafr. Chinae, Tria santala, Lignum Gu-*

Guajaci ejusque cortex; flor. Sulph. Chalybs præpar. Crocus Martis, Sal Chalyb. vinum chalybeatum, sýr. Chalyb. vinum album Gallicum & Rhenanum, sperma ceti, Moschus, Ambra Grysea, Castoreum, vermes terrestres, Fecora Ranarum & Pullorum Corvi, Millepedes vino albo lota & in cibano siccatae ac pulveratae, & similia.

Si quis autem quærat quo modò quáve Oppositiō
inter mor-
bum &
hæc speci-
fica. actione medicamenta hæc affectūs hujus essentiam specialiter impetant:

Respondemus fortè non necesse esse, ut ad Asylum istud ignorantiae, *occultas qualitates*, statim confugiamus; sed in memoriam revocandas esse partes essentiæ hujus morbi cùm primariæ, tum secundariæ suprà descriptas: Siquidem factâ collatione inter illas partes & hæc medicamenta, haud obscuram contrarietatem ac repugnantiam erga illa invicem deprehendemus. Morbus enim hìc consistit in *intemperie frigida & humida, in spirituum insitorum inopia ac torpore, in toni partium enervatione*: E contra remedia hæc calefaciunt & siccant, *spiritus insitos fovent, torporem eorum excutiant, tonumque firmant*.

Porrò quandoquidem cum caliditate ac siccitate remedia hæc insignem obtinent friabilitatem ac tenuitatem partium, sit, ut non tantum viscida incidunt, crassa attenuent, sed & æquationem quandam omnium succorum in massa sanguinea fluitantium concilient,

æqua-

æqualēmque (habitā ratione distantiae à fonte caloris) distributionem tum caloris tum sanguinis procurent. Hinc partes externae prius extenuatæ liberaliori alimento calorēque fruuntur, parenchymata viscerum mole nimirūm aucta, à crassioribus & viscidioribus sucis alimentariis liberantur, & nonnihil indē imminuantur; hinc irrationalis illa partium nutritio, seu *ἀλητεροπίδια*, à quā tanta vitiorum organicorum series dependet, emendatur. Denique remedia hæc partes nervosas quoq; ipsāmque spinam dorsi nimis debilem robabant, ac fovent.

Dicas, omnia simplicia à nobis suprà citata non hæc omnia plenè perficere. Concedimus Nam *santalorum genera*, licet suā sic citate, friabilitate ac tenuitate partium fortiter hunc affectum impugnant, suā tamen frigiditate videntur potius ad morbi partes accedere. Dicimus ergò hujusmodi simplicia per se sola non esse administranda, sed aliis duntaxat admixta, quæ qualitatēm noxiām fatis corrigunt. Similiter nonnulla simplicia impensè calida, ut *Crocus*, *Castoreum*, *flores sulphuris*, &c. Huic morbo multū repugnant, sed in usum non sunt vocanda, nisi prius contemperata. Porrò *Sarsaparilla*, *sassafras*, *Osmunda regalis*, *Filicis genera*, *Herbe capillares*, *Ceterach*, *Lingua cervina & similia*, caliditatem ac siccitatem simul junctis cum insigni frig.

friabilitate ac tenuitate partium plurimū ad æquationem sanguinis, tum ad multas alias morbi partes subigendas contribuunt. Verū partes nervosas ac fibrosas vix satīs roborant firmāntque ; quare Cephalicorum admixtionem desiderare videntur. Adhæc , *Lignum Vitæ*, suo calore, siccitate, friabilitate, resinosa ac balsamicā substantiā, tonum partium multū firmat, nonnullisque aliis morbi partibus contrariatur : cùm tamen parūm conferat ad æquationem succorum in massa sanguinea contentorum, quin potius eam fortè impedit, non sine summa cautione, correctūmque & exigua quantitate est præscribendum. Denique ex simplicibus hīc recitatis nonnulla magis ad vires omnes corroborandas quād ad morbi essentiam debelandam recipiuntur ; ut *Salvia*, *Moschus*, *Ambra grysea*, & similia, quæ non nisi aliis efficacioribus magisque appropriatis admixtis in usum veniunt.

Quòd si quis ulteriū quæsiverit quānam ^{Quæ ex} simplicia ē propositis efficaciora ac nobiliora ^{specificis} _{fint nobiliora.} sint estimanda ; huic regulis sequentibus respondet.

1^o Illa sunt nobiliora medicamenta, quæ simul pluribus essentiæ morbi partibus opponuntur.

2^o Illa, cæteris paribus, nobiliora habenda, quæ primarias essentiæ morbi partes directe impetunt,

petunt, præsertim si simul faciant ad æqualem distributionem sanguinis & caloris, quâ tot vitia organica corriguntur.

3º Quæ cæteris morbis essentia partibus eminentiori gradu, ita tamen ut vires ea ferant, contrariantur.

4º Quæ unda & morbo adversantur & naturæ similia ac familiaria sunt, eique quæm minimam vim inferunt.

5º Quæ magis grata puello laboranti sunt, minorèque cum molestia atque aversatione admittuntur.

His jam præmissis Paradigmata quædam medicamentorum compositorum subjicienda sunt.

Apozemata & Cerevisiae Medicatae.

R. Rad. osmundæ regal. spicas N° vi.
Herb. veronic. maris. ling. cerv. ceterach,
capill. vener. hepatic. an. Mj. salvia anthus;
an. Mß. passul. minor. 3ij. glyc. hispan 3ß. ma-
cis 9ij. coq. in ltvj. aq. fontan f a. Rx. Colatura fibij
addit. syr. capill. vener. 3ij. M. F. Apozema. Ca-
piat puerlus haustulum hujus quotidie manè, hora
quarta pomeridianâ, tum etiam noctu, si potum
tunc petierit. Immo si voluerit, utatur eo pro potu
ordinario. Tussi & obstruktione Pulmonum si
mulcum hoc affectu graviter afflicti maximè
convenit.

Rx Fol. Osmundæ regal. ling. cervin. hepatis.
Ceterach,

ceterach, s. tamarisc radic filic. maris an Mj passul
 minor. ii santal. alb & rubr. ligni sassafras an. zii
 semen coriandr. 3j macis 3j sol. salvia Mj Coq. i;
 sq. aq. font. sec. art. ad libij. Colatura edulcoretur
 sacc. vel melle, pro Potu ordinario. Hepaticis hoc
 affectu laborantibus succurrit. Rx sarsaparill. in-
 cis. & optimè contus. 3iij radic. chine in taleol.
 concis. 3j. Infund & coq. f art. in libvij aq. font.
 ad libvijβ tum adde radic. sassafras 3iij Osmund.
 regal. ling. cervin. ceterach, capilli vener. lamii
 an. Mj glyc. hispan. 3iij macis 3j Coq. ad libij
 Colatura adde mell. vel sacc. 3iij M. pro Potu or-
 dinario. Conducit præcipue iis qui Lue venerea
 laborare suspecti sunt, ut & strumosis.

Rx Flor. Tamarisci recent Mj veronic. maris
 Mj leviter contund. & infund. frigidè per 6 ho-
 ras in libij cerevisiae commun. in Lagena lapidea
 vel vitrea, subere optimè clausa; pro Potu ordi-
 nario.

Rx Radic. sarsaparill. 3viii radic. chine 3ii
 ligni sassafras 3β eboris 3j Osmund. regal. veron.
 maris lingue cervin. ceterach, capill. vener. he-
 pat. summitat. lamii an. Mij. Concisa & contusa
 sec. art. coq. in Cong. iiiij cerevisiae recentis ad
 unius absumptionem, sublatis ab igne adde Cong.
 j. ejusmodi cerevisiae; agitentur simul baculo, &
 deinde colentur. Ingredientia eadem sacculo ex
 tela rara includantur cum frusto ferri in ejus
 fundo reposito, et suspendantur in cerevisia, tum
 addito fermento F fermentatio cerevisiae ad per-
 fectionem

Cc fectam

Etiam usque depurationem. Liquor limpidus post aliquot dies depromatur pro posu ordinario. Deinde ubi ad medietatis exhaustionem deventum fuerit, excipiatur reliquum lagenis lapideis vel vires, que subere optimè clausæ reponantur in loco frigido ad usum.

Rx Vini chalyb. 3*β* syr. de cichor. cum rhab. 3*ij*
Bibat aeger quotidie manè per v vel vij dies aut plures, nisi fluor alvi, aut ventriculi debilitas prohibuerint. In quo casu, loco syr. de cichor. cum rhab. addatur syr. de rosis siccis.

Fuscula et Panatelle.

Rx Scolopendr. Ceterach, hepat. capill. vener. salviae an. M*β* cort. tamarisci, santal. rubr. an. 3*ij*. Indantur ventri Pulli majusculti, aut Galline, vel Galli veteris, et consuto ventre Coq. cum 3*ij* passul. minor. in f. q. aq. font. additâque suff. quant farinæ avenaceæ purioris. F Fuscum perfectè coctum.

Rx Radic. Chine in taleol. concis. 3*ij* sarsaparill. alb. et medullosoe incis. et optimè contus. 3*ij* Infunde per noct. in libx aq. font. Manè post levem ebullitionem inde Colatura & ling. cervin. veron. maris an. M*j* macis 3*β* passul. corinth. 3*j*: et cum carne vervecina, vitulina, vel capon. additâ farinâ avenacea F. f. art. Fuscum.

Quod si tenuiora juscula desiderentur, loco farine crusta panis incoqui; sin vero crassiflora, mica panis cum vitellis ovorum admisceri poterit.

poterit. Porro ob debilem Puelli coctionem nonnunquam cochlearia aliquot vini addantur.

Panatellæ ex ejusmodi jusculis colatis, iterumque cum mica panis coctis, additis tandem, ubi ab igne sublatæ fuerint, butyro et sacch. q.s. confiantur. Eadem quoque è decoctis modò præscriptis, nisi forte quid amarum aut aliter ingratum contineant, cinnentur. Præterea panatellæ, pulticulæq; communes, uti & juscula ordinaria, 'pulveribus modò scribendis alterari, adeoque huic morbo curando appropriari queunt. Sin verò ex lacte Pulticulæ parentur, & farinâ tritici incrassentur, præter istos pulveres tantillum croci inter coquendum addi convenit. Quod si quid in Pulveribus minus gratum, aut quod nauseam moveat, deprehendatur, id omittatur, aliudque (si res ita exigat) quod gratius est in ejus locum substituendum.

Pulveres & Electuaria.

R^e Radic. filicis maris (vel potius) Gemmarum ejusdem vixdum è terra prorumpentium, et in umbra siccatarum spicar. Osmund. regal. an. 3ij macis, semin. anis. an. D^r croci gr. β F. Pulvis. Dosis à D^r ad 3j in lacte, sero lactis cerevisiato, apozemate aliquo, juscule, panatellis &c.

R^e Medullosoe part. radic. sarsap. 3ij radic. chima 3j radic. sassaffras 3j semin. carni et co-

Cc 2 rlandr.

riandr. an. ♂ radic. filic. mar. Osmund. reg. an.
Huius M F Pulvis qui usurpandus, ut prior.

Rx Milleped. aqua prius, deinde vino alb. lot.
in cibano post extract. panem siccatur. q. v. F Pul-
vis. Dosis similiter ♂ ad ♀ in jusculis &c. ut
suprā. Eodem modo præparata jecinora Ra-
narum & Pullorum corvi pulveris. Præscii-
buntur.

Rx Flor. sulph. iij spec. diarrhod. Abbat. diatr.
santal. an. ♂ croci gr. 3 facch. crystallini jjij
Pulverata subtilissime cum aq. ros. rubr. q. f. F
Pastalento calore siccanda, que densò, ubi usus fert
inpulverem redacta exhibentur at 3i.

Rx Conserv. rofar. rubr. iij fl. borrag. lamii,
salvia, anthus an. 3β chalyb. præp. 3j cinam-
glyc. Hispan. an. 3β croci ♂ santal. rubr. ♂ Pul-
verat. pulverand. F. f. art Elect. cum syr. de
cich cum rhab. q. f. Capiat ager 3g ♂ vel 3j
quotidie manè, vel per se, vel in cochl. seri lactu
cerevisiati, vel decocti alicujus appropriati, vel
etiam vini.

Rx Conserv. fl. lamii 3j fl. borrag. salvia, ca-
ryoph. rubr. anthus cortic. myrobalan. in Ind.
condit. cortic. citr. an. 3β santal. rubr. cinamglyc.
Hispan. an. 3β salis thalyb. vel ejus loco croci ♂
syr de absinth. q. f. F. Elect. Dosis & modus u-
tendi ut prioris..

Cap.

C A P . XXXIV.

Corrigentia symptomata.

Symptomata nonnulla huic affectui supervenientia, aliquando legitimam curandī rationem anticipant, peculiarēmque tractandi rationem exposcunt. Hujus generis sunt *Fluor Alvi*, ut *Diarrhœa*, cui frequenter aliquid *Lienteria* est admixtum; *sudores profusi*; *Dentitio laboriosa*, *dolorque Dentium*.

Fluxus alvi hunc affectum frequenter sequitur; qui cū ubi diutiū perseverat, aut paullō violentior est, facilē vires dejiciat, ipsaq; solidas partes eliquet & absument, manifestē naturam causæ induit, & ut causa suam indicat correctionem. *Dysenteria* rariūs huic morbo accedit, *Diarrhœa* verò cum *intestinorum terminibus*, vel cum *Lienteria* complicata satis frequens. Etenim ob partium coctioni inservientium debilitatem, cū Diarrhœa, tum Lienteria facile, non item *Dysenteria*, supervenire possunt. Concurrunt tamen frequenter & aliæ causæ; ut *ingesti cibi* vel *quantitate nimii*, vel *qualitate vitiōse*, *febris aliqua*, *vigilia*, *dentitio laboriosa*, *Lumbrici*, &c. Quæ omnia quoque diarrhoeam vel lienteriam, potius quam *Dysenteriam*, facilē pariunt. Ad cu-

Fluxus
Alvi.

Cc 3

ram

ram quod attinet, perficitur ea partim *pur-gantibus*, partim *sedantibus* & *adstringentibus*, partim *aperientibus* simulque partes *roboranti-bus*.

Ejus cu-
ratio

Purgantia hic convenient ea quae evidentem adstrictionem post evacuationem relinquunt: ut *Rhabarbarum*, *senna*, *Tamarindi*, *myrobala-ni* &c, Ex quibus, pro re natâ, ut plurimum vel *Bolos* vel *Potiones concinnamus*, quod sub illis formulis facilius deglutiuntur. Ut,

R Conserv.rosar.rubr. 3ʒ Rhab.opt. pulv.gr. xij.syr.de corall.q. s. F *Bolus deglutientius mané*. vel

R Pulp.Tamarind.3j rhab.pulv.gr.vij facch. ros.3ʒ syr.cydon.q.s. ut F *Bolus*. Loco hujus syr. substitui possunt syr. myrtil.granat. de corall. menh e. Vel

R Fol. sennæ elect. 3ʒ rhab. 9j pulpa ta-marind. 3jʒ semin.anis. contus.gr.x F Infusio in f.q.aq.fontan. levisque ebullitio. R Colatura 3jʒ syr. de rosis siccis 3ʒ misce, F *Haustrus*. Vel

R Aq.plantag. vel aq.cichor. vel saxifrag. 3j rhab. pulv.gr.x. syr. de rhab. *Augustan*. syr. de rosis sicc.an.3ij M F *Potio*.

Notandum, aliquando paullò pleniorem evacuationem requiri posse, nimirum ubi fluxus ipse parcus processerit, vel non diu perseveraverit, & interim materia peccans copiosa in corpore collecta fuerit. In quo casu, loco syr.rosis siccis, drachma aliquot syr. ros.

rof. solut. syr. August. vel de cichor cum rhab. vel manne substituantur: tutiū verò plerumque est dosin Rhabarb. aut etiam sennae augere, non omisso syrupo de Rosis siccis.

Vesperi post purgationem gr. x. diacordii in vino cum caryophyllis & tantillo cinamomi cocto, & tertia parte aq. papav. rhæad. diluto, syrupoque aliquo cordiali, ut caryophyllorum edulcorato, virium instaurandarum, fluxusque sedandi gratiâ concedantur: vel, si fluxus pertinacior sit, 3ij diacodii pro vice loco syrapi prædicti, admisceantur. Vel,

R Posseti, è lacte & vino albo parati, detracto coagulo, quod aromatizetur tantillo croci in nodulo ligati, in id immersi leviterque expressi donec pallidae flavedinis tinturam acquisiverit, 3jβ confect. Alcherm. 3j cortic. granator. pulv. gr. viij diacodii 3ij M E Potio horâ somni propinanda. Vel

R Laudani dispensatorii Londinensi. gr. 5 magister. corall. gr. xij conserv. caryoph. vel rosar. rubr. 3j syr. cydon. q. s. ut F Bolus deglutiendus vesperi horâ somni.

Quod si obstrunctiones adfuerint, *Crocus martis* vel *sal chalybis* manè præscribantur:
Ut,

R Conserv. ros. 3j radic. cichor. condit. cortic. myrobalan. in India condit. an. 3β salis chalybis 3β vel, croci martis 3j cinam. glycyrrh. coral. rubr. an. gr. xviii. croci gr. ijs syr. de cichor. sine rhab.

Cc 4

rhab.

*rhab. q. s. F sec. art. Eleet. de quo capiat quotidie
mane 3³. In hunc etiam usum ferrum candens
extingui potest in potu ordinario.*

In Fluxu pertinaci aliquid *conserve* vel
fyr. Prunellarum sylvestrium edulis admis-
ceri potest, ita tamen, ne ea reddantur in-
grata.

**Sudor
immodi-
cus.**

**Cautio in
eius re-
frictione.**

*Sudor profusus modumque excedens peculiare
aliquando medico negotium in hoc affectu
facebit. Quippe qui vires multum dissipat,
morbique curationem remoratur.*

*Cavendum tamen est, si forte febris ad-
fuerit, aut Paroxysmus aliquis febrilis calór-
ve immodicus præcesserit, ne temere coérce-
atur. In his enim casibus criticus esse possit,
vel saltem plus utilitatis corpori ex mitigati-
one febris calorisve quam damni ex virium
jacturâ adferat Nescimus enim an quidquam
potentius aut etiam suavius febrilem calorem
solvat quam ipse sudor.*

*Interim, quando inordinatè fluit, & præ-
ter causam, (quam scilicet amovere queat)
arguit corpus obstructionibus, crudis inutili-
busque succis & superfluitatibus gravari,
quos dum regere ac domare satagit natura,
ex ipso labore (concurrente una laxitate par-
tium cutanearum) in sudorem profunditur,
& quidem inutilem ac laboriosum virésque
depopulantem, qui idcirco quamprimum
corrigendus est. Huc respexisse videtur Hip-
pocrates,*

pocrates, ubi dicit, *sudorem illum, qui præter causam fluit, purgationem postulare*. Quid enim commodiùs has superfluitates minuat & eliminet? Deinde motus hic sudori contrarius est. Unde inter remedia huic symptomati opposita primum locum meretur, & cùm viam sternat aperientibus cutémque firmitibus & coctionem promoventibus (quæ ultimam partem curæ absolvunt) iis jure præmittendum est.

Purgantia hue spectantia sunt, illa quæ naturæ amica & familiaria observantur, quæque simul obstructa aperiunt, visceraque roborant ac firmant: quæ omnia an ex simplicibus quidquam efficacius quam ipsum *Rhabarbarum* præstet, dubitamus. Omnia tamen, cùm simplicia, tūm composita supra cap. de electivè evanuantibus proposita, pro variâ ægrotantis conditione, huc à prudenti medico transferantur. Aliqui *Cerevisiam Rhabarbaro medicatam* hīc multūm commendant; Ut,

R. Rhabarb. in taleol. incisi zj uvar. passar. exacinata. & incis. 3j cerevisie tenuioris fibij Indantur lagenæ lapideæ vel vitrea subere optimè clausæ, quæ in loco frigido reponatur, sepius agitata, ante usum vero iterum subsidant per diem unum, deinde depromatur liquor pro potu ordinario. Exhausto liquore Lagenæ denuo repleatur cerevisia sed absque novo Rhabarbaro.

Porro

Porro nobiliora aperientia quæ simul coctionem promovent, inutilem sudorem reprimunt, ut *vinum Gallicum & Rhenanum*. Quod si horum calor in tam tenerâ ætate metuantur, temperari possunt *pomis assatis aq. ros. rubr. borrag. addito saccharo & tantillo nucis moscat. rafe*; propincentur etiam in minori quantitate, & tantum tempore pastus.

Sunt & aperientia efficacissima, quæ non tantum coctionem juvant, sed & simul omnium partium tonum, præcipue viscerum, firmant ac roborant. Inter quæ, præ cæteris *Chalybeata commendamus*, ut *vinum Chalybeatum, Elect. Chalybeatum supra descriptum, & similia*. Verum licet Chalybs reipfâ ea efficaciter præstet, quæ diximus; cum tamen is nonnullis aliis scopis magni in hoc affectu momenti non usquequaque respondeat, quin potius nonnunquam ex una parte plus noceat quam ex altera prosit, *Cautiones sequentes circa ejus usum hic proponere visum est.*

Cautiones circa chalybis usum in hoc affectu. 1^o Quandoquidem Chalybs *Pulmonibus* inimicus sit, facileque sævum pituitosæ materiae fluxum in tenellis corporibus conciter; ubi Catarrhus, Tussis, Infarcitus, Pulmonum, multoque magis Inflammatio quævis, Pleuritis, sputum sanguinis, aut dispositio ad quemvis horum affectuum adest, ab ejus usu planè abstinendum est.

2^o Cum Chalybs parum aut nihil ad portio

æqua-

æquationem sanguinis contribuat, quin potius contrà (ut ut attenuet caseosam & pituitosam sanguinis partem) ad ejus tamen separationem à reliqua massâ sanguinis ob vitriolatam aciditatem simul faciat, omnino circumspectè admittendus est, præsertim vi gente illâ massæ sanguineæ inæqualitate.

3^o Cùm vis attenuandi, incidendi & apriendi in Chalybe cum insigne siccitate & adstrictione conjuncta sit, illösque idcirco humores, quos fortè non dissolvat & discutiat, magis adhuc impingat; in alogotrophia ossium notabili ejus usus est suspectus. Etenim metus est nè curtas ossium partes minùs que debito nutritas nimirum constringat & consolidet, unde postea minùs promptè secundùm longitudinem accrescant: partes autem protuberantes (ut & convexa ossium latera) liberalius nutritas cùm dissolvere non valeat, amplius confirmet & contumaciores reddat, eas nimirum plusculum condensando & indurando.

4^o In omnibus acutis febribus **Chalybis** usus noxious est, quòd nimirum partes deficcat & constringat, immo eo ipso quòd sudores reprimat, humorésque acriores ac ferociores præstet.

Hisce cautionibus ritè observatis, **Chalybis** usum in hoc affectu admittimus: verùm cùm medicastræ, Empiricique nequeant usum ejus ab

ab abuso distinguere, non suaderemus tam nobilis medicamenti usum sine consilio exercitati prudentisque medici, quando nisi circumspetè præscribatur, tanto cum periculo adhibeatur. Alia minoris notæ aperi-entia huic scopo etiam inservire possunt; ut radic. cichor. horrag. vel conserv. flor. eorundem, radic. gram. asparagi, filic. rubiae tintor. fol. ceterach, asplen. capill. vener. &c Inter com-posita, species diatr. santal. diarrhod abbat, &c.

Vellib. & involvib. non solum acommoda-

Re Sacch. opt. 3ij. solvantur in aq. ros. & coq. paullum ultra syrapi consistentiam. Deinde adde conserv. berberorum 3j. specier. diatr. santal. diarrhod. abbat. an. 3j. croci pulv. gr.j. M.F.

Elect.

Dentitic-
nis labori-
osæ, &
dentiū
doloris
curatio.

*Dentitio laboriosa, dolorque dentium, familia-
ria Rachitidis symptoma, cum febres, in-
quietudinem, vigilia, aliisque mala produ-
cant, peculiarem quoque merentur mitigationem.* Itaque si dens gingivam pertusurus
iusignem molestiam puello creer, statim ab
initio universalis aliqua evacuatio, nisi ea
paullò antea facta fuerit, instituenda est. Ut,
vomitus, qui dolori dentium potenter sub-
venire creditur. Proritari autem is potest,
vel sola gutturis titillatione, immissa pennâ vel
digito nutritis infantes puelli, vel etiam fricatione
dentis erupturi cum folio Tabaci circa nutritis
digitum obvoluto & cerevisia parum madefacto;

vel
ds

vel denique propinato haustu aliquo *Emetico*
suprà descripto. Non est autem remedium hoc
frequenter iterandum nè ventriculum nimi-
ùm debilitet. Sequenti die (dolore persi-
stente vel recurrente) *potio aliqua cathartica*,
bolusve ex suprà præscriptis aut similibus ex-
hibenda. Factâ hoc modo universali eyacu-
atione, ad *Topica* deveniendum. Solent nu-
trices dentem erupturum frusto *Corallii* in
hunc usum polito perficare. Medici potius
commendant *radices Altheæ*, quæ emolliunt
& laxant gingivas quò facilius pertundi pos-
sint. Aliqui pro secreto habent frictionem
dentis dolentis cum *radice lapathi acuti*. Alii
plurimū commendant frictionem gingivæ
è quâ erupturus est dens, cum *cristâ galli re-*
center abscissa, aut *sanguine calido ex isto vul-*
nere exstillante. Quæ in aures instillari solent,
in hac ætate non experti sumus; similiter
neque emplastra *Masticis, Olibani*, vel *de*
minio, quæ in adultis fluxionem sistere ob-
servantur. Aliqui parva *Empl. Epispastica*
ponè aures applicant, quæ fortè materiam
dentis dolorem inferentem revellunt. Sed
neque de his judicium nostrum interponi-
mus. Tantum non proficientibus universa-
libus, solemus ad *hypnotica* configere; quæ
quidem extra applicata parùm efficiunt;
intus verò assumpta, ubi ritè præparata &
correcta sunt, plurimū juvant. Urgente
eridit

ergo inquietudine & vigiliis haec vel similia
praescribimus.

R. *Diascord.* gr. viij syr. de meconio 3i3 vel 3ij
posset ex lacte & vino albo parati paucumque croco
tincti 3j vel 3x Misce, & capiat hora somni nocte
ista que purgationem proxime subsequitur.

R. *Laudani dispensator.* Londinensis gr. β pulv.
cord. è chelis cancror. gr. x. conserv. caryophyll
9j syr. meliss. q.s.F. Bolus deglutientes vesperi
hora somni. Atque haec de corrigentibus
symptomata.

CAP. XXXV.

Remedia externa.

Absoluta tandem disquisitione de materia
& speciebus internorum medicamento-
rum, ad *externa remedia* sermo noster diri-
gendum est. Quae quidem ad ultimum locum
reservavimus, non quod ea perpetuo ulti-
mo sint exequenda, sed quod diversi planè
generis sint ab internis : administranda vero
immediatè post evacuantia universalia, aut
saltem post electivè purgantia, simulque cum
alterantibus specificis, ad quorum genus per-
tinent, licet quatenus externa sunt, ab iis, ut
dictum est, differunt. Monendum hic autem
Externi remedii nomen paulò latius hic à
nobis

nobis accipi, adeò ut *omne medicamenti genus,*
quod propriè neque ad Chirurgica, neque ad intus assumpta referatur (modo in hujus affectus curatione usum habeat) sub se complectatur.

Dividimus ergò id in duo genera, *viꝫ. Exercitii modos, &c Extrinsecus applicanda.*

Exercitii modi seu genera.

Exercitii modi seu genera omnia, pueris consueta, suo loco & tempore in usum venire possint. Quandoquidem autem Puelli Rachitide laborantes motum nonnihil aversentur, atque ob virium languorem & exercendi defuetudinem statim à curationis principio vix, aut nè vix quidem violentiores motus perferrant; à mitioribus exercitiis perpetuò ordinandum, & dein paulatim gradatimque ad fortiora progrediendum: similiter breviori tempore ab initio, postea autem longiori absque intermissione sunt continuanda.

Distinguimus ergò Exercitia in *leniora, & fortiora, seu mascula.* Leniora referimus ^{Divisio Exerciti- orum.} 1° ad *morem decubitus.* 2° ad *Agitationem in Cunis.* 3° ad *Gestationem vel Tractationem in ulnis vel manibus Nutricum.* 4° ad *Lusus sedentrios.*

1° *Decubitus supinus* inter omnes corporis positiones maximè ab exercitio recedit, & in extrema virium debilitate ferè solus convenit, ut in febribus acutis, exhaustis jam viribus

Varii de-
cubitū
mores.

bus. Solus etiam in multis Thoracis & Hypochondriorum casibus convenit, ut frequenter in Inflammatione Hepatis, Lienis, Pulmonum in Pleuride, in Adnascentia Pulmonum cum Pleura, in Empyemate, &c.

Decubitus lateralis versus supinum sive dexter sive sinistram quam proxime ad hunc decubitum accedit, & tantillum de natura exercitii participat. Quare convenit etiam in magna virium debilitate saltem positionis corporis mutandae causâ, ut & quando profundior somnus non expectatur. Porro & proficuus est sati robustis tempore primi vel secundi somni, mutatis post justa intervalla lateribus. Sed non æquè forsitan iis postea convenit, præsertim corpore somno sati refecto. Tunc enim decubitus qui proprius accedit ad exerciti naturam potior est.

Decubitus simpliciter lateralis plusculum exercitii continet, & debilibus ac insuetis tempore profundioris somni vix quadrat; alias autem familiaris iis redi poterit, si paullatim ei assueverint. Robustis omnitempore, modo justa ratio debitæ variationis habeatur, competit.

Decubitus lateralis versus pronum laboriosus admodum est ac molestus, vixque ipsis robustis insuetis diu continuandus. Attamen paullatim per consuetudinem superatâ molestiâ, facilius toleratur; & cum dolores capitatis

tis sedet, concoctionem ventriculi promovet, colicos dolores mitiget, alvumque adstrictam lubricet, peracto somno naturae debito, in usum nonnunquam vocari, & in hoc affectu exercitii vicem supplere potest. Accedit enim interdum in hoc morbo, ut Pueri ad tempus aliquod vix citra damnum pedibus committantur, immo ut plus emolumenti ex ipso decubitu, quam ex deambulatione percipient. Etenim inflexos articulos deambulatio confirmat potius quam curat; decubitus autem, ubi partes debito modo fasciis munitae sunt, non parum ad eorum erectiōnem conductit. Deinde ad curtas partes proceriores reddendas, multum ipsa decubitus positio confert, quemadmodum cernere licet ex partium sec. longitudinem per morbos accretione. Tertiò Decubitus, ratione communium totius corporis involucrorum, facit ad caloris in omnibus partibus æquationem. Ultimò decubitus, si justa ratio sternendi lectum observetur, multum contribuere potest ad spinæ truncique corporis incurvationem erigendam. Etenim ubi in latus gibbosum decumbunt, parvus pulvillus in hunc usum aptè formatus sub extantibus partibus immitti potest, atque ita coaptari ut partes gibbae magna ex parte totius corporis onus sustineant, adeoque ad rectitudinem repellantur.

*Quando autem Puelli in
D d alte*

alterum latus devolvuntur, ità lectum sterni oportet, ut detracto pulvinari pars cava lectum vix tangat nisi se ad rectam lineam conformet, quò pondere suo ad rectitudinem deprimatur. Atque hæc de Decubitu.

Cunarum
agitatio.

II^d Decubitum proximè æmulatur exercendi illud genus quod Cunarum agitatione perficitur. Cunæ binis arcubus, seu portionibus rotæ, seu circuli, sustentantur: quò autem majoris circuli portiones sunt hi arcus, eò efficacius exercitium Puello præstant. Motus hic profundioris somni tempore intermit-tendus, aut faltem remittendus est; tempore vero vigiliarum per vices modò intenden-dus, modò remittendus est. Convenit maxi-mè debilioribus, vix dum peditibus insisten-tibus, aut aliter ab incessu impeditis.

Gestatio
in ulnis,
&c.

III^d. Gestatio in Nutricum obambulantum ulnis, iisdem propè Puellis, & sub iisdem conditionibus competit. Similiter Gesticula-tio Pnelli ad rythmum cantū, sive dum Nutricis genubus insidet, sive dum ejus manibus sustentatur, ut & ejusdem horum versum jacta-tio, frequensque elevatio & demissio, leniter apprehensis manibus, si puerus fortior sit, aut axillis, si debilior, ità quidem, ut crura & trun-cus inter movendum dependeant. Præterea tra-ctio & retractio Pnelli super lectum vel men-sam inter binas nutrices, alterâ manus, alterâ pedes apprehendente. Duo ultimi motus ali-quid

quid videntur contribuere ad spinæ curvæ seu inflexæ erectionem, præsertim si manus quæ humero depresso, & pes qui coxendici elevato inarticulatur paulò fortius quam altera manus vel pes trahantur. In eundem propè scopum collimare videtur *elevatio puelli, apprehensis solis pedibus, ita ut truncus & caput puelli inverso situ aliquandiu propendeant*, licet hæc actio videatur quoque nonnihil respicere Hepatis adnascentiam, si qua adfuerit: ut & *convolutio illa corporis, quâ demissō capite attolluntur pedes, iterumque elevato capite corpus totum invertitur*. Huc quoque referatur *rotatio illa Puelli, à nonnullis usurpata, super lectum vel mensam corpore lateraliter reclinato*: quam magis probamus si non integrè circumvolvatur, sed tantum volvatur ac revolvatur corpus, supposito duriusculo pulvinari, cui pars gibba incumbat, onusq; corporis sustineat. Hoc exercitium rectè admirandum multum ad corporis deflexi erectionem confert.

Vd. *Lufus sedentarii minimum inter omnia exercitia emolumenntum pueris Rachitide detentis adferunt, iisque placandi causâ potissimum pernittuntur. Utiliores verò erunt, quod magis eos ad movendos pedes provocant, ut, verbi gratiâ, si à nutrice erecto vel projecto coram pedibus corpusculo aliquo irritentur ad id calcitrando evertendum, vel*

D d 2 abigen-

Lufus sedentarii

abigendum. Quod si Puelli corpus incurvum sit, iij lusus adinveniendi sunt, quibus Puerus ad corpus in partem contrariam mouendum alliciatur. Ubi ergo alter humerus altero est depresso, allicantur ab isto latere ostensis superne pupis vel crepundiis manum humerumque simul elevare & extenderet, quo oblatum objectum arripiant. In numero propere ejusmodi particularia exercitia fingi possunt, quae Nutricum industriae relinquimus.

**Exercitia
mascula.**

Mascula exercitia majoris notæ ad tres titulos reducimus.

1^o. Ad *Incessum*. 2^o. ad *Artificiale corporis suspensionem*. 3^o ad *Frictionem & hydropochondriorum tum abdominis contrectationem*.

Gressus.

1^o. *Incessus, Gressus, sive Obambulatio* inter nobiliora exercitia numerari potest. Etenim Puelli ætate grandiores, ut & robustiores, quique hinc inde quotidie discurrere solent, hoc ipso, cæteris paribus, facilius affectum hunc excutiunt. Verum hoc exercendi genus iis non temere permittendum quorum articuli genuum, talorum aut vertebrarum dorfi nondum eo usque confirmati sunt, ut oneri corporis sustinendo sint parres. Ubi enim Pueri ex incuria Nutricum (ut suprà monuimus) præmatu're pedibus committuntur, facile fit, ut

articulos istos vel introrsum, vel extrorsum, antrorsum vel retrorsum, deflecti sinant, adeoque deformitati illi in debita corporis unctione occasionem præbeant. Porro illi puelli qui vel ex nativa debilitate & laxitate ligamentorum, vel ex incuria Nutricum malove usu, articulorum deflexionem jam contraxerunt, non sunt pedibus exercendi, donec ferulæ aliave munimenta, quæ articulos deflexos erigere erectosque fervare valeant, iis coaptentur : atque aliis interim proficiuis exercitiis, saltem non nocivis, partim superius, partim inferius descriptis assuefaciendi sunt. *Discursus Puerorum in suis curriculis* ità constructis ut eos à titubatione & casu inter incedendum defendant, in eundem scopum collimat, iisdemque legibus subjicitur.

II^o. *Artificialis corporis suspensio* perfici-
tur ope instrumenti cuiusdam pensilis ex
fasciis è arte formati, ut pectus sub axillis
complectatur, caputque sub mento alia fascia
circumdet, manusque binis ansis excipiat,
unde corporis onus partim à pueri manibus,
partim à capite, partim ab axillis in aëre pen-
dulum sustineatur, ita, ut ab adstantibus non
sine voluptate huc illuc impellatur. Hoc ex-
ercendi genus multis modis in hoc affectu
conducere creditur. Etenim ad ossa curva re-
stituenda, ad articulos deflexos erigendos, ad

D d 3 curtam

curtam corporis staturam prolongandam ;
conducit. Quinetiam, quod & alia præstant
exercitia, calorem vitalem excitat, unáque
überiorem alimenti ad partes externas pri-
móque affectas distributionem promovet :
atque interim puellis huic exercitio assuetis
voluptatem potius quam molestiam creat.
Aliqui, ut magis distendantur partes, calce-
os plumbeos pedibus adaptant, & contracti-
ori corporis lateri pondus adjiciunt, quò fa-
cilius partes ad æqualem longitudinem ex-
tendantur. Hoc autem exercitium solis robu-
stioribus competit.

Frictio.

III^o. *Frictio* quoque ad mascula exercitia
suo modo referri potest : non quidem respe-
ctu activi alicujus motus in Puello ad ejus
administrationem requisitam (siquidem
Nutricis potius actione quam Pueri perfici-
tur) sed ob consimilem vim & efficaciam,
quam habet in morbi hujus curatione. Vide-
tur autem Frictio dubii esse generis, & par-
tim ad exercitii, partim ad exterius applicando-
rum genus pertinere, quo respectu ad hunc
locum eam reservavimus, ut simul exercitio-
rum agmen claudat, & extrinsecus applican-
da immediatè præcedat. Administranda
hæc est (hyberno saltem tempore) coram
luculento igne, puello undique benè munito,
nè afflatu frigidi aëris laedatur. Perficiunt
hanc frictionem Nutrices aliæ *mām calidā*,
aliæ

aliae linteis siccis & calefactis, aliæ pannis laevis, aliæ verriculo. Et quidem aliquæ plurimùm laudant verriculum, cæterisque modis præferunt, verùm cùm tantillum interesse videatur quo ex his modis peragatur, singulos probamus, electionémque penè Nutrices sagaces permittimus. Cæterum ordiantur hanc frictionem à spina dorsi corpore pueri prono collocato, & manu modò sursum, modò deorsum, modò lateraliter promoteant, deinde illinc ad clunes, femora, suras, talos, plantas Pedum descendant, postea resupino collocato, pectus, ventrem, hypocondria, & latera, nec non anteriora crurum, tibiarum pedum, moderatè fricent, abstinendo tamen à frictione, quâ parte ossa prominent, & liberalius fricando partes eorum cavas. Non continuanda est hæc actio ultra levem ruborem in partibus excitatum, nè magis dissipetur quâm suscitetur nativus calor. Hoc exercitii genus maximè infirmoribus puellis convenit, quíq; aliâs statione aut gressu vix fati Valeant se exerceere. Supplet enim vicē hujusmodi exercitii, & calorē insitum excitat, vitalem evocat, alimentum ad partes affectas attrahit. Concedimus tamen frictionem paulò minus ad muscularum carnes, licet fortè magis ad partes cutaneas, nutrimentum ac calorē allicere, quâm exercitium propriè sic dictum, adeoque eam veris

D d 4 exercitiis

Critere-
atio
Abdomi-
nis.

Frequentis
Adnascen-
tia Hep-
tis in hoc
affectu
Causa.

exercitiis dignitate ac valore cedere. Ad Frictionem quam proximè accedit illa nonnullis usicata *Contrectatio ventris*, seu *Hypochondriorum & Abdominis*, qua viscera modo sursum, modo deorsum, modo dextrorsum, modo sinistrorum premunt, intrudendo nonnunquam digitorum apices sub costis nothis. Et sperant practici, neq; præter rationem, se hac actione Hepar à præternaturali quavis Adnascentia cum Peritoneo liberare, siqua fortè talis adfuerit. Atq; hic obiter notamus, talem *Hepatis Adnascensionem* in hoc affectu facile ob tensitatem Hypochondriorum & magnitudinem Hepatis accidere posse, unde pressè admodum arcteq; Peritonæum & Hepatis membrana conjungantur, conjunctaque diu in eadem positione maneant, adeoque tractu temporis promptè coalescant. Coalescentia hæc quatenus ab Hypochondriorum tensitate & mole Hepatis, ut diximus, dependet, non incongruè ad essentiam hujus morbi secundariam referri potest, viz: ad vitia organica, inter quæ recenseri meretur, quamvis supra suo loco casu à nobis fuerit omissa, ideoque hic visum est ejus mentionem facere. Hæc de Exercitiis, sequuntur *Extrinsicus applicanda.*

CAP.

C A P . XXXVI.

Extrinsecus applicanda.

REmedia hæc non tantum, ut diximus, frictionem prærequirunt, sed & plerumque cum ipsâ frictione, at leviori, administrantur. Sunt autem vel *generalia* seu *universalia* omnes partes ex æquo respicientia, vel *particularia* certisque regionibus corporis dicata. Generalium materia eadem ferè est quam suprà proposuimus *cap. de alterantibus specificis*: particularium verò varia pro varieta-
te regionū corporis quibus applicanda sunt. Formulae utriusque generis propè omnes communes videntur, & quinque numero occurunt: *Liquores*, *Olea*, *Linimenta*, *unguenta*, *Emplastrum*: quamquam Emplastrum certis potius partibus dicata, nunquam universo corpori simul applicanda veniunt.

Liquores in hoc affectu longo usu probati, *Liquores:* sunt *omnia propè vini genera*; imprimis verò *vinum moscatellinum*. Aliqui verò potius commendant vinisque præferunt *Cerevisiam Gedanensem*, seu *Prussiacam*, quæ quidem ad consolidandas & firmandas partes plurimūm, ad sanguinis autem æquationem ejusdēmque æqualem distributionem parūm aut ni-

Eorum
divisio
Genera-
lium ma-
teria.

hil

hil potest. Idem quoque judicium esto de *vino Alicantico*, ut & de *vino rubro*. Aliqui loco vini utuntur *aq. vita vulgari* quæ nihilo inferior vino creditur. *Decocta* quoque in eundem usum parari queunt. Ut,

R. Radic. Osmunda regalis, fol. salviae, fl. calend. fol. lauri, scolopendr. veron. maris an. M. β. rorismar. ros. rubr. siccata. an. p. j. Coq. in aq. fontan.
& aq. vita vulgari an. fbj. ad 3^o partis casum, Colatura servetur ad usum. Vel

R. Radic. Filic. maris 3j. fol. Osmund. regal. hormini, lauri, salviae veronicae mar. an M. β. F. Infusio in vino aliquo, & liquor colatus servetur in usum.

Cæterum liquores hi raro aut nunquam soli adhibentur, sed oleis, linimentis, vel unguentis, æquis ferè partibus admixti, & quidem coram luculento igne tepidi usurpandi, calidâ nutriciis manu donec exsiccantur afficti.

Olea.

Olea composita & probata in hoc affectu pauca admodum eaque vix satî efficacia in officinis parata servantur: *simplicia* verò paullo plura: ut *oleum vermium terrestrium*, *chamæ flor. calend. veron. maris*, è *pedibus bovinis*, quibus etiam addere possumus *ol. vulpinum, catellorum, Hirundinum*, modò hæc ultima simpliciora, & saltem absque impensè calidis parentur.

Oleum excestrense, licet eo nonnulli Practici utantur, videtur calidius, quam ut per se solum

Solum intam tenera aetate facilè probemus.
 Idem judicium esto de Ol. Castorei Facobi de
Manlius, ut & de plurimis Ung. antiparalyticis,
Ung. nervino, martiato, Aregon, & similibus.
 Torpor enim in hoc affectu non Paralyticus
 est, neque perinde ac in vera Paralyysi im-
 pensè calida expetit, neque etiam conjuncta
 partium flacciditas talia absque spirituum in-
 fitorum dissipatione facilè admitteret. Quare
 cùm hic morbus novus sit, si velimus olea,
 unguenta, vel Linimenta ei appropriata ad
 manum habere, oportet rectâ methodo com-
 positionem instituamus, nimirūm specifica
 alterantia suprà usitata, oleis vel pinguedini-
 bus debito modo admiscendo. Ut,

1^a Rx Fol. *salviae rubrae*, *veron. maris*, *anagali-*
lid. fl. calend. an. Mij. radic. osmund. regal. 3vi.
butyr. majal. fibrij. vini alb. fib. concisa herbæ, &
contusa radices coq. sec. art. ad vini absumptionem:
Dein F. Expressio dum adhuc calent, cui adde ol.
tnucis myrist. per express. 3j. Misceantur diligenter & post subsidentiam abjectis facibus, F. ung.
purum quod in olla vitreata reponatur ad usum.

Vel,

2^a Rx Fol. *chamom. becabung. nasturt. aquat.*
cochlear. hortens. veron. maris, cardiacæ capill.
vener. ling. ceruin. ceterach, lauri, summit. menth.
rubr. salviae rubrae rorismar. buccar. hederae an. M. radic. osmund. regal. 3iiij. vini moscatellin. fib.
butyr. majal. fibrij. Incidenda incisa & contunden-
da

Unguen-
torum in
hoc affec-
tum
compo-
neudi ra-
tio, & for-
mulæ.

da contusa coq. omnia ad vini absumpt. Exprimatur dum calet, & separato impuro sedimento F.s.art.ung. Vel,

3^a Rx Fol. salviae rubrae, Veron. maris, lingue cervin. Xiris, an. Mij. radic. osmund. regal. 3vj summitat. lavend. rorismar. fol. laur. an. Mβ. aq. vite vulg. Ibj. ol. è pedib. bovin ol. vulpin. an. Ibj sevi cervin. vel vervecin. vel medulla bovin ol. lumbricor. an. libj. Coq. ad consumpt. aq. vit. Exprimatur ung. dum calet, & separatis facibus reservetur in usum.

4 Rx Fol. osmund. regalis virent. M vj. anagalid. fl. calend. fol. salviae rubr. hormin. cardiac. becabunge, nasturt. aq. an. Mij. fol. rorismar. laur. an. Mβ. Conciqa omnia minutim, contundantur optimè in mortario marmoreo vel ligneo, pistillo ligneo, cum libv j butyr. non saliti, dein macerentur per dies 14. tum paullatim liquefiant in Balneo Mariae, & simul ac fervescere incipiunt F. Expressio, iterumque addantur herbae ut prius. Tandem ung. Expressum & depuratum recondatur in vasis idoneis ad usum.

Remedia
externa
particula-
ria.

1 Hypo-
pochon-
driis ap-
propriata.

*Hisce generalibus externis remediis nonnulla particularia certas corporis regiones spectantia subjungi possunt. Ut,
Si regio Abdominis præcipue Hypocondriorum tensa, dura, tumidaque fuerit, neque du-
rities, tensitas, tumörve purgationi debito modo administratae cesserit, ad hujusmodi topica deveniendum est; Ut,*

Rx ol.

Rol. de cappar. ab synth. sambucini an. 3ij ung. generalis primi suprà descripti 3jß M. F. Linim.

Vel,

R Ung. è succis aperit. Foesii 3ij ung. primi generalis 3ij. MF Ung. Commendatur etiam ol. saxifragae ex multiplici infusione & coctione ad herba concisa & contusa facta in ol. vulgar.

Tempore usûs hæc similiâque unguenta vel Linimenta cum aliquo appropriato li- quore facilioris penetrationis cauſâ misceri possunt. Ut,

R Flor. sambuci, fol. salviae rubr. contus. baccar. lauri, contus. santali alb. crassiusculè pul- verati an. 3ij vini alb. libij. Macerentur per 3 dies in loco frigido in ampulla vitrea subere accurate clausâ bis in die concutienda. Tempore usûs portio liquoris quæ pro una vice sufficerit effundatur colata, denuoque clausum vas reponatur in usum.

Vel, Si fortiorem malis,

R Radic. Bryon. alb. siccata. & incisar. baccar. lauri, sterc. anseri an. 3ij. semin. cymin. 3j. folior. salviae rubr. flor. sambuci an. p. j. Coq. in libjs. vini rhenan. ad libj. Colatura servetur in vase clauso, loco frigido.

Liquores hi similésve unguento commixti & ad ignem calefacti, calidâ nutricis manu Abdomini & præcipue hypochondriis ad ficitatem usque affracentur, simûlque nutrix istas partes molliter conrectet, viscera modò sursum, modò deorsum, dextrorsum, vel si- nistrorsum

nistrorum premendo ut supra dirigitur.

Egregie etiam hic confert *Balsamum de Tolu* unguentis vel Emplastris admixtum. Potest & ex eo fieri *Empl.* quod spinæ debili utiliter applicatur.

Emplastrum quoque huc nonnihil contribuere posse videntur. Ut,

R^c Cerati santalini ʒiiij. Gummi ammon. in vino Rhenano vel vino aliquo medicato modo descripto soluti, depurati, & ad spissitudinem iterum cocti ʒj. F.s.a. *Empl.* Hujus portio suff. extendatur super alutam & dextro hypochondrio coaptetur, vel etiam sinistro, si durities (quod raro accidere putamus) illic magis ureat. Vel,

R^c Succor becabung. nasturt. aquat. cochlear hortens. absynth. cortic. sambuci, radic. filic. maris an ʒj. succi depurati lento calore ad crassitatem fermè extracti redigantur, tunc adde in pulvrem subtilissimum comminuta santal. citrin. ʒiij. macis ʒjss.

R^c Mixtura hujus ʒjss. gummi ammon. in vino soluti & ad spissitudinem cocti ʒiiij. Misceantur calide, & continuè agitantur donec incipient frigescere & iudurari, & F. *Empl.* applic. ut prius.

Porrò Pulmonum malè affectorum gratiā nibus di-frequenter quoque peculiare ung. pectorale ex cata. usū est. In quo casu,

R^c ol. viol. lilio. alb. ung. & fl. arant. an ʒj. M.F.

M. F. Linim. calidâ manu pectori affricandum superimpositâ chartâ mollique lanâ intersutâ, vel panno laneo. Addi huic Linimento potest exigua quantitas Balsami Peruviani. Vel,

Rx Ung. pectoral. 3ij. ung. glyc. simpl. 3j. β. viol. 3j. M. F. Linim. eodem modo adhibendum.

Cæterum ung Glyc. simplex sic conficitur.

Rx Glyc. recent. & succulentæ 3iiij. butyr. recent. non saliti in aq. ros. loti libj. Glycyrrhiza incis. contundatur optimè cum butyro in mortario lapideo, postea simul frigantur in sartagine, tunc F. Colatura cum expressione, idemque labor ter iteretur cum pari quantitate novæ glyc.

Denique propter summam spinæ dorsi debilitatem quæ in hoc affectu frequens esse solet, Empl. quadam isti parti appropriata parari possunt. In Pharmacopœis exstant Empl. de beton. Diacalcitheos, cui tamen tempore usus addenda est mastich. oliban. pulv. an 3β. Emplastrum quoque Flos ung. dictum hoc referri potest, modò Caphura omittatur; Similiter & Empl. Nervinum. Vel,

Rx Ung. primi generalis 3ij. herbarum ejusdem compositionem ingredientium, minutim concis. v. ceræ citrinae 3iiij. resin. puriss. 3vij. Unguento, resinâ, & cera liquatis adde herbas & f.a. F. Empl. Vel,

Rx Ung. generalis tertii 3xx. lithargyr. auri triti & cibrati 3ix. Coq. simul spatula agitando ad Empl. consistent. Tum adde ceræ, picis burgundiace

³ Spine
remedii
externa.

ace an. 3ij. ol. nucis myrist. express. 3ij. mastich.
olibani myrrha an 3j. castorei 3j. vitriol. alb.
pulv. 3j. F. Empl. f. a.

Discrepant autem Practici in figura & applicatione horum Emplastrorum. Aliqui oblongam & angustam figuram eligunt, & sec. longitudinem spinæ applicant. Alii potius figuram latiusculam & propè triangularem probant, qualem nempe lumbis deorsum ad Coccygem usque extendunt. Nos manus ubi inferiores partes spinæ, tum crura ac Tibiæ, partes illæ nimirum quæ ab inferiori spinæ parte nervos suos mutuant, præ superioribus infirmæ sunt, formam posteriorem convenire posse, ubi verò potius superiores spinæ partes videntur debiliores, priorem & oblongam formam magis quadrare.

Similiter à nonnullis pro spinæ debilitate Linimentum commendatur, quod constat ex Gelatina cornu cervini, facta cum Nervinis, & radic. sigillæ Mariae, floribus salviae, & consolida. Tempore inunctionis admiscendum est aliquid ol. nucis myrist. per express. vel ol. lumbricorum terrestr. aut Adipis humani. Atque hæc de medicamentis externis.



FINIS.